



CC.3.

160



~~8-6-8-15~~

~~8.6.8.15~~

~~7.9.11.23~~



7. 2. 303.

MARCI VELSERI
RERVM BOICARVM
LIBRI QVINQVE.


Historiam à gentis origine, ad Carolum M. complexi.



AVGVSTAE VINDELICORVM,
Ad insigne pinus.

Cum privilegio Caesaris perp.

ANNO MDCII.



PRINCIPES BOICI,

*Q*ui quævis siue apud Boios, siue externos dominati sunt :
tum plerique qui hos, siue sanguine siue affinitate, attige-
runt. Intermixti qui Boijs exteri imperarunt. Vtrobique
interdum coniecturis indultū, quarum rationes explicata.

Libro primo.

SIGOVESVS. paginā 7.

BRENNVS. 13.

ATES & GALATVS. 21.

BRITOMARVS. 34.

GARGENVVS. 35.

MATALVS, siue MAGILVS. 40.

CHRIXVS. 41.

DVCARIVS. 43.

COROLAMVS. 55.

DORVLACVS. 57.

BOIORIX, CVM DVOBVVS FRATRIBVS. 58.

Libro secundo.

*Quibus T. B. additum, Tolisto-Boios spectant. Quibus M.
Marcomanos, sub quorum nomine Boij aliquamdiu
latuerunt.*

THESSALONVS, siue THESSALORVS. 70.

)(1 To-

- T. B. TOLISTVS, sine TOLISTO. 71.
 T. B. ORTIAGON. 75.
 T. B. CHIOMARA, Ortiagontis uxor. 78.
 T. B. PAEDOPOLITES, Ortiagontis filius. 79.
 T. B. SINATVS & SINORIX. 80.
 T. B. CAMMA, Sinati uxor. 80.
CLONDICVS. 83.
BOIORIX. 87.
 T. B. DEIOTARVS. 88.
 T. B. BOGO-DIATORVS. 89.
 T. B. ADO-BOGION. 89.
CRIXVS. 90.
 T. B. DEIOTARVS, Deiotari filius. 101.
 T. B. STRATONICA, Deiotari maioris uxor. 101.
 T. B. TARCVNDARIVS CASTOR, Deiotari maioris gener. 101.
 T. B. CASTOR, Tarcundarij filius, Deiotari maioris ex filia ne-
pos. 101.
 T. B. BROGITARVS, Deiotari maioris alter gener. 101.
 T. B. CASTOR, Dubium an idem cum superiore. 106.
 T. B. AMYNTAS. 106.
 T. B. M. LOLLIVS. 106.
 T. B. BOAMVNDVS & INGRAMVS. 106.
CRITASIRVS. 108.
 M. MAROBODVVS. 108.
 M. CATVALDA. 119.
 M. IYBILLIVS. 120.
MARICVS. 121.
 M. TVDRVVS. 121.
T. AVRELIVS FVLVVS BOIONIVS ANTONINVS PIVS. 122
M. AV.

M. AVRELIVS BOIONIVS ANTONIVS. 122.

FVLVIVS BOIVS. 126.

M. SALONIA PIPARA. 126.

M. ATTALVS, *Salonia pater.* 126.

ADALGERVS. 128.

M. FRITIGIL. 132.

KREINHILDIS, *Boiorum reguli filia, Attila uxor.* 135.

Libro tertio.

*Quibus B. P. additum, Boica principatum tenuere. Quibus
L. R. Langobardorum Reges ex Boijs fuere.*

B. P. THEODO, AGILOLFINGORVM PRIMVS. 147.

B. P. VTILO, &

THEODO VACARVS, *Theodomi primi filij.* 160. 184.

B. P. THEODIBALDVS, *Theodoni Vacari filius.* 183.

B. P. GARIBALDVS, *Alienus ab Agilolfinga familia, ut videtur.* 188.

THEODELINDA, *Garibaldi filia, Autharis uxor.* 192.

GVNDOALDVS, *Garibaldi filius.* 193.

GRIMOALDVS, *Garibaldi filius.* 193.

B. P. THASSILO, *Theodibaldi filius.* 194.

GAILA, *Gisulfi filia, Principis Boiorum uxor. Incertum an
Garibaldi secundi.* 208.

B. P. GARIBALDVS SECYNDVS, *Thassilonis filius.* 208.

GVNDOBERTVS, *Gundoaldi filius.* 209.

Libro quarto.

- B. P. THEODO TERTIVS. 211.
REGINODRVDVS, Childeberti an Theodeberti filia, Theodo-
nis tertij uxor. 211.
- B. P. THEODIBERTVS, Theodonis tertij filius. 217.
- B. P. HVGIBERTVS, Theodiberti filius. 223.
PLECTRVDIS, Hugiberti filia, Pipini Heristalli uxor. 223.
RODOALDVS. 224.
AGILOLVS. 225.
- B. P. THEODO QVARTVS. 228.
VTA, Theodonis quarti filia. 228.
LANTBERTVS, Theodonis quarti filius. 229.
- L. R. ARIPERTVS, Gundoaldi filius, Garibaldi nepos. 233.
- L. R. PARTHARITVS, &
- L. R. GYNDEBERTVS, Ariperti filij. 234.
RODELINDA, Parthariti uxor. 235.
SOROR PARTHARITI & GYNDEBERTI, Grimoaldi uxor.
235.
- L. R. CYNIBERTVS, Parthariti filius. 240.
HERMELINDA, Cyniberti uxor. 242.
- L. R. LIVTBERTVS, Cyniberti filius. 251.
- L. R. REGINBERTVS, Gundeberti filius. 251.
- L. R. ARIPERTVS, Reginberti filius. 251.
S. PETRVS, Liutberti consanguineus. 252.
- B. P. THEODIBERTVS SECVNDVS. Incertum an Theodonis
quarti frater. 252.
GYNDEBERTVS, Reginberti filius, Ariperti frater. 254.
REGINBERTVS & DVO FRATRES, Gundeberti filij. 254.

GYN-

- GVNTRVDA, Theodiberti secundi filia, Luitprandi uxor. 255
 B. P. THEODO QVINTVS. 255.
 B. P. THEODIBALDVS, Theodonis quinti filius. 256.
 B. P. GRIMOALDVS, Theodonis quinti filius. 256.
 B. P. HVGIBERTVS SECVNDVS, Theodonis quinti filius. 256.
PILIDRVDES, Franca, Theodibaldi uxor.

Libro quinto.

- B. P. VTILO SECVNDVS, Incertum an Hugiberti filius. 272.
HILTRVDIS, Caroli Martelli filia, Utilonis secundi uxor.
 278.
 B. P. THASSILO SECVNDVS, Utilonis filius. 279.
LVITPVGA, Desiderij filia, Thassilonis secundi uxor. 307
GVNTHERVVS, Thassilonis secundi filius. 307.
 B. P. THEODO SEXTVS, Thassilonis secundi filius. 307.
NAAMAN. 321.
 B. P. CAROLVS MAGNVS. 334.

EPISCOPI.

IVVAVIAE, *sive* SALIS-
BVRGI.

LAVREACI.

Rupertus.	211	Laurentius.	175.
Vitalis.	219	Ierardus.	175
Anfologus.	274	Eutharius.	175
Sauolus.	274	Maximilianus.	175
Ezius.	274	Quirinus.	175
Flobargisus.	274	Constantius.	179
Ioannes. idem Aquila ab Al-		Theodorus.	180
cuino appellatus.	274	Philo.	219
Virgilius.	304	Vinilus <i>sive</i> Viuilo. idem	
Bertricus.	327	Adda.	272. 274
Arno.	327		

BATAVIS.

REGINOVRGI.

Lupus.	212	Valentinus	179. 260.
Emmerammus.	228	Erchenfridus.	219
Ratharius.	268	Bruno.	221
Garibaldus.	274	POST HAEC LAVREACENSIS ET BATAVENSIS SEDES COALVERE.	
Simpertus.	308	Sidonius.	305
		Antelmus.	308
		Vifericus.	308
		Valdericus.	320

FRI-

FRISINGAE.

SABIONAE IN BRI-
XENQIBVS.

<i>Corbinianus.</i>	256	<i>Cassianus.</i>	178
<i>Erimbertus.</i>	274	<i>Ingenuinus.</i>	196
<i>Iosephus.</i>	308	<i>Constantius.</i>	308
<i>Aribo. idem Heres & Cy-</i>		<i>Praconius. siue Procopius.</i>	308
<i>rinus.</i>	308	<i>Constantius.</i>	308
<i>Atto.</i>	326	<i>Vrsus.</i>	308
		<i>Pigencius.</i>	308
		<i>Proiechus.</i>	308
		<i>Maturtinus.</i>	308
<i>NVENPV RGI.</i>		<i>Marcellus.</i>	308
<i>Manno.</i>	308	<i>Valerianus.</i>	308
		<i>Agnellus.</i>	308
<i>TIBVRNIAE, siue</i>		<i>Anrihanus.</i>	308
<i>TIGVRINAE.</i>		<i>Antonius.</i>	308
<i>Paulinus.</i>	179	<i>Laurentius.</i>	308
		<i>Ioannes.</i>	308
<i>EISTADII.</i>		<i>Almus.</i>	308
<i>Vilibaldus.</i>	282		
<i>Gerochus.</i>	326		

ARGUMENTA.

Libro primo.

Gentis origo. Nomen. Insignia. Transitus in Italiam, & res ibi potissimum, per annos circiter quadringentos, gesta.

Libro secundo.

Res in reliqua Europa, & Asia, ante constitutum in Boica principatum, à Boijs gesta. Bauaria nomen unde natum, & eius ad Boios analogia.

Libro tertio.

Pincipatus à Theodone in Boica constitutus, anno post Christum natum D VIII. Boicæ descriptio: quique eam populi ante Boios habuerint. Res gesta ad annum usque D CXVI..

Libro quarto.

Religio Christiana, Ruperto docente, recepta. Res in Boica, & à Boijs in Italia gesta ad annum D CXXX.

Libro quinto.

Reliquum historiae ad annum D CCLXXXVIII. Thassilo cum Theodone filio à Carolo Magno exauctoratus.

MARCI VELSERI
RERVM
BOICARVM

LIBRI QVINQVE,
AD MAXIMILIANVM

BOIORVM DVCEM.

Liber primus.



Pietatis tuæ in patriam fuit, Serenissime Princeps, uniuerſam Boiorum gentem, quæ ſiue iam nunc eſt, ſiue poſthac ſequetur, ſed & quæ præteritis annis unquam ulquam extitit, ab omni antiquitate, beneficiendo velle demereri. Quod viuus atq; præſentibus repræſentare, promptum & procliue, religione, prudentia, iuſtitia, æquitate, clementia, virtutibus regijs alijs, quarum fructus deinceps ad poſteros permanaturi ſunt, cum memorabili nominis tui commendatione. Sed quâ maiores, morte dudum functos, poſſint attingere, via nulla retrò eſt; niſi quod hoſce, in beatis etiam nunc ſedibus, ubi æternum æuum felices agitant, te talem tantumq;

A genu-

genuisse, lætari existimandum. Ceteroqui ad illos priuatim, unum beneficij genus pertinet, quod nemo unquā bonus contempsit, nominis, rerumq; gestarum famam, diuturni temporis vetustate languescentem, atque intermorientem, ex situ & tenebris, in vitæ quodammodo lucem & splendorem reuocare. Seriò enim, mortuorum vita, in viuorum memoriâ posita, memoria, sine litterarum monumentis, obscura & caduca est. Historiam itaque scribi voluisti: isti primùm fini, posterùm inde exemplo, documento, Boici generis bono uniuersè. Piè hoc. Illud prudenter, cum sub imperio tuo degerent homines eruditionis laude florentes, magna etiam exterorum quorundam fama esset, antetulisse ceteris, & legisse præ omnibus, scriptorem ex amica & fœderata potissimùm ciuitate, qui malevolentia, & inuidia, & adulationis causas, procul haberet. Veritatis hæc nimirum fiducia, virtutis conscientia est, narratori nullis affectibus obnoxio, res tuas tractandas credere. Nam nos sanè liberum pectus afferimus, nec inania scientes captaturi, nec rectè cuiusquam facta volentes pressuri, nec quæ secus euenere, ut in longo temporis curriculo multa utrimque accidere necesse est, parluri prodere, publicè interesse rati, fugienda sequenda iuxta notescere. Ceterum non sustineamus affirmare dubia, non item subducere, quæ vero accepimus similia. Magnitudinem oneris aspectu æstimauimus, versatum

fatum libratumq; deinde, sensim multò magis: superiorum annorum scriptores Boici, feramus si non subleuant, nisi verò aggrauant etiam, quamquam nullius labores obrectamus, res in confesso est: humeros tamen non subduximus, sed tuo freti maximè iudicio, memoriæ populi amici, belli pacisq; artibus incluti, pro virili parte lubentes consulimus.

IN Europæ diuisione, veteres multò maximam partem Celtarum populis tribuisse comperio. Regionem ad ambas Rheni ripas, quod Dio scripsit, Diolib. 39. tum hinc omnem quæ postea Gallia & Hispania fuit, Gades usque, uti Ephorus, inde porrò quicquid Eph. apud Strab. lib. 4. terrarum ad Scythas iacet. Celtiberiæ & Celtoscythiæ clara utrimque nomina, rei fidem ad posteros propagarunt. Extremas etiam sub Septentrione oras, Celtas tenuisse, ex Hipparcho pâret; hic solem æstiuas noctes perpetes in Celtica lucere memorat, quod, præterquam si qui ad ipsum prope cæli cardinem colunt, nulli hominum generi potest contingere. Ad miraculi speciem in fabulam auxit Eudoxus Rhodius, esse gentem circa Celticam, quæ Eud. ap. Apoll. hist. mirab. 24. noctu videat, interdiu non videat. Sed Celticæ appellationis fama, vetustate hebetata, de ceteris est obscurior: in Gallia, & quæ, nomine serò mutato, nunc Germania est, diutius tenuit. Ultra tamen

A 2 Rhe

Cæsar de bel.
Gall. lib. 3.

Genes. c. 10,

Ioan. Gor. Be-
can.

Etymol. u. Καλ-
va.

Rhenum arctata paulatim, accisis postmodum magis magisq; finibus, in ultima demum Gallia hæsit, partem eius complexa circiter tertiam. Nec est vocabulum Celtico vetustius, aut omninò aliud, quo Germanos Græci Latiniq; homines, ante inuentum Germaniæ nomen, uniuersè appellarint; cum priuata Celticarum gentium supersint. Nam quod sacrarum litterarum interpretes fere consentiunt, Ascenezem, natum Gomero Iapheti filio, cui Noë pater, imperium hac extendisse, uniuersæ genti nomen fecisse, & Hebræi ex vetustissima antiquitate hodieq; usurpant, reliquorum populorum linguæ nunquam sequutæ sunt. Scio Cimmericos & Cimbro nuper in hac causâ suffragatorem inuenisse, qui eos non Germanis tantum & Gallis, sed innumeralibus præterea gentibus, Aborigines ausus est asserere, secundis multorum sententijs, qui nouitatis ubique amor est. At præiudicatæ opiniones eualuere, nec Cimmericæ tenebræ ullis ingenij & litterarum luminibus satis potuere dispelli. Ego Celtas, qua longissimæ ætatis memoriam respicio, Galliam & Germaniam complexos reperio. Et præposteram ambitionem interpretor, Germanorum Gallorûq; principatum hac illac trahentium, quando uterque populus uno nomine olim census, iisdem originibus ortus censendus est. Græcos auctores habeo (quos penes tam vetustæ tamq; incertæ rei fides erit) conditorẽ fuisse Celtum, filium siue Herculis

ex Celtô, aut Celtine, aut Sterope, siue Polyphemi ex Galatea: Timagenes, simpliciter regem dixit. Sanè Herculem apud se egisse, Germani credi voluere, auctor Tacitus. Qui patria tamen sequutus carmina, originem Manno, filio Tuistonis, Dei terra editi, tribuere maluit. Nos hoc genus narrationes, quo merentur loco, seponimus, operam ijs ad aliquam veri speciem conformandis, non lufuri. Iosephus Moysæ historiæ interpretes non malus, Aschanaxem retulit (Ascenezem appellauimus) condidisse Aschanaxas, siue Rhegines: eo nomine si Rheni accolæ respexit, ut videri hominibus eruditis intelligo, iam Aschanaxes Celtarum generatim sit conditor, siquidem Galli & Germani Rhenum æquè accolunt.

Parthen. amat. c. 30.
Etymol. in Celtica.
Appian. Illyr.
Timag. ap. Ammian. Marcell. lib. 15.
Tac. de mor. German.

Ios. antiq. lib. 1. c. 11.

Celticam autem vocem, Cæsar indigenam esse pronuntiauit: inde tot eius notationes atque explanationes, haud ita dudum exortæ sunt, quot hominibus otio iuxta & ingenio abutentibus, vacauit excogitare. Earum ut una aliqua vera sit, fieri fortasse potest, ut certa & comperta nobis habeatur, fieri, quantum video, vix potest, itaq; cogitatò prætereo. Porro Celtarum gentes, quod pro terrarum spatio necesse, fuere multiplices. Neque nunc facile explicatu sit, quam quæque regionis oram, utram saltem Rheni ripam, primum occupauerit: nam nullis reliquis domesticis litteris, obscurum, atque incertum adeò est, si quid hîc exteræ suppeditant.

Cæf. bel. Gall. lib. 1.

Pol. lib. 1.

Bona fide Polybius, quæ à Narbone ad Tanaim in Septentriones vergunt¹, illa etiam tum ætate inexplorata fuisse omnia, somniorum loco quorundam de ijs dicta, scripta, habenda monuit. Id quam vellem sibi certi, huius & superioris memoriæ, scriptores, persuaderi passî, historias quæ dudum perire, duxissent perditas, iam illi nimium quantum operæ, quod inanibus coniecturis excogitandis exornandisq; posuere, potuissent compendi facere, lectores simul incredibili tædio, molestæ & absurdæ lectio- nis, ut meus saltem sensus est, leuare. Taciti sententia, hominis rerum nostrarum apprimè callentis, sua se verisimilitudine approbat, antiquitus utriusque partis populos, ut quisque eualuerat, occupasse permutasseq; sedes, promiscuas adhuc, & nulla regnorum potentia diuisas; ¹quantulum obstaret enim Rheni alueus, pari maximè utriusque tunc temporis ripæ libertate? Itaque, non, si alicuius aliquando gentis sedes, ultra citraue Rhenum, videbimur idoneis testibus posse constituere, consequetur ideò, primas illas fuisse & perpetuas, ab usque ultima origine: quandoquidem multas retrò migrationum vicissitudines latere, verisimile admodum, sed memoriæ, infiniti prope temporis diuturnitas, velum obduxit.

Tac. de mor.
Germ.

Celtarum Boij habiti, gens ampla & valida. Nomen Tarquinio prisco Romæ regnante, in Italia primum auditum est. Vetus poeta Simylus, Romulo olim

Sim. ap. Plut.
Romulo.

olim Rege, Capitolium à Tarpeia Boijs & Celtis
proditum significat,

Ἡ δὲ ἀγχοῦ Ταρπηΐα παρὰ Καπιτώλιον ἀΐπ-
Ναίουσα, Ρώμης ἐπὶ τείχεσσι.

Κελτῶν ἡ σέξασα γαμήλια λέκτρα χυμέας,
Σκηπτούχων πατέρων οὐκ ἐφύλαξε δόμους.

Etpaullò post,

Τινὲς οὐτ' αἶε Βοίοι τε καὶ ἔθνεα μυρία Κελτῶν
Χηράμυροι, ρείθρων ἐντὸς ἔθεντο Πάδου.

Ὅπλα δὲ Ἰπποεμβαλόντες δρεμανέων ἀπὸ χειρῶν,
Κούρη Ἰππυγεῖν, κόσμον ἔθεντο φόνου.

Sed palam falsus, illa quippe Sabinis prodidit.
Tarquinij regno, primus Bellouesus, plerisque Gal-
liæ populos, Elitouius inde Cenomanorum, ma-
num in Italiam duxit. Sequuti Boij & Lingones, in-
certum quibus profecti sedibus, & quo duce; ex
Celtica venisse conuenit. A Boijs quæ Laus Pom-
peia postea dicta, condita; & Pado traiecto, Etruscis
atque Vmbris pulsus, magnus agri modus, & urbes
opulentæ per plures, intra Apenninum infessæ sunt.
Etruria media Italia, ad utrumque tunc littus porre-
cta, cum sapientiæ studio, atque religionis opinio-
ne, tum ingentibus terra mariq; claruit opibus; &
verò populum, cui Etrusci loco cesserint, animis ma-
nibusq; valuisse oportet. Belloueso SIGOVESVS
frater fuit, impigri ambo iuuenes, Ambigati sorore
geniti (Ambigatus Celtico Rex erat) auunculi con-
filio

Iustinus lib. 24.

filio, prægrauantem domo multitudinem, hominum trecenta omninò millia, ductis colonijs exonerare aggressi, cum alteri Italia obuénisset, Hercynij saltus huic fortitò dati sunt. Quæ Sigouesum gentes sequutæ, à Liuiò, omnis huius historiæ scriptore, non est proditum, nec enim suscepti operis argumentum eò pertingebat: De Belloueso proditum, maximas peditum equitumq; copias, ex Biturigibus, Aruernis, Senonibus, Aeduis, Ambarris, Carnutibus, Aulercis coactas, Italiæ intulisse. Procliue verò coniecturam ducere, fratrem, cui aspera Hercyniæ peterentur, neque pauciores numero, & æquè bello bonos ac strenuos, sub signis habuisse, quod Ambigati voluntate, utrique, quantum hominum vellent, licuerit legere. Tectosages nimirum potissimum, & Heluetios, & Boios: quando ex omnibus Galliæ populis, hæc ad Hercyniam nomina claruere, extra syluam Tectosages & Heluetij, Boij intra, quàm mediâ Germaniâ, magnum terrarum tractum, perpetua vasti nemoris corona, in orbem cingit. Tum Boiohemo nomen regioni ex re inditum: prioris appellationis, si qua fuit, vestigium omne deperijt, isthæc postea, quantumuis mutatis cultoribus, manet. Bellouesus autem & Sigouesus, expeditionem, annos circiter sexcentos totos ante Christum natum, susceperunt. Initia siquidem Prisci Regis, cui illi æquales, hunc numerum superant, vitæ exitus non assequitur. Atque ea antiquissima est

Cæf. de bel.
Gall. lib. 1.
Tacit. de mor.
Germ.
Strabo ex Pof.
fid. lib. 7.

ANN. ANTE
CHR. NAT.
DC.

Omnes chronol.

est Boiorum memoria, certis litterarum monumētis consignata. Multis prius sæculis conditos, vires paullatim, ut habentur res mortalium, extulisse crediderim, quæ reſeratis hinc Italia alpibus, Hercynij inde saltus latebris, fortissimis utrimque nationibus pulsīs, duobus imperijs felici audaciâ, una tempeſtate constituendis, potuerint ſufficere. Verum enimuerò hæc ſcriptorum ſilentio preſſa iacent. Quin nec illud promptum explicare, quibus Boij ea ætate in Gallia finibus uſi, & num hos continenter tenuerint, an prioribus alijs aliquando expeditionibus alicunde proſecti, illuc immigrarint. Quod Iulius multis poſt ſæculorum curriculis, Boiorum aliquos in Aeduorum conſinio collocauit, id de quo quærimus, longo interuallo non attingit, & ea ſanè manus ex Germania in Gallias retrò redierat.

Cæſ. bel. Gall.
lib. 1.

Memorare poſſim, qui auctores Boios, magnis emenſis terrarum ſpatijs, iter ex Armenia uſque tenuiſſe aſſerunt. Sed ij neque quem ſequantur, neque quod tantæ, & tam vetuſtæ rei teſtimonium laudent, idoneum ullum nominant, neque eorum de reliquo oratio, quo quidem modo ab ipſis concepta eſt, veri faciem, probabilemquē ſpeciem obtinet. Quamquam enim, Noëticum alueum, humani generis diuino conſilio ſeruatore, poſt uniuerſi orbis eluuiem, in Armenia montibus conſe-

Virus Arenpek.
And. Monachus
manuſcr. alijs
paſſim.

Genef. c. 8.

B Ex

Ex quo fit, non hoc tantum, quod isti de Boijs ponunt, sed quicquid præterea hominum, ubi ubi terrarum degit, ex Armenia prodijisse: Atque si antiquissimæ populorum profectioes, terra & pedibus, non mari & classe, susceptæ sunt, quod planum existimo atq; expeditum, consuetarium, Germaniam ante Galliam & Hispaniam, hominum paruisse cultui, quippe quæ ex Armenia huc proficiscentibus occurrat prior: Quamquam inquam hæc testata sint, res tamen eò redit, ut si semel approbetur, Boicum nomen tam vetustam antiquitatem attingere, reliqua ordine consequantur, & ex Armenia originem trahere, & in Germania prius quam in Gallia auditum esse: sin rursus priscae adeò memoriæ indicium certum nullum extat, nam nullum proferri video, tam fieri potest, Boiorum gentem, hisce demum regionibus, habitata iam Germania & Gallia, siue coniunctim Celticâ verius, quam antea in Armenia fuisse conditam. Quod dum fidei & pudori consultum imus, in medio relinquimus, Boios uniuersè Celticam gentem appellasse satis habentes, nam hoc tutò & rectè poterat. Cordi nobis geographorum ratio, quorum tabulæ, extremum terræ marisq; limbum, ignotæ oræ nomine præscribunt, tantò pudenterius, quam si incomperta & irreperta, pro certis exploratisq; afferant.

De nominis notatione, eadem mihi mens. Et si fidenti alicui coniectori, non prorsus inane videri queat,

queat, quod memini legere, neque antehac obser-
 uatum esse, admirationem habet, Boiaros an Boie-
 ros, quæ Germanis puta Boiorum appellatio, ista c-
 riamnum ætate, apud Moschos, qui ad Armeniam
 in orientem vergunt, claritudinis & nobilitatis ad-
 huc haberi vocabulum, quippe quod amplissimo
 gentis ordini tribuatur. Abobus qui duxere, Bœ-
 otico inuento, aut Bauaro aliquo, siue Boioario, qui
 ex Armenia venientium princeps fuerit, nã illi op-
 pidò ineptiunt. Nisi Brutum Armenia & Chaldææ
 regem, & Archelaum, & filiam principis de Grifis,
 & Hectorem, & Ionnam, & Simpilionem cum Sa-
 landra Aegyptia, Bauari maiores, ferre possumus.
 Insciti item illi qui Boium Herculis filium fuisse
 narrant, fratrem Norici, Hunni & Heluetij, natu
 minimum, Rhomum tunc Galliæ imperantem, re-
 gnum inter malè concordēs diuississe. Iam quid
 eos producam, nisi ut rideantur profectò, qui Boios
 in Iobabo Iectanis filio, Heber nepote, quærunt !
 Heber autem Salem patrem, Arphaxad, Semo Noe
 filio natum, auum vocauit. Saltem Iobus nuga-
 turis in mentem venisset, ut quo se iactarent homi-
 nes harioli haberent, excogitato nomine, cuius to-
 ridem litteræ traiectæ, Boium exprimunt. Pro-
 babiliores fortasse aliquantò alteri, acutiores equi-
 dem, certiores nihilò, Boger, unde Boier & Boij
 prodierint, dictos dixere, qui arcubus pugnarent,
 quod Bogen patria lingua arcus sit. Ab imperan-

Herberstein
 Posseu-Heiden-
 stein. alij,

Manuscripti
 obscuri.
 Meminit Arca-
 pek.

Manuscriptorū
 quorundam in-
 ceptis variis.

Bec. Hermath.

do alij & ab offerendo, Boi nomen traxere bifariam. Inuenti denique, qui Auarum appellatione huc abuterentur, nam Bauarosex Boijs & Auaribus coijſſe exiſtimant. At Bauarorum appellationem recentem, à Baioarijs fluxiſſe, Boioarios nomen Boijs debere, erit cum docebimus. Nunc ad ea quæ certorum auctorum teſtimonijs comperta, redeo.

Pol. lib. 2.

Occupatis ergo uberrimis Italiae campis, victores Galli, ſiue illi Celtæ, (Polybius utrumque nomen promiſcuè tribuit) regionem partiuntur. Boijs, quorum centum & duodecim tribus erant, locus inter Padum, Apenninum & Ariminum obtrigit, Ananibus Aegonibus & Senonibus proximus. Ibi omnes pagatim & vikatim habitare, nec ſalutem mœnibus, ſed virtuti concedere, cetera rudes incultiq; in herbarum toris cubare, ferina veſci, non artibus, non apparatui paullò humaniori indulgere, duas tantum res indiſtriæ proſequi, viros ſcires, militarem diſciplinam, & agrorum cultum, nullas priores pecoribus & auro diuitias ducere, quod hæ dominum nimirum peregrè etiam comitentur. Amicitias & clientelas magna ambitione parare, multo ſtudio tueri, neque id temere & nullo conſilio, qui plurimis clientibus ſtipatus, Deuotos, Soldurios, Ambaſtos & Comites, Cæſar atque Tacitus variè appellant, unus reliquos potens percellere, omnibus terrori eſſe; nam incredibilis iſtius ordinis in patronos affectus, quorum ne dum vitæ & ſaluti, ſed etiam

Cæſ. de bel.
Gall. lib. 3. & 6.
Tac. de mor.
German.

etiam famæ, propriam posthabere, sacramentum erat, superstitem verò principi ex acie decedere, probrosum in omnem vitam reliquam, nec fere reperi-
tus, qui eo interfecto cuius se amicitia deuouisset, mori recusaret, illum defendere, tueri, sua quoque fortia facta gloriæ eius assignare, hoc demum in prima commendatione positum.

Cum eiusmodi institutis Boij Celtæq; ceteri, in Italia viuerent, & vicinorum plerique siue metu agerent obnoxij, siue vi & armis ad exitium & vastitatem euerterentur, anno

ANN. ANTE
CHR. NAT.
CCCXCIV.

quo Veij à Camillo capti, qui fuit antequam Christus nasceretur trecentessimus nonagesimus quartus, & illo prorsus die, Melpum, opulentia præcipuum in Transpadanâ oppidum, ab Insu-
tribus, Boijs & Senonibus deletum est, uti Cornelius Nepos re-
tulit.

Nepos ap. Plin.
lib. 3. c. 17.
Rom. historie
scriptores pas-
sim.

CCCXCIX.

BRENNVS.

Sexennio non toto interiecto, Galli (tum Clusium BRENNO duce obsidebant) Fabiorum iniuria accensi, qui cum legati venissent, se palam pro hostibus gesserant, relicto Clusio, Romam recto itinere petierunt, fusoq; & fugato ad Alliam obuio exercitu, urbem propemodum vacuum & desertam nacti, inflammarunt, reliquias Romani sanguinis, & spem imperij, quod terrarum inde orbem tam latè complexum tenuit, Capitolinæ arcis angustijs conclusas circumfidentes, ad desperationem ferri adegere, proq; vita & libertate auro coëgere cernere. Fama Senones vulgo sequitur, an ad Boios aliquâ
pertineat, Liuius dubium fecit, est enim ambigens,

Liu. lib. 5. Plin.
lib. 3. c. 15. Strabo
lib. 5. alij.

B 3 num

num Senones soli venerint, num à reliquis omnibus Cisalpinorum Gallorum populis adiuti. Sed adiutos venisse à plerisque, vero propius. Nam siue Etruscum, siue Romanum bellum, præ Melpino quî potuère contemnere? cum Melpino Insubrum & Boiorum auxilia asciuerint; deinde Polybius, accuratus inter primos, & religiosus, & vetustus auctor, Ananes, Boios, Aegones atque Senones, hoc loci & temporis coniunxit, quas nobilissimis Celtarum in Italia gentibus accensuit: Strabo Boios, Insubres & Senones, maximas appellauit: ferocissimorum elogium Boij, eximiè ab Appiano tulere, quamquam homo Græcus, militarem virtutem asperiore paullo vocabulo perstrinxit. Scriptor belli Punici medij poeta Silius, Chrixum Boiorum ducem, Brenni stirpe superbientem memorat,

*Boiorum ante alias, Chrixo duce, mobilis ala,
Arietat in primos, obicit quæ immania membra.
Ipse tumens, at aui Brenni se stirpe ferebat
Chrixus, & in titulos Capitolia capta trahebat,
Tarpeioque iugo, demens, & vertice sacro
Pensantes aurum Celtas umbone ferebat.
Colla viri fuluo radiabant lactea torque,
Auro virgata vestes, manica quæ rigeabant
Ex auro, & simili vibrabat crista metallo.*

Quæ si ad historię fidem scripta sunt, ut pleraque Silij, Boios Romæ capiendæ non interfuisse tantum, sed præfuisse quoque oportet, qui ducem dederint.

Certè

Pol. lib. 1.

Str. lib. 4.

App. Celico,
Boiōi καλῶντες ἑαυτοὺς
ἱπποδονταί.
777.

Sil. lib. 44

Certè Virgilius, cui nullum temerè verbum excidit, Virg. Aen. 9.
 Gallos Capitolij obseffores, eodem corporis cul-
 tusq; habitu, quo Silius Boium hunc descripsit,

Aurea caesaries ollis, atque aurea vestis,

Virgatis lucent sagulis, tum lactea colla

Auro innectuntur.-----

Siue gentis morem sequutus, siue tabulam anti-
 quam pictam aliquam, utrumque potuit. At virga-
 ta sagula quæ sint, læuè explicauit grammaticus in-
 terpres. Versicoloria appellauere Tacitus & Sido-
 nius. Barbarus, inferioris æui scriptor, Gallos illis
 ad Caroli ætatem usque, ulos esse ostendit. Ex Di-
 odoro paret, fuisse in tessellatam prope speciem, in-
 terstincta, & coloribus variegata, ut si quem retium
 plagas & maculas, pictis tabellis, explere, & solidare
 delectet, funiculi decussati virgarum vicem sint, sic
 futurarum viæ in segmentatis vestimentis istis, quas
 si auratæ lineæ ad ornatum clauderent, omne enim
 Gallicum nomen auro apprimè delectabatur, vestes
 auro virgatæ dictæ, quod de Chrixo Silius scripsit.
 Ab areolarum autem hoc modo, vetustissima Boi-
 corum insignium pars, cæruleo & candido alterna-
 ta, perparum abit, quadris modicè in rhombos ni-
 mirum compressis, cuius generis virgato sagulo, mi-
 les Thoracomachus, in prisco de rebus bellicis li-
 bro, ornatus visitur. Atque ego compertum habeo,
 pleraque insignia quorum meri colores, ex militari
 primò habitu manasse, seu quod hætenus eodem
 recidit,

Seruius.

Tacit. hist. lib. 2.

Sid. lib. 4. ep. 20.

Barb. Scriptor

Sangallens. de

vita Caroli M.

sub finem lib. 2.

Diod. lib. 5. c. 99

Liber qui Noti-
 tiæ utriusque
 imperij subian-
 ctus.

Herod. Eut.

recidit, in militum saga migrasse ex clypeis. Eant si qui fabulam de Psammetichi panibus probare adhuc possunt, commento vix poetis decorè usurpando. Rhombos plerique ter septenos obseruauere, alij aliter constituere: in causas eius numeri, uti colorum itidem naturam & præstantiam, atque inde significatum, subtilius inquirere, vereor frustra fieri, etiam si antiqua est numerorum superstitio, & benigna otiosis hæc omnis ad differendum materia. Tenuit apud Germanos mos deinde perpetuo, Tacitus genti uniuersim tribuit, scuta lectissimis coloribus distincta, præcipuum cultum credere, in quæ etiam sensum scribit, Germanorum scuta viminum textus esse, vel tenues & fucatas colore tabulas.

Tac. de mor. Germ.

Tac. Annal. lib. 2.

Galli Romæ post septem menses profecti, causæ variè iactatæ sunt; siue pestilentia abactos & fame, siue Romani exercitus superuentu pulsos; siue patriæ denique charitate reuocatos, quam Veneti, per eorum absentiam occasionem nacti, popularentur, iuncto cum Romanis fœdere, urbe relicta, domum rediisse incolumes. Quod Polybio accredimus. Camilli victoria, & extorta hostibus præda, nec Romæ fidem inuenit, Drusus quippe demum, qui Drauso cæso primus cognomen reperit, Proprætor aurum Capitolinum ex Gallia retulisse dictus, multis post annis, quod, si Camillus in re præsentī recepit, fieri quī potuit? Atque hoc semel, exemplo, quam proni scriptores, res suorum tollere, hostium præ-

Pol. lib. 4

Suet. lib. c. 3.

premere (verè falsò, famæ securi plerique, iuxta habent) qua vetustatis præsertim licentia, audendi animos adijcit.

Gallos inde domestica dissidia exercuere ; quod enim Italicorum felicitas & potentia, permagnam apud in alpinos haberet inuidiam, ingente irritabili & bellicosa, sæpe ad cædes deuentum est.

Pol. lib. 1.

A quibus cum primùm quies, arma in Romanos iterum versa, repetitis sæpe adeò vicibus, & tanta virtutis obstinatione, ut Romani, cetera fidentes viri-

um, & inuicti animorum, adusque extrema Reipublicæ tempora præ se habuerint, alia omnia virtuti suæ prona, gloria belli Gallos ante se esse, cum quibus non de gloria, sed pro salute certaretur, & quantumuis victores plerisque ijs bellis, timorem adeò

Sallust. Catilin. & Jugurth.

non posuere, ut eum, peculiari propemodum tumultus nomine, quo in nullo præterea externo hoste usi sunt, fateri neutiquam verecundum duxerint,

Fest. u. rumul. tuari. Cic. Phil. 8

quo & sacerdotum vacationes, & priuilegia cessare voluere, unde metus magnitudinem æstimes. Nam

Cæsar, æcer in primis, & nulli gratiæ obnoxius in hac causa iudex, Gallos virtute belli, omnibus gentibus prælatos, scriptum reliquit.

Cæsar de bel. Gall. lib. 5.

Quarum Celticarum Gallicarumque gentium, quæ præcipua tunc extiterint ad laudem facinora, raris litteris consignatum reperire est, & absurdi proinde conatus, Boica diuinando singillatim prosequi velle atque eruere. Cum tamen magnam eorum partem ad Boios spectasse,

C

ctasse,

ctasse, ut rerum & temporum definitione incom-
perta, pro comperto exploratoq; sit. Nos quæ in
eam aut alteram partem obseruauimus, deinceps
exsequemur.

Liu. lib. 7, Eu-
trop. lib. 2. O-
ros. lib. 3. c. 6.
Frontin. lib. 2.
c. 4.

Appian. Celti-
co.

Memorabilis habita inter primas Gallorum ex-
peditio, anno ante Christum natum trecentesimo
quingagesimo sexto, Caijs Fabio & Plauto Coss.
quam Boiorum ductu & auspicijs motam Appia-
nus scripsit. Hi cum Præneste venissent, porro pro-
gressi circa Pæstum confederant. Romæ C. Sulpiti-
us Peticus Dictator dictus, M. Valerium magistrum
equitum cooptauit, & robore militum ex duobus
consularibus exercitibus lecto, in aduersos duxit.
Bellum trahere Sulpitio consilium erat, quando
nulla res cogeret se fortunæ tradere, hoste neque
commeatu instructo, neque munimentis firmo, ijs
præterea animis corporibusq;, nam hæc de Celtis
omnibus Romanos habebat opinio, quorum quia
in impetu tota vis esset, ea exigua interiecta mora,
sponte languesceret. Sed militum ardore & ferocia
impulsus, in aciem tamen descendit. Vbi, cum suis
plus animorum quam virium esse cerneret, hostem
insidijs captare aggressus, agafones mulis impositos,
& armis ornatos, aliquot intermistis equitibus,
clam in proximos montes iubet succedere, ibi se syl-
uis occulere, quousque conserto iam prælio, signū
mouendi ostendendiq; daret. Atque pugnâ ad
montium radices commissa, primi Romanorum,
emissis

ANNI ANTE
CHR. NAT.
CCCLVI

emissis pilis subscdere, donec secundi, tertij & quarti mitterent, quibus itidem post iactum subsidentibus, Boiorum eo inuento tela ab illis vitata sunt, postquam verò postremi misissent, iam omnes simul coorti, clamore sublato, in hostes agmine facto irruere occuparunt. Boij contra, dextrum Romanorum cornu acriter inuadere, nec sustineri poterant, ni præsens Dictator, cohortando increpandoq; suos confirmasset; præcipuè pudorem valuisse memorant, ne ullum periculi genus defugere videretur miles, qui certamen paulò ante tam auidè concupisset, impressione itaque rursus factâ, Boica acies turbari, & inclinari adeò cœperat, cum se vanus è monte terror, accepto signo ostendit, specie, ut hostium castra petere crederetur, quo metu pugnâ omisâ, effusa passim ad castra fuga sequuta est. Illic quoniam magister equitum præuerterat, fugientes ad montes sylvasq; versi, victori se eripere nequiuer, ab agasombus quippe excepti, & atrox admodum ubique cædes, in sylua maximè edita, ut Appianus omnem illum Boiorum exercitum, tunc deletum prodiderit. Sulpitius triumphans urbem ingressus, magnum auri pondus ex spolijs conflatum, saxo quadrato septum, in Capitolio dedicauit. Bella postmodum Gallica, interposita etiam aliquando triginta annorum pace, complura sequuta sunt, non uno fortunæ tenore: quæ sciens prætereo, quando Boicū illis nomen nullus scriptorū intexuit.

Polyb. lib. II

Anno demum ante Christum natum ducentesi-
 mo octuagesimo secundo, cum Galli Romanos, sub
 Arretinis ferè mœnibus, magna pugna vicissent, qua
 L. Cæcilius, siue Prætor siue Consul occubuit, Tri-
 buni præterea septem, viri nobiles inulti, & militum
 cæsa fuere tredecim millia. Postero, P. Corne-
 lio Dolabella, Cn. Domitio Cofs. Romani instau-
 rato exercitu, irâ, quam ignominia pudor acueret,
 accensi, in Gallorum fines progressi, Senones habu-
 ere obuios, quos collatis rursus signis, versâ retrò
 belli alea, fœda ad eò strage castigauere, ut si qui
 prælio superfuere, patrijs eiekti sedibus, regionem
 victori vacuam reliquerint. Romana colonia in ur-
 bem Senonum principem deducta est, ea Senæ Gal-
 licæ nomen retinuit. Boijs, quod exemplum ad se
 pertinere existimarent, magnam ea res curam inie-
 cit, prope enim Senones colentes, satis intellige-
 bant, unâ Gallici nominis gente excisâ, Romanis
 aduersus reliquas auctos animos, odia non imminu-
 ta esse. Occupandum ergo rati, coactis quam ma-
 ximis potuere copijs & Etruscis ascitis socijs, quibus
 perpetuæ item in communem hostem inimicitia-
 rum causæ supererant, Romanis ad Vadimonis la-
 cum occurrerunt, mox congressi, summam rerum
 unius certaminis pugnae inclinandam commisere.
 Festinatae expeditionis & præcipitis consilij, sera,
 quæ solet, pœnitentia comes fuit, multis Etruscorû
 cæsis, Boijs plerisque omnibus. Neque fracti
 co

Liu. epit. 72. O-
 ros. lib. 3. c. 22.

Ex Pol. lib. 1. ut
 pleraque etiam
 sequentia.

ANN. ANTE
 CHR. NAT.
 CCXXCII.

CCXXCI.

ANN. ANTE
CHR. N.
CCXIX.

eo successu Boiorum spiritus, sequenti anno, C. Fabricio, Q. Aemilio Coss. collectis iterum viribus, & omni iuuentute quæ arma ferre poterat excitâ, Romanis se se finibus denuo intulere, conatu ingenti, euentu magis etiam funesto, dum bellum maiore animo quam consilio gestum eunt, internecione prope deleti, missis legatis, pacem temerè turbatam, inuitis animis repetere coacti sunt. Quæ per multos postea annos tenuit, non antea irrita, quam ijs qui priorum bellorum fortunam præsentis spectauerant, morte extinctis, exorta temeraria iuuenum factio, rerum omnium rudis, diuturnæ pacis luxu corrupta, uti fit, aduersa quæ experiendo nondum didicerat, neceuenire posse crederet, ergo præsentia fastidire, rebus nouis delectari, earum occasiones quærere, atque ultrò moliri, facilè irritari, & leues quasque ex Romanis causas, quoquo modo in calumniam trahere. Principum erant hoc genus consilia, plebe neque volente, neque omnino sciente. Illi clam suos, externis potissimum fidere, & transalpina popularium auxilia confirmandis augendisq; domesticis opibus, euocare. Quæ Ariminum usque processerant, Romanam iam tunc coloniam, ante annos xxx. victis Picentibus deductam, cum Italici, multitudine perterriti, & vicinitate periculi admoniti, sumptis armis, ATEM & GALATVM, Reges ipsi suos, rei tantę priuatim auctores, occiderunt, nouos inde hospites aggressi, mutuâ se

ATES ET
GALATVS.

Perottus Poly-
bij interpreter hæc
nomina omisit.

C 3 cum



cum illis eade confecerunt. Pulcherrimum visum Romanis spectaculum, maximi belli metu, nullo suo periculo, sola hostium opera defungi; nam ad primum eius motus nuntium, habito delectu exercitum eduxerant, quem populari Boiorum conflictu audito, domum statim reuocauerunt. Et hæc quidem contigere anno post pacem initam fere quadragesimo quinto, quem ducentesium trigessimum sextum fuisse reperio ante quam Christus nasceretur, Ti. Sempronio Graccho, & P. Valerio Faltone Cofs. Valerium illo anno bis cum Gallis congressum, primò aduersa fortuna usum, postea victorem extitisse, Zonaras & Orosius scripsere, verum si Polybio fides, ea certamina ad Boios nihil pertinuerint oportet.

AN. ANT.
CHR. N.
CCXXXV.

Atque hîc operæ pretium monere, Arem & Galatum, antiquissimos Boiorum reges esse, quorum post Sigouelum, & si fortè Brennum, certæ auctoritatis memoria extet; quo magis Boicorum scriptorum negligentia piget, à quibus cum isti præteriti, tum quos præterea ex Polybio, Liurio, Silio, postea memorabimus, tot alijs contra, impudenter confictis nominibus substitutis, quando proximus ab imperitia ad temeritatem & fabulas flexus est.

Biennio interiecto, C. Licinio Varo P. Cornelio Lentulo Cofs. Zonaras auctor est, Gallos multitudine fretos, quam maximam coëgerant, in spem venisse, Romanos terrore perculsos, desponsis ultrò animis,

CCXXXIV.

animis, nec tentatis armis postulata facturos. Missis ea fiducia legatis, Ariminensem agrum à Consulibus repetiere, colonos illa urbe, quam sui iuris esse, iniuriâ à Romanis occupatam detineri dicerent, iusserunt cedere. Consules ancipiti cura suspensi, nec importunæ legationi concedere, nec irritam ausi aspernari, quod exiguas circa se copias haberent, & subitum bellum formidarent, extrahendo tempori ad Senatum reicere, pactis inducijs, dum legati irent redirent. Hi neutro eorum quæ petebant Romæ impetrato, in castra reuersi, res domesticas interim afflictas, & prope perditas reperere. Plerique enim ex fœderatis, reputatione Romanæ potentia, & proinde timore, sententia interim demutata desciuerant, atque in Boios populares ipsos suos, leui ingenio versi, magnum eorum numerum, inopinato aggressu conciderant, quamquam non impunè, multis quippe suorum vicissim desideratis, reliqui se se domum unde venerant, recepere. Boij, sciorum scelere & perfidia in hunc modum deserti, & Romanis proditi atque obiecti, pacem longè durissimis conditionibus, magna agri parte mulctati, inierunt.

AN. ANTE
CHR. N.
CCXXX.

Anno ducentesimo trigésimo, M. Aemilio Lepido M. Publicio Malleolo Cofs. C. Flaminius Tribunus plebis, legem Romæ, patribus quantumvis inuitis, tulit, qua ager Picenus & Gallicus militibus viritim diuidebatur. Ex Piceno Senones ante aliquot

Præter Polyb.
Cic. Lucullo,
Bruto, & de in-
uent. & Catone.
Est hic Flami-
nium Q. Fabio
Max. iterum Cos.
Tribunum Pleb.
fuisse scriptum.

quot annos eiekti, uti supra ostendimus; Gallicus is fuerit credibile est, quem Varus & Lentulus Boijs proxima pactione abstulerant. Id verò plerisque Gallorum, Boijs imprimis, qui Senam coloniam ægrè iam inde ab initio passi, Romanis contermini, iniuriæ proximiagerent, prorsus non ferendum videri. Quid enim? infinitam esse Populi Romani cupiditatem, nullo victoriarum cursu, nec quantumvis prolatis imperij finibus exsaturandam, domos deuictarum gentium, agros, fortunas uniuersas, sanguinem denique sitire, nec hominum more inimicitias atque bella gerere, qui imperio populos subiungere satis habeant, illum, nisi aut euerfis aut deletis, & stirpitus excisis ijs quos subiunxerit, nunquam conquiescere. Eundum maturè obuiam latius in dies serpenti incendio, & quoniam periculi metus ad omnes pertineat, communi consilio coniunctisq; viribus esse restinguendum, priusquam proximis quibusque comprehensis, longè diffitos amburere incipiat. Moti his vocibus Insubres, se Boijs socios adiungunt. Quod verò plurimis retrò bellorum experimentis, sciri poterat, qualis quantusque hostis Romanus futurus esset, placuit fœderatorum nomine legatos trans alpes ire, auxilia à Gæfatis petere. Valida ea ad Rhodanum, & insigni fortitudinis opinione gens, virtutem bella gerentibus stipendio prostituere solita, Concolitano & Aneroësti tunc Regibus suberat. Quibus in
præsens

præsens magnum auri pondus dono missum, in posterum ostentatæ Romanorum opes, tot bellorum prædis cumulata, quæ victores sequerentur: nec dubiam futuram victoriam, Boijs & Insubribus, maximis & florentissimis gentibus auspiciis, anniterentur modo, animos manusq; iungerent, quod cognatos populos, quod aduersus perpetuum Gallici nominis hostem deceat: maiores cogitarent, quandoquidem illis orti essent, qui cæso ad Alliam Romano exercitu, primo impetu urbe nullo labore potiti, eam præda, ferro, flamma vastauerint, post septem menses fastiditam, æstimatedis pretio victis, quod pro capitibus soluere, sponte sua reddiderint, ipsi opulentissimis spolijs onusti, in patriam redierint: nihil esse cur non patria nunc sperentur omnia, cessuras profecto, Dijs patrijs bene iuuantibus, hostium insidias & reclusos dolos, apertæ Gallorum virtuti. Inflammatis legatorum verbis Reges, summa animi contentione cogendis copijs incubuere, ut satis constet, neque maiores, neque florentiores belloque meliores, ex illis Galliæ partibus unquam prodijisse. Expeditio, siue apparatus magnitudine, siue quod aliud obiectum impedimentum, in aliquot annos dilata est. Per quos Romanos perpetuus eius timor tenuit, emanant enim pleraque Gallorum consilia, quædam etiam coniectando facile erat assequi. Consules itaque, modo militum habere delectum, modo comitatum conuocare,

D tcla

tela & arma fabricare, alia omnia quæ ad maximum bellum necessaria, expedire, quin exercitum, inani terrore perculsi, aliquando eduxêre, veluti iam præsentibus Gallis, fines mox irrupturis, qui è patria tamen nunquam adhuc mouerant.

M. Aemilio Barbula M. Junio Pera Cofs. enixius veriti, quod Gallos venundatione multarum rerum, captiuorû præcipuè, pecuniam corrogare animaduenterent, ne quis in posterum homini Gallo, vel aurum vel argentum datum vellet, callido consilio vetuere, nec enim mercenaria Gæfatorum auxilia, interceptâ pecuniâ, motura videbantur.

Anno ducentesimo vigesimo tertio, C. Atilio Regulo L. Aemilio Papo Cofs. bellum tandem, tot annorum spatio utrimque adornatum, exarsit. Gæfatorum Reges, traicctis Alpibus, Boios & Insubres, ad Padum fluvium ex fœdere paratos inueniunt: contracta peditem quinquaginta millia, equitum & effedariorum viginti; nisi numerus in Polybio male corruptus, exiguus scilicet ad id quod paulò ante dictum, fuisse multò maximum, eorum omnium qui ex Transalpina Gallia in Italiam unquam venerint. Veneti & Cenomani, à Romanis per legatos sollicitati, illis auxilio esse maluere, neque cognati sanguinis respectus Cenomanos tenuit. Collectis viginti armatorum millibus, & totidem Vmbris atque Sarsinatis ascitis, uterque populus alpes infedit, inde, quæ prima se offerret facultas, impetum in Boicum agrû factu-

ANN. ANT.
CHR. NAT.
CCXXVIII.

CCXXIII.

facturus. Quæ res, distractis Gallorum copijs, co-
acti enim fuere relinquere præsidia, quæ provinci-
am à tergo tutarentur, grande expeditioni præpedi-
mentum attulit. Romani contra quâ cura bellum
parassent, incredibilis exercitus moles ostendit,
quanta neque ad eum diem, neque postea, unquam
in Italia conspecta est: equitum octoginta, peditum
septingenta, hominum omninò circiter octingenta
millia fuisse narrant, idq; à Fabio historico traditum,
qui bello interfuit, frumenti præterea, & omnis ge-
neris armorum telorumq; vim, tanto parem exerci-
tui, immensam. Atego Polybium in eam senten-
tiam accipio, quæ vero videtur propior, immanem
numerum non ad eos qui arma tulerint, sed qui à
Romanis descripti, ferre potuerint, esse referendum.
Neque verò Romam solum imminentis periculi
metus inuaserat, quem memoria captæ olim urbis,
& obsessi ab hoc hoste Capitolij, magnopere auge-
bat, sed & reliqui Italiæ populi, Celtico nomine ad-
æquè perterriti, quæ quique poterant certatim con-
ferebant, tanquam pro aris & focis atque salute ipsi
sua, non iam pro Romanorum imperio & magnitu-
dine pugnaturi. Copiæ autem diuisæ trifariam,
pars in Sardiniam abiit, cum C. Atilio Cos. quod
prouinciales ibi turbarent, pars cum Aemilio Cos.
Arimini proximè hostes confedit, ad omnem occa-
sionem prompta futura & parata, pars denique in E-
truriam, Prætore duce missa, quod inde maximè ir-

Plin. lib. 3. c. 10.

Apud Eutrop.
lib. 3. Orof. libi
4. c. 13.

D 2 ruptio

ruptio timebatur. Rata ea coniectura fuit, Galli transceso Apennino in Etruriam delati, agros populati, ingentes latè prædas egerè, nemine qui prohibere posset obuam auso progredi. Placuit ergo porrò tendere, & belli arcem maiorum exemplo, rectà petere; iamq; Clusium venerant, quæ ciuitas tri-
dui spatio Roma abest, unde Brennus ante annos centum sexaginta quinque, urbem capturus mouerat, cum nuntius affertur, coisſe Romanorum per Etruriam præſidia, & infesto agmine à tergo sequi. Eo rumore conuerſa subito Gallica acies, omiſſa in præſens Roma, iter in hoſtem propinquum flexit, & die ad occaſum inclinante, caſtra iuxtim poſuit. Nocte autem ingruente, accenſis ad ſpeciem ignibus, & equitatu omni in caſtris relicto, Fæſulas verſus clam progreſſa, loco opportuno ſubſedit, equites prima luce palam, ut conuenerat ſubſequuti, Romanos opinione fugæ falſos, in inſidias attraxere; ubi ingentibus aliquamdiu animis, dubio Marte, utrimque pugnatum, Celtis tandem, & numero & virtute vincentibus, ſecunda prælii fortuna fuit, Romanorum cæſa ad ſex millia, reliqui ſibi fuga cōſuluerunt. Demiror quos auctores Oroſius ſequutus prodiderit, certamen prope Arretium commiſſum, Atilium Coſ. cum tribus hominum millibus occiſum, octingenta millia in fugam acta fuiſſe: quæ à Polybij fide, longè apud me potiſſima, multis modis abſcedunt. Fugientium plerique ſe in tumultum
recepere,

recepere, natura munitum, cuius obsidione Celtæ tunc abstinuere, quod præteritæ noctis vigilijs & itinere, atque diei prælio fessi, reliquum temporis curandis corporibus existimarent largiendum, missi tamen equites collem custodire, ut in posterum, nisi deditio sequeretur, obsidionis adhuc consilium maneret integrum. Aemilius Cos. quem Arimini refedisse diximus, cum primùm hostes exercitum per Etruriam ducere, & Romæ appropinquare audisset, quam maximis potuit itineribus opem suis ferre contendit, & cum pugna iam commissa superuenisset, castra prope Celtas metatus est. Illi qui in collem confugerant, aduentum eius ex crebris nocturnis ignibus coniectantes, receptis aliquantum animis, misere silente nocte perdensa nemorū inermes, quo hostiles excubias fallerent, quo rerum statu degerent nuntiatum. Tum Aemilius trahendis consilijs nullum locum esse, omnia in celeritate posita intelligens, Tribunos primo diluculo peditatum instructum iubet educere, ipse cum equitibus ad verrucam iter tenet. Hostes animaduersis itidem per tenebras ignibus, Consularem exercitum adesse æquè suspicati, coacto concilio quid porrò agendum deliberant. Ibi Aneroestes Rex, sententiam omnium assensione comprobata dixit, Videri in præsens certamine abstinendum, neque periculo exponendam prædam, quam multò maximam omnis generis peperissent, quin domum referendam,

& in tuto collocandam esse, si tum deinde Romanos iterum aggredi placeat, se tantis sarcinis alleuatos, paratiores & expeditiores redituros. Signa itaque ante lucem mota, Galliam retrò versus, secundum Etruscum mare. Aemilius ijs qui in tumultum euaserant receptis, victores quamquam abeuntes, aperto Marte non ausus laceßere, sublequebatur, temporum locorumq; occasiones captans, si quâ vel extremum agmen carpere, vel ex præda aliquid daretur recipere. Interea temporis alterum Cof. C. Atilium contigit ex Sardinia redeuntem Pisas appellere, inde rerum huc usque omnium ignarum, inter cum exercitu Romam tenere. Gallorum pabulatores ad Telamonem obuij, inferi maris promontorium id & portus est, ab eius præcursoribus intercepti, interrogati de prælio indicant, exercitus præterea ecce utrosque instare, citeriorem quidem Gallicum, Romanum pone sequi. Inexpectatus is nuntius, Atilij animum variè affecit, aduersæ quippe pugnae dolore perturbatum, præsens benè gerendæ rei spes recreabat, quod fortuna hostem id loci clausum, duobus Consularibus exercitibus veluti ad lanienam ultrò destinasse videretur. Tribunis ergo aciem mandat instruere, & paullatim progredi, frontem quam maximè locorum spatia patiantur extendere. Ipse conspiciatus collem imminem viæ, qua Galli procedere necesse habebant, effuso ad eum cursu cum equitatu latus, occupauit. Galli, qui

Ati-

Atilium ex Sardinia redijſſe neſcirent, rati Aemili-
um noctu cum equitibus præcurriſſe, & tumultum
inſediſſe, ipſi etiam equites ſuos, expeditis aliquot
peditibus intermixtis, illum deturbatum mittunt;
ſed ut Atilium adeſſe ex captiuis intellectum, iam
pro re nata conſilium capiunt, quod duplici ſe bello
urgeri animaduernerent, ancipitem aciem conſtitu-
unt, à tergo & fronte eodem ſimul tempore pugna-
turi. Aemilius hoc uno plus Gallis ſciebat, colle-
gam Piſas curſum tenere, de eius aduentu nihil dum
inaudierat, verum ex ea quæ ſub oculis ad collem pu-
gna, promptum erat coniecturam capere, quare e-
quites ſuis illicò auxilio ſubmittit, ipſe cum quadra-
to legionum agmine mox in hoſtem pergit. Ei Gal-
li Gæſatos & Inſubres auerſos retrò, Atilij legioni-
bus Tauriſcos & Boios à fronte opponunt, carpenta
cum impedimentis longè extra aciem collocant,
prædam in propinquo tumulo, relicto quod ſatis eſ-
ſe crederent præſidio. Atque ea inſignis viſa Cel-
tici exercitus ſpecies, non ad terrorem modo, ſed &
ad firmitatem ac robur. Inſubres & Boij brachati ſa-
gatiq; cetera expediti conſtiterant, Gæſati ſtolida
iactantia feroces, abiectis veſtibus, nudi ante ipſam
aciem exultabant, veſtium inuolucra conſtringere
corpora & implicare rati, locis præſertim aſperis.
Equitum interim in colle certamen, ingentibus e-
nim animis, irarum ſpei q; pleni, ante ora trium ex-
ercituum concurrebant, eximium præbuit ſpecta-
culum.

culum. Ibi Atilius Cos. temere dimicans cecidit, abscissum caput Gallorum Regibus allatum est. Quæ res Romanos adeò non fregit, ut acius con-
niti, Gallos paullò post loco pellerent. Aequa verò
campi planitie, in Gallos medios legiones utrimque
tendebant, quo maximè memorabile prælium ha-
bitum, & difficulter constituas an Galli, an verò Ro-
mani potiore conditione pugnaverint; nam Galli
obuersis quidem tergis se se mutuò tutabantur, ut
cum in hostes pectore omnes æquè ferrentur, nulla
cuiquam retrò effugiendi spes superesset, qui confir-
mandis animis præcipuus bifrontis aciei usus est :
Romanis geminus exercitus, & in medio tanquam
indagine conclusi hostes, spiritus addebant, metum
objiciebat contra ipse Gallorum ornatus, & incredi-
bilis buccinatorum atque tubicinum multitudo,
trucibus & horribilibus militum ululatibus, cantuq;
adiuta, ut non tubarum clangor, hominumq; modo
clamor, sed classicum proximis montium iugis va-
stisq; saltibus, à terra matre videretur emissum, ter-
ribiles visu in prima acie Gætati, viribus & magnitu-
dine præstantes, corpora patrio ritu motantes, cete-
ra nudi præter scutum, torquibus & armillis fulge-
bant aureis, ea species cum Romanorum animos
pauore & stupore perfringeret, cupiditate spolio-
rum & spe prædæ simul accendebat. Pugna à sa-
gittarijs cœptâ, mox apparuit Gætatos futile consi-
lium sequutos, cum interiorem aciem saga protege-
rent,

rent, isti omnibus passim missilium iactibus inermes essent expositi, quæ grandinis ritu densa cadebant, exiguo quippe immanibus corporibus in Gallico scuto præsidio, itaque turbari primò & fluctuare, plerisque iam vulneratis, deinde cum sagittarios minus iaculantes assequi non possent, & telorum copia assiduè obruerentur, magna pars salutem desperare, in confertissimos hostes ultrò, furore acta irruere, atque se certæ & destinatæ morti obijcere, reliqui manifestam fugam fractis animis capessere, & sociorum retrò ordines confundere. Vt Gæiatorû eo prælio ingens ostentatio, usus nullus extiterit. Romani hac velitatione defuncti, sagittarios recipere, & agmine promoti, statariam deinde cominus pugnam cum Insubribus, Boijs, Tauriscis commisere, quorum omnium virtus atque opera enituit, sed virtutem arma destituere, siquidem Gallorum scuta tum gladij, ad Romanos comparati, longè erant impares, scuta illis ex cortice aut vimine infirma, Romana ex tabulis, neruo ferroq; munita, gladij inde prælongi ac sine mucronibus, quibus miles cædendo fere frustra fatigaretur, hinc breuitate habiles, mucronibus acutis & validis, punctim crebra & angusta, sed mortifera vulnera inferebant. Ad eum modum multi Gallorum exanimabantur, sed pertinax reliqui in spe mala prælium sustentabant, donec Romani equites ex colle decurrentes, in alterum cornu acerrimam impressionem fecerunt,

Armorum comparatio ex diuersis auctoribus petita.

E qua

qua primùm pulsus Gallicus equitatus, terga vertit, peditatus usque resistens, ita concisus est, ut quem quisque pugnae locum viuis cœpisset, cum etiam mortuus, prostrato corpore tegeret. Interfecta hominum circiter quadraginta millia, capta non pauciora decem millibus, inter captiuos rex Conco-litanus inuentus, Aneroeſtes cum paucis fugiens, voluntaria sua suorumq; morte, vinculorum ludibria præuertit. Aemilius Cos. spolia victor legit, Romamq; misit, prædam receptam prioribus dominis dilargitus est. Post illa cum exercitu per Liguriam profectus, Boiorum fines inuasit, atque tantam vastitatem reposuit, ut ingentes populationes vel infinitæ militum cupiditati sufficerent. Paucos dies moratus, Romam reuersus, signa cum torquibus & armillis aureis in Capitolio suspendit, reliqua spolia & captiuos, præ se triumphans egit. Apud Zonaram lego, Aemilium superatis Boijs triumphantem, captiuorum principes armatos in Capitolium perduxisse, acerbo irrisu insolenti voto insultantem, quo se ferebantur obstrinxisse, thoraces nisi in Capitolio non posituros: paullò aliter Florus; iurasse Gallos **BRITOMARO** duce, non prius se baltea soluturos quam Capitolium ascendissent, factū, victos ab Aemilio ibi discinctos esse. Britomari nomen alibi non inuenio, Florum Zonaramq; si coniungas, Boiorum regem fuisse intelligas. Atq; eo quidem rerum successu Gallicus tantus motus repressus,

Flor. lib. 2. c. 4.

BRITOMARVS.

pressus, ad nihilum recidit, qui paullo ante urbem præcipue Romam, tum reliquam Italiam, terrore & tumultu concusserat uniuersam.

AN. ANTE
CHR. N.
CCXXII

Romanis proinde creuere spiritus, & fiducia addita Gallos agris circa Padum posse eijci. T. Manlio & Q. Fulvio, ambobus Coss. eam prouinciam, anno ducentesimo vigesimo secundo antequam Christus nasceretur, decernunt. Coniunctis uterq; maximis & apparatissimis copijs, in Boios ducunt, sed cum eos pellerere maioris operæ & laboris esse coram cernerent, imminutos ad tempus ex præterita calamitate animis, in fidem deditionemq; recipiunt. Variadeinde fama est, Consules siue traiecto Pado

Orof. lib. 4 c. 13.

CCXXI

GARGENVS.

multa millia Insubrum cæcidisse, siue quod Polybius credidit, imbrium & pestilentia magnitudine deterritos, à reliquis Gallis tunc bello persequendis abstinuisse. C. Flaminio P. Furio Coss. Boios religio nuperi fœderis, & accisarum virium conscientia, quietos continuit, domi quidem; nam quorum nondum perdomiti spiritus, turbulenta adhuc coquebant consilia, eos foras in Insubriam GARGENI Regis ductu militatum abijsse, Silius indicat, quo loco Flaminij cassidem, Gargeno detractam, describit,

Sil. lib. 5.

*Aere, atque æquorei tergo flauente iuueni,
Cassis erat munita viro, cui vertice surgens
Triplex crista, iubas effundit crine Sueuo,
Scylla super, fracti contorquens pondera remi,*

E 2

Insta-

*Instabat, senosque canum pandebat hiatus,
Nobile Gargenis spoliū: quod rege superbus
Boiorum caeso, capiti illacerabile victor
Aptarat, pugnasque decus portabat in omnes.*

Sanē Flaminium rem in Insubria hoc anno gessisse
constat: sed maximam belli partem Boios fuisse,
ipsum apud Silium oratio, extra dubium ponit.

*Siccine nos, inquit, Boiorum in bella ruentes
Spectastis, cum tanta lues, vulgusque tremendum
Ingrueret, rupesque iterum Tarpeia paueret?
Quas ego tunc animas, dextrā qua corpora fudi,
Irata tellure sata, & vix vulnere vitam
Reddentes imo? iacuerē ingentia membra
Per campos, magnisque premunt nunc ossibus arua.*

Anno sequenti M. Claudius Marcellus, Cn. Cornelius Scipio Cōs. Insubres aduersis praelijs fatigatos, in potestatem redegere. Marcellum aduersus Gallos Insubres & Gætatos certasse, omnium scriptorū consensus est, uni Capitolini lapides, DE GALLEIS. INSVBRIBVS. ET. GERMAN. triumphasse ostendunt: unde quod antea à nobis dictum, Celticum & Gallicum nomen usurpatum olim promiscuè, in Germanico quoque verum esse apparet. Marcellus spolia opima Virдумaro Gætatorum Regi detracta, legit: Virдумarum genus à Rheno iactantem, virgatas brachias indutum pugnasse, Propertius memorat.

Redactis in ordinem Boijs & Insubribus, longū
res

AN. ANTE
CHR. N.
CCXX.

ANN. ANTE
CHR. NAT.
CCXVI.

res Gallicæ, quæ horum potissimum populorum virtute in Italia viguissent, quieturæ videbantur: cum vix toto exacto quadriennio, P. Cornelio Scipione, T. Sempronio Longo Coss. nouæ irarum causæ exortæ, præsentibene gerendæ rei spe, & præclara in speciem occasione ulciscendi Romanos, quam Boij sibi inexpectatam obuénisse gaudebant, magnopere accensæ sunt. Geminas Romani colonias, Placentiam cis Padum in Boiorum agro, Cremonam ultra, Insubribus coercendis, reprimendisq; Gallis decreuerant, scriptis duodecim colonorum millibus, C. Lutatio, C. Seruilio, T. Annio Triumuiris, quamquam Triumuirorum nomina ab auctoribus aliter atque aliter prodita. Has perpetuæ seruitutis compedes interpretati Boij, grauius aliquantò quam agrariam Flaminij ante legem accepere, nullum tandem iniuriarum finem fore rati, ita alias ex alijs oriri, si se Romanorum fidei permiserint, nò vinciendos tamen ideo nec tendendosq; dedisse, nam hoc manifestò agi, extremum dominantium fastidij gradum esse, mancipia sub vicarijs habere, Colonias huic rei delectas, & ne quid contumeliarum absit, Latinas, erat enim Latina utraque, tam fœdi dedecoris maculam, & Boijs, & Celtis, & viris denique, vel sanguine profectò esse eluendam. Annibal tunc temporis capta excisaq; Sagunto, & traiecto Ibero flumine, iter per Hispaniam & Galliam in Italiam tenebat, Romanos totius Africæ viribus oppu-

Alcon. in Pison.
Liu. lib. 21. Po-
lyb. lib. 3.

Ex Polybio, Li-
uio, Silio, alijs.

E 3 gnatu-

gnaturus. Magna ducis, magna exercitus virtutis fama, Boios defectionem maturare impulit, & sollicitati Insubres, se ineundæ protinus societati, promptos paratosq; iuxta responderant, quod optima spe uterque populus duceretur, rem Romanam, & Gallorum, & Carthaginensium antehac incurfu atque illisu sæpius inclinatham, coniunctis amborum viribus, aliquando prolapsuram, everti posse. Romani proxima pactione fœderum obsides à Boijs exegerant, quorum tunc salus, præ indignationis impetu vindictæq; cupiditate, neglecta. Arreptis enim derepente armis, tantum terroris ac tumultus in Placentinum agrum illatum est, ut non agrestis modo multitudo, sed ipsi Triumuii, qui ad agrum assignandum venerant, diffisi nouæ coloniae mœnibus, Mutinam confugerint. Habent quidam annales, legatos ad expostulandum missos, à Boijs violatos, ceteri in Triumuiros agrum metantes, factum esse impetum. Mutina confestim obsidione cincta, quæ cum diutius traheretur, simulari cœptum de pace agi, euocatiq; à Gallorum principibus Triumuii, per colloquij speciem comprehensi sunt. Romani queri, non ius modo gentium, sed & fidem quæ in id tempus data esset, violatam, Galli negare eos se, nisi redditis obsidibus, dimissuros. Cum de legatis rescisset L. Mânlius Prætor, Mutinamq; & præsidium in periculo esse intelligeret, ira accensus, effuso agmine obsessis subsidium ferre accelerat.

Id

Id quamprimùm Boijs nunciatum, infidias in silua quæ circa viam erat collocant, in eas Manlius, exploratò profectus, præcipitatus, plurimis suorum desideratis, ægrè in apertos campos emerfit : ibi cõmunitis castris, quamquam accisis rebus, militum animi refecti, quod hostem oppugnatione abstinere cernerent. Iter deinde de integro cœptum, per patentia primùm loca, ubi siluæ rursus intratæ, Boij à tergo iterum apparuere, tum postremos adorti, cum magna trepidatione ac pauore omnium, octingentos ex Romanis occiderunt, sex signa ademere. Finis cædis fuit, ut ex saltu inuio atque impedito euasum, inde Romani per aperta præcipiti fuga Tanetum, vicum propinquum Pado, contendere, ubi à Boijs circumfessi, se munimento ad tempus, com meatibusq; fluminis, & Brixianorum Gallorum auxilio, aduersus crescentem indies multitudinem hostium, tutabantur. Romam tumultu perlato, Senatus, veritus ne Manlius diuturna obsidione periclitaretur, C. Atilium Prætorem cum una legione Romana, & quinque millibus sociorum, delectu nouo à Cof. conscriptis, auxilium ferre iubet : qui sine ullo certamine Tanetum peruenit, Boij enim eo non expectato, abscesserant. Annibal interea superato Rhodano, incertus utrum quod cœperat iter, rectâ in Italiam intenderet, an cum Scipione consule, cuius sub oculis coram exercitus, manus confereret, Boiorum legatos, regulumq;

Perottus Poly-
bij interpretes
Magili nomen
omisit.

MATALVM, ut nomen à Liuiio scriptum est, Polybius ^{MATALVS.} Magilum appellat, tempore obuios habuit, qui se duces itinerum, socios periculi professi, Italiam integro bello, nusquam ante libatis viribus, aggredi persualere. Postquam sententia stetit pergere ire, aduocata concione legatos producit, ad multitudinem itidem verba iubet facere, illi per interpretem eadem consilia ferre, ad transitum alpium hortari insistant, se ceterosq; Galliæ populos auxilio futuros polliceri, sine metu esse iter his ducibus, ut ut asperum, certè non inexsuperabile, commeatum præterea affatim promittunt, & uberes Italiæ campos, quibus statim ab Alpibus potituri essent, ostentant. Subsequutus Matalum legatosq; Annibal, exercitum viæ difficultate & Alpium nomine consternatum, oratione confirmat, argumento inter prima usus, ne inuias crederent, quas illi ipsi quos cernerent legati, non pennis sublimē elati, sed pedibus essent transgressi, nec maiores quidem eorum indigenas, sed aduenas Italiæ cultores, ingentibus sæpè agminibus cum liberis ac coniugibus, migrantium modo, tutò transiisse. Incitatus exemplo & adhortationibus miles, in potestate fuit. Alpes decimo quinto die, difficili hominum iumentorumq; labore, magno utrorumque desiderato numero, superatæ sunt. Annibal prima castra ad Alpium radices, in Taurinis metatus, resecto exercitu, in Insubres mouit. P. Cornelius Scipio, ut se delu-
sum

sum à Pæno, & ad Rhodani ripas nequicquam destitutum vidit, misso in Hispaniam Gn. fratre, cum optima copiarum parte, ipse admodum paucis comitatus, Italiam defensus mari repetijt. Pisis exscensione facta, per Etruriam mouit, & accepto tirone, quo Prætores Manlius & Atilius aduersus Boios usi, maximis itineribus ad Padum contendit, hostem omnia imparatum, priusquam se ex via colligeret, aggressurus. Inter Padum & Ticinum uterque exercitus in conspectum venit, congressis, victoria à Carthaginienſi stetit. Eo se prælio Annibali Boiorum virtus, CHRIXO duce probauit, neque illi ferocius ad Rhodanum loquuti, quam fortius ad Ticinum pugnasse visi, tanta animorum vi, quod à Silio poeta proditum, ut reliquæ aciei ne certandi quidem spatium relinquerent.

CHRIXVS.

Nec locus est Tyrijs belli, pugnaue, sed omnem

Celticus impleuit campum furor: irrita nulli

Spicula torquentur, statque omne in corpore ferrum.

Siue ea ambitio fortitudinis & audaciæ, aduersus nouos hospites, siue ira furorq; in Romanos fuit. Sed longum sit omnes Silij versus exscribere: paucos istos non pigebit, quibus Chrixus Scipioni Romanam captam obijcit,

Nemone incensa, captaque superſuit urbi,

Vt tibi quas Brenni populus ferremus in arma

Narraret dextras?-----

Et verò regeſcit Scipio,

F

---- Ferre

-----Ferre hoc umbris, proauoque memento,
Quam procallocumbas Tarpeia à sede, tibi que
Haud licitum sacri Capitolia cernere montis.

Quæ Chrixum Brenni propinquitatem, quod supra diximus, attigisse, idq; per illa tempora clarum exploratumq; habitum, profectò ostendunt: neque nos Brennú Boijs tralatitio illo more vindicare, quo pleræque & Germaniæ & Galliæ, & Britannia quoque gentes solent. Chrixus multorum cæde insignis, à Scipione hasta eminus confixus, occisus est. Tum demum populares se recipere, reliquos in laudis & victoriæ consortium admittere. Annibalẽ, traiccto Pado cedentes hostes insequentem, Boiorũ iterum legatio adiit, & quo magis rata promissa crederet, Triumuiros Romanos, Mutinæ interceptos, victos tradidit, erant ij Consularis unus, Quæstorij duo. Pœnus collaudata egregia voluntate, data acceptaq; fide, fœdus icit, ceterum Triumuiros remisit, reciperent per eos sanè obsides suos Boij, sibi satis iurisiurandi sanctitate, religione numinum confirmata, & spectata gentis beneuolentia cautum esse. Boiorũ exemplum reliqui Gallici nominis in Italia populi sequuti, se se Carthaginiensibus, præterunos Cenomanos, omnes adiunxerunt. Inde cum altero Consule Sempronio ad Trebiam, eadem quâ ad Ticinũ fortunâ, pugnatum est. Proximus annus Cn. Seruilius & Cn. Flaminium 11. Consules habuit, tertia Romanorum ad Trasumenum clade, Flaminij

AN. ANTE
 CHR. N.
 CCCV.

DUCARIVS.

nij temeritate contracta, celebris. Ominosum euentu æstimari potuit, nam omina ex euentu coniungi, quam contra verius est, quod Flaminius prius quam pugna committeretur, Boios à se olim victos ferociter gloriatus, tremendum vulgus, animis & corporibus iuxta ingentibus, Tarpeia etiam iterum rupi horribile appellauit, oratione quam paullò ante ex Silio attulimus: DUCARIVS quippe Boius, Flaminium armis & manu insignem tota acie volitantem conspiciatus, facie quoque noscitans, ad populares suos conuersus, hic hic est Boiorum terror Consul exclamat, qui legiones nostras cecidit, patres ante se victos triumphans egit, iam ego hanc victimam Dis patrijs ultoribus, & peremptorum fœdè ciuium manibus deuoueo, subditisq; calcari-bus equo, per confertissimam hostium turbam impetum facit, atque obtruncato prius armigero, qui se infesto venienti obiecerat, Flaminium lancea transfixit, spoliare cupientem, triarij obiectis clypeis arcuere. Eo haud dubiè momento victoria stetit, nulla inde pugna, diuersis dissipatisq; Romanis, effusa in omnes partes fuga sequuta. Sed Insubrem Ducarium Liuius appellat. Credo quod ante sex annos Insubribus cum Gargeno auxilio venerit, ubi Flaminium nosse potuit. Silius disertè Boium dixit,

*Aduolat ora ferus, mentemque, Ducarius acri
Nomen erat gentile viro, susque cateruis
Boiorum quondam patrijs, antiqua gerebat*

F 2

Vul.

*Vulnera barbarica mentis, noscensque superbi
Victoris vultus. —*

Consulem autem à Ducario transfixum, ex Liuiο est, Silius incertis telorum iactibus obrutū scripsit. Trasumenum Cannæ exceperē, exitiabile prope rei Romanæ vulnus. Tum L. Postumius Albinus & Ti. Sempronius Gracchus consules designati. Verum Postumius antequam iniret, cum Galliam prouinciam Prætor obtineret, à Boijs cum exercitu occisus est, callido excogitato consilio, quod fidem difficilè inueniat, nisi Romani ipsi scriptores proderent. Sylua vasta erat, Litana nomine, qua Romanus exercitus transiturus, eius dextra læuaq; circa viam arbores, Boij ita inciderant, ut exigua parte sustentatæ, donec impellerentur immotæ starent, leui momento impulsæ corruerent. Legiones duas habebat Postumius, sociorum tantum ut viginti quinque armatorum millia conficeret, eæ copiæ ubi saltum intrauere, Boij syluæ oras circumsedentes, extremas arborum succisarum protrudunt, illa alia aliam cadendo impellunt, itaque propagata ancipiti strage, arma, viros, equos obruunt, ut vix decem homines effugerint, nam cum plerique exanimati essent arborum truncis, fragmentisq; ramorum, ceteram quoque multitudinem Boij, inopinato malo trepidam, occasione usi trucidarunt, pauci è tanto numero capti, qui pontem fluminis, ab hostibus antea obsessum, petentes, interclusi sunt. Postumi-

us

Polyb. Lin. Zonaras, Frontin.
lib. 1. c. 6.

ANN. ANTE
CHR. NAT.
CCXIV

us omni vi obnixus ne caperetur, pugnando occubuit, spolia corporis caputq; præcisum, Boij ouantes, templo quod sanctissimum habebant intulere, & purgato capite, caluam patrio more auro celaure, sacri vasis vicem quo solemnibus libarent, & poculi, sacerdoti ac templi antistitibus. Atrox visum Romanis in mortuum hostem ludibrium, & barbaræ feritatis facinus, qui superioribus tamen annis, per religionis & ipsi speciem, Gallos in foro boario viuos defoderant, adeò de aliorum quam suis quisque moribus inclementius arbitratur. Præda Boijs haud minor quàm victoria fuit, quamquam magnâ animalium partem strages sylvæ oppresserat, ceteræ tamen res, quod fuga nihil dissipasset, stratae per omnem iacentis agminis ordinem inuentæ sunt. Romæ autem tanta nuntium trepidatio sequuta, ut Senatus, qui Cannensi ruinæ non succubuerat, ad hanc calamitatem animos, secundioris fortunæ desperatione, prope submitteret, populus per dies multos clausis tabernis, veluti nocturna solitudine, ferale iustitium ageret, donec Aediles aperiri tabernas, & publicæ mœstitiæ faciem urbi demi iussere, Ti. Sempronius Senatum, oratione consolatus, crexit. De bello aduersus Carthaginienses continuâdo agitatum, Gallicum siue Boicum, quamquâ stimulantē ira, dilatum est, quod Pœno Italiam armis vastante, multorum dissimulandæ iniuriæ, gentis propinquæ & validæ animi amplius irritandi non viderentur.

Plut. Marcello,
& quæst. Rom.
Oros. Zonaras,

Liu. lib. 27,

Anno belli undecimo, C. Seruilius (filius C. Seruiliij, qui Triumuir agrarius in Placentinæ coloniae deductione captus) cum Tribunus plebis Romæ fuisset, Aedilis plebeius factus est, plerisque negantibus, iure aut Tribunum plebis fuisse, aut Aedilem esse, quod patrem, quem occisum à Boijs circa Mutinam, opinio per decem annos fuerat, viuere, atque in hostium potestate esse, satis constabat.

AN. ANT.
CHR. N.
CCVII

Anno duodecimo, Asdrubal Annibalis frater cum maximis copijs in Italiam venit, & Placentia in Boiorum gratiam frustra tentata, ad Senam Gallicam à Claudio Nerone & Liuius Salinatore Consulibus, cum exercitu deletus est. Eo prælio, uti & per reliquam Punici belli historiam, multa est apud scriptores Gallorum generatim mentio, facili negotio ad Boios priuatim plerumque deriuanda, sed ancipitibus coniecturis certam fidem adiungere, ego nemini sim auctor.

CCV.

Illud manifestam interpretationem habet, cum cæso Asdrubale, victoria, non iam unius alicuius prælij, sed totius belli, à Pœnis ad Romanos, etiam Annibalis confessione inclinaret, itaque se se occasio priores iniurias ulciscendi aperiret, eoque iussus esset Q. Manlius Thurinus Prætor, L. Veturio Philone, Q. Cæcilio Metello Consulibus, agros Gallorum, qui Asdrubalem sub eius aduentu iuuissent, populari, eâ procella Boios præcipuè fuisse inuolutos; quippe cum se Annibali non in Italia, ut alij plerique, adiunxerint; sed eo veniendi fuerint auctores,

Liu. lib. 28,

CCIV.

auctores, quam cupidè fratrem subsidio subeuntem exceperint, ne coniectura quidem indiget. Ad Boios & Insubres quoque illud pertinet, quod Liuius scripsit, Placentinorum & Cremonensium legatos, questos Romæ ijs Consulibus, agrum suum ab accolis Gallis, incurfari ac vastari, magnamq; partem colonorum dilapsam esse, & in frequentes se urbes, agrum vastum ac desertum habere. Placentiam enim Boij, alteram Insubres accolebant, Manlio Prætori mandatum, ut colonias ab hoste tueretur.

ANN. ANTE
CHR. N°
CCL

Anno post Annibalis in Italiam aduentum decimo quinto, C. Seruilius Consul, patrem C. Seruili- Liu. lib. 30.
um, & C. Lutarium patrum, ex Boiorum demum seruitute liberatos, Romam reduxit, qua id verò occasione, quibusq; conditionibus, à nemine proditum inuenio, neque quis tertij Triumviri agrarij T. Annij, fuerit exitus. Annibal secundum hæc in Africam, Carthaginiensium iussu reuertit. Bien-
nio post, Punicum bellum, omnium quæ populus Romanus unquam gessit, in omnem partem maxime memorabile, pace finitum est. Eodem anno
P. Aelius Pætus Consul, cum audisset à Boijs incur- Liu. lib. 31.
siones in agros sociorum factas, duabus legionibus subitarijs, tumultus eius caussa scriptis, & additis ad eas quatuor cohortibus de exercitu suo, C. Appium sociorum præfectum, per Vmbriam Boiorum agrum iussit inuadere, ipse eodem aperto itinere per montes duxit. Appius Boiorum fines ingressus, primo popu-

populationes satis prosperè ac tutò fecit, delecto deinde ad castrum Mutilum idoneo loco, ad demetèda frumenta (iam enim maturæ erant segetes) profectus, neque explorato circa, nec stationibus satis firmis, quæ armatæ inermes atque operi intentos tutarentur, positis, improuiso hostium impetu cum frumentatoribus est circumuentus, inde pavor fugæq; etiam armatos cœpit. Ad septem millia hominum palata per segetes, sunt cæsa, inter quos ipse C. Appius Præfectus, ceteri in castra metu compulsi, inde sine certo duce, consensu militari proxima nocte, relictæ magna parte rerum suarum ad Consulem per saltus prope inuios profugere. Consul magno suorum malo, Boiorum fines populatus, Romam redijt.

Ceterum pacatis Carthaginensibus, superfuere ex magno bello reliquæ, & restincti incendiij quodammodo scintillæ; substitit in Liguria Pœnus Amilcar quidam, incertum ex Asdrubalis an Magonis exercitu, eo duce proximo anno Insubres, Cenomani & Boij, parati sequi omnem quæ Romanis aduersa esset nouitatis auram, excitis Sallyis Iluatibusq; & ceteris Ligusticis populis, Placentiam inuaserunt, & direpta urbe, ac per iram magna ex parte incensa, vix duobus millibus hominum inter incendiariuinâsq; relictis, traiecto Pado ad Cremonâ diripiendam pergunt. Vicinæ urbis audita clades, spatium colonis dedit ad claudendas portas, præsidiaq;

Liu. Oros. Zonar.

ANN. ANTE
CHRIST. NAT.
CXCIII.

diâq; per muros disponenda, ut obsiderentur tamen prius quam expugnarentur, nuntiosq; ad Prætorem mitterent. L. Furius Purpureo, prouinciæ Galliæ Prætor præerat, cetero exercitu ex Senatusconsulto dimisso, præter quinque millia sociorum ac Latini nominis, cum ijs copijs in proxima regione prouinciæ circa Ariminum substiterat. Is tum Senatui Romanam scripsit, duarum coloniarum, quæ velut claustra ad cohibendos Gallicos tumultus oppositæ, ingentem illam tempestatem Punici belli subterfugissent, alteram captam ac direptam ab hostibus, alteram oppugnari, nec in exercitu suo satis præsidij colonis laborantibus fore, nisi quinque millia socium quadraginta hostium millibus, tot enim in armis esse, trucidanda velit obijcere, & tanta sua clade iam inflatos excidio coloniarum Romanæ augere animos. Litteris in Senatu recitatis, non contemnenda res visa, iussus C. Aurelius Consul exercitum, cui in Etruriam ad conueniendum diem iam edixerat, Arimini eadem die adesse iubere, & aut ipse ad opprimendum tumultum Gallicum proficisceretur, aut L. Furio Prætori scriberet, cum ad eum legiones ex Etruria venissent, proficisceretur ipse ad coloniam obsidione liberandam. Legati item in Africam ad Carthaginieneses missi, Amilcarem ciuem eorum, excito ad arma contra Populum Romanum Gallorum, Insubrum, Cenomanorum, Boiorum, Ligurumq; exercitu, bellum contra fœdus facere,

G eum,

eum, si pax placeret, reuocandum & dedendum esse. Responsum à Carthaginensibus, nihil se de Amilcare ultra facere posse, quam ut exilio eum mulctarent, bonaq; eius publicarent. Traducto verò cōsulari exercitu ex Etruria Ariminum, quinque millia sociorum ex Gallia in Etruriam transierunt. Itaque L. Furius magnis itineribus ab Arimino aduersus Boios & reliquos fœderatos populos, Cremonam adhuc obsidentes, profectus, castra mille quintigentorum passuum interuallo ab ijs posuit. Creditum Gallos opprimi potuisse, si protinus de via ad castra oppugnanda duxisset, palati enim vagabantur per agros, nullo satis firmo relicto præsidio, sed lassitudini militum timuit, quod raptim ductum erat agmen. Galli clamore suorum ex agris reuocati, omiſsa præda, quæ in manibus erat, castra repetiuerunt, & postero die in aciem progressi, nec Romanus moram pugnandi fecit, sed vix spatium instruendi fuit, cō cursu Galli in prælium venerunt. Primo Galli omni multitudine in unum locum connixi, obruere atque obterere se se dextram Romanam alam, quæ ex socijs erat sub M. Furio, sperarunt posse: ubi id parum procedebat, circumuenire à cornibus & amplecti aciem, quod multitudine superantibus facillè videbatur, conati sunt. Id ubi vidit Prætor Romanus, ut & ipse dilataret aciem, duas legiones ex subsidijs, dextra læuaq;, alæ quæ in prima acie pugnabat circundare M. Cæcilio Legato mandat, ipse

ipse ædes Ioui duas vouet, si eo die hostes fudisset, quæ re dubia & ancipiti Romanorum religio: L. Valerio item Legato imperat, ut altera parte duarum legionum equites, altera sociorum equitatum in cornua hostium emittat, nec circumuenire eos aciem patiatur, simul & ipse, ut extenuatam mediam aciem Gallorum diductis cornibus vidit, signa inferre confertos milites, & perrumpere ordines iubet, ita cornua ab equitibus, & medijs à pedite pulsæ, ac repente, cum omni parte cæde ingenti sternerentur, Galli terga vertere, fugaq; effusa castra repetierunt; fugientes persequutus eques, mox & legiones insequutæ, in castra impetum fecerunt. Magna ea strages, nec Romanis incruenta fuit, Boiorum sociorumq; minus sex millia inde effugerunt, cæsa & capta supra quinque & triginta millia, cum signis militaribus septuaginta, carpentis Gallicis multa præda oneratis, plus ducentis. Amilcar dux Pœnus, & tres imperatores nobiles Gallorum cecidere, nominan non extant. Ad duo millia captiuorum Placentinorum liberata. Romanorum sociorumq; circiter duo millia desiderata, plurimi dextræ alæ, in quam primo impetu ingens vis hostium illata est. Consul Aurelius, confecto iam bello, quod difficilimum appellauit Orosius, in prouinciā venit, & indignatus Prætorem se absente rem gessisse, in agrū hostium legiones induxit, populandoq; cum præda maiore quam gloria, bellum gessit. Romæ sup-

Oros lib. 4.
c. 20.

plicatio per triduum fuit, L. Furio triumphus decretus, is trecenta viginti millia æris, argenti centum septuaginta millia pondo, in ærarium tulit, neque spolia prælata, neque milites sequuti, quos penes se retinuerat Consul. Zonaras auctor est, fœderatos legatos de pace misisse, quæ Liguribus data sit, Gallos nihil impetrasse, neque Amilcarem illo anno occubuisse, quo duce postea Galli multas Romanis clades intulerint, & Placentiam sequenti demum anno fuisse oppugnatam; verum ego Liuij fidem sequi malo.

Liuij lib. 32.

Sequenti Cn. Bæbius Tamphilus Prætor, temere Gallorum Insubrum fines ingressus, prope cum toto exercitu circumuentus, supra sex millia & sexcentos milites amisit. Sex. inde Aelius Pætus Consul, cum duos in prouincia exercitus sub se subq; C. Aelio Præto habere, nihil tamen memorabile aduersus Gallos gessit, totum prope annum Cremonensibus Placentinisq; cogendis redire in colonias, unde belli casibus dissipati erant, consumpsit.

Zonaras.

Galli lentitudine animati, spiritus tollebant, nec mediocria agitare, sed ad veterem maiorum fortunam aspirare visi, Romanis curam addidere, ut ambos contra illos consules, C. Cornelium Cethegum, L. Minutium Ruffum mitterent. Cornelius recta ad Insubres via, qui assumptis Cenomanis in armis erant, profectus est; L. Minutius ad inferum mare flexit iter, Genuamq; exercitu adducto, ab Liguri-

ANN. ANTE
CHR. NAT.
CXCIII.

CXCVI.

CXCV.

bus bellum orsus, breui plerisque eorum ciuitatibus atque oppidis positus est. Et iam omnia cis Padum, præter Gallorum Boios, Iluates Ligurum, sub ditione erant, quindecim oppidis, hominum viginti millium deditis. Inde in agrum Boiorum legionem ductæ. Boiorum exercitus, haud ita multò ante Pado traiccto, iunxerat se Insubribus & Cenomanis, quod acceperant Consules coniunctis legionibus rem gesturos, ut & ipsi collati in unum firmarent vires. Posteaquam fama accidit alterum consulem Boiorum agros urere, seditio extemplo orta, postulare Boij ut laborantibus opem uniuersi ferrent, Insubres negare se lociorum causa sua deserturos, ita diuisæ copiar, Boijs in agrum suum tutandum profectis, Insubres cum Cenomanis super amnis Minicij ripas confederunt. Ibi Insubres Cenomanorū perfidia proditi, magna pugna à Cornelio Consule victi sunt. Amilcarem Pœnum imperatorem, qui belli causa fuisset, quemq; ante triennium cecidisse, Liuium secuti scripsimus, tunc demum viuum in Romanorum potestatem venisse, quidam auctores habent. Minutius primo effusis populationibus peragrauerat fines Boiorum, deinde ut relictis Insubribus ad sua tuenda receperunt se se, castris se tenuit, acie cum illis dimicandum ratus. Nec Boij detrectassent pugnam, ni fama allata victos Insubres, animos fregisset. Itaque relictò duce & castris, dissipati per vicos, sua ut quique defenderent, rationē

Liu. lib. 33.

Liu. lib. 31.

Liu. lib. 33.

belli Consuli mutarunt: omiſſa enim ſpe per unam dimicationem rei decernendæ, rurfus populari agros, urere teſta, viſcoſq; expugnare cœpit, oppidorum aliquot & vicorum, in tempus ſimulatas ſine ullo pignore deditiones extorſit, magno interim etiam militum numero amiſſo, inter quos T. Iuuentius, & Cnæus Labeonis frater militum tribuni, cum multis alijs viris fortibus, ciuibus ac ſocijs, aduerſa pugna ceciderunt. Inde Ligufſtini Iluates, ut Inſubres acie victos, Boios territos audiuerunt, ita ut ſpem certaminis tentare non auderent, in poteſtatem veniunt. Romæ ob res proſperè geſtas ſupplicatio quatruidi decreta eſt. Cornelius de Inſubribus Cenomanisq; in urbe, Minutius de Liguribus & Boijs, iniuſſu Senatus & populi, in monte Albano triumphauit. Sed Minutij Triumphus ut loco, ita fama rerum geſtarum, & quod ſumptum non erogatum ex ærario omnes ſciebant, in honoratior fuit, ſignis carpentisq; & ſpolijs alterum ferme æquauit, pecuniæ etiam prope par ſumma fuit, æris translata ducenta & quinquaginta quatuor millia, argenti bigati quinquaginta tria millia & ducenti, ſeptuageni æris militibus diuiſi, duplex equiti, triplex centurioni.

Proximus annus L. Furium Purpureonem, quem Prætorem cum Gallis pugnaffe diximus, & M. Claudium Marcellum Conſules habuit, uterque contra Gallos proſectus eſt. Marcellum Boiorum fines ingreſ-

ANN. ANTE
CHR. NAT.
EXCIV.

COROLA-
MVS.

Ingressum, fatigato per diem totum milite via faci-
enda, castra in tumulto quodam ponentem, CORO-
LAMVS regulus Boiorum, cum magna manu ador-
tus, ad tria millia hominum occidit, & illustres ali-
quot viri in illo tumultuario prælio ceciderunt, in-
ter quos præfecti socium T. Sempronius Gracchus,
M. Iunius Syllanus, & tribuni militum de legione
secunda A. Ogulnius & P. Claudius. Castra tamen
à Romanis permunita retentaq; cum Boij à prospe-
ra pugna ne quicquam oppugnassent. Staiuis de-
inde eisdem per dies aliquot se Marcellus tenuit,
dum & saucios curaret, & tanto terrore animos mi-
litum reficeret. Boij ad moræ tædium minimè pati-
entes, in castella sua vicosq; dilapsi sunt. Marcel-
lus inde emissus, Pado confestim traiecto, aduersus
Insubres & Comenses rem feliciter gessit. Quam-
quam inter scriptores ambigitur, utrum in Boios
prius an Insubres exercitum duxerit, aduersasq; pro-
spæ res oblitterauerint, an victoria trans Padum
parta, deformata sit clade in Boijs accepta. Sub
hæc tam varia fortuna gesta, L. Furius Purpureo al-
ter Consul, per Vmbriam in Boios venit. Iam castro
Mutilo appropinquabat, cum veritus ne interclu-
deretur simul à Boijs Liguribusq;, eadem via qua ad-
duxerat reduxit, & magno circuitu per aperta eaque
tuta loca ad collegam peruenit. Dein iunctis exer-
citibus, primum Boiorum agrum, usque ad Felsi-
nam oppidum, populantes peragrauerunt. Ad

Boio-

Raph. Volat.
comment. lib.
4. P. Marfus in
8 lib. Silij, &
recentiores alij
plerique.

Liu. lib. 33.

Boiorum decus pertineat, quod Felsinam Bononiæ
appellationem à Boijs traxisse sunt qui scripserint, nā
coniecturā qua situs, qua fluuius ibi Rhēni nomine,
iuuat. Sed nobis vera præ speciosis sint; Bōnonia
appellata cum hæc urbs, tum alię alibi terrarum, La-
tina origine, à benè ominantibus colonis, uti Placē-
tia, Pollentia, Valentia, Florentia, Beneuentum, &
eius generis pleręque. Felsina tamen, Bononiæ
nomen undecunque habeat, Boiorum fuit. Eam
tunc, ceteraq; castella, & Boios ferè omnes, præter
iuuentutem quæ in armis erat (in deuias syluas re-
cesserat) in deditionem venisse Liuius auctor est.
In Ligures deinde traductus exercitus. Boij obno-
xiam pacem auersi, & negligentius coactum agmen
Romanorum, quia ipsi procul abesse viderentur,
improviso aggressuros se rati, per occultos saltus se-
quuti sunt, quos non adepti, Pado repente nauibus
traiecto, Læuos Lebuosq; cum peruassent, rede-
unt inde extremo Ligurum sine, cum agresti præ-
dā in agmen Romanum incidunt. Celerius præli-
um acriusq; commissum, quam si tempore locoq;
ad certamen destinatis, præparatis animis concu-
rissent. Boius qui laceratum venerat, Romanorum
ferocia perterritus, pulsus est. Ibi quantam vim ad
stimulandos animos ira haberet apparuit, nam ita
cædis magis quàm victoriæ audi pugnarunt Roma-
ni, ut vix nuntium cladis Boijs reliquerint. Marcel-
lus de Insucribus Comensibusq; triumphauit; Pur-
purconi

purconi collegæ Boiorum triumphî spem reliquit,
quia ipsi propriè aduersa pugna in Boijs euenerat,
collegæ secunda. Apud Orosium lego, Marcel- Oros lib. 4. c. 10.
lum in Etruria à Boijs oppressum, magnam partem
exercitus amisisse, quod ad Corolami victoriam re-
ferendum, alterum postea Consulem Furium auxi-
lio accessisse, itaque ambos uniuerfam Boiorum
gentem igni ferroq; vastantes, ad exitium propemo-
dum usque deleuisse.

AN. ANTE
CHR. N.
CXCIII.

M. Porcio Catone, L. Valerio Flacco Coss. fractis Liu. lib. 33.

proximo anno quadamtenus Insubrum & Boiorum
animis, uni Valerio Consuli Gallia prouincia decre-
ta est. Is per æstatem cum Boiorum exercitu propter Liu. lib. 34.

Litanam siluam, quæ L. Postumij Consulî clade,
Boiorum victoriâ, ante annos xx nobilitata fuerat,
signis collatis secundo prælio conflixit. Octo mil-
lia Boiorum cæsa traduntur, ceteri omissis in præ-
sens armis, quæ proxima quaque occasione repre-
henderent, in vicos suos atque agros dilapsi. Vale-
rius reliquum æstatis quieta prouincia, circa Padum
Placentiæ & Cremonæ exercitum habuit, restituens
quæ in ijs oppidis bello diruta fuerant.

CXCII.

P. Cornelio Scipione Africano II. T. Sempronio Longo
Consulibus, ambobus rursus Gallia prouincia de-
creta est. Eo anno L. Valerius Flaccus Procos. cir-
ca Mediolanum cum Insubribus & Boijs, qui D. O-
RVLACO duce, ad concitandos Insubres Padum
transgressi erant, signis collatis depugnauit, decem

DORTLACVS.

H corum

eorum millia cæsa sunt. Sempronius postmodum Consul in prouinciam profectus, in Boiorum etiam agrum legiones duxit. BOIORIX tum regulus eorum, cum duobus fratribus, tota gente concitata ad rebellandum, castra idoneis locis posuit, ut apparet dimicatu-
 ret, si Romani fines intrassent. Consul ubi quantæ copiæ, quanta fiducia esset Boio sensit; nuntium ad collegam mittit, ut si videretur ei maturaret venire, se tergiuersando rem in eius aduentum extracturum. Quæ causa Sempronio cunctandi, eadem Boijs, præterquam quod cunctatio hostium animos faciebat, rei maturandæ erat, ut priusquam coniungerentur consulum copiæ, rem transigerent. Per biduum tamen nihil aliud, quàm steterunt parati ad pugnam, si quis contra egrederetur, tertio subire ad vallum, castraq; ab omni simul parte aggressi sunt. Consul Romanus extemplo arma capere milites iussit, armatos paulisper continuit, ut & fiduciam hosti augeret, & disponderet copias, quibus quæque portis erumperent. Duæ legiones duabus principalibus portis utrimque signa efferre iussæ, sed in ipso exitu ita conferti obstitere Boij, ut clauderent viam. Diu in angustijs pugnatum est, nec dextris magis gladijsq; res gerebatur, quàm scutis corporibusq; ipsis obnixi urgebant, Romani ut signa foras efferrent, Boij ut aut ipsi in castra penetrarent, aut exire Romanos prohiberent, nec ante in hanc aut illam partem moueri acies potuerunt,
 quam

BOIORIX
 CVM DVO-
 BUS FRA-
 TRIBVS.

quam L. Victorius primi pili centurio, & C. Atinius Tr. mil. quartæ hic, ille secundæ legionis, signa adempta signiferis in Boios iecerunt, dum repetunt enixe signum, priores secundani se porta eiecerunt. Iam hi extra vallum pugnabant, quarta legio in porta adhuc hærente, cum alius tumultus à diuersa parte castrorum est exortus, in portam Quæstoriam siue decumanam irruerant Boij, resistentesq; pertinacius occiderant, L. Postumium Quæstorem, cui Tympano fuit cognomen, & M. Attinium, & P. Sempronium Præfectos sociûm, & ducentos ferme milites. Capta ab ea parte castra Romana erant, donec cohors extraordinaria missa à Consule, ad tuendam Quæstoriam portam, eos qui intra vallum erant partim occidit, partim castris expulit, & irrumptibus obstitit. Eodem ferè tempore & quarta legio cum duabus extraordinarijs cohortibus porta erupit. Ita simul tria prælia circa castra locis distantibus erant, clamoresq; dissoni, ad incertos suorum euentus, à præsentis certamine animos pugnantium auertebant: Usque ad meridiem æquis viribus, ac prope pari spe pugnatum est, labor & æstus, & sitis inter hæc intolerantia, cum decedere pugna coëgisset, in paucos restantes impetum fecerunt Romani, fusosq; in castra compulerunt. Signum indereceptui à Sempronio datum est, ad quod maior pars receperunt se se, pars certaminis studio, & spe potiundi castris Boicis, perstitit ad vallum, quorum pau-

H 2 . citate

citare contempta, Boij uniuerſi ex caſtris erumpunt, fuſi Romani, quæ imperio Conſulis noluerunt, ſuo pauore ac terrore caſtra repetunt. Ita varia hinc atque illinc, nunc victoria nunc fuga eodie fuit, Romani tamen ſcriptores Boiorum xi millia, Romanorum v millia occiſa fuiſſe prodidere. Sanè Boij in intima finium ſe ſe receperunt, Sempronius Placentiam legiones duxit. Africanum alij cum Sempronio coniuncto exercitu, Boiorum Ligurumq; agros populatum iſſe; quoad progredi ſilvæ paludesq; paſſæ ſint, ſcribunt, alij nulla memorabili re geſta, Romanam rediſſe. Et Aſiaticum, Africani fratrem, cum Boiorum gente, viginti millibus interfectis, conſiliſſe, habent manuſcripti quidam codices, eius libelli qui de viris illuſtribus conceptus eſt. At verò, cum nec temporis nec loci rationem aſcribât, & multò plurima exempla eius ipſius libri ijs verbis careant, fit ut germana ab auctore eſſe, fidem non impetrent.

Annotauit Frid.
Sylburgius.

ANN. ANTI
CHR. NAT.
CXCL

Lia. lib. 35.

L. Cornelio Merula, Q. Minutio Thermo Coſs. Cornelius Galliam prouinciam ſortitus, per extremos Ligurum fines exercitum in agrum Boiorum duxit. Boij, quanquam in aciem prodeunte eo, pugnam detrectare, Romanos ipſorum artibus, neque feliciter, neque cautè ſatis, petere, Romani ubi nemo obuiam exiret, diſcurrere. Sed diripi ſua impune, quàm tuendo certamen conſerere Boij malebât, ut contemptum & incuriam ea ratione Romano au-
gerent,

gerent, per quæ occasionem secundiori pugnae sperabant. Postquam omnia ferro ignique satis euastata erant, Consul agro Boico excessit, & ad Mutinam agmine incauto, ut inter pacatos ducebat. Boi ubi egressum è finibus suis sensere, sequuti silenti agmine, locum insidijs quærentes, nocte prægressi castra Romanorum, saltum insederunt, qua Consuli prætereundum erat. Id cum parum occultè fecissent, Consul, qui multa nocte solitus erat mouere castra, ne nox terrorem in tumultuario prælio augeret, lucem expectauit, & cum luce moueret, tamen turmam equitum exploratum misit. Posteaquam relatum est, quantæ copiae, & in quo loco essent, totius agminis sarcinas, multa præda graues, in medium conijci iussit, & triarios vallum circumijcere, cetero exercitu instructo ad Boios accessit. Idem & Boi fecerunt, ubi apertas esse insidias, & recto ac iusto prælio dimicandum viderunt. Hora diei secunda ferme concursus est, sinistra sociorum equitum ala & extraordinarij prima in acie pugnabant, præerant duo consulares legati, M. Marcellus & T. Sempronius prioris anni consul. Cornelius nunc ad prima signa erat, nunc legiones continebat in subsidijs, ne certaminis studio prius procurrerent quàm datum signum esset, equites earum extra aciem in locum patentem L. & P. Minutios Trib. milit. educere iussit, inde cum signum dedisset, impetum ex aperto facerent. Hæc agenti, nuntius à Sempronio venit,

H 3 non

non sustinere extraordinarios impetum Boiorum, cæsos permultos esse, & qui supersint, partim labore, partim metu remisisse ardorem pugnae, legionem alteram ex duabus, si videretur submitteret, priusquam ignominia acciperetur. Secunda legio missa est, & extraordinarij recepti, tum redintegrata est pugna, cum & recens miles, & frequens ordinibus legio successisset, & sinistra ala ex prælio subducta est, dextera in primam aciem subiit. Solingenti ardore torreat, nullius rei æquè atque æstus impatentia corpora Boiorum, densis tamen ordinibus, vigentibus animis, in spe bona, nunc alij in alios, nunc in scuta incumbentes, impetum Romanorum sustinebant. Quod ubi animaduertit Consul, ad perturbandos eorum ordines C. Liuium Salinatorem, qui præerat alarijs equitibus, quàm concitatissimos equos immittere iubet, & legionarios equites in subsidijs esse. Hæc equestris procella, confudit & turbauit, deinde dissipauit aciem Boicam, non tamen ut effusa fuga terga daret, obstabant duces, hastilibus cedentes terga trepidantium, & redire in ordines cogentes, sed inter equitantes alarij non patiebantur. Consul ut fluctuantem, & in fugam inclinatam animaduertit, obtestabatur milites, paullulum adniterentur, victoriam in manibus esse, dum perturbatos & trepidantes viderent, instarent, si restitui ordines siuissent, integro rursus eos prælio, & dubio dimicatuuros, simul inferre vexillarios iussit signa,

signa, itaque omnes connixi, tandem auerterunt Boios. Postquam terga dabant, & in fugam passim effundebantur, tum ad persequendos eos legionarij equites immissi. Quatuordecim millia Boiorum eo die cæsa sunt, viui capti mille nonaginta duo, equites ducenti viginti unus, tres duces, signa militaria ducenta duodecim, carpenta sexaginta tria. Nec Romanis victoria paruo stetit, supra quinque millia militum, ipsorum aut sociorum, sunt amissa, centuriones tres & viginti, præfecti lociùm quatuor, & M. Genutius & M. Martius Trib. militum secundæ legionis. Cornelio Cos. triumphus negatus est, quod fortuna populi Romani & militum virtute, non sua ipsius opera & consilio vicisse, sua verò potissimum culpa magnum militum numerum amisisse, hostem qui deleri poterat, è manibus emisisse crederetur, eo quod laborantibus subsidia tardius submissa, & equitibus legionarijs signum serò datum, nec fugientes persequi licuerit.

ANN. ANT.
CHR. N.
69C.

Quam Boiorum ea pugna res affligerit, sequens annus aperuit, quo L. Quinctius Flamininus, Cn. Domitius Ahenobarbus fuere Cols. cum unus per Ligures, alter ab Arimino in Boios venisset, & duobus diuersis agminibus agrum latè peruastassent, illos tamen quiescentes non excitarunt, quin etiam primo equites eorum pauci cum præfectis, deinde senatus uniuerfus cum liberis, postremò, in quibus aut fortuna aliqua aut dignitas erat (summa omniū mille

Liu. lib. 39. Alij
paulò aliter,
sed fides habenda
Linio, qui
Catonem sequi-
tur.

mille quingenti) se se transfugio Romanis credere,
quam armati vim repellere maluere. Flagitium
inter ea crudelitate & libidine fœdum atque imma-
ne, à Quinctio perpetratum est, quod censoriam
M. Catonis notam post nouem inde annos meruit.
Philippum Pœnum puerum à se adamatum, ab Ro-
ma in prouinciam, spe ingentium donorum perdu-
xerat: is per lasciuiam cum cauillaretur, exprobrare
Quinctio perlatæpe solitus, quod sub ipsum specta-
culum gladiatorum abductus ab Roma esset, ut ob-
sequium amatori iactaret. Forte epulantibus illis,
cum iam vino incaluisset, nuntiatum in conuiuio,
nobilem Boium cum liberis transfugam venisse, cõ-
uenire Consulem velle, ut ab eo fidem præsens acci-
peret. Introductus in tabernaculum, per interpre-
tem alloqui Consulem cœpit, inter cuius sermonē,
Quinctius puero, Vis tu, inquit, quoniam gladia-
torum spectaculum reliquisti, iam hunc Gallum
morientem aspicere? Et cum is vix dum seriò annu-
isset, ad nutum pueri Quinctius, stricto gladio, qui
super caput pendebat, loquenti Boio caput primum
percussit, deinde fugienti, fidemq; Pop. Rom. atque
eorum qui aderant imploranti, latus transfodit. A-
trox haud dubiè, & barbarum facinus, animos Bo-
iorum, ad omnem iam pacis patientiam composi-
tos, auertit. Itaque P. Cornelio Nasica, M. A-
cilio Glabrione Cofs. bellum, quanta ante eam di-
em maxima contentione recrudit, exitu neque pro
æquitate

Liu. lib. 36

AN. ANTE
CHR. N.
CXIC.

æquitate caussæ, neque pro Boiorum virtute, sed pro una omnium gentium victoris populi fortuna. Nasica demandatum est, qui legionibus in hostilem agrum inductis, Boios obuios, signis collatis, ingenti victoria superauit. Antias Valerius retulit, duo de triginta millia Boiorum cæsa, capta tria millia & quadringentos, signa militaria centum viginti quatuor, equos mille ducentos triginta, carpenta ducenta quadraginta septem, ex Romanis mille quadringentos octoginta quatuor cecidisse. Nasica, in hanc fere sententiam, oratione quam pro triumpho habuit, plus partem dimidiam ex quingenta millibus hostium cæsam, neque cum tot millibus Boiorum quenquam ante se imperatorem pugnauisse, multa millia capta, senes puerosq; superesse, dixit. Castra etiam in Romanorum potestatem venire. Boij tot continentibus cladibus attriti, nullis reliquis quas victori obijcerent viribus, se post aduersam pugnam coacti extemplo dedere, imperatis obsidibus, dimidia fere agri parte mulctati sunt, quo si vellet Pop. Rom. colonias posset mittere. In triumpho, Gallicis carpentis arma signaq; & spolia omnis generis transuecta, & vasa ænea Gallica, & cum captiuis nobilibus, equorum captorum quoque greges traducti, aurei torques translati mille quadringenti septuaginta, ad hæc auri pondo ducenta quadraginta quinque, argenti infecti factiq; in Gallicis vasis, non infabre more gentis factis, duo

I mil.

millia trecenta quadraginta pondo, bigatorum nummorum ducenta triginta quatuor, militibus qui currum secuti sunt, diuisi triceni viceni quini asses, duplex centurioni, triplex equiti. Plautus, Latinorum poetarum festiuissimus, siue Nasicæ triumphum, siue superiora bella Boica spectans, Capteiuicis comœdiâ Stalagnum Boium seruum induxit, & in ambiguo Boiæ nomine iocatus est. Gnaeus scilicet popularis artifex, animos afficere & delectare validius, ea quæ in præsentī usu & quodammodo conspectu sunt, itaque fabulis suis non tantum Boios, sed & Pœnos, & Reges Philippum, Attalum, atque Antiochum, aliâq; eius temporis aspersit.

Liu, lib. 37.

L. Cornelio Scipione, C. Lælio Consulibus, Lælio Gallia prouincia decreta. Placentinorum & Cremonensium legati in senatu questi inopiam colonorum, alijs belli casibus, alijs morbo absumptis, quosdam, quod & antea contigerat, tædio accolarum Gallorum reliquissē colonias, supplementum impetrare. Lælius Consul ex Gallia Romam reuersus, non solum colonos in id supplementum scripsit, sed ut nouæ coloniæ duæ in agrum qui Boiorum fuisset deducerentur, retulit, atque eo auctore senatus censuit.

Anno proxime sequenti imperium cum exercitu in Gallia prorogatum. Ante diem tertium calendas Ianuarias Bononiam Latina colonia deducta est, deduxerunt L. Valerius Flaccus, M. Attilius Serranus, L. Valerius Tappus, Triumui, CLXXVII

ANN. ANTE
CHRIST. NAT.
CLXXXVIII

umuiri, tria millia hominum sunt deducta, equitibus septuagena iugera, ceteris colonis quinquagena sunt data, ager captus de Gallis Boijs fuerat, Galli Tuscos expulerant, uti à nobis suis locis memoratum, Boici nomen tenuit, etiam postquam in Romanorum potestatem venit, quod Sextus Pompeius ex Verrio Flacco retulit. Bononiam, olim Felsinam, Etruriæ quondam principem, Plinius appellat.

Sext. Pomp. u.
Boiscus ager.

Lib. 3. c. 159

ANN. ANTE
CHR. NAT.
CLXXXVI.

M. Valerio Messalla, C. Liuius Salinator Coss. Boij, cum Romana arma annos supra ducentos ab urbe capta exercuissent, multis prælijs victores, pluribus fortasse victi, bello demum inferiores, quæ omnium populorum aduersus Romanos fortuna fuit, anno circiter quadringentesimo postquam in Italiam commigrarunt, ea excefferunt. Siue sponte id ipsi sua, qui ea carere mallent, quam obnoxiam pacem, reliquarum Italicarum gentium exemplo, atque seruitutem fœderis specie colere: siue, quæ Strabonis sententia, vi pulsi. Iulius Obsequens sine prælio eiectos esse scripsit: Boios Gallorum nomine complexus, nec enim ceteræ Gallicæ gentes Italiam tum reliquere. Sed utrouis modo res gesta, est ad gloriam eximium, & nescio an exempli unici, aut tam constantem in uniuersa gente fuisse libertatis respectum, aut populum Romanum, tantis iam tunc opibus, ut maximi quique Reges, & florentissimæ orbis terrarum ciuitates, obsequium certatim deferrent. Italiæ sibi tamen nunquam satis certam

Strabo lib. 3.

Cuius rei vel illud argumentum est, quod sequentibus statim Coss. Gallia prouincia M. Furio Prætori decreta Liu. lib. 38.

& fixam possessionem destinasse, quamdiu Boius cis alpes consisteret. Notæ hæc & expertæ fortitudinis confessio. Cuius à nobis hoc omni libro documenta prodita, sed ea haud dubiè pauciora & exiliora quam pro re, quod nullis domesticis monumentis adiuti, testimonia à Romanis, propalam hostibus, & à Græcis, qui Romanis vixere obnoxij, habuimus necesse emendicare. Mutina post hæc & Parma; coloniæ ciuium Romanorum, in reliquum agri Boici sunt deductæ, bina millia hominum octona iugera Parmæ, quina Mutinæ acceperunt, M. Aemilio Lepido, T. Ebutio Caro, L. Quintio Crispino triumuiris.

Liu. lib. 39.

MAR-

69

M A R C I V E L S E R I
R E R V M
B O I C A R V M
L I B E R S E C V N D V S.



Eate qua Boios in Italiam transgressos diximus, Hercyniam ab ijs quoque syluam infessam, supra demonstratum est. Lib. 1. pag. 8.
Hæc Eratostheni & Græcis fere ceteris Cæs. lib. 6. de bel. Gall.
Orciniæ nomine cognita, incredibili tunc temporis magnitudine erat & vastitate. Cæsari tanto post proditum, latitudinem nouem dierum iter patere, longitudinem incompertam esse, cum ad sexaginta dierum iter quidam processerint, neque tamen ad eius exitum adierint, certè oriri ab Heluetiorum & Nemetum & Rauracorum finibus, rectaq; fluminis Danubij regione pertingere ad fines Dacorum & Anartium, hinc se flectere sinistrorsus, diuersis à flumine regionibus, multarumq; gentium fines propter magnitudinem attingere. Boij in medio saltu ad Albis fontes, loco aperto, uberes agros, mansuro Boiohemi nomine tenuere. Elati inde successibus, porrò per syluam pergentes, plurium populorum armis consociatis imperium protendêre. Nam quod Trogus memorat, extrecentis ho- Iustin. lib. 24.

I 3 minum

minum millibus, quæ Galli, veluti ver sacrum, ad sedes nouas quærendas misère, partem in Italia confedisse, quæ urbem postea Romam captam incendit partem Illyricos sinus penetrasse, quæ in Illyricum venit, illa fuerit oportet, cui Liuius Hercynios in Germania saltus, Sigouelo imperatore, deltinatos scripsit, unde traiccto Danubio breuissimus est in Illyricum transitus. Hanc auibz ducibus iter fecisse creditum, perq; barbarorum strages in terram Pannoniam peruenisse. Principes Boij, monumentum in aduersa ripa, ad ipsum statim Danubij traicctum posuere, Boiodurum, qua Oenus Vindelicos & Noricos interfluit, Germaniæ magnæ obiectos utrosque: magnus præterea circa agri modus, à Vindelicorum quippe finibus ad Pannoniam, Norici longitudine fusus, genti attributus est, quem ob eas quæ postea rerum varietates consequutæ, Boiorum deserta Strabo & Plinius appellauere. Domandis Pannonijs varia cum finitimis populis bella à Gallis gesta, per multos annos, & resederit forte an Boici nominis vestigium in Bijs, Pannoniæ populo, aut Boeis, ut Latini quidam Ptolemæi codices præferunt, quos ex Boijs Græcorum natos, manifestum. Tandem perpetuis animati victorijs, diuisis agminibus, alij Macedoniam, Belgio aut Bolgio aliquo duce, Thraces & Triballos alij, sub Cerethio, reliqui multò maxima manus, Græciam sub Brenno & Acichorio & Emano & Thessaloro, aut **THESSALONO**, THESSALONICA omnia

Ptolem. Notit.
tin. Anton.

Strabo lib 7.
Plin. lib. 3. c. 24.

Editio Rom. an.
1472.

Iustm. lib. 24.
Pausan. lib. 10.

omnia ferro proterendo, petiere. Brennum Prausum natione fuisse Strabo auctor est, reliquorum patria silentio dissimulata: sed Thessaloni nomen, siquidem cum Thassilone idem est, gentile Boicum inde scias, quod hoc plerique Boiorum principes usi, neque ulli quod constet, præterea. Bellum variè gestum. In Macedonia Ptolemæus Ceraunus captus occidit: Thraciæ expeditionis memoria nulla superest: Brenni exercitum Delphos aggressum, Græci narrant, sacrilegij pœnas luisse, per omnia humanæ patientiæ exempla. Interim satis constitit, si Brennus Thessaloni & Emani consilio usus, hostes imparatos aggredi maturasset, serum Apollinis & fororum fuisse futurum auxilium. Delphica autem clades annos centum totos post Romam captam contigit, quod tum Polybius indicat, tum alii ostendere proclive est; ut admodum absurdè senserint, qui cum Camillo istum ipsum Brennum composuere. Sed magna vis hominum, viginti admodum millia, priusquam Brennus Græciæ solum contingeret, seditione in Dardanis orta, à reliquo exercitu abruperant, & secessione facta, in Thraciam auerterant. Ij Tolistobogij, Trocmi & Tectosages fuere: Lomnorijs & Lutarijs reguli memorantur, ut hic, quantum existimare licet, Tectosages, ille Trocmos duxerit: primis, **TOLISTVM** an **TOLISTONEM** præfuisse, non dubia habentur indicia. Tolistobogiorum enim, longum contortu-

plica-

Pol. lib. 2.

Liu. lib. 3.

TOLISTVS,
sive
TOLISTO.

Strabo lib. 12.
& 4.

App. Syriac.

Schol. ad 38.
lib. Liuij.

Pol. lib. 5.

plicatumq; nomen, à ducis appellatione tractum, Strabo scriptum reliquit. Idem cum prodiderit, nullos in tota Gallia, citra ultrae alpes, Tolistobogios populos reperiri, unde Asiatici originem duxisse credendi sint, quam tamen hinc manifestè traxerint, facile fuit intelligere, primores syllabas ad ducem priuatim pertinere, reliquas populum respicere, Bogiorum nimirum & Boiorum tam nullo discrimine, ut unam eam eandem gentem esse, ne monendum quidem videatur. Non longè Appianus atque Stephanus abeunt, qui Tolistobios vocauerunt, aut Ptolemæus, qui Tolistobogos, ut Stephanus tamen Tolistobogios ab Eratosthene dictos annotauerit. Sed quando nulla, in asserendo eximio gentis ornamento, auxilia spernanda, grauissimum testimonium, quantumvis nuperi scriptoris, non præteribimus. Carolus Sigonius, homo nostræ ætatis in primis certus & diligens, obseruauit veteres manuscriptos codices, quibus ille optimis usus, & quorum præcipua debet esse auctoritas, Tolistobogiorum vocabulum, totidem prorsus litteris planè & explicatè exaratum præferre. Nos Boios & Tectosages conterminos ad Hercyniam coluisse, superiori libro ostendimus, quam simul proficiendi, & copias coniungendi occasionem fuisse, credibile. Polybius, circa paludem Lychnidiam in Illyrico, Boiorum, ad ipsam prope Dardaniam meminit, quos reliquias eorum qui longius progressi, gentile nomen,

nomen, ascita ducis appellatione adauxerunt, existimamus. Quamquam vernacula alia vocabuli origo excogitari poterat : cum enim Doll siue Toll ferocem, & prope furem, Tollist & Tolliste, ferocissimum atque ferocissimos significet, me verum scribere sermonis periti sciunt, quantum abest ut ferocissimi Celtarum Boij, quod ex Appiano supra attulimus, Tollisto-Boij, & paullò inde mollius, Tolisto-Boij fuerint appellati? Confido coniecturam amatores reperire posse : quæ nobis tamen calida, illa altera, Strabonis fulta testimonio, visa potior. Sed utrouis modo, ad Boios profectò pertinent, nihilo minus quam aut Ostro-Gothi aut Veso-Gothi, quamuis compositis etiam nominibus, Gothi censentur.

Lib. 1. pag. 14:

Tolisto-Boij ergo, ceteriq; fœderati populi, cum resistentibus pugnando, pacem petentibus stipendium imponendo, cum Byzantium peruenissent, aliquamdiu oram Propontidis vectigalem habendo, regionis eius urbes obtinuerunt. Neque satis scio, quod toto propemodum itinere ab Hercinijs nemoribus in Asiam, Boici nominis vestigia per intervalla sparsa esse videam, an Boion in Taurica Chersoneso oppidum, ad hanc quoque memoriam pertinere interpreter, scio in ea peninsula hodieq; gentem viuere, quæ sermone, moribus, ore denique. i. pso & corporis habitu, originem Germanicam referat, quæq; etiam nunc arcum Bogam nomet.

Extat apud Ptol.

Ex Aug. Busbeq;
epist. 4. legat.
Taur.

K Inde

Inde audientes quanta Asiæ ubertas esset, eo trans-
 miserunt, Ilium primò, nudatam mœnibus urbem,
 mox iterum deferendam tenuerunt, ut Hegesianax
 auctor. Non plus ex viginti millibus hominum
 quam decem armata erant, tantum tamen terroris
 omnibus quæ cis Taurum colunt gentibus iniece-
 runt, ut quas adissent, quasq; non adissent, pariter
 ultimæ propinquis, imperio parerent. Postremò,
 cum tres essent populi principes, minores enim plu-
 res Plinius enumerat, in totidem partes, qua cuique
 Asia vectigalis esset, diuiserunt, Tolisto-Boij Aeo-
 lida atque Ioniam sortiti sunt. Horum urbes à Pto-
 lemæo referuntur Germa, Pessinus Vindia, Andrus,
 Vegistum, Tolasta vicus, ducis credo Tolisti monu-
 mentum: à Strabone Blucium additur, quod Cicero
 Luceium appellauit, & Peium, à Memnone Tabia.
 Ambigo an eo quidquam faciat, fidem enim ut im-
 petrare possit vereor, quod Asiatica Friderici Ahe-
 nobarbi expeditione, populos repertos esse aiunt
 prope Armeniam, qui sermone Boico uterentur.
 Regio uniuersim ad Sangarium & Halym fluuios,
 Galatia, & Gallogræcia dicta. Reipublicæ ratio
 fuit fere eiusmodi, ut singulis gentibus in quatuor
 quodammodo tribus distinctis, omnes simul duo-
 decim tribus constituerent, quarum præfecti & iu-
 dices leuiores causas deciderent, de cæde ad com-
 mune concilium c c c. virorum, quod Drynæmeti
 coge batur, referrent. Galatici verò nominis

terror

Heges. Cap. Strab.
 lib. 13.

Plin. lib. 5. c. 32.

Cic. orat. pro
 Deiot.
 Memnonis fra-
 gmentain Pho-
 tij bibliotheca
 extant.

An. 1190.

Strabon. lib. 12.

terror indies adeò increſcebat, multitudine etiam magna ſobole aucta, ut Syriæ ad poſtremum Reges ſtipendium dare non abnuerent. Sequutis inde temporibus varia fortuna, ſæpe vincentium, ſed & interdum victorum fuit.

Toliſto-Boios quod propriè ſpectet, unum apud Memnonem, qui Toloſtobogios appellat, re-
perio, Zeilæ Bithyno Nicomedis filio, paternum re-
gnum repetenti, eſſe opitulatos, neque quidquam
præterea: quouſque tranſgreſſis in Aſiam Romanis,
& ſuperato Antiocho, tum Toliſto-Boij tum Tro-
cmi atque Tectofages, à Cn. Manlio Vullone Con-
ſule, quod auxilia Regi præſtiſſe dicerentur, bello
petiti ſunt. Erant tunc trium populorum reguli,

Liu. lib. 18.

ORTIAGON.

ORTIAGON & Combolomarus & Gaulotus. Or-
tiagon præ ceteris liberalitate & rei militaris peritia
inclytus, conſilia de Galatarum principatu in ſe u-
num transferendo, cui ingenita animi altitudine, &
longa exercitatione par eſſet, agitare creditus. Eo
duce Toliſto-Boiorum ciuitas Olympum montē
cœpit, conuectis omnibus quæ ad uſum quamuis
longi temporis ſufficerent: tædio ſe fatigaturos Ro-
manos cenſebant, nam neque auſuros per tam ardua
atque iniqua loca ſubire, & ſi conarentur, vel parua
manu prohiberi ac deturbari poſſe, nec quietos in
radicibus gelidorum montium ſedentes, frigus aut
inopiam laturos. Et cum ipſa altitudo locorum eos
tutaretur, foſſam quoque & alia munimenta verti-

Suid. u. Ortiagon.

K 2 cibus

cibus ijs quos infederant circumiecere, minima apparatus missilium telorum cura fuit, quæ postea negligentia male vertit, quod saxa affatim præbituram asperitatem ipsam locorum credebant. Manlius contra, qui pugnam non cominus, sed procul locis oppugnandis futuram præceperat animo, ingentem vim pilorum, velitarium hastarum, sagittarum glandisq; & modicorum lapidum qui funda mitti possent, parauerat. Subeuntibus itaque montem Romanis, & procurentibus ad aditum prohibendum Tolisto-Boijs, missilibus ex intervallo loci prælium commissum est, primò par, Boios loco adiuuante, Romanos varietate & copia telorum, procedente inde certamine nihil æqui erat, scuta longa, sed ad amplitudinem corporum parum ampla tegebant Boios, nec iam tela alia habebant præter gladios, quorum eminus nullus usus, cum manum hostis non confereret, ceterum rudibus nec præparatis saxis, ut cuique temerè ad manus venissent, inconditè utebantur, sagittis ex aduerso, glande, iaculis incauti ab omni parte configebantur, nec quid agerent, ira & perturbatione obcæcatis animis cernebant, quod iniquissimo pugnae genere essent comprehensi, nam quemadmodum cominus, ubi inuicem pati & inferre vulnera licet, Romanis non cessuri videbantur, ita cum ex occulto & procul leuibus telis vulnerarentur, nec hostis quem ulciscerentur copiam sui faceret, & iam pauci superessent, castra in vertice montis

tis sita repetere coacti sunt, quæ pauoris & tumultus plena reperere, ut ubi fœminæ pueriq; & alia imbecillis turba permixta esset. Neque Manlius cunctatus, legiones co duxit, Boij ne parum se munimenta suâ tegerent, armati pro vallo constitierant, obruti deinde omni iterum telorum genere, cum quo plures ac densiores erant, eo minus vani quidquam teli intercideret, mox intra vallum compelluntur, stationibus tantum firmis ad ipsos aditus portarum relictis. In multitudinem compulsam in castra, vis ingens missilium telorum continenter conijciebatur, & vulnerari multos, clamor permixtus mulierum atque puerorum ploratibus significabat. Etiam qui portas stationibus clausierant, scutis pilis transfixis, plerique inter se conferti hærebant, nec diutius impetum Romanorum sustinuerunt. Priusquam verò ij patentibus iam portis castra irrumperent, Tolisto-Boiorum fuga è castris in omnes partes facta est, per vias per inuia, perq; præcipitia saxa, qua quemque fors aut impetus tulit, itaque plerique præcipientes per vastam altitudinem prolapsi, inter vepres & rupes exanimati sunt. multi in equites, qui ad radices montis se continuerant incidentes, cæsi aut capti. De interfectorum numero immodica est tradentium diuersitas, Quadrigarius, qui bis in Olympo pugnatum auctor, ad quadraginta millia hominum cæsa scripsit, Antias, largus alioquin in augendo, non plus decem millia, captiuorum quadraginta millia

K 3 fuere,

fuere, quod Quadrigarium fallere potuit, quia Boij omnis generis ætatisq; turbam secum traxerant, demigrantium magis quam in bellum proficiscentiũ modo. Ortiagon Rex ipse gentis euasit.

CHI- CHIOMARA

Præter Liu. Plut.
de clar. mul. Flo-
rus. Erucl. de
vuis illustr.

OMARA uxor, miræ pulchritudinis fœmina, in hostium potestate fuit. Custodiæ centurio præerat, libidinosus iuxta atque auarus, is primò eius animum tentauit, quem cum abhorrentem à voluntario stupro videret, corpori quod seruum fortuna erat, vim fecit. Deinde ad leniendam indignitatem iniuriæ, spem redditus ad suos mulieri facit, & ne eam quidem ut amans gratuitam, certo auri pondere pactus; ne quem conscium suorum haberet, ipsi permittit, ut quem vellet, unum ex captiuis, nuntium ad suos mitteret, locum prope flumen constituit, quo duo, ne plus, necessarij captiuæ cum auro venirent nocte insequenti, ad eam accipiendam. Forte Chiomara seruus inter captiuos eiusdem custodiæ erat, hunc nuntium primis tenebris extra stationes centurio educit. Noctè insequenti, & duo necessarij mulieris ad constitutum locum, & centurio cum captiua venit. Cumq; Chiomara dato auro, quod summam talenti Attici expleuit, tanti enim pepigerat, liberata esset, patria lingua suis, stringerent ferrum, & centurionem ipsam tum amplectentem valedicentẽq;, occiderent imperauit. Iugulati præcisum caput inuolutum veste, ad virum Ortiagontem domum tulit. Quem priusquam complecteretur, caput ante
pedes

pedes abiecit, mirantiq; facinus haud quaquam muliebri, & exclamanti, O coniunx, præclara res fides est! suspicabatur centurioni fidem de pretio non seruata, ideo cæsum esse: Oninonò, illa inquit, hoc verò pulchrius, unum te marite in terris viuere, qui corporis mei habueris copiam, inde iniuriam centurionis, & ultionem violatæ per vim pudicitiae, viro confessa est, & reliquæ vitæ sanctitate ac grauitate, huius matronalis facinoris decus ad ultimum conseruauit. Polybius se cum ea Sardibus collocutum, animi magnitudinem & prudentiam admiratum scripsit. Vtrâque haud dubiè Romanæ pudicitiae principe Lucretiâ Boia tanto interuallo superior, quanto & castitate vicit, captiua probrum vi passa, liberam infamiae metui sponte succumbentē.

Ortiagonti PAEDOPOLITES filius fuit.

Suidas.

Proxima & germana pudicitiae laus, coniugalis amoris fides est, cuius eximium alterum in Galatarû gente specimen editum, cum omnibus priscae hœroidum exemplis contendere non verear: Tolisto-Boiorum proprium esse, neque pro vano, neque pro comperto posuerim, sed Plutarchus cum Chiomare & Stratonice Tolisto-Boicarum mulierum memoria coniunxit: neque qua temporis circumscriptione definiam satis scio; ut isto tamen loco narrem, nihil aberraturus sum, quando is qui patrum memoria inter poetas Italos princeps habitus, sola egregij facinoris magnitudine adductus, pulchrum existimauit

Arcof. cant. 37.
Drusillæ nomine.

PAEDOPOLITES.

mauit carminibus in nobili poemate celebrare.

SINATVS & SINORIX gentis principes, potentia inclyti, ijdem se sanguinis coniunctione attingebāt.

SINATVS,
SINORIX

Horum Sinato uxor erat, quam virginem duxerat,

CAMMA nomine, cum forma & ætatis flore spectanda,

CAMMA.

tum ob robur animi & virtutis indolem,

multo etiam magis, præcipua maritum charitate

complectens. Venerationem augebat Dianæ sacer-

dotium, viscebatur in obsequio Deæ, cuius cultui

Galatæ inprimis dediti, sacerdos ipsa, inter pompas

& sacrificia, ornatu religioni numinis & splendori

principalis fortunæ conuenienti. Cammam deperi-

riuit Sinorix; nequicquam, fatis sciebat, siue vim siue

blanditias viuo marito paraturus, quod ergo pro-

ximum, Sinatum dolo aggressus, necat. Statim à ma-

riti morte, ne lugendi quidem relicto spatio, impo-

tens amator uxorem ambit, sceleris confessione ad

amoris commendationem impudenter usus, se Si-

nato nulla alia re inferiorem, amore etiam superio-

rem petito rem venire, qui cognati hominis sanguinem

nuptiarum spe, nullis præterea inimicitiarum

caussis impulsus, non horruerit fundere Camma

mariti casum nec abiectè ferre, nec muliebriter la-

mentari, sed magno & erecto animo vindictæ in-

tenta esse, assiduas Sinorigis preces neque præfractè

aspernari, neque planè admittere; donec in speciem

ijs amicorumq; consilij victa, assensit, veniret, nu-

prias in templo, teste Dea, cuius illa antistita, auspi-

caretur.

caretur. Sinorix confestim affuit, blandè exceptus:
 adaram ductus est. Ibi cum Camma Deæ ex patera
 libasset, partem hausit, reliquum Sinorigi ebiben-
 dum propinauit, erat autem plena mulsi veneno mi-
 sta. Quamprimùm bibisse vidit, claro sublato eiu-
 latu, Deam procidens supplex adorat, & Te te, ex-
 clamat, sanctum & præsens mihi numen, te Diana
 testor, huius medici causa vitam à Sinati morte tra-
 xisse, acerbam utique & ærumnosam, nisi qua me
 vindictæ spes solata sustentauit, cuius nunc pleno
 voto potens, ad charissimos mariti manes, læta &
 exultans descendo: Ad Sinorigem simul conuersa,
 Tu verò teterrime, scelere omnes mortales vincens,
 age fac, tui tibi iam pro nuptialibus tædis & geniali
 thalamo, funereas faces & tumulum, te dignam con-
 iugij pompam apparent. Ille tristissima verba acce-
 pit attonitus, & cum vim veneni se in omnes cor-
 poris partes insinuare persentisceret, currum con-
 scendit, ut agitatione malum vel vinceret vel rejice-
 ret, cum frustra utrumque esset, eo relicto, ante pro-
 ximum solis occasum in lectulo mortuus iacuit.
 Camma per totam noctem obluëta, cum Sinori-
 gem vita functum audiuiisset, circa solis exortum, hi-
 laris & gratulabundæ similis expirauit.

Nec infra mulierum virtutem viri. Tolisto-Bo-
 ios & Tectofages captiuos (post Tolisto-Boios, Te-
 ctofages victi & Trocmi) miraculo fuisse proditum,
 adeò catenas etiam moribus & ore tentauere, suffo-

L candas

candas fauces inuicem præbuere, omnia præ seruitute toleranda, pro libertate decora existimantes. Romani quantumvis victores, pacem fortissimis gentibus non durissimis legibus dederunt, morem vagandi cum armis finirent, agrorum suorum se terminis continerent, tributum aliquid nomine penderent; postremum enim caput, ex sacra Machabæorum historia eruimus, ea Iudæos Galaticâ victoriâ magnitudinem Romanæ potentiae æstimasse indicat.

Machab lib. 1.
c. 2.

ANN. ANTE
CHR. NAT.
CLXXXV.

Pag. 67.

Quo ipso tempore Boij Italia excessere, siquidem anno post Messallæ & Salinatoris Consulatum, quibus Consulibus eos excessisse ostendimus, Manlius de Gallis Asiaticis triumphauit.

Strabo lib. 9.

Pag. 70.

Italici autem Boij, ut unde deflexit redeat narratio, trans alpes in Tauriscos abiere, ad Istrum flumē, Norici tractu confidentes, quo aliam ex Germania magna Boicam coloniam, multo ante immigrasse, initio libri dictum est. Tauriscorum, quod inter pauca admirandum, nomen interijt, nominis interpretatio in alia lingua mansit, Stiri sunt, ut ut mutatis aliquantum finibus, quod plerisque omnibus populis accidit, Stieri Germanis Tauri. Hic cognatas utrimque ab una Boiorum stirpe gentes, breui coaluisse, & coniunctis inter se animis armorumque viribus, veterem aduersus vicinos virtutis atque potentiae existimationem asseruisse, credendum. Quod constat, anno postremo belli Persici, priusquam Christus nasceretur centesimo sexagesimo quinto,

CLXXV.

quinto, valida & expedita Gallorum manus ab Istro profecta, Macedonibus auxilio venit; quam Boicam fuisse, incertum Tauriscam an Dardanam, ut nullius certi scriptoris testimonium euincat, re persuademur, & temporis atque locorum ratione, neque non validis in Romanos irarum causis, qua veteri multiplici, quarecenti grauissima offensione exasperatis, tum eo demum multo maximè, quod Liuius quem sequimur, Gallos generatim pro Boijs frequens soleat usurpare. Venere CLONDICO regulo duce decem millia equitum, par numerus peditem, & ipsorum iungentium cursum equis, & inuicem prolapsorum equitum vacuos equos ad pugnam capientium. Hi pacti erant, eques denos praesentes aureos, pedes quinos, dux mille. Venientibus Perseus profectus obuiam, ex castris quæ ad Enipeum habebat, cum dimidia copiarum parte, denuntiare per vicos urbesq; quæ viæ propinquæ sunt cœpit, ut commeatus expedirent, frumenti, vini, pecorum ut copia esset. Ipse equos phalerasq; & sagula, donum principibus ferre, & parum auri quod inter paucos diuideret, multitudinem credens trahi spe posse. Ad Almanam urbem peruenit, & in ripa fluminis Axij posuit castra. Circa Desudabam in Medica, quæ Thraciæ regio est, exercitus Gallorum confederat, mercedem pactam opperiens. Eo Perseus Antigonum mittit, ex purpuratis unum, qui iuberet multitudinem Gallorum ad Bylazora Pæonia

niæ locum castra mouere, principes ad se venire frequentes, septuaginta millia ab Axio flumine & castris Persei aberant. Hæc mandata ad eos cum pertulisset Antigonus, adiecissetq; quanta per viam Regis curâ omnium rerum copia multitudini præparata foret, quibusq; muneribus vestis, argenti equorumq; principes aduenientes excepturus esset, homines rudiores quam qui istis artibus fallerentur, de his quidem se coram cognituros respondent, illud quod præsens pepigissent interrogant, ecquid aurum quod in singulos pedites equitesq; diuidendū esset secum adduxisset. Cum ad id nihil responderetur, Clondicus, Abi, renuntia ergo Regi inquit, nisi aurum obsidesq; acceperint, nulquam inde Gallos longius vestigium moturos. Hæc relata Perseo cum essent, aduocato consilio, cum quid omnes suafuri essent appareret, ipse pecuniæ quam regni melior custos, instittit de perfidia & feritate Gallorum differere, multorum iam ante cladibus expertum, periculosum esse tantam multitudinem in Macedoniam accipere, ne grauiores eos socios habeant quam hostes Romanos, à quibus sibi unis tunc cauendum, quinque millia equitum sat esse, quibus & uti ad bellum possent, & quorum multitudinem ipsi non timerent. Apparebat omnibus non multitudinem, sed multitudinis mercedem timere: verum cum quod usus posceret suadere consulenti nemo auderet, qui primus ad dominantium perniciem gra-

gradus est, remittitur Antigonus nuntiatum, quinque millium equitum opera tantum uti Regem, cōtemnere multitudinem aliam. Quod ubi Galli audiuerunt, ceterorum quidem fremitus fuit, indignantium se frustra excitos sedibus suis, Clondicus rursus interrogat, Ecquid ipsis quinque millibus quod cōuenerat numeraret: Cum aduersus id quoque misceri ambages cerneret, inuiolato fallaci nuntio (tanta animi moderatio, iurisq; gentium publici respectus fuit, quod Antigonus vix sperauerat posse contingere) retro ad Istrum, perpopulatus Thraciam qua vicina erat viæ, redijt. Perseus præsentī auxilio, illiberali malignæ tenacitatis vitio nudatus, quo subnixus Romanos vel vinceret, vel profectò sustineret, hostibus prædæ, alijs documento fuit, blandas Regum assentatrices, periuria & auaritiam, certas regnorum pestes esse.

Boij, qui in Hercynia interea sylua, regione Boiohemi nomine, restiterunt, eorum obscuram & intermortuam fere historiam esse oportet, quod ab Romanis & Græcis magnis terrarum tractibus diffusi, procul egerint, eæ verò, nec aliæ in Europa tunc gentes, litteras aut habuerint, aut ad nostram ætatem propagauerint, neque sine litterarum monumentis ulla usquam certa diuturnaq; esse queat memoria.

Vnum Posidonium mirari habeo, unde hauserit quod in litteras ab eo relatum, ad Boiorum gloriam eximium est, Cimbros, homines prædones

Posid. apud
Strab. lib. 7.

& vagos, in Hercyniam siluam delatos, fortiter à Boijs repullos esse. Inde Istrum & Scordiscos & Teuristas ac Tauriscos petiuisse, tum Heluetios, auri per ea tempora diuitem, ceterum pacatum populum. Heluetiorum Tigurinos Tugenosq; præsertim, splendore Cimbricæ copię perpetuis bellis partæ perstrictis oculis, se se proficiscentibus in Italiam adiunxisse, ubi à Romanis internecione cæsi omnes fuerint. Difficile temporum rationem in tantis tenebris omninò constituere, procliui interim coniectura, rem inter Boios & Cimbro multo prius annis gestam esse, quam Cimbri in Italiam vel etiam Galliam venerint, interiectis quippe Scordiscorum & Teuristarum atque Tauriscorum bellis. Venere autem in Galliam transenso Rheno Cimbri, armatorum millia trecenta, mulierum & infantium multo maior adhuc numerus, C. Cæcilio Metello, Cn. Papirio Carbone Coss. multis inde Romanorum cladibus nobiles, inter quas longè eminent Cn. Mallius Consul, Q. Seruilius Cæpio Proconsul victi fugatiq; & binis castris exuti, cæsis octoginta Romanorum sociorumq; sexaginta calonum ac lixarum millibus, decem ex omni omninò exercitu hominibus reliquis. Alliam & Cannas ea dies vicerit, ad cuius nuntium omnis Italia metu contremuit, qui sine Mario fuisset, in exitium verterat. Marius quartum & quintum Consul, victores magna strage castigauit, rem Romanam inclinatam erexit. Cimbro,

Vell. lib. 2. Tac.
de mor. Germā.
Obsequēs, Flor.
Cros & alij.
I lut. Mario.

ANN. ANTE
CHR. NAT.
CXL

CIII

C. IC

brorum ibi virtutem, versa iam fortuna, mulieres, ingentibus animis nec credenda fortitudine æmulatæ, fusa acie victisq; maritis se certamini accinxerunt, & obiectis undique plaustris atque carpentis, altæ desuper quasi è turribus, lanceis contisq; pugnarunt. Egregiam pugnam speciosa mors sequuta, cum desperatis demum rebus, missa ad Marium legatione, libertatem ac sacerdotium ausæ sperare, neutrum impetrassent, suffocatis passim elisisq; infantibus, aut mutuis concidère vulneribus, aut vinculo è crinibus factò, ab arboribus iugisq; plaustrorum pependerunt. Tantus ergo à Boio hostis, integer adhuc, nec ullis bellorum aduersis fractus, pulsus abiit. Quod quantum fuerit, & in quam magna tunc temporis laude positum, Belgarum exemplo, Cæsaris docemur testimonio. Est quippe apud hunc; omni Gallia à Cimbris & Teutonibus vexata, solos eos Belgas intra fines suos ingredi prohibuisse, quare factum esse, ut præ ceteris etiam Gallis Belgæ post illa auctoritatem sibi atque spiritus in re militari sumerent. An Boiorum aliqui Cimbros sponte ipsi sua, eodem quo Heluetij consilio, & veterum præterea sedum desiderio, in Italiam migrantes sequuti fuerint, quod in gente magna & bellicosa fieri potuit, interdum ambigo, sanè inter Cimbros BOIORIGEM tunc Regem egisse, qui Marium die & loco præstituto ad pugnam vocauerit, idoneum auctorem Plutarchum habeo, cum in acie cecidisse

Cæf. lib. 1. de bello Gall.

Plut. Mario

Oro-

BOIORIZ

Cros. lib. 1. c. 16.

Orosium, neque ambiciosius Boijs Boiorix, quam Teutonibus Teutobocchus transcribatur.

Plut. Appian.
Luij epist. alij.

Elapsis aliquot annis, bellum à Pop. Rom. in Mithridatem Ponti Regem decretum, Lucijs primum Sulla, inde Murena & Lucullo ducibus, gestum est. P. quoque circa illa tempora Seruilius Isauros domuit. Neque utroque bello, tum ceteris in Asia gentibus, tum Galatarum populis otiosis spectatoribus

ANN. ANTE
CHR. NAT.
LXXXVI.
LXXIX.
LXXII.

Strabon. lib. 12.

Strabo, Plut.
Dio.

esse licuit; DEIOTARVS maximè Tolisto-Boius Tetrarcha (alius à Deiotaro Paphlagone, qui vel tunc, vel non multo post, Philadelphi cognomine vixit) virtute & fide erga Romanos constanti, egregium socium, suarum copiarum strenuum ducem præbuit, atque omnibus quos diximus Imperatoribus operam voluntatemq; ita probauit, ut ab ijs Romam reuersis, ampliter & magnificè in Senatu fuerit laudatus.

DEIOTARVS,

Cic. Phil. 11.

Appian. Mithridat.

Sub Lucullo Eumachum Mithridatis præfectum, Phrygiani incurfantem, magna clade repressit. Cn. Pompeium Luculli successorem postmodum adeò demeruit, ut is eum pulcherrimo elogio, unum in toto orbe terrarum ex animo amicum

LXXV.

Cic. loco cit.

Cic. de Diuin.
Strabon. lib. 12.
Lutrop. lib. 6.

verèq; beneuolum, unum fidelem Pop. Rom. iudicatum, ornauerit, bello confecto, Trocmos & Gadilonitidem, qua ad Pharnaciam & Trapezuntem pertinet, & Colchos ad minorem Armeniam, atque Armeniam eam denique ipsam, paternæ ditioni adiecerit, Regemq; appellarit. Ille tantis prouincijs actus, regni caput veterem sedem Tolisto-Boios esse voluit,

LXX.

voluit, regia Luceij constituta, Peij Gaza recondita: neque latius alio tempore à Boijs in Asia regnatum est.

Strabo

BOGO-DIAT-
TORVS.

BOGO-DIATORI præterea cuiusdam Galatæ, Strabo lib. 12. quem Pompeius Mithridatio urbe donauerit, &

ADO-BOGI-
ON.

ADO-BOGIONIS ex tetrarcharum stirpe, Strabo Strabo lib. 13.

meminit: de quorum, deq; Deiotari nominis origine, quæ verosimilia existimo, sic afferam, ut iudicium & fidem in medio, apud me unum esse nolim.

Quamquam interpretationem Græcam Diatorus Διατορας, pene trans. palam, Deiotarus obscurius, aptè uterque ad bellicæ fortitudinis laudem recipiat, mihi tamen ex Ga-

Διατορας, bellicosior.

latarum Diethero nati ambo videbantur, appellatione à Græcis paullatim, uti fit, ad aliquem sui sermonis sensum modicè inflexa. Dietum & Dietherum autem antiquissimum Boiorum nomen esse, sequenti libro demonstrabitur, in quo mutando corrumpendoq; variè scriptorum imperitia ludit, nam & Deudorix Sicamber Bætoritis filius, quem à Germanico in triumpho ductum Strabo scripsit, Strabo lib. 7.

Diethericus popularibus suis fuit, haud dubium ex hoc fonte. Itaque primores Bogo-Diatori syllabas ad Boios pertinere, tam mihi liquet, quam Tolisto-Boiorum & Ado-Bogionis postremas, nec quidquā utrimque interest, nisi quod qui Tolisto-Boiorum exemplo Diethero-Boius, is versa præposterè vice, Boio-Dietherus est appellatus. Iam Ado Germanicum non Græcum esse, nemo in controuersiam adducet.

M Mithri-

Plerique Rom.
hist. scriptores.

Mithridatico bello Spartacium in Italia, gladiatorium idem atque seruile, ætate compar, Spartaco & CRIXO & Oenomao ducibus gestum, Thrace ^{CRIXA}

Oros. lib. 5. c. 24.

illo, his Gallis, uti distinxit Orosius. Crixum aduerso prælio à Gellio Consule oppressum, collega Spartacus inferijs trecentorum captiuorum munerauit.

Lib. 1. pag. 414

Quod ego hîc non ascriberem, nisi Silium Chrixi nomine inter Boica usum esse iam supra meminissimus; & verò Orosius, tum Gallos tum Germanos, inter Spartaci auxilia retulit, Cæsar seruilem tumultum Germanis non dubiè tribuit, Plutarchus, Germanos à Gellio cæsos esse disertè scripsit. Quod si

Cæf. lib. 1. bel.
Gall.
Plut. Crasso.

cui hæc humilis videtur atque obscura, nec pro cetera fortissimi populi maiestate narratio, Primùm, nos vera non speciosa scribere professi, deinde, seruitus atque libertas, fortunæ sunt nomina, ad laudem aut ignominiam nihil pertinent, & si fidum Plutarchi testimonium, nam nihil erat cur in seruorum gratiam falleret, hos nullum ob flagitium, sola emptoris iniquitate in gladiatorium Lentuli ludum, quo effracto profugerunt, datos esse, multa prudentiæ & fortitudinis exempla edidisse, inter quæ insigne unum, quod cæsis memorabili pugna duodecim illorum millibus atque trecentis, duo tantum à tergo vulnerati reperti, reliqui omnes versis in hostes frontibus & pugnaverint & ceciderint, quid sit cur non virtutem fortunæ succubuisse fateamur, hos quantumuis seruos & victos, præ Roma-

nis

nis & dominis & victoribus, veris pretijs æstime-
mus? Cato huic bello miles claritudinem attulit: Plut. Caronæ
qui inde in Macedoniam, atque porrò Asiam profe-
ctus, ibi paterno Deiotari Regis hospitio usus est.
Deiotarus declinavi iam ætate, cum ei liberos suos at-
que omnem familiam commendaret, ut munera
quæ Regio more offerebat, vel ipse acciperet, vel su-
orum quenquam accipere pateretur, omni conatu
enixus, impetrare nunquam potuit.

Iuxta hæc Boij, Hercynia iterum egressi, traiccto Cæf. lib. 1. bel. Gall.
Danubio in Noricum, cui Voccio Rex præerat,
venere, auxilio nimirum popularibus, qui id loci
dudum confederant. Ibi Noriciam oppugnarunt,
incertum quo euentu, ut habentur pleraque in tam
caliginosa vetustate. Plinius urbem interiijſſe, sub Plin. lib. 3. c. 190
Vespasianis scripsit, sed an Boiorum ista oppugnati-
one, verius conijcere, quam constituere possumus.
Norcia Tauriscorum fuit, auri lauacris ferrarijsq; se- Strabo lib. 50
cturis nobilis, Taurisci in Norico, eò antiquissimus
scriptor Homerus, æs Noropium cognominat,
quod aliouersus scimus traxisse grammaticos, sed Horn. Iliad lib. 1. & 11. Eustach. & Di- dymus
disertè Clemens Alexandrinus, Noropes ait, qui po- explicant per λαρπην splendidum, ut sit compositū ex
stea Norici appellati sint, æs elaborasse, & ferrum ad priuandi particula & ὄψ. ocul. lus, vel ὄψ. vi-
primos purgasse. Nunc, quoniam Norici fre- sus. Clæ. Alex. Stro- mati lib. 1. Ptolemæus.
quens deinceps mentio accidet, neque ijdem eius
semper fuere fines, semel dicendum, regionem quo
Romanis modo usurpata est, dirimi septentriones
versus à Germania magna Danubio, in meridiem I-

talix alpihus committi, ad occidentem solem qua Rætiam & Vindeliciam spectat, flumen Oenum, ad orientem qua Pannoniam, Cetium montem limites accepere. Magnum terrarum tractum esse, multorum olim populorum sedem, ingenti rerum vicissitudine exercitum. Nomen à Noreia urbe fluxisse verosimile, sed plerisque domesticis scriptoribus Norix an Noricus, Herculis filius fecisse creditus, cui quam externarum litterarum monumentis fidem astruam non inuenio, neque omninò huius soni vocabulum inter fabulas, præterquam quod Theodotius aliquis scripsit, Noracem quinto Mercurio ex Oschyra nymphea Pÿrenæi filia natum, Tartesso in Sardiniam venisse, ubi cum Sardum Herculis filium insulam indigitalse reperisset, ipse conditam à se urbem Noram dixerit; at hæc narratio nimium quantum ab illa altera dissidet.

Aræpekius, Tri-
themius, alij.

Theodont. ci-
tatur à Boccacio
geneal. lib. 7. c.
37. fabulæ etiam
Solin. meminit
c. 10.

Cæsar. lib. 7. de
bel. Galli.

Boijs domum reuersis, cum L. Pisone, A. Gabi-
nio Coss. Heluetij regionis suæ angustias caussati,
tectis domi incensis, nouas per Galliam sedes insti-
tuissent quærere, & aliarum gentium auxilia ei fini
asciscerent, Boiorum valida manus, capitum ad-
modum triginta duo millia, quorum quarta pars ar-
ma ferret, sese illis coniunxerunt, & ut nuper Danu-
bio, sic nunc Rheno traiecto, Galliam, veterem ut
multorum habet opinio patriam, postliminio re-
petiuerunt. Vbi ad Rhodani ripam peruentum, eos
Cæsar, qui tunc Gallias Pop. Rom. nomine prouin-
ciam

ANN. ANTE
CHR. NAT.
LVL

ciam obtinebat, progressu arcuit. Hac spe deiecti, in Sequanos flectunt, perq; eorum fines, Santones petitori, datis inter se obsidibus sine maleficio & iniuria transeunt; Aeduos & Ambarros & Allobrogos, qui trans Rhodanum vicos possessionesq; habebat, ubi primum attingere, populantur. Ii cum se suaq; defendere non possent, legatos ad Cæsarem mittunt, auxilium rogatum. Cæsar ad Ararim flumen, quod per fines Aeduorum & Sequanorum in Rhodanum influit, hostes ratibus ac lintribus iunctis transeuntes nactus, cum tres iam copiarum partes transduxissent, quartam partem reliquam, quæ ex Heluetijs pagus Tigurinus fuit, multa nocte cum tribus legionibus è castris profectus, impeditam & inopinantem aggressus, fere concidit. Inde pontem in Arare faciendum curat, ut reliquas copias consequi possit, atque exercitum traducit. Heluetij socij; populi repentino aduentu commoti, legatos de pace mittunt, quibus re infecta reuersis, proximum deinde prælium Romanis, equitatu pulso, aduersum fuit. Compluribus interiectis diebus, prope Bibracte, maximum & copiosissimum Aeduorum oppidum, iterum pugnatum est. Cæsar copias suas in collem subduxerat, equitatumq; qui Heluetiorum impetum sustineret miserat, ipse interim in colle medio triplicem aciem legionum quatuor veteranorum instruxit, ita ut supra se in summo iugo duas legiones, quas in Gallia citeriore nuper con-

scripserat, & omnia auxilia collocaret, ac totum mō-
tem hominibus compleret, sarcinas in unum locum
conferri, & cum ab his qui in superiore acie consti-
terant, muniri iussit. Heluetij cum omnibus suis
carris sequuti, impedimenta in unum locum contu-
lerunt, ipsi confortissima acie, reiecto Romano e-
quitatu, phalange facta, sub primam Cæsarianam a-
ciem successerunt. Cæsar primum suo, deinde o-
mnium equis è conspectu remotis, ut æquato peri-
culo spem fugæ tolleret, cohortatus suos, prælium
commisit. Romani è loco superiore missis pilis,
subeuntem hostium phalangem perfregerunt, ea
disiecta, gladijs districtis in eos impetum fecerunt.
Heluetijs magno ad pugnam erat impedimento &
loci iniquitas, & quod pluribus eorum scutis uno
ictu pilorum transfixis & colligatis, cum ferrum se
inflexisset, neque euellere, neque sinistra impedita
satis commodè pugnare poterant, ut multi diu ia-
ctato brachio, præoptarent scutum manu emitte-
re, & nudo corpore pugnare : tandem vulneribus fessi,
& pedem referre, & quod mons suberat circiter mil-
le passuum, eo se recipere cœperunt. Capto monte,
& succedentibus Romanis, Boij & Tulingi, qui ho-
minum millibus circiter quindecim agmen Helue-
ticum claudebant, & nouissimis præsidio erant, ex
itinere Romanos latere aperto aggressi, circumue-
nerunt: id conspicati Heluetij, qui in montem se re-
ceperant, erectis animis rursus instare, & prælium
redin-

redintegrare cœperunt. Romani conuersa signa bipartitò intulerunt, prima ac secunda acies ut Heluetijs iam victis ac summotis resisteret, tertia ut venientes Boios atque Tulingos exciperet. Ita ancipiti prælio diu atque acriter pugnatum est: cum Romanorum impetus diutius sustineri non posset, Heluetij se ut cœperant in montem receperunt, Boij & Tulingi ad impedimenta & carros suos se contulerunt. Illud præcipuum virtutis atque fortitudinis argumentum in Heluetijs ceterisq; fœderatis gentibus fuit, quod toto prælio, cum ab hora dici septima ad vesperam pugnatum esset, quenquam eorum auersum videre nemo potuit. Ad multam noctem, etiam ad impedimenta pugnatum est, propterea quod pro vallo carros obiecerant, & è loco superiore in Romanos venientes tela conijciebant, & nonnulli inter carros rotasq; mazaras ac tragulas subijciebant, Romanosq; vulnerabant. Diu cum esset pugnatum, Romani impedimentis castrisq; tandem potiti sunt. Et quamquam magna cædes extitit, ex eo tamen prælio circiter millia hominum centum triginta superfuerunt, eaq; tota nocte continenter ierunt, nullam partem noctis itinere intermisso, in fines Lingonum die quarto peruenerunt, cum Romani & propter vulnera militum, & propter sepulturam occisorum triduum morati, eos sequi non potuissent. Cæsar ad Lingones litteras nuntiosq; misit, ne eos frumento, nèue alia re iuuarent, si iuissent,

uissent, se eodem loco illos quo Heluetios habiturum. Ipse triduo intermisso, cum omnibus copijs eos sequi cœpit. Heluctij omnium rerum inopia adducti, legatos de deditioe ad eum miserunt. Cæsar præter pagum Vrbigenum, hominum circiter sex millia, qui noctu effugere tentauerant, reliquos omnes, obsidibus armis perfugis traditis, in deditioem accepit. Heluetios, Tulingos, Latobrigos, sociorum ea populorum nomina, in fines suos undecrant profecti reuerti, oppida vicosq; quos incendebant restituere iussit, ne in eam regionem, si vacare contingeret, Germani traiecto Rheno transirent, & finitimi Romanorum prouinciæ Allobrogibusq; essent.

Cæf. lib. 7. de
bel. Gall.

Cæf. lib. 1. & 6.
de bel. Gall.

Vnis Boijs eximium ab hoste testimonium obtigit: quod egregia erant fama, & proximo bello virtute cogniti, in finibus petentium Aeduorum collocati, Gergobinam & Boiam urbes habuere, Aedui datis agris in parem iuris libertatisq; conditionem, atque ipsi erant receperunt. Erant olim totius Galliæ factiones duæ, harum alterius principatum tenebant Aedui, alterius Aruerni atque Sequani. Aduos fratres consanguineosq; Romani sæpenumero appellauerant, soliti quippe has blanditias, seruitio siue parando siue velando, nuperæ gentium patientiæ prætexere. Cum de potentatu utrimque multos annos magnopere contenderetur, factum uti ab Aruernis Sequanisq; Germani mercede accerferentur.

Cum

Cum his Aedui semel atque iterum armis congressi, magnam calamitatem pulsi acceperant, omnem Senatum, omnem equitatum amiserant. Quibus prælijs calamitatibusq; fracti, in Sequanorum, & proinde Germanorum ditionem coacti fuerant concedere. Sequanos mox satias Germanorum cœpit, quod Ariouisti Regis, nihilo in se æquiora mitioraq;, quam in hostes ipsos Aeduos imperia experirentur. Alienatos animos amborum populorum defectio sequuta est, Cæsaris maximè auctoritate & pollicitationibus confirmata. Aedui quod se ingenti bello illigassent, occasionem rati, fœderis qua diximus specie, Boiorum sibi præsidium adiunxerunt. Atque id deinde memorabile, cum Aeduorum nomen dudum interciderit, hospitum adhuc Boiorum, illustre usque adeò superesse ijs locis (siquidem Gallicarum rerum scriptores Borbonios inde haberi fere consentiunt) ut Regium totius Galliæ decus in Boicis, siue quod isti idem esse rentur, Borbonijs regulis hodieq; resideat.

Boios præterea in extrema Aquitania reperio, ad Garumnam flumen sitos, quos poeta Christianus antiquus Paullinus, piccos Paul. epist. 3. cognominat, ob vim nimirum picis quam excoquant; vestigium periti regionis, homines eruditi, Vinet. & Scal. in Aufon. restare affirmant. Sed quâ casuum varietate eo peruenerint, mihi constare non potest, nam ut isto Heluetico bello, nec verosimile est, nec propemodum fieri potuit; tantum suspicari habeo, cum P. Crassus

N

Cæsa-

Cæsaris Legatus, tertio post victos Heluetios anno, omnes propè Aquitanix populos ad deditionem coegerit, eo bello Boicorum auxilijs usum, præsidia collocasse, quæ sequutis temporibus in gentem excreuerint. Boiates etiam in Nouempopulana populus, aut cum Boijs idem fuerit, aut originis saltem eiusdem, unde Baionæ nomen manasse credunt, quasi Boionam dicas, quod per me quidem in ambiguo, fides coniecturæ apud auctores erit.

Quadriennio interiecto, pleræque Galliarum gentes, Pop. Rom. imperium conatæ excutere, defecere, bello Vercingentorigem Aruernum legere ducem. Is Gergobinam Boiorum oppidum in Aeduorum finibus, sub hyemis fere exitum oppugnare instituit. Quæ res Cæsari magnam difficultatem ad consilium capiendum afferebat, si reliquam partem hyemis legiones in hybernis contineret, ne Boijs expugnatis, cuncta Gallia deficeret, quod nulum in eo amicis præsidium videretur esse positum, sin maturius ex hybernis educeret, ne ab re frumentaria, difficili subuectione, laboraret. Præstare visum omnes difficultates perpeti, quam tanta contumelia accepta, omnium suorum voluntates alienare. Itaque cohortatus Aeduos de supportando com meatu, præmittit ad Boios, qui de suo aduentu doceant, hortenturq; ut in fide maneat, atque hostium impetum magno animo sustineant, ipse cum exercitu subsequitur. Aduentus Gergobinæ saluti fuit,

Libellus provincie.

Scal. in Aufon.
lib. 2. c. 7.

Cæs. lib. 7. de bel. Gall.

fuit, nam ubi Vercingetorix Cæsarem adesse cognovit, oppugnatione dimissa obuiam profectus est.

Ab altera Boiorum urbe Boia (nisi certè Cæsariani Fulu. Vtinius ab hoste legit, pro à Boia. commentarij, ex quibus ista haurimus, in hoc nomine corrupti, quod non nemo suspicatur) vici at-

que ædificia quoquo versus, quousque Romani pabulandi causa adire posse videbantur, Vercingetorigis hortatu sunt incensa. Romani Boiorum

deinceps opera aliquamdiu fideli usi sunt, eo tenuiori tamen, quod cum frumentarijs subuectionibus præcipuè indigerent, Boij noua illis regionibus, ideoq; infirma gens, tractandis armis promptior, quam colendo agro aptior, nondum facultatibus uterentur quæ, tanto præsertim exercitui, alendo sufficerent.

Verum maximis Galliarum sequutis moribus, factum ut Boij tandem plurium auctoritati cederent, seq; ijs adiungerent, qui patrium libertatis decus, atque vetustam bellicæ fortitudinis laudem, speciosa rebus nouis nomina prætexentes, Pop. Rom. imperium armis ibant imminutum. Contulere ei rei Boij una cum Rauracis, nam utrorumque ratio simul habita, hominum triginta milia, ceteræ quæ coniurauerant gentes, ad portionem quæque virium. Sed bello non diutissimè tracto, Vercingetorigis deditione Gallis manifesta iterum seruitutis confessio expressa est.

M. Crasso interea temporis, cum magna exercitus parte in Asia à Parthis deleta, graue vulnus Pop.

N 2 Rom.

Plut. Crasso, Ap-
pian. Parth. 1.

Rom. accepit. Vbi scitum est quod narrant, proficiscenti ad expeditionem Crasso, & Deiotarum Tolisto-Boium, quod summa prope senectute nouam urbem conderet cauillanti, ô Rex, duodecima demum hora ædificare incipis ! falsè à Deiotaro relatum esse, Nec tu quidem, quantum video Imperator, valde matutinus contra Parthos proficisceris, erat enim natus Crassus hæc loquens annos supra sexaginta, & plus aliquanto vultu præ se ferebat; neque irritum omen cecidit, siue Deiotarus belli exitum, auspicia sequutus coniecit, mirè enim eam disciplinam coluit, ita ut nihil unquam nisi auspicatò gesserit, per sæpe etiam reuerterit ex itinere, cum iam progressus esset multorum dierum viam, semel aquilæ volatu admonitus, se ab eius recti usu abstinuerit, quod nocte insequenti ruina solo æquatum est, siue verosimilius, quando auspicia vanitatis manifesta, Parthorum hinc vim, inde Crassi imperitiam & temeritatem astimasse.

Cic. 1. & 1. de
Diuin. Val. lib.
1. c. 4.

Anno à Cæsaris de Vercingetorige victoria, post Crassi cladem biennio, Cicero Proconsul in Ciliciam cum imperio venit, rebusq; prosperè gestis, Imperator appellatus est. Ibi Deiotarum in castris habuit, cuius beneuolentiam & fidem erga Romanos singularem, tum præstantem magnitudinem & animi & consilij, ornatissimis verbis sæpe commendauit, tantiq; fecit, ut Cicerones apud eum, suum fratrisq; filium seponeret, credo quod Deiotarus litterarum

ANN. ANT.
CHR. NAT.
11

Cic. lib. 15. epist.
fam. epist. ad
Catonem.

Cic. lib. 5. ad Ar-
tic. sæpe.

rarum etiam studijs teneretur, nam à Varrone pro-
ditum, Diophanem, Magonis Carthaginiensis li-
bros duodetriginta dere rustica, ad sex redactos, ei
misisse. Adduxit autem cohortes quadringentari-
as, ut apud Ciceronem lego triginta, ut legendum
existimo viginti, equites quadringentos, et si is quo-
que numerus variat; atque eæ mihi legiones viden-
tur fuisse duæ, quas ex commentario belli Alexan-
drini cognoscimus, habuisse Deiotarum ex genere
ciuium suorum, disciplina atque armatura Romana
complures annos constitutas, cum id ipsum Cicero
significet. DEIOTARVS filius, cui Artabastis
filia pacta erat, tum Rex à Senatu appellatus est,
quantumuis matre ancilla editus. STRATONICA
enim patri uxor fuit, quæ cum matrimonium suo vi-
tio sterile animaduerneret, marito liberos ex qua-
cunque muliere tollere persuasit, conciliata etiam
elegantis formæ ancilla Electra nomine, cuius filios,
summa charitate complexa, pro suis educauit.

Var. de re Rust.
lib. 1. c. 1.

Cic. lib. 6. ad
Attic.

Plut. de Clar.
mul.

Cic. pro Deiot.

Cic. 1. & 2. de
diuin.
Cæf. 3. de bel-
ciu.
Tarcundarium
Cæf appellat,
Strabo lib. 12.
Sæcondarium.
De Castore De-
iotari nepote
Cæf. Cic. Strab.

Sequuto ciuili inter C. Cæsarem & Cn. Pompeiū
bello, Deiotarus, Pompeij legatis atque litteris euo-
catus, cum Senatus consentientis auctoritate arma
sumpta audiret, auspicia cum præterea impellerent,
auxilio sexcentos equites adduxit, octingentos ge-
ner TARCVDARIVS CASTOR, & Donilaus de-
dere, Gallogræci ambo. Donilaus una venit, Castor
CASTOREM filium ex Deiotari filii genitum misit.
Deiotarus, quamquam exacta iam ætate viribus de-

N 3 fectus,

DEIOTARVS
FILIVS.

STRATONICA
DEIOTARI
MAIORIS
VXOR.

ANN. ANTE
CHR. NAT.
XLVII.

TARCVDAR-
IVS CASTOR.

CASTOR
MIMOR.

fectus, ut quem à pluribus in equum sublatum, quod in eo hærere posset mirarentur, Pharfalico tamen prælio interfuit, & rebus perditis Pompeium profugientem proximè assequutus, ab eo in nauim cum paucis receptus est. Inde verò in regnum suum abiens, spem infinitam persequi noluit, sed fortunæ obsequutus, Cæsari se applicauit, cumq; bello Alexandrino deinde iuuuit. Cn. etiam Domitium

ANN. ANTE
CHR. N.
XLVI.

Plut. Pomp.

Comment. bel.
Alex.

XLVI.

Caluinum, cui Cæsar Asiam finitimasq; provincias administrandas tradiderat, cum exercitu tectis & copijs sustentauit. Huic de Pharnace Mithridatis filio questus, qui captato tempore ciuiliū armorum, plerasque paternas ditiones in potestatem reduxerat, orauit ne Armeniam minorem, regnum suum, neue Cappadociam regnum Ariobarzanis, cum possidere vastareq; pateretur, quo malo nisi liberaretur, imperata sibi facere, pecuniamq; promissam Cæsari se non posse persolvere. Motus Domitius, tum præsentī damno, tum quod turpe Pop. Rom. & Cæsari victori, sibiq; infame esse statueret, regna sociorum atque amicorum ab externo occupari, Pharnacem primò per legationes aggreditur, quibus cum parum proficit, manifestum hostem diutius dissimulandum non existimat, ducto igitur aduersus eum exercitu, & commisso ad Nicopolim Armeniæ minoris oppidum prælio, male omninò acceptus est, altera quippe ex legionibus quas proprias duas habuit, pæne tota amissa, & Deiotarianis etiam toti-

totidem magnam partem interfectis. Pharnaces secundo successu elatus, occupato protinus Ponto, omnia sæuitiæ exempla in ciues Romanos edidit. Cæsar ordinata Aegypto, huius rei curam suscipiendam ratus, cum propius Pontum finesq; Gallogræciæ accessisset, Deiotarum, depositis Regijs insignibus, non tantum priuato vestitu, sed etiam reorum habitu, supplicem obuiam habuit, orantem, adeò offensio præ meritis, in metum quàm spem validius inclinabat, ut sibi ignosceret, quod in ea parte positus terrarum, quæ nulla præsidia Cæsar habuisset, exercitibus imperijsq; in Cn. Pompeij castris fuisset, neque enim se iudicem esse debuisse controuersiarum Pop. Rom. sed parère præsentibus imperijs. Contra Cæsar, cum plurima sua commemorasset officia, cumq; defensionem eius nullam posse excusationem imprudentiæ recipere coarguisset, se tamen concedere dixit id factum superioribus suis beneficijs, veteri hospitio atque amicitia, dignitati ætatiq; hominis, precibus eorum qui frequentes concurrerant, hospites atque amici Deiotari, ad deprecandum, inter quos M. Brutus ornatissimè & copiosissimè egit, Regioq; vestitu ei restituto, legionem quam disciplina Romana instructâ habebat, ex duabus paullò ante commemoratis reliquam, equitarumq; omnem ad bellum gerendum adducere iussit, de controuersijs Tetrarcharum, qui maximam Gallogræciæ partem à Deiotaro, præter leges moresq;

Cic. de clar. orat.
Plut. Bruto, ver-
tente & corrigē-
te Xylandro.

resq; gentis, teneri querebantur, postea se esse cogniturum ostendit. Victo itaque ad Zelam Pharnace, remissisq; domum auxilijs, minorem Armeniam Deiotaro ablatam, Ariobarzani dedit, Trocmorum Tetrarchiam iam aliquot ab illo annis possessam, Mithridati Pergameno iure cognationis adiudicauit, sed Regium tamen nomen tum ipsi reliquit, tum filio.

Cuius iacturæ detrimentum, exitiabilis prope modum quæ sequuta est calamitas obliterauit. Ne-
pos Deiotari Castor, auum insidiarum crimine, quas Cæsari parasse diceret, in capitis periculum accessiuit: Cum Pharnacis bello Cæsar in castellum Luceium venisset, & domum Deiotari hospitis Regis diuertisset, locum fuisse quendam, in quo fuerint ea composita quibus ipsum Deiotarus munere constituiisset, huc illum e balneo priusquam accumberet, ducere voluisse, ibi enim fuisse armatos qui eum interficerent, in eo ipso loco collocatos: Cæsarem sua qua semper usus fortuna, & tunc, & repetitis postea insidijs, seruatum esse. Additæ criminationes aliæ, & quo aduersarius præcipuè visus confidere, Regius medicus Phidippus index. Deiotarus contra, missis Romam legatis, defendente Cicero-
ne, oratione quæ omnium manibus teritur, absolutus quidem est, sed Cæsaris tamen odium & offensionem meritis, quoad hic vixit nunquam lenire potuit. Interfecto, cum legati, si Ciceroni omnia

credi-

ANN. ANTE
CHR. NAT.
XLIII.

XLIII.

Cic. Phil. 2. de
ciuin. lib. 2. C. 6.
ment. bel. Alex.
Dio. lib. 47. qui
quod indicare
videtur Cæs. De-
iotaro plura tri-
buisse quam ab-
stulisse, vereor
ut verum sit, cer-
te cum Cic. non
conuenit.

Cic. Phil. 2.

credimus, vendente Antonio, decretum emisissent; quo Cæsar quæ Deiotaro viuis abstulerat mortuus redderet, ipse nihilo eo expectato, sua sponte, simul atque Cæsaris interitum audiuit, & suo Marte, res suas recuperavit. Tum generum Castorem, quæ Philoromæum ab amore Romanorum cognominatū, pleraque litteraria ingenij monumenta posteris reliquisse Suidas prodidit, quod illo auctore accusatio instituta, regio more ultus, nam regni arctior quam sanguinis plerumque necessitudo, una cum uxore, filia sua, interfecit: in liberos & aliās crudelis, quorum cum plures haberet, & solum Deiotarum in spem successionis aleret, reliquos filios necare sustinuit, ne uni regnum aut dubium, aut imminutum relinqueret, Gorbeium, quod genero castellum sedes, diruit, maximam etiam pagi partem vastavit.

BROGITARVS. Brogitarum alterum Deiotari generum, Matris Deorum Pessinuntii aliquando P. Clodij concessione sacerdotem, Cicero nominat, de quo nobis præterea nihil constat. Pessinuntem verò ad Tolisto-Boios pertinuisse supra ostensum.

Strabo lib. 12.

Suid. u. Castor.

Plut. de Stoicor. repugnant.

Cic. de aruspici respons.

Pag 744

Resumentibus ciuilia arma Bruto & Cassio, Deiotarus ab utroque sollicitatus, cum huic negasset; illi in memoriam suscepti apud Cæsarem patrocini assensus, eadem se qua prius fortuna Romanis iterum rebus miscuit, Amynta scriba auxiliorum ducte misso, qui statim à Philippensi pugna ad Antónium transijt, perfidiæ præmium amplas post aliquot an-

Dio lib. 47. 491

O nos

ANN. ANTE
CHR. NAT.
XL.

nos in Galatia, Pamphylia atque Lycaonia diriones nactus. Extincto enim Deiotaro, anno ante

Christum natum trigesimo octauo, CASTOR quidam, dubium an is quem nepotem ex filia paullò ante diximus, successit, credo quod Deiotarus filius prior obijisset; Castorè quadriennio post AMYNTE excepit, Antonij beneficio, cui pessimam Actiaco bello gratiam retulit, non exspectato praelio ad Cæsarem versus. At nono principatus anno, Antipatro Derbæo per insidias cæso, multisq; castellis captis, dum in Homonadenfes expeditionem parat, Cili-cum insidijs uxoris dolo & ipse interceptus, fidei toties flagitiosè prodita pœnas luit. Cuius mor-

te Galatia in prouinciæ denique formam ab Augusto Cæsare redacta, primus Lollius Proprætor datus est, anno centesimo sexagesimo quarto posteaquam Cn. Manlius Vulso Romana eo primum arma intulit, cum Galli centum circiter antea annos in Asiam transissent; quæ propemodum Galatici, atque adeò Tolisto-Boici in ea terrarum parte imperij summa.

Facio non inuitus, si quæ patrijs Boiorum annalibus, ob ignoratas superiorum scriptorum errore, rerum temporumq; rationes, inconcinne & obscurè, atque eo incredibiliter sunt posita, ad germanam veri speciem interpretatione reuocare licet, ea verò ut reuocem.

BOAMVNDVM & INGRAMVM memorant, siue Iulij siue Augusti siue Tiberij ætate, nec enim consentiunt, Armenia, cuius prouinciæ

nomen

Strabo lib. 12.
Dio 48.

Strabo, Dio,
Rufus.

Arenpe. Andr.
Ratipon. Tit.
hem. alij.

LOLLIUS.

BOAMVNDVS
INGRAMVS.

nomen nescio quomodo, frequens est in omni prisca Boiorum historia, siue pultos, siue sponte profectos, nam & ea fama variat, viâ progressos illâ qua primus Boici nominis conditor, in has oras venisse, ubi gentem Duces rexerint. Hic ego, quod sociorû populorum auxilia in Romanis castris versari solita, Tolisto-Boij reliquiq; planè Galatæ, maiestate Pop. Rom. comiter conseruata fuerint socij, & in Tolisto-Boiorum potestate Armeni minores, descendos, ut bellorum aliquo, quæ Augustus & Tiberius in Rætia Vindeliciâq; & Norico atque omni Illyrico complura gessere, Tolisto-Boios Principes, adductis popularibus Galatis, mixtimq; Armenis, militare potuisse, mihi patiar persuaderi. Neque disunctior Armenia quam Parthia, neque Romano nomini hæc illa amicior, Orno spadem tamen Parthû bello Delmatico Tiberium iuuisse scimus, Pannonic, frequenti regio equite cum usum Velleius scripsit, quod ad auxilia fœderatorum Regum nimirum pertinet. Et inferioribus temporibus, Rætorum cohortem Analibæ in Armenia statiuâ habuisse, in Notitia annotatum, ut idem de Armenis in Rætia credere, eo etiam minus absurdum sit. Aut his ergo causis occasionibusq; Boamundus & Ingramus impulsî, iter ex Armenia huc tenuere, aut mihi quidem potiores præterea nullæ suppetunt. Nominum origo ex patrio sermone est, Boamundo ad Bogodiatore quodammodo formam composito. Memini a-

Tac. Annal. lib. 1.

O 2 . pud

Vop. Aureliano. pud Vopiscum legere, Aurelianus longo post hanc ætatem temporum tractu, inter auxilia habuisse cū Hartomundum, Haldegastem, Hildemundum & Cariouiscum, tum Armenos sagittarios sexcentos, quæ mihi certa & præsens visa imago, eorum quæ de Boamundo suspicionibus vestigamus & coniecturis.

Strabo lib. 5. & 7. Armis inter hæc Boij, Tauriscorum in Norico accolæ, cum Dacis contendere, quamquam longè distiti, & medio inter utrosque fluente Danubio : sed superior belli memoria verustate excidit. Sub Augusti ætatem, Boiorum regnum ad CRITASIRVM, CRITASIRVS. Dacorum ad Bœrebistam Getam recidit. Bœrebista regio animo complexus spiritus, populum, quem bellorum incommodis atque difficultatibus afflictum acceperat, breui temporis spatio, prudentibus consilijs, & perpetuis militaris disciplinæ exercitijs, adeò crexit, ut finitimis plerisque gentibus imperio subiunctis, iam Romanis timendus, rerum suarum curam iniiceret. Gnarus quantas religionis opinio ad continendos animos vires haberet, Ceneum sibi præstigiatores hominem adiunxit, qui per Aegyptum vagatus, atque arcana sacra edoctus, secretiora cum Dijs alloquia agitare creditus, parum aberat quin Zamolxidis exemplo, pro Deo coleretur; hunc sibi eorum quæ aggredi pararet auctorem simulans, tam certam suis addiderat fiduciam, ut præsentium numinum ductu omnium sibi rerum lætos felicesq;

exitus

Strabo de Bœrebista narrans, se sui temporis historiam scribere indicat, tum Augustum aduersus Bœrebistæ successorem exercitum misisse.

Iornandes pro Bœrebista Boroistam, pro Ceneo Dicineum habet.

exitus pollicerentur. Istro itaque trajecto, Thraciam ad Macedoniam usque & Illyricum perpopulatus, Celticis ibi gentes Thracibus & Illyrijs permittas euastauit, Boios & Tauriscos ita attriuit, ut agrorum vacui atque deserti, vicinis Illyrici populis pascendis pecoribus fuerint contributi, quæ Boiorum inde deserta & solitudo, non semel à nobis commemorata. Neque ego quidquam huius præterea apud veteres scriptores inuenio: nuperos scio quosdam omnia licentius, & proinde fusius tradere, quorum fidem, quod poteram, non damno, quod debeo non sequor, confidentiam & temeritatem impensè miror. Dio lib. 54. Annum Daciæ expeditionis Dio mihi signare visus, quo loco retulit, decreto Romæ facto Iulio Antonio, Q. Fabio Coss. de claudendis Iani portis, pace ubique terrarum parta, Dacorum motibus esse intercessum, qui Danubium frigore constrictum transgressi, prædas ex Romanis provincijs egerint, satis enim credo, victores Romano solo non abstinuisse. Fuit verò is annus ab eo quo Boij ex Italia ad Tauriscos primum venere, centesimus prope octogesimus.

Alia tum in Germania magna calamitas, ipsum gentis iugulum aggressa petijt. Documento, imperiorum vices atque conuersiones, prouiso & constanti supremæ mentis consilio, haudquaquam incertis & fortuitis occasionibus circumagi, quippe quod, ut ijdem fere casus unius gentis diuerfas pro-

pagines, semel atque iterum; nam antea quoque, Boios uno tempore Italia pulsus, & in Asia victos esse obleruauimus, simul complexi affligerent, temere profecto contigisse non existimandum.

MAROBODVVS.

MAROBODVI Regis præcipua ferebatur in Germania auctoritas, qui cum iuuenis Romæ beneficijs ab Augusto affectus vixisset, dominandi artes ita imbibit, ut in patriam reuersus maximò facinori, parando regno, animum priuatus adiceret, aderant tantæ rei conandæ instrumenta, genus nobile, corpus præualens, animus ferox, ingenium rationis capax, supraquam Romani ab homine Germano expectarent, adeò illi conceperant, trans alpes corpora nasci, quæ sonum ederent, & externum aspectum præferrent, hominum intus mentem non haberent. Maroboduus cum Marcomanos sibi subiecisset, quorumque antiquissima memoria, apud Cæsarem est, expeditione Ariouisti Gallica, tum Luos, Zumbios, Butones an Gutones, Mugilones, Sibinos, & ex Sueuis Semnones (nunc vestigia gentium deperdita, nomina ægrè superant) principatum inter eas constituit, non tumultuarium neque fortuitum, neque mobilem & ex voluntate parentium constantem, sed certum & stabilem, suis nixum radicibus, regiumque fastigium animo complexus, finitimis omnibus aut bello domitis, aut conditionibus sui iuris factis, ascitis corpori custodibus, & ceteris pæne ad Romanæ maiestatis effigiem conformatis, Ro-

manos

Cæf. lib. 1.
bel. Gall.

manos vario ingenio, ipsis illorum artibus ita petebat, ut cum metui propiores haberet, bello tamen non lacefferet, ac si lacefferetur, superesse sibi vim ac voluntatem resistendi declararet, legati quos mittebat, interdum ut supplicem commendabant, interdum ut pro pari loquebantur, gentibus hominibusq; desciscitentibus tutum apud eum erat perfugium, exercitum septuaginta millium peditum, quatuor equitum fecerat, quem assiduus aduersus finitimos bellis exercendo, maiori quam quod habebat operi præparare videbatur. Illud altissimæ prudentiæ hominis memoratur consilium, cum Romanos traiecto Rheno Germaniam ex illa potissimum parte aggressos, victis Sicambris, Vsiptetis, Frisij, Cauchis, Cheruscis, Cattris, ad Visurgim & Albim progredi, se se mox petendum, iam imminentibus victoribus imparem, nondum confirmatis viribus animaduerneret, ne obnoxius ageret, excita Marcomanorum gente sedibus suis patrijs, eam procul à Romanis auocauit, eò potentiora arma refugiens, ubi sua faceret potentissima. Placuit campos Hercynia sylua incinctos veluti arcem legere, quod inde Germaniam à læua & in fronte, Pannoniam ad dextram, à tergo haberet Noricos, & tamquam in omnes semper venturus, ab omnibus timeretur: nam Pannoniam traiecto Danubio etiam vexasse, Rufus indicat, qui Marcomanos tractu inter Danubium & Drauum pulsos prodidit. Hercyniæ hanc oram

Boij

Boij à Sigouefo inde tenuerant, annos plus minus sexcentos, eos Maroboduus tunc pepulit, pulsif, præcipuam Marcomanis virium virtutisq; gloriam cum fede peperit.

Verum illud ad eam omnem memoriam, Boicamq; inprimis historiam illustrandam, perincommodè accidit, si qui antiquitus scriptores rerum Germanicarum occasione, horum bellorum euentu studio enarranda sumptere, eorum monumenta dudum perijsse, reliquis, qui aut breuitate insignes, vix nos indicio tantum iuuant, aut quorum in diuersum tendens oratio, huc obiter, & aliud fere agens, defledit. Itaque, quod plerique sæpe nec necessario, nec probabili causa admisere, nos iudicio & ratione iam nunc isto loco facturos opinor, ut in eas delapsi angustias, coniecturis quadamtenus indulgere, quam subsistere existimemus satius, et, dabitur opera, quando certæ esse non possunt, nec enim nomen, nec ipsius rei natura patitur, verosimiles habeantur, & certis proximæ. Atque ut ab ijs quæ exploratò primùm constant, iterum exordiamur; Marcomani pepulere sanè Boios, cuius rei fides, Taciti nixa testimonio, dubia esse non potest: exciuit autem Marcomanos sedibus suis, inq; saltuosa Hercyniæ loca duxit, Maroboduus, quod discretè admodum à Strabone & Velleio scriptum: Maroboduo ergo duce Boij pulsi sunt. Iam Maroboduum, antequam regnaret, Romæ cum Augusto vi-

xissc,

xisse, Strabone auctore diximus : superest, ij rerum temporumq; connexiones planissimè peruerterint, quibus visum prodere, Iulio in Gallijs agente, Boios à Marcomanis eiectos, transq; Danubium pulsos, cum Noreiam frustra oppugnassent, errore vago tandem ad Helucios, excidium Galliarum tunc meditantes, esse delatos, cuius sententiæ longè maximum vitium, non mediocrem reliquæ historiæ offundat caliginem, erroremq; multiplicem post se trahat, necesse est. Nam ridenda illa altera, non confutanda, Tarquinio Prisco Romæ regnante, Boios à Marcomanis fugatos in Italiam abiisse. Nos Velleium sequuti, ostendimus, Maroboduum expeditionis consilium, metu Romanorum cœpisse, qui traiecto Rheno, per mediam Germaniam victricia arma circumferebant, Druso nimirum & Tiberio vicissim ducibus : sed Drusus post Lollianam cladem in Germaniam missus est, ea Domitio & Scipione Consulibus accidit, se ipso & L. Quinctio Consulibus, maximis rebus gestis, fortissimisq; gentibus debellatis, mortem obiit : Tiberius successor datus, proximo anno Rhenum transmisit, quem omnes Germaniæ partes sic perdomuisse Velleius asserit, ut in formam pæne stipendiariæ provinciæ redigeret, elogio quantumvis supra verum, imperantis gratia inflato. Hoc itaque potissimum tempore, & postremis quidem duobus annis, quorum altero Cassiodorus Germanos inter Albim & Rhenum,

Rhen. lib. 1. rer. Germanic.

Dio lib. 54

ANN. ANTE
CHR. NAT.

VIL

VL

P Tiberio

Or. lib. 6. c. 21.

Flor. lib. 4. c. ult.

Tiberio omnes deditos retulit, Marcomanos desperatione resistendi, retrò cessisse, verum sit, cum tentata prioribus frustra fortuna, manus infelicitè cōtulissent; siquidem Orosius, semel pæne ad interuersionem caelos, Florus eorum spolijs tumulum in triumphæi modum à Druso ex cultum fuisse memorat. Atque hæc firma & contestata satis sunt. Sed obscura deinde & impedita altera disquisitio consequitur, quò terrarum Boij, Boiohemo pulsî, concesserint; quos pulsos Tacitus perspicuè, non deletos aut excisos scripserit. Nam in omnibus omnium priscorum scriptorum commentarijs, quantum eorum hodie est, huius nihil extat, nec qui res Germanicas postea diligentissimè pertractauere, Strabo, Tacitus, Ptolemæus, Boijs ullum in Germania locum tribuunt. Vt quis Bæmos apud Ptolemæum, aut Buros (Burios appellauit Tacitus) eorum vicem habeat, erret, de utrisque secus est. Bæmi palam à Boiohemo, nec ambigendum, Ptolemæum gentis nomen pro regione posuisse. Buris sonus aliqua suffragatur, nimirum modicè à Boieris, Boiris aut Boiariis diuertens, prioris quippe tantum syllabæ vocalibus litteris mutatis, quæ frequens est & solens demutatio, manentibus consonantibus, apud homines præsertim peregrinos, & linguæ exteræ. Accedit Lutorum cognomen, Buris à Ptolemæo tributum, quod cum Germanis Luti, Liudi, Leuti & Leudi, ut variat dialectos, populos significant, quo sensu

fu in vita Caroli, gentes ad Septentriones sitæ, Nor-
 mani vulgo scriptorum, Nord-leudi sunt & Nort-
 liudi, non nemini probetur, Boicos populos Boier-
 -Lutos, & Bueros inde Lutos fuisse appellatos. Sed
 nobis vera pro speciosis. Tacitus Burios sermone
 cultuq; Sueuos referre, Boios Gallicam gentem esse
 scripsit; quo tanto interuallo, à prima usque origi-
 ne disparatos fuisse fateamur oportet. Ceterum,
 ut eo reuertamur, cum Marcomanorum vis, à se-
 prentione & occidente sole ingruerit, Boios fugi-
 entes in ortum aut meridiem declinasse necesse est:
 at neutrobi se tantæ rei asserendæ dant vestigia, quin
 arcuerit à meridie Danubius, Romanis præliis
 prætextus, Rætia & Norico iam tunc provincijs, or-
 tum Boerebista Dacus clausit. Quod si scriptor
 medij æui semibarbarus Iornandes, Boiscorum lon-
 gè gentium, ad paludem Mæotidem meminit, in-
 termonstra illa populorum Alipzuros, Alcidzuros,
 Itamaros, Tuncassos, & Boiscos Boios fuisse, simili-
 tudini nominis largiri placet, qua scilicet forma Sy-
 riscæ & Syris, Threicæ & Dacis, pro Syris Thre-
 cibus & Dacis ab idoneis auctoribus usurpati sunt,
 & quo sensu Magidius Boiscus in antiqua inscrip-
 tione legitur, quod neque præfractè negandum exi-
 stimo, neque admodum fidenter ponendum, pro-
 fectò sit dubij soli fundamentum, tantis superstru-
 endis molibus; sed ut largiamur tamen, quis tam-
 dem nullius testis auctoritatem sequutus, an impro-

Vita Car. M. scri-
 pta à monacho
 S. Fparchi.

 Iorn. de regnoe
 succ.

 Syris, Aus. in
 Eun. Syris, Co-
 pa inter Catal.
 Virg. Threici-
 scus Capit. Ma-
 ximin. Daciscus
 Vopisc. Aurel. &
 Not. sub Ducib.
 Mæc. sec. &
 Dac. rip.
 Magid. Boisc.
 inscript. Giur.
 pag. 983, n. 104

trò concipiat, eam coloniam, Boiohemo mille passuum millibus disiunctam, tot interiectis barbaris gentibus, Dacis imprimis, potentia id temporis & odio in nomen Boicum inclytis, à profugis tunc esse positam, verosimilius quam à Galatis & Tolisto-Boijs olim, quos per mensa Europae in Asiam victores multis antea saeculis migrasse, compertum non arbitrarium est? Quamquam me praeterea reditus, ab usque Mæotide in has iterum oras, per passuum totidem millia, iuxta atque itus habet sollicitum, & ut ratio excogitetur, Attilam reduxisse, ego excogitatae fabulae fidem non adiunxerim, qui absurdam sententiam exiguo negotio, commoda unus vocabuli interpretatione, vitari, Boios non necessario tanto labore leuari posse videam. Pulsos enim Tacito confirmanti assentior, verum regno & dominatu interpretor, non regione; quomodo si quis, quod non nemo fecit, Langobardos Italia à Francis pulsos narret, nunquam erret, tametsi Langobardi Italia nec excessere, neque sedes omninò mutauere, & ut omnia conueniant, Langobardicae regionis appellatio, regno ad Francos translato, nihilo minus quam Boiohemi apud Marcomanos manserit. Argumenta huius rei duo maximè capio, quorum primum dixi, nullo satis certo monumento euinci, Boios tunc solum vertisse; alterum me aliquanto etiam magis mouet, Boiorum postea nomen à nemine scribentium, per aliquot centum an-

nos

nos, quibus Marcomani rerum potiti sunt, uspiam terrarum liquidò usurpatum esse, (liquidò inquam & explicatè, cum subobscura vestigia certis deinde locis ipsi finitus indicaturi) his euerfis, statim iterum emérssse, ut flumina specubus hausta solent, magnis emensis sub terra spatijs, in apertum redire, aut quæ lacubus miscentur, confusis pleraque aquis nomen ab influxu mox ponunt, receptura, qua castigato rursus alueo maiore ui erumpunt, sic Marcomanus victor, quamdiu rerum potitus est, Boicam famam pressit, & ut in illis aquam fluminis à lacustri, difficulter distinguas, ita nemo pronuntiet, quæ Marcomanicis postea expeditionibus Boiorum priuatim fuerit opera, quando honor ad eos redit, apud quos imperium & auspicia resedere. Nam idem usu veniat, Sabinorum aut Aequorum aut Volscorum historiam meditantibus scribere, cum Romani orbem terrarum non tam virtute sua, quam sociorum ope vicerint, & verò hi numero plerumque præstiterint, unos tamen Romanos gloria sequitur.

Cn. Cornelio Lentulo, M. Valerio Messallino Coss. extremo anni, omnium gentium expectatio
IESVS CHRISTVS, Dei filius, Deus ipse, ex Maria virgine natus est. Ad quem cum annorum hactenus numeros, uti antemeridianas umbras progrediendo contraxerimus, illos ab eo etiam deinde porrò extendemus. Anno post eum natum octauo, Tiberius Maroboduum duodecim legionum bello

P 3 petens,

IESVS CHR-
ISTVS NASCI-
TVR.

ANN. POST
CHR. NAT.
VIII.

Vcl. Tac. Ann. 2.

petens, Pannoniæ & Dalmatiæ motibus retractus, ANN. POST
 pax æquis conditionibus firmata est. CHRL. NAT.
 Vndeci- XL
 mo, cæsis ab Arminio ad internecionem Romanis
 legionibus, Vari ducis capite potitus Maroboduus,
 Augusto gentilitij tumuli sepultura honorandum
 misit. Post hæc, constituto firmatoq; diuturni
 temporis mora regno, & urbe principe, fluxo in fu-
 turum omine, à se appellata, cum ad omnes crescen-
 di occasiones intentus, Germanicum Drusi filium,
 qui patris exemplo, magnis Germanos affecerat in-
 commodis, à Tiberio reuocatum in orientem abi-
 jisse, unum in Germania Arminium Cheruscum e-
 minere animaduerteret, ne veterem virtutis famam
 fenescere pateretur, cum sibi sumpsit incurlandum.
 Ceterum Regis nomen Maroboduum inuisum a-
 pud populares, Arminium libertatis fauor gratum
 reddere, huic se ex illius regno Semnones & Lango-
 bardi adiungere, illi contra Inguiomerus, Arminij
 patruus, cum magna clientum manu auxilium ferre.
 Anno post Christum natum decimo nono acie con-
 gressis, virtus utrimque ducum in æquo æmulatione
 gloriæ accendebatur, neuter aut iactantia sui, aut
 probis in hostem abstinere. Rarò alias maiore mo-
 le concursum, neque ambiguo magis euentu, fusis
 utrimque dextris cornibus. Expectari rursus pugna,
 & pares discessisse videri poterant, ni Maroboduus
 castra in colles subduxisset, id signum perculsi fuit.
 Inde transfugijs paullatim nudatus, retrò in Mar-
 comanos

comanos concessit, misitq; legatos ad Tiberium, auxilia nequidquam oraturos: obiectum, non iure Romana arma aduersus Cheruscas inuocare, qui Romanos in eos pugnantes nulla ope iuuisset. Fractus itaque, & occultis præterea insidijs à Tiberio per Drusum filium petitus, qui illiciendis Germanis ad discordias, haud leue decus apud patrem quaerebat, anno sequenti à Catualda regno pulsus est. CATUALDA nobilis apud Götiones iuuenis, profugus olim vi Marobodui, tunc dubijs eius rebus ultionem ausus, valida manu Boiohemum ingressus, corruptis ad societatem Marcomanorum primoribus, regiam castellumq; iuxta situm irumpit. Maroboduus undique deserto, non aliud subsidium quam Romanorum misericordia fuit, transgressus Danubium, qua Noricum præfuit, scripsit Tiberio, non ut profugus aut supplex, sed ex memoria prioris fortunæ, multis nationibus clarissimum quondam Regem ad se vocantibus, Romanam amicitiam prætulisse. Responsum à Tiberio, tutam honoratamq; ei sedem in Italia fore si maneret, sin rebus suis aliud conduceret, abiturum, fide qua venisset. Tiberius apud Senatum disseruit, non Philippum Atheniensibus, non Pyrrhum aut Antiochum Populo Rom. perinde metuendos fuisse, magnitudinem viri, violentiam subiectarum ei gentium, & quam propinquus Italiæ hostis, suaq; in destruendo eo consilia efferens. Et Maroboduus in hunc quidem

buqA

Succ. Tib. c. 37.

Vell. lib. 2.

Tac. Ann. 1. Vi-
billium, 12. Ju-
billium nomi-
nat.

dem modum per blanditias & promissa extractus, nec unquam remissus, per duodeviginti annos Ra-
uennæ honoratè habitus, consenuit. Idem
haud multò post Catualdam casus excepit, idemq;
pulsio, Iubillij ductu Hermundurorum opibus, per-
fugium, Forum Iulium Galliarum Narbonensis colonia
exilium fuit.

Anno trigesimo quarto, Iesu Christo cruci pro
salute generis humani affixo, Stephano lapidibus
obruo, cum Iudæorum principes Christi doctri-
nam infensissimis odijs prosequerentur, Christia-
nos omnes, præter unos tamen Apostolos, ciuitate
Hierosolymis exturbarent, variè ij per prouincias
sparsi, propagandæ religioni nauauere operam: pars
in Galatiam delati, ecclesias constituerunt, ad quas
principum Apostolorum extant epistolæ, nam eo
pertinet quod Petrus ad electos aduenas scripsit dis-
persionis Ponti, Galatiarum, aliarumq; prouinciarum,
& Paulus Galatas, quos in epistola illis inscripta al-
loquitur, Hierosolymis quo tempore Christus pas-
sus sit, egisse ostendit. Sed & alia habent sacræ litte-
ræ testimonia, de Galaticis tunc temporis ecclesijs,
quibus conficitur, eas tum à Clemente Pauli disci-
pulo, tum ab ipso Paulo esse aditas. Atque hæc
prima, & inter primos, Euangelij lux Boios, enim-
uero Asiaticos, illustrauit, Europæis alta per multos
adhuc annos caligine demeris.

ANN. POST
CHR. NAT.
XXXIV.Gal. 1. Ante
quorum oculos
Christus pro-
scriptus est.
Act. 18. ad Cor.
1. 16. ad Tim. 1. 4.

END

Apud

ANN. POST

CHR. NAT.

LII

LXXI.

MARICVS.

Apud Marcomanos pulso Catualda, Iubillium victorem regnasse crediderim, quem anno quinquagesimo secundo superfuisse constat.

Tac. An. 12.

Septuagesimo primo, cum mortuo Nerone variè fluctuaret respublica, MARICVS quidam ex plebe Boiorum, quos Julius post Helueticum bellum in Aeduorum finibus collocavit, numinum simulatione arma Romana prouocare ausus. Iamq; assertor Galliarum, & Deus audiens, quod sibi nomen indiderat, concitis octo millibus hominum, proximos pagos trahebat, cum Aeduorum ciuitas electa iuuentute, adiectis à Vitellio cohortibus, fanaticam multitudinem disiecit. Captus proelio Maricus, ac mox feris obiectus, quia non laniebatur, vulgo inuiolabilis creditus, donec spectante Vitellio interfectus est.

Tac. hist. lib. 4.

XXCIII.

Domitianus, Titi fratris anno octogesimo tertio successor, Marcomanos, quod nulla ab eis in Dacos impetraret auxilia, bello aggressus, victus inq; fugam coniectus abiit, ut à Dione quidem proditum; nam Statij perridicula est adulatio, Domitiani clementiā prædicantis,

Dion excerpt.
Theod.

*Que modo Marcomanos, post horrida bella, vagosque
Sauromatas, Latio non est dignata triumpho.*

Stat. sylu. lib. 1.

XXVVS.

Reges illis porro ex sua ipsorum gente aliquamdiu, inter quos clarum TVDRI nomen, neque quidquam præter nomen tamen. Taciti primum ætate externos pati cœpere, quibus vis & potentia ex auctoritate Romana esset, corruptis iam tunc fractisq; patrijs institutis, pecunia magis quam

Q armis

armis Romanorum, nam hoc etiam Tacitus, libello quem de Germanorum moribus, anno post Christum natum centesimo edidit, professus est.

ANN. POST
CHR. NAT.
C.

Capitol. in vita,
Eutrop. lib. 8.
Vict. epit.

Centesimo quadragesimo, mortuo Hadriano, T. Aurelius Fulvus Boionivs Antoninus, Senatusconsulto Pius appellatus, imperium adiit. Boionij nomen unde tulerit, à nullo veterum proditum, ipse quodammodo habitus & facies, à Boijs esse indicat, eo credibilius, quod Antonino patrum genus ex Transalpina Gallia, patre Aurelio Fulvo Consule, avo T. Aurelio Fulvo bis consule, cum Boici seminis reliquias in Gallia & mansisse olim, & hodie superesse, supra dixerimus, Fulvum autem aut Fulvium aliquem, post hos amplius centum viginti annos clarum, infra simus memoraturi, quem Vopiscus planissime Boium nominat.

CXL
T. AURELIUS
FULVUS BOIO-
NIVS ANTO-
NIVS PIUS

Vict. in hist.
Cass. M. Aur.
& Constantino,
atque ad eum
Sylburg.

Pio adoptionis iure M. Aurelius Boionivs Antoninus, orbis terrarum consensu Philosophus cognominatus, successit. Qui cum Boionij appellationem patri fuerit gratificatus, sit ut duo optimi Imperatores, pulcherrimorum cognominum, quæ nullis devictarum gentium titulis inuideat, Boijs quadantenus transcribantur. Roma L. Boionium Olympum, & L. Boionium gentilem in antiquis lapidibus legi scio, de quibus quod præterea afferam, nihil habeo.

CLXII
M. AURELIUS
BOIONIVS
ANTONINVS

Grut. inscript.
pag. 763. n. 10.
& pag. 861. n. 13.

Imperatore Philosopho, grauissimum bellum, quantum nulla ætas meminerat exarsit, cui nomen

Mar-

Marcomani principes fecere, porro Quadi præterea
 coniurauerant, Vandali, Sarmatæ, Sueui, haud du-
 bium Boij, & quos Capitolinus his annumerat, Na-
 rilci, Hermunduri, Latinges, Buri, Victouali, Sost-
 bes, Sicobotes, Roxolani, Bastarnæ, Alani, Peucini,
 Costoboci, omnis pæne denique Germania & Sar-
 matia, ut nummis qui ad memoriam eius expediti-
 onis bene multi publicati, Germaniæ & Sarmatiæ
 victæ nomen uniuersè fuerit impressum, sed in vul-
 gus, quin & penes scriptores, sola Marcomanorum
 fama eualuit; quo unos ei Boios concessisse, minus
 aut incredibile aut mirandum est. Costobocos
 (Ammianus Marcellinus Costobocas nominat) e-
 osdem Tolisto-Boios esse, vereor leui coniectura à
 Sylburgio asseri. Anno centesimo septuagesimo
 primo, bellum ingenti apparatu cœptum, varia de-
 inceps in utramque partem fortuna gestum est, nam
 nos sigillatim prosequi nihil necesse. Inter ipsa ini-
 tia, incredibilis eius apud Romanos expectatio,
 tum timor. Imperator undique sacerdotes accire,
 Romanas peregrinasq; superstitiones implere, eo
 tandem descendere, ut Alexandro cuidam, impu-
 dentissimo homini, de oraculo fidem haberet, quod
 geminos leones Danubio certis ritibus immittenti,
 victoriam pollicebatur; atque ij quidem immissi, in
 aduersam ripam enatarunt, Marcomani ignotas fe-
 ras, canum aut luporum vicem æstimantes, fustibus
 coercuere, Romanorum, contra quam oraculum

Oros. lib. 7. c. 15.

Amm. lib. 25.

Sylb. in Paul.
lib. 10.

Lucian. Pseud.

Q 2 spo-

 ANN. POST
 CHR. NAT.
 CLXXI.

sponderat, nihilo secius ingens cædes, cæsis vi-

ANN. POST
CHR. NAT.
CLXXV.

ginti circiter millibus, sequuta est. Quinquen-

nio post, hostis superati gloria penes Christianos

Meminere ple-
rique Christ. &
gent. script. Ex
Christ. antiquis.
Tertull. apol. c.
5. ad Scapul. c. 4.
Imp. etiam e-
pist. extat.

fuit. Christianorum enim precibus diuinitus im-

petrata tempestate, in Romanos secunda, hostibus

exitiabili, Quadi, qui postremi restiterant, summo

prælio, magna accepta clade, superantur. Sed &

in Germania illâ ætate, aliquam Evangelij semen-

tem sparsam fuisse, magni auctores, Irenæus & Ter-

tullianus, tradunt. Quod ego de Marcomanis, il-

lustri in primis populo, ad Romanos fines colente,

quæ Christianis propagandæ religioni prompta &

idonea occasio, vel præcipuè interpretor, à Marco-

manis ad Boios deduco. Iustinus utroque vetustior,

nullum mortalium genus esse iam tum scripsit, siue

Græcorum siue barbarorum, quocumque nomine,

Christianæ pietatis exors, sed Germaniæ ille nomen

non posuit. Marcus successu lætus, cum Marco-

manos parta victoria cogitaret in prouinciam redi-

gere, Auidij Cassij motibus, qui se in oriente Impe-

ratores appellauerat, reuocatus, pacem dedit, plu-

rimis Marcomanorum in Italiam translatis. Vi-

cto Cassio, anno centesimo septuagesimo nono, in

Germaniam reuersus, cum Marcomanis, & Her-

munduris, & Sarmatis, & Quadis, per tres iterum

annos bellum gessit; quod de prouincia prius animo

agitauerat, tunc proximè perfecturus fuisse creditus,

nisi ingentibus conatibus mors intercessisset. Fi-

lium

Iren. lib. 1. c. 3.
Tertull. aduers.
Iud. c. 7.

Iust. dial. cum
Tryph.

Capitol. Dio.

CLXXIX

ANN. POST
CHR. NAT.
CLXXXII.

hūm Commodum ægrotans ad se vocat, bello infisteret, nec reliquias prope confecti contemneret monet; eo enim Marcomani reciderant, ut neque iam iuuentus tot concisa prælijs, ferendis amplius armis sufficere, neque comitatus ex agris perpetuis populationibus vastatis, posset suppetere. Sed Commodus honesta omnia post voluptates habuit, patre mortuo, ut se quamprimum Romam referre, urbanisq; delitijs vacuus frui posset, pacem Marcomanis postulantibus concessit, transfugas & captiuos cum frumenti modo annuo, & armorum militumq; numerum pactus.

CCXXII.

Monstro deinde hominis Antonino Elagabalo, bellum post annos circiter quadraginta retentaturo, quod eius perficiendi gloriam Antoninum aliquem, ex veteri responso manere inaudisset, fama obstitit, qua ferebatur M. Aurelius Marcomanos Chaldaeorum & magorum opera, secreta carminum deuotione obligasse, ne à Romana amicitia unquam desciscerent: vulgo credo eo trahente victoriam Christianorum precibus impetratam, cum Christianos plerique magorum nomine censerent.

Lamprid.

CCLII.

Anno post Christum natum ducentesimo quinquagesimo secundo, cæsis Gallo & Volusiano Imperatoribus, Valerianus cum Galliено filio imperium tenuit. Quo tempore Marcomani, longissimis in solum Romanum factis excursionibus, & Thesalonica obsessa, ingenti terrore omnem Græciam

Zosim. lib. 1.

Q 3 con-

concuſſerunt. Borani paullo poſt, neque eo minus Goſtu, Carpi & Vrugundi, quas gentes Zoſimus ait propter Iſtrum colere, perpetuis populationibus Italiam & Illyricum ſimul vaſtauere. Borani longius progreſſi, Aſiam traiecto Boſporo adiere, ibi, Pityuntis caſtello, & maxima opulentiſſimaq; urbe Trapezunte expugnatis, præda latè circumacta, domum regreſſi ſunt. Quod aſcuerem non habeo, tamen Borani Boiorum ad Iſtrum manus eſſe potuit; nam quos latina ſini Boieros ſupra diximus, illi ſe patriâ Boieren, aut Boiren plurium numero, appellant, & à Boranis haud dubiè nullo conſonantium, ſolo vocalium litterarum ſono diſſident. Quod ſi Zoſimus Scythas appellat, ſcimus Germanicæ origine Scythicasq; ad Iſtrum gentes appellatione paſſim confuſas, & omninò mirum, ut Boij non fuerint, tam potentis populi nullum alibi ſuperſeſſe veſtigium, neque enim nomen præterea legere memini.

Voſ. iſ. Aurel.

Viſt. in Cæſſ. &
epit. Trebelli-
nummi.

Anno poſt Chriſtum natum ducentefimo ſexageſimo primo, FVLVIVS BOIVS Rætici limitis Ducem egit, quem Valerianus Imperator inter amicos habuit. Proximo, Valeriano à Perſis capto, Galienus imperio ſolus potitus, SALONIAM PIPARAM, Marcomanorum Regis, cui ATTALVS nomen fuit, filiam uxorem accepit, & perditè adamatam, Auguſtam appellauit, ſocero ſuperioris Pannoniæ partem pactione conceſſit.

ANN. POST

CHR. NAT.

CCLXI.

FVLVIVS

BOIVS.

CCLXII.

SALONIA

PIPARA.

ATTALVS.

Annus

ANN. POST
CHR. NAT.
CCLXXII.

Annus ducentessimus septuagesimus primus, Aurelianus Imperatorem habuit: sub quo Marcomani, Italiam omni denuo malorum genere exercuere. Prima prope Mediolanum contracta clades, Aureliani ipsius errore, quem venientes fefellerant; hanc ingens circum populatio, Romæ tanta trepidatio sequuta est, ut iam extrema quæque desperatis animis timerentur, & aditis Sibyllinis carminibus, procurata ex eorum præscripto certis locis sacrificia, ne hostes ulterius progredierentur; qui restitere sanè paullisper, & minutis carptim prælijs ab Aureliano concisi sunt, sed ad Placentiam contractis rursus utrimque copijs, summa iterum vi concursum, Marcomani sylvis densissimis quibus se condiderant, sub vesperam erumpentes, Romanos aggressi, immensa adeò strage confecerunt, ut is dies maximò post homines natos imperio, prope postremus illuxerit. Sed fortuna breui vertit, belli exitus secundum Romanos stetit. Vopiscus Marcomanos monstribus quibusdam, diuinisq; speciebus per sacrificia implicatos, victos scripsit, quod fabulæ opinor propius. Subit interim, in reputatione huius narrationis, animum admiratio, Romanos omnibus bellis statas sollennesq; Deorum cæremonias coluisse sedulo, nullo superstitionibus largius indulgisse hoc uno, quippe qui in Marcomanos nec damnatis toties magorum artibus, neque, quam haud paullò peius odere, Christiana religione abstinerint, falsi profecto,

etò,

cto, etsi sentio ut hoc turgidum & inflatum, sed rem aestimemus, se sibi de hostibus, humanis opibus victoriam non spondere, aduersus quos maiorem humana vim & potiora auxilia asciscerent.

Viñ. in Caff.

Manuscripti.

Arenpck. lib. 1.
c. 21.

Aim. lib. 1. c. 10.
Idac. lib. 3. c. 9.

Sub Diocletiano, qui imperium anno post Christum natum ducentesimo octogesimo quarto iniit, vigesimo inde posuit, Marcomanos quoque caesos reperio, loci temporisq; ratione non designata, Domestici Boiorum annales, quorum ego fidei, nisi si qua probabili praetera auctoritate subleuantur, in tanta antiquitate, quam vetustissimi eorum scriptores, nulla ex parte potuerunt attingere, timide assentiri solco, cum praesertim editos constet, ab hominibus omnis elegantioris doctrinae rudibus & imperitis, annales hi inquam, ADALGERVM Boijs praefuisse indicant, quo tempore Seuerus apud Romanos imperauerit, & cum Seueri nomine Imperatores plures fuerint, illum designare existimantur, qui à Galerio Maximiano Caesar appellatus, Italiaeque praefectus, anno post Christum natum trecentesimo septimo, Maxentij iussu, occisus est. Sed operæ sit pretium narrationem totam detexere, quæ fabulae de Theodorico Gotho apud Aimoinum, aliquâ respondens, habet exemplum prudentiæ, ad omnem vitam utile. Adalgerum qui sub Romanis tunc viueret; an pactione victis à Diocletiano Marcomanis inita, an stipendia inter auxiliares merens, parum comperimus, malim tamen stipendia inter pra-

ANN. POST
CHR. NAT.
CCLXXXIV.
CCCIV.

ADALGERVS.

CCCVII.

præsidia meruisse credere, & habet Notitia, Tribu-
num gentis per Rætias deputatæ, Teriolis, gentium
autem gentiliumq; nomen per hæc iam tempora,
nationibus exteris promiscue tribuebatur; Adalge-
rum ergo memorant, magnorum criminum reum
Seuero delatum, accitum, quod capiti timeret, dif-
ficulter animum induxisse ut se sisteret, vix tandem,
adhibito veteris amici consilio, paruisse. Cæsarem
obiecta neganti; grauioris supplicij fecisse quidem
gratiam, ceterum succisis per contumeliam genuum
tenus vestibibus, & coma circumtonsa hominem di-
misisse. Eo grauius commotum, nam omnis Ger-
mania capillitio in primis gaudere, amici tamen mo-
nitu iram repressisse. Postridie populares, quos co-
mites habebat, ad eandem omnes speciem ornatos
tonfosq; produxisse. Qua re, cum cultus nouitas
hominum in se oculos verteret, & corpora magna &
procera eo etiam augeri viderentur, demiranti, caus-
samq; querenti Seuero, respondisse, sic esse Boios,
nemini illorum uni fieri iniuriam, quæ uni fiat, o-
mnes communem ducere. Domum reuersum, hunc
oris vestiumq; habitum subditis lege præscripsisse,
quæ fuerit perpetua. Amicum, nam nomen non
addunt, oblidis vicem apud Seuerum relictum, po-
stea quoque fuisse usui; cum enim Adalgerus à Seue-
ro iterum euocatus; rursus consilium peteret, ami-
cum nuntio per tectas ambages respondisse, credo
quod rectâ & palam parum tutum, fuisse olim hor-
R tum

tum à gnauo patrefamilias cultum, oleribus diligenter confitum, quem ceruus forte intromissus, adesis protrititq; passim herbis, vastauerit, hunc primò captum, accisis cauda & auriculis, lasciuiæ pœnas dedisse, neque tanto tamen damno admonitum, commease denuo, donec stultitiam morte luerit. Iacentis cor vulpeculam, de proxima sepe procurrentem, clam surripuisse, id cum uxor patremfamilias interexta frustra quærentem animaduerneret, Tu porrò, subintulisse, mi marite, ceruum credis si cor habuisset, unquam huc fuisse regressurum, unde tam fœdè mulctatus, ægrè antea elapsus est? Intellexisse Adalgerum quo pertineret apologus, neque in Cæsaris postea venisse conspectum. Cæsarem indignatum bellum mouisse, sed armis abiisse repulsum. Præfectos nominant, Geraldum, Rudolphum & Virentum, quorum ductu Adalgerus Brennum etiam Sueuum, Osinuchum apud Boiohemos Regem, & Hunnos vicerit. Ea re claritudinem Boici nominis omnia perualisse, quæ Adalgero mortuo iterum retrò lapsa sit, victis Boijs, à Constantino primùm, deinde Iuliano Imperatoribus. Ego quicquid

Amm. Marcell.
& Zosim.

huius, pro certo ponere verear; quamquam externos auctores habeo, Constantium Constantini filium, & Iulianum cum Quadis congressos esse, neque ferme bellum Quadi sine Marcomanis gesserint, & Marcomanica ad Boios pertinuerint, atque procliuis à Constantio ad Constantinum lapsus sit.

Con-

ANN. POST
CHR. NAT.
CCCXXXVII.

Constantinus autem mortem obiit anno post Christum natum trecentesimo trigesimo septimo, Constantius trecentesimo sexagesimo primo, sexagesimo inde tertio Iulianus. Id constat, sub Valentiniano & Valente, qui Iulianum non toto interiecto anno sequuti, Marcomanos & Quados unâ, maximis iniurijs irritatos, quod Romana præsidia ultra Danubium in Quadorum iam solo excitarentur, Gabinius Rex, ne quid nouaretur modestè petens, tantum non inter hospitalis mensæ sacra, à Marcelino Valeriæ Duce, per summæ perfidiæ scelus impune necatus esset, fluuio traiecto, omnia ferro & igni populantes, incredibili celeritate progressos, tentatâ Sirmio, occupatâ Opitergio, Aquileia obsessâ, agrè asperitate Iuliarum alpium, qua Maricus quidam Primicerius occurrerat, Italiæ aditu fuisse prohibitos.

Ammian. lib. 29.

CCCLXIV.

Valentiniano anno trecentesimo septuagesimo quinto vita defuncto, exitiabile consilium, quo Romanum imperium iam tunc nutans, præcipiti ruina concideret, sub Valente & Gratiano erupit, receptâ cis Danubium innumerabili barbararum gentium multitudine, à Marcomanis & Quadis longis-
simo terrarum tractu ad Pontum usque, cuius numerum comprehendere illi ipsi qui transuexere, sæpe conati, nunquam potuere, cum diligens nauaretur opera, uti grauitè Ammianus queritur, ne quis euersurus rem Romanam, in aduersa ripa relinqueretur.

Ammian. lib. 31.

R 2 retur.

retur. Patrijs ea pulsa sedibus, agrum per legatos petebat, quietam & innoxiam pace vitam, bello fortem & utilem inter auxilia operam pollicita. Imposuit ignauix speratum laborum sumptuumq; compendium, & speciosus visus inertibus color, ciuium sanguini parcere, stipendia lucri facere, bella hostium & periculo, & in utrumque casum damno, conficere, verum res, gliscentibus barbarorum viribus, atque proinde audacia, in Romanorum perniciem, uti dicere institi, per breui vertit, Romanos quos defensum venerant, noui ipsi accolæ reliquis exuere agris, urbibus & præsidijs & totis denique pellere prouincijs.

Paulinus in vita
Ambrosij.

Anno post Christum natum trecentesimo nonagesimo sexto, quod Ambrosius Mediolani Episcopus insigni sanctimonix laude floreret, fama uniuersum terrarum orbem peruagata, ad Marcomanos pertigit. Horum Regina tunc FRITIGIL, cum Christianum hominem ex Italia profectum, de eo narrantem audiuiisset, insolitæ virtutis admiratione capta, Deum cui vir tantus seruiret, sibi colendum statuit, missisq; Mediolanensi ecclesiæ muneribus, rectæ fidei formulam ad quam se componeret, ab Episcopo petijt. Ambrosius copiosa epistola, quæ hodie non extat, rescripsit, tum fidei quæ petebantur capita prosequutus, tum hortatus Reginam, marito pacem cum Romanis persuaderet, quod illa diligenter curatum, effectum dedit. Sequenti anno,

ANN. POST
CHR. NAT.
CCCXCVI.

FRITIGIL

CCCXCVII.

docto-

doctorem suum coram visura, Mediolanum adiit, quo priusquam illa perueniret, is rebus humanis exemptus est. Paulinus Ambrosio à manu, vitæ scriptor, Fritigildis maritum, se se populumq; Romanis tradidisse prodit: credo quod traiecto Danubio, acceptis aliorum exemplo agris, Romanam ripam coluerit, nam id institutæ à Regina Mediolanensi profectioni est consentiens. Et Illyricum, Illyrico autem attributæ Noricum & Pannonia, in quarum alterutra prouincia Marcomanos collocatos oportuit, ad Ambrosij curam pertinuisse scimus, cum is Auennum Sirmij episcopum initiauerit. Nam Illyricum Galliæ Cisalpinæ stante adhuc republica, lege Vatinia adiectum. Neque absurdum suspicari, Fritigildis populares ex Boiorum, potissimum fuisse posteritate, qui in maiorum memoriam, Boiorum rursus deserta, à Vindelicia ad Pannoniam, Romanorum voluntate tenuerint. Nisi quod hæc simpliciter coniectura est, ego coniecturis, præterquam quod sua sponte verisimilitudinis pondus habent, nolim à me auctoritatem accedere.

Meruere post illa Marcomani pedibus & equo inter Romana auxilia, pedites in seniores iunioresque tributi, Imperatoris Honorij deinde appellatione honestati, Honoriani Marcomani cognominati sunt. Ad hæc quoque tempora Hieronymi epistola ad Heliodorum scripta pertinet, qua vir sanctus, gentibus Romanum imperium, à viginti & eo amplius annis

Suet. Iul. c. 22.

Notit. Imp. occid. inter auxilia Palat. vexillat. Comit. & alibis

Hieron. epist. 7. Viginti et eo amplius anni sunt, quod inter Constantinopolim et alpes Iulias quo-

R 3 incur-

*vidie Romanus
sanguis effundi-
tur. Scythiam,
Thraciam, Ma-
cedoniam, Dar-
daniam, Daciā,
Thessaliam, A-
chatam, Epiros.
Dalmatiā, cum
Raig; Pannoni-
as Gothos, Sar-
mata, Quados,
Alanos, Hunnis
Vandali, Mar-
comani Cassant,
trahunt, capi-
unt, &c.
Ammian, lib. 31.
Iornandes.
S. pag. 115.*

incursantibus, Marcomanos annumerat: siue epi-
stola data antequam Frigil ad Christiana sacra
transijt, siue alia illa fuere Marcomanorum manus;
quod plerique olim Germaniæ populi, pluribus si-
mul parerent regibus, nominibus forte aliquā
distincti, quæ Romani indiligentes externæ histo-
riæ, annotare neglexerint.

Annis iam hæc Hunni, gens cultu fœda &
barbara, fera atque immanis, supra suam unde orta
est Scythiam, imperante Valente, ex Asiatico Mæo-
tidis littore in Europam transgressi, Boiscis, & cete-
ris quos supra memorauimus populis, turbinis con-
festim more correptis, latè quaqua versus vagati, in
regnum breui coaluere magnum et præpotens, quod
cum multas nationes fortitudinis laude insignes
presserit, tum reliquis, & Romano inprimis oppu-
gnando imperio par esse videbatur. Cum anno

ANN. POST
CHR. NAT.
CDXLIV.

Prosper in chrō.
alij.

post Christum natum quadringentesimo quadra-
gesimo quarto, Attilæ & Bledæ simul fratrum, qui-
bus pater Mundzuccus fuit, imperio regerentur;
Attila consortis impatiens, fratrem dolo necat, &
regno solus potitus, homo animo vasto & violento;
horrido corporis habitu, truculenta facie, voce ter-
ribili, in exitium humani generis natus, certè ei ca-
stigando ab infesto numine manifestò immisus,
quod nec ipse dissimulare, efferatæ crudelitatis per
pleramque omnem Europam ferro, flammis, popu-
lorum maximarumq; ciuitatum subuersionibus,

tam

tam lugubria vestigia impressit, ut infausti nominis recordatio, in vulgus etiam nunc cum execratione perduret. Numerabantur in subiectis nationibus præter Hunnos, Marcomani, Sueui, Quadi, Heruli, Turcilingi, Gothi, Gepidæ, & Alani, quosq; Sildonius adiungit Rugi, Geloni, Scoti, Burgundiones, Bellonoti, Neuri, Bastarnæ Bruçteri, Franci, magnarum ex se virium, & celebratæ potentiæ populi, ut fides sit militari carmini, funebri decursione ad mortui cadauer iactato, solum Attilam, inaudito ad eum diem exemplo, possessionem Germanicorum Scythicorumq; regnorum coniunxisse.

Hist. miscel. lib. 15. Iornand.

Sid. paneg. Auiti.

KREINHILDE:

garorum annales KREINHILDEM, Boiorum reguli filiam, in magna numerosi coniugij licentia, uxorem fuisse memorant, ex eo matrimonio Aladaricū natum, egregiæ indolis iuuenem, qui Chabam maiorem natu fratrem, regno aggressus deicere. Mortuo enī Attila, anno post Christum natum quadringentesimo quinquagesimo quarto, ingentes bellorum motus sequuti sunt, cum inter tot filios, quorum incredibilis numerus propior populo, nemo de herciscunda hereditate cogitaret, singuli solidam vellent cernere. Eminuere principes, hinc Chabas, Iornandes Ellacum credo nominat, inde Aladericus, Chabæ fauēre Hunni, fratrum maximo, quem pater in eam spem destinasse credebatur, Aladarico, in maternæ originis memoriam, Germanici populi, Rex in primis fama inclytus, annales Detrico

Vngar. annal. quos sequutus Nicol. Olahus in Attila c. 17.

ANN. POST
CHR. NAT.
CDLIV.

nomen

nomen faciunt, ego Ardaricum Gepidam interpreter, quem Iornandes tum gloria, tum viuo Attila fide & auctoritate floruisse scripsit: plerique de Theodorico Gotho, Italia postmodum victore sensere, prænimis absurdè, qui Attila iam defuncto demum natus sit. Prælium commissum in campis prope Sicambriam, tanto utrimque irarum ardore, & per plures dies pertinacia, ut Danubium cæsum sanguine tinctum, rubuisse annales prodiderint. Neutra acies lata abiit, Aladaticus fortiter pugnans, armatus cecidit, quare suppresso paullisper partis impetu, cum victoria Chabam spectaret, Ardaricus valida rursus facta impressione, suos erexit, Hunnos in manifestam fugam coniecit, perterritosq; egit, ut non prius consisterent, quam se victoris oculis subduxissent. Vngari Chabam effugisse credunt, Iornandes Ellacum, quem ipsum videri diximus, pugna perijisse. Hoc habet, fractis eo prælio Ardarici potissimum virtute, Hunnorum viribus, gentes tristi seruitio subditæ, importuno iugo excusso, se in pristina libertatis splendorem vindicauere.

Auctorem habeo, sed vanitatis manifestum, de quo quæ mea priuatim sententia, alias erit explicatius exponendi occasio, Boiorum populos Schiracios, Hirros, Schiros, Tranos, Salios, Salingos, Stiros, Stiracios, Halios, Bueros, regnum Adalogerioni, Hunni Veliphonis filio, tum detulisse, viro forti & prudenti, qui paterna origine Alemanum Herculē

contin-

contingeret. . . Verum huius omninò narrationis, in annalibus paullò vetustioribus, domesticis etiam, nihil comparet. Et ut conniueamus ad Herculis Alemanni fabulam, quæ est ista porrò tam prauæ ambitionis species, aggerere tot hæc gentium nomina, partim huic nunc maximè fini excogitata, certè noua incude formata, cetera à Boijs aliena adeò, ut cum ijs commune habeant prorsus nihil? Ne eamus per singula, de Buris dictum, & Tacitum S. pag. 114.
 præ nuperis scriptoribus fidem impetrare æquum est: Schiros siue Scyros, & Hyrros, Plinius cum Sarmatis & Venedis coniunxit, tum idoneus valde testis Iornandes, Schiros mortuo Attila volentibus Romanis, cum Satagarijs Alanisq; ceteris, in minori Scythia & inferiori Mœsia, Candace duce consedissee retulit, quod illum nimirum scisse oportuit, qui auo Candacis scriba ortus sit. quid ergo Boicæ historiæ inferere attinebat? At Scheirensis inter Boios familia floruit; rectè, si quis prius euincat hanc à Schyris esse, nam de cetero, frigidum soni argumentum, quod nullo alio fulcitur tibicine; nisi si eadem facilitate nobis permittimus, Boios à Bœotia deducere, quæ græcis Βοιωτία scribitur, aut his etiam ineptiora comminiscimur. Adalogerionis nomen, incita affectatione ex Adelgero natum, siue cum eo confusum est, cuius paullò ante sub Seuero meminimus, siue cum Aladarico Attilæ filio, parum scio, Aladericum enim pleræque Germanorum gentes

S sequu-

sequutæ sunt. Pergit porro, Boios hoc Rege nunc Gothis ac Sueuis, nunc Hunnis & Rugijs coniunctos, traiecto identidem Danubio, Romanas prouincias, quacumque prædæ spes vocaret, esse populos. Orto inter Sueuos & Ostro-Gothos abactis pecoribus certamine, Boios Sueuis affuisse, Valomarum Gothorum Regem pugna interfectum, interfecti fratrem Theodomarum, cum magnitudo frigoris hyeme Danubium glacie constrinxisset, flumine transmissio, Boijs Sueuisq; quos tunc unum Alemanorum nomen comprehenderit, cladem reposuisse. Venedos quoque per ea tempora per Germaniam interiorem cœpisse inualescere, finitimosq; populos, Sueuos & Boios præcipuè, infestasse, qui cum Boiohemo pulsicederent, Zechum & Crocum Venedorum Reges, successisse. Boios ad Nariscos abiisse, qua isti laeuam Danubij ripam in Germania magna, Vindeliciam contra prætexunt. Ibi controuerfias cum Francis incidisse, quod Childericus & Clodoueus Reges, latè per omnem Galliam, & prope Germaniam, rerum potentes, nouos aduenas æmulos non ferrent, à Clodoueo demum Boios & Sueuos, Alemanos uno verbo, cæsis Adalogerione & Alarico Regibus, memorabili pugna ad Tolbiacum victos esse. Boios ex eo obnoxium cum Francis fœdus icisse, Boij principem ex suo corpore legerent, Ducis nomine, Francorum Reges auctores fierent, Boica arma Francis auxilio essent, iisdem ami-

cis

cis atque inimicis uterentur; cetera suis legibus viverent. Huius historię ut quędam probabilē veri speciem pręferunt, ita vana sunt pleraque, & illud perquam inane, quod sibi ratum & confessum sumit, Boios & Sueuos ad Alemanorum nomē utrosque pertinere. Scimus Alemanię appellationem Germanis interdum uniwersē tribui, & eo sanē sensu Boios, nihilo minus quam Francos, Saxones, & alios quoscumque Germanię populos completi, sed qui Boios priuatim & propriē Alemanos vocauerit, quomodo Sueui crebrō usurpati sunt, pręterea nemo est, quin contra ab Alemanis tam multi, tam disertē, tam certo limite distinxerunt, ut, nisi si quem de rebus ante oculos positis ambigere delectat, in disquisitionem ultra venire non debuerit. Iornandes in Getica historia, ex qua superioris narrationis anteriorem partem, variē inquinatam, deriuatam esse apparet, Alemanos & Sueuos coniunxit, verum id ad Boios nunquam quidquam pertinet, nihil item auxiliares Schiri, quorum eo loco mentio, ne Germanici quidem nominis populus, neque sese ulla hinc aperit suspicio, Boios cum Gothis per ea tempora armis esse congressos: Boiorum hactenus meminit, ut prope Sueuos in Germania magna, ad orientem solem, coluisse significet. Quod ipsum eos qui temere confundunt, erroris poterat admonere. Incidit autem Iornandis de Boijs mentio, in annum post Christum natum qua-

Paul. diac. lib. 3. c. 18. *Iste ex Sueuorum, hoc est Alemanorum gente oriundus.* Alij passim Sueuos et Alemanos confundūt. Boios vicissim a Sueuis & Alemanis omnes distinguunt. Eginhart. in Caroli M. vita, *Ad Lechum amnem cum maximo genuit exercitu, et flumen Batauios ab Alemania diuidit.*

ANN. POST
CHR. NAT.
CDLXXII.

S 2 drin-

dringentesimum septuagesimum secundum, ratione sic inita. Theodericum Italix Regem, anno à Christo nato quingentesimo vigesimo sexto mortem obiisse comperio, quam cum ætatis septuagesimo secundo obierit, quadringentesimo quinquagesimo quarto natum esse consequitur, atque decimus octauus ætatis, à Iornande eo loco memoratus, numerum à nobis indicatum attingat oportet. Nam hæc intentè & diligenter visum rimari, quod post prisca Romanorum Imperatorum tempora, vetustiore ista usque adhuc neminem repperim, qui Boici nominis liquidò & disertè meminerit. Marcomanicum contra, posthac extinctū funditus periit, neque renatum unquam est; quo probabilior & confirmator superior coniectura, Boios sub Marcomanorum & imperio & nomine delituisse, quibus afflictis iterum emerferint. Porro Iornandes delineaturus Sueuos, quibus Alemanni coniuncti, eos ab oriente Boijs, ab occidentè sole Francis, meridie Burgundionibus, septentrione Thuringis claudi scriptum reliquit, eo tanto circuitu, hodieq; trans Danubium Sueuiam, cum proxima Franconia, longè lateq; fufum terrarum spatium, exprimens, quod in alio opere pluribus docuimus. Confectarium itaque, Boios siue Hercyniæ sylvæ campos à Marcomanis insecutos, iam olim cognominés, tum adhuc coluisse, siue quod vero opinor propius, illis paullo ante eiectos, Danubium, qua inferiorem

Ret. August.
Vind. lib. 8.

riorem Rætiaz partem & Noricum præterfluit, prætexisse, quæ hodieq; item Transdanubiana Boica est. Atque hic exin maximè gradus fuit, ad Romanas prouincias, traiecto flumine occupandas. Illud dubitationem non habet, Marcomanos sociosq; populos, pulsos esse interiore Hercynia, à Slaus Sarmatica gente, quæ ducis Zechi, ut ipsi sibi persuadent, nomine priuatim dicta, nunc appellationem retinet: sed temporis ratio in controuersia. Nobis probabilis visa, Cromeri accurati scriptoris, multiplex ad Attilæ æuum deriuata ratiocinatio; nisi credibilius, Attilâ demum mortuo, cum unius regni interitu multa passim noua orirentur, Sarmaticis primùm in Germaniam irruptionibus viam patuisse: quod utro modo habuerit, cum alterutro accidisse oporteat, in tam obscura vetustate, neque asseuerauerim, neque in magno posuerim discrimine. Nariscos autem initio hunc inter Hercyniam & Danubium tractum obtinuisse, priusquam Zechi Marcomanis & Boijs, Boij vicissim Nariscis succederent, constanter creditum, nos non abnuimus.

Interea subit admirari, cum ab Attilæ morte, labefactata iam dudum Romani imperij maiestas, omnibus nationibus fuerit ludibrio, quarum quæque proximis prouincijs totis viribus incubuerint, & verò Germanicæ sibi Rætiam & Noricum palam diripiendas destinarint, Alemanni præsertim, Rugij, Heruli, Thuringi, hæc quippe extant apud Eugippi-
um,

Crom. rerum
Polon. lib. 1. c.
ult.

Eugip. in vita S.
Seuerini.

um, qui tunc vixit, nomina, quæ factum ut solis Boijs nihil ijs locis rei fuerit, quibus illos unius fluminis latitudo arceret, saltem memoria nullis litterarum monumentis consignata celebretur, nam Marcomanorum specie, quorum nec ipsum illis bellis nomen reperias, & interijſſe antea diximus, amplius regi non potuere. An credibile Boiohemo nuper electos, vagos palantesq; de tuendis quas fors dedefat sedibus, magis quam de propagando imperio & gloria, deq; vicinis laceſſendis fuiſſe ſolicitos? An fœderis cum Romanis uſque eo tenaces, ne iniuriæ quidem paratos atque obnoxios, violare ſuſtinuerunt? Sed & utraque cauſſa coniungi potuit, quod nullus diuturnior inter confines populos fidei cuſtos, quam imbecillitatis utrimque conſcientia. An caſu euenit, quo fere propendeo, ut cum nihilo ceteris pacatiores, manus non magis continuerint, memoria tamen in tanta ſcriptorum ſtrage exciderit: nam ſine Eugippio eſſet, de Rugijs, Herulis, Thuringis æquè neſciremus. Et verò barbaros is memorat, non expreſſo gentis nomine, qui Romanas urbes præſidio fœderati tenuerint, hos Boios fuiſſe, nihil vetat credere, ſobolem fortaiſſis illorum, qui Frigildis iuſſu fluium tranſgreſſi ſunt. Ego incerta ſuſpicionum affirmare abſtineo.

Sed reſtant ex narratione quam cenſendam ſuſcepimus, Francica Boiorum cum Childérico & Clodoueo bella, ſequutumq; fœdus: quorum in omni
anti-

ANN. POST
CHR. NAT.
CDIC.

antiquitate, nullum impressum vestigium inuenio, tametsi Francis plures quam plerisque populis scriptores, & tanta profectò res scriptione digna erat. Anno post Christum natum quadringentesimo nonagesimo nono Alemanos à Clodoueo victos inuenio, memorabili scilicet pugna, quæ prima apud Francos adaperiendo Christianæ religioni aditui fuit occasio, verum eam Boios ulla ex parte attigisse, nemo veterum prodidit. Gregorius Turonum episcopus, annos non totos quinquaginta post hanc pugnatam natus, Alemanos in fugam versos, Regem eorum interemptum, hoc tantum narrat, eodem sensu Theodericus Gothus, Clodoueo victoriam gratulaturus, Regem cum gentis suæ superbia cecidisse scribit. Ut impensè mirer, nunc demum in mentem cuiquam venisse, Boios & Alemanos, Alaricum Adalogerionemq; Reges miscere, omnia cōgeminare. Non equidem pernegem, Francorum maiestatem, quæ totâ quam latè patet Germania, longè erat maxima, iam tunc, aut etiam antea, certè non multò post, comiter à Boijs conseruatam fuisse, saltem illis qui in Germania magna trans Danubium colerent, nam leges Boicæ argumento sunt, quas Theodericum Regem Clodouei filium tulisse, præmium ostendit, neceas ab æquali quisquam accipit. Rei interim originem, nec in tanta annalium penuria eruere atque constituere potui, neque ingenio fingere & excogitare pulchrum putai,

Greg. lib. 9. c. 90.

Theod. in varijs
Cast. lib. 9. c. 41.

In mss. & in edit.
Paris. Prologus
leg. in Bato aristoris
In Heroldi edita
Prologus legu
Salica. Verba sic
habent: Theo-
dericus Rex Frã-

taui,

fonte duci, manifestum: ijs nimirum præcuntibus, quorum aures & linguæ erant barbaræ, Iornandem Paulumq; & eius præterea classis scriptores intelligo. Nam aliam etyminationem comminisci, frustra sit. Neque hinc obscurum, cum Boijs idem Boiari Boiariq; essent, quibus gradibus ad Baioaros siue Boioarios & Bajoarios, ab his ad Baiouarios atque Bauaros tandem itum. Si qui enim scriptores paulò vetustiores sunt, Boioarios & Baioarios præferunt, Bauariæ nomen posterioribus plenè debemus. Audaci nimis deflexu, cum à prisco vocabulo, tum à vernacula pronuntiatione, in qua Boiorum vestigia, ut ut confusa comparebant, atque adeò comparent, quæ in Bauaris prope nulla sunt. Vixit ante annos ab hinc amplius septingentos, post Iornandem trecentos circiter, Otfridus monachus, qui Germaniæ sermonem omnium primus litteris tractare aggressus, linguam appellauit scriptu perdifficilem, propter sonum incommodum, & litterarum plerumque congeriem, multis in eam sententiam collectis argumentis: tum vocalium creberrimum, præ eo quod nunc sit, usum fuisse, perpetuum veluti testimonium eius scriptio dicit: quæ meo sensu causa longè planissima, mutata, pro scribentium libidine & inscitia, orthographiæ. Qui Bauariæ nomen ex Boijs & Auaribus, Auares autem Hunni sunt, composuere, aut alioqui Bauaros cum Auaribus confudère, næ illi palam nugantur, Scythica

T hæc,

Otfrid. in prol.
Euang. ad Luit-
bertum Archi-
ep. Mogunt.

hæc, illa Celtica gens, & rarò duo aliqui populi æ-
què pertinacibus odijs sese exercuerunt. Neque
Paullus Aemilius, grauis alioqui & circumspectus
scriptor, tam supini erroris veniam meretur. Nos
difficillimam & impeditissimam operis partem, tan-
quam in mari scopulos, præteruecti, liberiori porro
cursui asueſcemus; sic ut tamen vada, quæ complura
œnauiganda restant, cauenda meminerimus.

MAR-

R E R V M
B O I C A R V M

LIBER TERTIVS.



Osteam rerum conuersionem quæ superiori libro explicata est, primum ex Boijs Theodonem, traiecto Danubio, Romanam prouinciam, principatus specie tenuisse, Boicorum annalium consensus habet: constanter adedò, ut suum expeditioni annum assignent, nulla variationis leuitate. Quod in re magna & antiqua, quæ olim per manus tradi potuit, externis testimonijs confirmari nunc non potest, euincendæ veritatis opinioni non nihil est. Neque enim suspicari animum induxerim, tot quantumuis domesticos auctores, eundem errorem de compa-cto errasse, quâ præsertim priuata unius gentis memoriæ publica aliarum monumenta non aduersantur.

Qui Theodo Latine scribentibus, Dioto & Dieto populari sermone est, nomine antiquè Celtico, quod excellentem virtutem exprimit, qualis heroum priscis temporibus credita. Eo olim primum gentis conditorem usum, Cæsar mihi auctor, qui Gallos se Dite prognatos dicere, scriptum reli-

Consensus omnium qua edictorum qua ineditorum: uno aut altero excepto, nec rei, uicem ullius.

Diotoem & Theodonem Arnolfus Comes promiscuè usurpat. Diet. pro viro forti in l. Heldé. buoch. Cæf. lib. 6. bel. Gall.

T 2 quit.

Tac. de mor.
Germ.

Lue. lib. 1. immi-
tu placatur san-
guine dicitur Theu-
tates.

Lips. Poliorcet.
l. 1.

Otfrid l. 3. c. 13.
fremidema thio-
te, significat ge-
tes exterar.

Garibaldus no-
bis nunq̄ visus,
sed ex mss. qui-
busdā, qui ipsius
auctoritate ni-
tūtur, facile fuit
coniecturam ca-
pere, hominē ef-
se mirē nugacē,
ut qui illum au-
dire potest, ei
Anniana tota
coctōis, & Huni-
baldi ineptiæ
sordere non de-
beant. Primus
nimirum in Bo-
ica hist. fabularū
sementē fecit, q̄
pluribus postea
culmis scriptorū
vanitate frutica-

uit.

quit. Vnus idem Teuto opinor apud Tacitum, non
Tuisto, Deus terra editus, cui gens nomen debet.

Idem Theutates an Theutanes Lucano. Itaque is
ipse Tacitus, maximum à Germanis honorem Mer-
curio haberi credidit, quod Mercurius aliquando
Theut appellatus sit, uti Plato in Phædro & Philebo
significat. Sed verò Lipsius, quem inter prima
sæculi ornamenta non nos uni numeramus, ex vè-
tusta psalmorum versione obseruauit, Thiede &
Thiadon gentes nationesq̄ olim uniuersè dictas,
quod ego in Otfrido quoque reperio.

Die-
tisonus in compositis manet, Diethero, Dieterico,
Dietbaldo, Dietmaro, quos Theodoros, Theoderi-
cos, Theodibaldos & Theodomaros usurpamus.
Theodonem sunt qui Adalogerionis filium fuisse
cum dicant, tam non euincunt, quam aut de Adalo-
gerione ipso, aut de Herculis in Adalogerione stirpe
nullam fidem faciunt. Alteri Garibaldo obscuri no-
minis scriptore freti, longa retrò serie, permultos al-
ternis fere Theodones & Thassilones, cum prisco
Ingramo coniungunt, cuius supra illata mentio.
Nobis in neutram partem liquet, & in tantis tene-
bris ad scopum frustra collimemus. Illud pro com-
perto ponere non verear, quibuscumque parenti-
bus & maioribus ortum, genere ac nobilitate suæ
gentis fuisse primum, cum eius rei certa documenta
habeam.

Nam hîc sit operæ pretium admonere,
præcipuè claritatis familias priscis olim temporibus

plu-

plures apud Boios extitisse, quarum nomina in Boicis legibus perscripta, longitudine temporis corrupta, nunc obscura, interpretationis incertę sunt, eas inter Agilolfingam Ducum seminarium, principę prę omnibus loco eminuisse. De qua Dagobertus Francorum Rex, cum Boicum ius multis post annis corrigeret & digereret, in isthęc verba edixit,

Agilolfingi verò, usque ad Ducem, in quadruplum componuntur, quia summi principes sunt inter vos: Dux verò qui pręest in populo, ille semper de genere Agilolfingorum fuit, & debet esse, quia sic Reges antecessores nostri concesserunt eis, qui de genere illorum fidelis erat & prudens, ipsum constituebant Ducem, ad regendum populum illum.

Cum ergo ex Theodonis posteritate multi Francis volentibus Boijs pręfuerint, eum ex legis sententia ad Agilolfingos pertinuisse, necesse est.

Anno post Christum natum quingentesimo octauo, Boios superato Danubio Romanam prouinciam Theodonis ductu ingressos esse, auctores quos sequor consentiunt, cetera diuersi abeunt. Qui scribendo nos proxime antecessit, & omnium nunc maximè manibus teritur, rem Francorum auspicijs, Clodouei Regis consilio & hortatu, armis gestam scripsit, relatā videlicet Theodoni gratia, ob adducta aduersus Alaricum Gothico bello auxilia. Iuuisse Boios, pręter Francos Irino aliquo duce, Abares & Auares, atque Angilos Gifone, Charinos Gifalone

T 3 ducto-

ductoribus, varijs locis minuta sæpe prælia, Boijs
fere secunda commissa, pleraque urbes citra ultra-
que Danubium captas; promorant enim Romani
limitem iam antiquitus trans flumen, & quosdam
imperio velut sinus adiecerant; captas igitur Pisoni-
um, Augustam Aciliam, Mocæniam, Castra vetera,
tum æstiva, Batauis & Quintanis antea deletis, Au-
reatum & Cæsaream disiectas, Lycostomam, Cala-
tinum, Attiliam, habitatoribus metu perculsis, ul-
trò desertas, Eponam, Cœnum, & omnium maxi-
mam Artobrigam expugnatas esse, postremam Au-
gustam Tiberij, quamquam magnis viribus defen-
sam, quod eam Romani bello arcem legerint, Boijs
cessisse. Victoriæ crudeliter exercitam, victores
sacra prophana iuxta habuisse, & dibus & incendijs
omnia miscuisse, nullo aut sexus aut ætatis aut digni-
tatis denique discrimine. Theodonem rebus com-
positis, cum alias ciuitates instaurasse, tum Augu-
stam Tiberij inprimis, quam nouo uxoris Regino-
birgæ nomine appellauerit. Seuerinum, Remedi-
um, Seruatum Romanos præfides, se se in Noricum
inq; Vindeliciam alpibus subiectam recepisse, ibi
oppida, ut quodque opportunum, Pontes Oeni
præcipuè, præsidio munitionibusq; firmasse. Theo-
donem dum illos omni prorsus prouincia pellere
constitutum habet, in ea molitione, quarto anno
à traiccto Danubio mortem obiisse. Duos ei fuisse
filios, Theodonem cognominem, qui Magnus ex
virtute

virtute dictus, & Vtilonem. Vtilonem fratri domesticio principatu ultrò cessisse, re & gloria armis peregrè quaesita. Nam cum Theodeberto Theoderici Francorum Regis filio (magnum tunc Francorum imperium, præclara fama erat) aduersus Danos opitulum isset, commissa ad littus Belgicum secunda pugna, & occiso hostium Rege Cochilario, victorem Marchionis Antuerpiensis titulo honestatum, Theoderici sororem uxorem accepisse. Ex eo matrimonio Hugobertum natum, qui Asopertum creavit, Asoperto & Plurhylda Clotarij Regis filia Arnulphum, patrem Arnulphi Episcopi, qui in sanctorum numerum relatus est; Arnulpho Episcopo, priusquam sacris initiaretur, Angisum, Angiso Pipinum, Pipino Carolum Martellum, Martello item Pipinum, primum ex hac gente apud Francos Regem, Pipino denique Regi Carolum Magnum Imperatorem fuisse filium. Quæ ambitiosius vereor quam verius, asserendis Boïco sanguini Carolinæ stirpis originibus excogitata, fidem absque antiquis certisq; suffragatoribus, nec mereantur nec inueniant. Puerile enim est, quod Palatini Comites in Caroli maioribus numerantur, id de Boijs interpretari. Theodonem Magnum inter populares pro patre regnasse, legatos Anastasij Imperatoris ad eum venisse, tentaturos adolescentis animum, ut quem armis minus possent, callida oratione circumuentum Romanis subiungerent, sed irritò conatu domum reuersos esse.

Marchionis nomen tam antiquum esse, mihi non constat, saltem hoc sensu. P. Aemil. Marchionatum Antuerpiensem sub Othone demum institutum scripsit L. 3.

Seio recentiores quosdam ab hac sententia non abhoruisse, fidem eius quæ hic notato parum fidem sequutos. Go. 6. rop. orig. l. 1. & 7. Molan. de milit. sacra Ducu Brab. c. 2. Laz. de migrat. gentium, Guicciard. de reb. Belg. Apud antiqu. hoc enū reperio, Cocni-larum a Theodeberto casum, nulla Vtilonis memoria. Greg. L. 3. c. 3. Aim. l. 2. c. 2. Ado, Sigeb.

Theo-

Theodonem reliqua p̄uincie pettexisse debellare,
Pontes Oenicapisse, plerasque urbes euertisse; Ro-
manos multis p̄clijs concilos, desperatione rerum
suarum actos, in Italiam rediisse, occubuisse tum vi-
ros virtute p̄stantes, Diuum Anianum sacerdotē,
& Diuum Marinum Episcopum, dum hic sacris ante-
aram operatur, mortui cadauer abs quercu pepen-
disse, Severinum Praesidem à Volcūino Theodonis
signifero caesum, Seruatum captum ab ipso Theo-
done, in crucem actum, Remedium pulsū effugisse,
Diuum quoque Vigilium Tridentinorum Epi-
scopum, & Theodorum Laureacensem Archiepi-
scopum, euersa urbe interfectos. Theodonem Vin-
delicia & Norico latē victorem, Esclprunnam ad A-
thesim regni terminū Italiam versus constituisse,
regionem bello captam socijs populis contribuisse,
p̄fectis qui limites quāqua versus Marchionum
nomine tutarentur, Adalgerionē nimirum cognato
homine ad Athesim, ad Lycū Heroldo, Hirando
ad Anassum, ultra Danūbium in Nariscis Rudolpho
quodam cum filio, ipsum sedem Reginoburgum
habuisse, fato functum postquam sex & viginti po-
testatis annos expleuerit, imperio æquis portioni-
bus inter tres superstites filios diuiso, Theodonem
tertium, Vtonem & Theodoualdum.

Ego multiplicis historiae partes, etsi reprehensio-
nibus non uno nomine vehementer opportunas,
singillatim nec affirmare nec abrogare necesse ha-

beo;

beo, nisi quid res ipsa subinde, & orationis nostræ deinceps cursus obiter peruerteret, quod interdum futurum est. Vnum in præsens moneo, & semel dictum, sæpe postea memoria repeti, semper valere velim, scriptam esse ab homine inuestiganda & excutienda omni vetusta annalium memoria, diligentia nonnullius, coniiciendis affirmandisque; quæ sibi quibuscumque vestigijs indagasse visus, audaciæ multæ & præcipitis, fieri itaque potuisse, quod factum esse sit magnopere verisimile, ut aliqua eruerit certis antiquitus litteris consignata, quæ postmodum siue perierunt, siue nostram quidem cognitionem studiosè conquisita effugerunt, fidem neutiquam dubiam meritura, si de primis auctoribus aliquando constet, quod nunc secus est; hæc cum ex paruis, vel certè ex mediocribus, maxima effecerit, tum plura deinde adiecisse alia, aut ex leuissimorum hominum commentarijs temere hausta, in quibus Garibaldus ille nescio quis, familiam ducat, aut cōiectando recens inuenta, aut ancipiti origine ab omni vetustate, nunc demum libero arbitratu ad res Boicas detorta. Ista enim capita, vera falsis, certa incertis mixta, accuratius prospicienti apparent, ceterum promiscuè & confusè, ut præter ea quorum est manifesta vanitas, quid antiquum quid nouitium, quidq; genuinum aut omninò commentitium sit, nemo satis queat distinguere, nisi illis ipsis monumentis instructus, quæ cum is præ manibus habue-

rit, quod iam non comparent, perijsse suspicor. Sed iudicium in medio: nos, ut ut res habeat, pro pudore & religione, quam operis aggressu recepiſſe meminimus, non egerimus, ſi tantarum rerum teſtem unum, nuperum, fabuloſitatis non ſemel compertum, cetera incertum, temere ſequamur.

Arenpeck lib. 2.
c. 14

Antiquior Arenpekius, Theodonem anno itidem quingentefimo octauo narrat, nam haecenus unus omnium conſenſus eſt, nullis Francorum auxilijs ſubnixum, milliaria tantum popularium cohorte comitatum, veniſſe in prouinciam, & Romanis vectigal exigentibus ſuperbo reſponſo ludibrio habitis, Imperatorem adiſſe; Theodericum Gothum Regem magis credo, rerum in Italia & trans alpes tunc potentem, Anaſtaſij enim Imperatoris nomen, ut temporum ratio congruat, rebus Italicis & tranſalpinis iſtis, imperitè inferitur: à quo raſo primum capite, ſuccifisq; veſtibus dimiſſus, quod aliorum annalium fidem ſequuti, ad Adalgerium priori libro retulimus, deinde in amicitiam receptus, egregiaq; inter auxilia nauata opera liberaliter donatus, tum aliquot annorum tributo leuatus ſit, quibus decurſis, cum tributum per legatos iterum urgeretur, iſq; enixè inſtarent, ut ſe Principi præſenſiſteret, illum fabellam de ceruo, paullo aliter quam à nobis ſupra memorata eſt, ſubieciffe. Bellum irritatis hinc inde animis ſequutum, Theodonem copias Oetingæ contraxiſſe, quæ Huodinga dicta antiqui-

l. pag. 198.

triquitus, & flexo vocabulo, feroci allusione, ad vernaculi sermonis sensum, identidem iactasse, hîc me qui quærit inueniet, porrò conscium quam paucos contra quam multos duceret, ne recognita suorum animi labascerent, prælium consultò nullis præ se missis exploratoribus commisisse, perpaucos Boiorum desideratos, ingentem hostium stragem fuisse.

Anno post Christum natum quingentesimo vigesimo, Beurnæ in alpibus iterum decertasse, ubi Iustinum Imperatorem cruenta victoria coram vicerit: quod de Iustino equidem perspicuè vanum est. Ex in maiestatem Boici nominis mirificè auctam, Langobardorum Francorumq; populis æquo fœdere sociatis, ad regium fastigium excreuisse. Theodonem annos fere triginta à Danubij traiectu imperasse, supremum diem obiisse quingentesimo trigesimo octauo post Christum natum, Vtone relicto filio, quem & Vdonem, & Odonem, & Vtilonem dicunt, alijsq; præterea litterarum modis variant, ut vix ullius nominis scriptio inconstantius fuerit habita. Atque quod tres ordine Theodones prior numerat, Arenpekius in unum contrahit, & cetera in omnes partes profectò moderatior, nisi quod ne sic quidem satis, patriæ quædam charitati, uti fit, supra veri fidem indulsit. Ingentibus nimirum quos variè uterque narrat motibus, nemo paullò cordatior modo, in consentiente publicorum eius æui scriptorum silentio, fidem adiunxerit. Quidenim?

V 2 Theo-

ANN. POST
CHR. NAT.
DXX.

DXXVIII.

Cassiod. de Rer.
l. 1. ep. 1. & l. 7.
ep. 4. de Nor.
lib 3. ep. 50.

Ennod. paneg.
Theoder.

Procop. lib. 1.
Gothic. Cassiod.
factis, Cethæo
Coss.

Historiæ passim.

De Imperatori-
bus nullum cer-
tius testimoniū,
quam quod de
recuperāda Ita-
lia Theoderico
vivente nunquā

Theodericus omnis memoriæ Regum dignitatis retinentissimus, florentibus maximè Gothorum rebus, ad quos Rætias & Noricum pertinuisse, Cassiodorus in epistolis tam certus tamq̃; locuples index est, ut veteris historiæ inscitiam pæne palam profiteantur, qui per ea tempora Romanum his oris imperium, nisi qua sibi id Gothi asciuerē, aut pugnantes pro imperio Romanos somniant, Theodericus inquam, Boiorum contemptum & iniurias inultus tulerit? aliquoties pulsatus animum demiserit? pulcherrimas prouincias hostili manu occupari siuerit, occupatas pro desertis habuerit? Vanas fuerit oportet Ennodius, cuius extant ad Theodericum verba, Minui æstimas quod non crescit imperium: Varius magnopere & inæquabilis Theodericus ipse, qui alienam Pannoniam siue Gepidis siue Bulgaribus, sola animi ductus magnitudine extorserit, sui contra iuris negligens, possessionem iam partam Boijs in Italiæ finibus cesserit, tantò ignauius, quo hoc maius dedecus est, quam omnino non parauisse: Visigothos ruentes, submissis in Galliam & Hispaniam usque auxilijs, sustinuerit, Francorum inimicitias nihil veritus eo nomine subire, tantum sub oculis acceptum detrimentum mussitauerit? Inanis fortitudinis opinio, qua hinc Imperatores Constantino-
poli, inde Vandalos in Africa Reges continuit, Germanicarum gentium munera & legationes ab usque extremo Oceano exciuit, nostris adhuc hominibus
Vero-

Veronensis cognomine inter Alexandros & Cæsares canitur. Verum præstat, de absurda & incredibili narratione, testibus non credere, qui alio præterea egent testimonio, hoc est, qui rem præsentem, multis postea sæculis nati, comperire non potuerunt, quæ in censenda historicorum fide, prudentissimorum hominum perpetua habetur cautio; quin ea istis tanquam ducibus vestigare, quæ rerum temporumq; naturæ & conditionibus apta sint atque consentanea. Interim frontem eorum miraturi, qui cum Boios Alemanorum olim nomine censos asseuerare ausi sint, quam opinionem sub superioris libri fere finem propositam, falsitatis conuicimus, iidem Boios victores fuisse pergunt pertendere, cum Cassiodorus & Ennodius Alemanos à Theoderico superatos esse, palam adeò & explanatè prædicarint, ut istos alterutrius saltem erroris debuerit puduisse. Sed nos iam nunc superioris narrationis luxuriam castigemus, & ad probabilem veritatis speciem, quâ fieri poterit, temperemus.

Theodonem, quod primum erat, cur in prouinciam venisse narrantibus assentiendum existimem, causa initio explicata est. Reliqua quæ sequuntur pleraque, commodè accepta modo, nihil etiam admodum credere prohibet; Aut milliariam cohortem duxisse, aut vectigalem agrum coluisse, aut Theoderico denique inter auxilia meruisse, ut pacem cultui iuuerit, arma delectu, quod vetus scriptor de-

cogitarunt. De Vandalis Cassiod. in fastis Olybrio Cof. De legationibus Occanicis Cassiod. Variar. l. 5. ep. 1.

S. pag. 139.

Cassiod. Var. l. 12. ep. ult. Ennod. Paneg.

Paneg. Constantino dictus.

Cassiod. Var. l.
4. c. 45. l. 5. c. 11.
Paul. continuat.
Eutr. l. 16.

Francis, in Gallia à Constantino collocatis, simili re usurpauit. Heruli & Gepidæ militauere Theoderico, quid sit cur non eodem exemplo Boij? cum Paulus asserat, omnes Italiam accolentes populos, aut affinitate, aut fœderis pactione ei fuisse coniunctos, haud dubium æquo maiores, obnoxio reliquos; argumento, quam certæ & testatæ vanitatis ea plena sint, quæ de Boiorum aduersus Italos expeditionibus & victorijs, splendide, ceterum temere prænimis, iactantur. Theodo interim & euocari potuit, quomodo cognominem Theudam Præfectum, res nouas in Hispania molientem, sub Theoderici fere mortem in Italiam euocatum fuisse Procopius scribit, & certorum annorum tributa illi remitti, in quo præsertim munificentia genere se Theoderici liberalitas sæpe magnificè exeruit, & ea post aliquot annos iterum repeti, & exactores durius agentes repelli, hæc discordia, deinde iurgiorum & armorum atque tumultus esse occasio, inter quæ cohors Quæstoria imbellis hominum genus, male mulctari, aliqui illius ordinis occidi, alij prouincia pelli: fieri solent ista talia, & egregiè credibilia sunt, de gente militari & feroci, cui in aliena prouincia non æquissimis conditionibus agenti, superfuerint tamen animi prisco decori tuendo, ne quid patria libertate nõ dignum in se committeret. Sic Breones per ea tempora, cum in Ræticijs quoque præsidijs essent, placet enim testandæ rei, saltem explicandæ & persuadendæ

Cassiod. Var. l. 1.
cp. 16. l. 2. cp. 29.
30. 38. l. 3. cp. 32.
40. l. 4. cp. 26.
36. 50.

dendæ, propinquo exemplo uti, Maniario nescio cui, reculas suas ui abstulere, quos Cassiodorus gra- Cassiod. l. i. ep.
 uis sententiæ censura prosequitur, Militaribus ^{II}
 officijs assueti, ciuilitatem premere dicuntur armati,
 & ob hoc iustitiæ parere despiciunt, quoniam ad
 bella Martia semper intendunt, dum nescio quo pa-
 cto, assiduè dimicantibus difficile est morum custo-
 dire mensuram. At hos nihilo tamen minus
 Theoderico subiunctos paruissè, ex eodem Cassio-
 doro intelligas, ut in tota comprehensione verbum
 prope nullum sit, quod rerum quadam similitudi-
 ne, ad Boios non traducas, quin Breon propemo-
 dum Boius credi poterat, mutato vernaculo voca-
 bulo litterarum transpositione, in istam faciem, nisi
 Fortunatus Episcopus, utriusque populi nomen Fortun. l. 4. de
 distinctè in carmine & separatim posuisset. Nec vita S. Martini,
 absurdum porrò, ut quod de scriptorum eius æui si- Si vacat ire via,
 lentio, maximis prælijs & insignitis victorijs paullo neque te Baro-
 ante obieccimus, amoliamur, turbas & rixas istius- rum obstat. Qua
 modi vèrius, non bella, nec fortasse grauius à Theo- vicina sedet Bre-
 derico vindicatas, nec omninò magnæ rei in com- onum loca-
 mune, nullis publicis annalium monumentis confi- Edi-
 gnatas, priuata gentis memoria ad posteros perma- tio Calarit. pec-
 nasse, qui quo omnia maiorum augustiora red- peram habet,
 derent, temporum locorumq; descriptiones, & Im- Breonum.
 peratorum nomina interiecerint, variosq; ex inge-
 nio casus ambitiosè affinxerint, pietatis speciem in-
 terpretati, Boici nominis claritudinem hac com-
 menda-

mendatione in vulgus augere, quantumvis siue falsa esse scire poterant quæ prodebant, siue vera esse scire non poterant. Pernitiabili inter primos erròre, qui non iam singulos homines, sed populos plerisque totos fascinat, bonam famam ex malo mentendi facinore aucupantes, cum omnia contra sint, & is rerum priscarum splendori pessimè consulat, qui præclaram veritatis lucem fœda fabularum fuligine ausus corrumpere, inanium fidem impetrat quidem ab imperitis, sed prudentioribus quantumvis vera, vix atque difficulter persuadet, auctoritate semel prostituta, ille vicissim rectè, cui tenuis veri strictura, ante crassas nugarum nubes est. Theodoni VTILONEM & THEODONEM filios fuisse persuadeor: sed ut alter in Italiam Gothis militatum abiuerit, VACARVS idè dictus, uti paullò post sumus explicaturi: maior Boicam solus tenuerit, quæ Arenpekio fratris prætereundi occasio. De Belgica expeditione, nihil allucet, nec quam de Theodone tertio eiusq; fratribus saltem coniecturam proferâ habeo.

VTILO,
THEODO VA-
CARVS.

Theodericus
Rex an. 516.
obiit.

Rex Theodericus interim, annos plus decem ante maioris Theodonis obitum, vitæ finem fecerat. Ex quo statim tempore, adeo unius hominis virtus ad continendum tantum Gothorum imperium omnia contulit, regia nutare res omnes retrò labi, regno primum ad Athalaricum puerum & Amalasuentam matrem, quamquam ingentis spiritus feminam, inde ad Theodahatum delato, qui dubium in-
grator

gratior an ignauior, in eo gerendo ita versatus est, ut Iustinianum Imperatorem utraque causa ad inferenda arma commouerit. Sub quorum initia Theodahatus morte sublatuſ, Vitigem, Theodibaldum, Araricum, Totilam, Teiam Reges deinceps successores habuit. Hos Belisarius & Narſes continenter exercuere multorum annorum bello, diu ancipiti, Gothiſ tandem exitiabili.

Ea proximis quibulque gentibꝫ exuendi ſe ſe eorum iugo, dominatuſqꝫ reiſciendi, viſa occaſio, nonnulla, ut Agathias ait, ipſorum Gothorum voluntate. Cum enim magnitudinem periculi animo æſtimarent, & ſibi non iam pro gloria & potentia in exteros, ſed pro ea quam patriam habebant Italia, pro libertate, pro vita certamen eſſe cernerent, contractiſ aduerſuſ inſtantem hoſtem undique in unum viribuſ, facile de cetero paſſi ſunt, populoſ pleroſque ſubditoſ, contineri rebus afflictiſ minus opportunoſ, aut in aliorum poteſtatem concedere, Francorum præſertim, quibuſ delinitis illiſ opus erat, aut ſua ſibi ſponte, qua cuique commodum conſulere.

Itaque Procopiuſ, Carnoſ & Noricoſ Gothiſ ad uſque motum bellum paruiſſe proſitetur, moto nimirum deſciuiſſe ſignificans. Vbi mihi Norici vocabulo complexuſ videtur, præter priſcum Noricum, Vindeliciæ ſiue Rætiæ partem Lycoſ fluuiio tenuſ, hoc eſt, omnem ciſ Danubiuſ Boicam. Recentiores equidem à Procopio ſcriptoreſ, rationem quam dico a-

Agath. lib. 1.

Procop. lib. 1.
Καίτοις Νηπιγί.
Interpres deprauatè habet, Ca-
rij Muricique.

X

perte

pertè sequuntur, quò probabilius originem ab illius æuo ducimus, ipsumq; in eam sententiam interpretamur. Causam rei nullam admodum certam scio; siue Nortgoiæ trans Danubium appellatio pro Norico habita, citeriori tota prouincia recepta est, siue Boij Norico ante Rætiam occupato, dum in hanc ex illo migrant, nomen qua imperium protulerunt, siue demum unius interdum scriptoris inſcitia atque temeritas, incurioſa ſequentium credulitate eualeſcit, & obiter etiam mendosè vitioſeq; dicta, conſenſu in uſum tranſeunt. Haſtenus liquet, cum Boij partem veteris Norici, recens verò totum, ad ipſum Lycum tenerent, pleroſque auctores Boiorum Noricorumq; appellationes habuiſſe promiſcuas. Reliqua Rætiae & Vindeliciæ à Lyco in occaſum, Alemani occupauere, ſiue Sueui, Germanici itidem ſanguinis, potens & latè ſula natio; quæ cum in Germania magna prope Boios ad oriẽtem coluerit, traiccto Danubio, eodem tenore in Romanis prouincijs conſedit, & Lyci exinde fluminis alueus, à tot iam annis, ratus & perpetuus utriuſque populi ſermonisq; himes manet. Nec Alemanorum una fuit conditio, pars immunis & ſui iuris, pars à Clodouci victoria Francis paruit, reliquos Theodericus Gothorum imperio ſubiunxit, quòs tum rerum inclinatione adducti, Francis accedere paſſi ſunt. Et Boiorum populus ius à Francicis Gothicisq; Regibus bifariam, fluminis diſcrimine petijt;

Paul. diac. l. 3. c. 31. *Noricorum ſiquidem prouincia, quam Baio-
riorum populum inhabitabat, habet ab oriente Pannoniam, ab occidente Sarmatiam &c.*

De Alemanis plenius Ket. Au-
gustan. Vind. l. 2.

petijt; cuius distinctionis animaduersio, ad explicandam reliquam historiam, magnas utilitates habet. In Francorum fide mansisse apparet, qui in Germania magna trans Danubium restitere, his leges quæ extant, à Theoderico Clódouci filio datas interpretor: qui verò superatò Danubio Gothicas prouincias, Noricum atque Rætiam, nouâ coloniâ infedere, hos in Gothorum auctoritate eo flore imperio fuisse necesse, & ijs quæ Procopius narrat, quæq; nos differuimus, consentiens ac respondens est, labantibus rebus, sibi priuatim consuluisse, plenâq; libertatis gustum cepisse existimo. Nec enim hac verbi modestia uti pœnitet; nihil in quantauis rerum probabilitate, quarum certus auctor, ista annalium paucitate & ieiunitate designari non potest, temere affirmaturi. Ad hos etiam, haud certè transdanubianos Paullus Aemilius respexerit, cum in Childeberto Theoderici fratre prodidit, Francicum imperium ad usque Boiorum fines pertinuisse. Hi demum Italico isto bello pro Romanis, aduersus Francos & Alemanos Gothorum auxiliares, steterè, Francis sanè nondum obnoxij. Ad quos tamen postea, ditione omnes tandem Germanici nominis gentes complexos, reciderunt, uti loco exequemur.

Illud fortasse difficilem explicationem habeat, siquidem Arenpekius de numero vera narrat, cum Theodo milliaria tantum cohorte instructus venerit, quî potuerint tam pauci tam citò, tantæ prouin-

Theodibaldus
Boius Narseti
auxilio fuit,
quod hoc ipso
libro narrabitur.

ciæ, quantumuis vacuæ, & à prioribus dominis desertæ, possessionem usurpare atque tueri. Visum credere, plures Boicos regulos Danubium una transiisse, quorum memoria diuturnitate temporis paulatim effluxerit, solius Theodonis nomen, quæ nobilitatis quæ virtutis opinione eximium, permanasse ad posteros. Accedunt suspiciones antea sparsim perstrictæ, plerasque popularium manus traicisse multò prius, non una occasione, quarum successiones præsentem fortunam sequutas, ad victores se tunc turmatim aggregasse verisimile: quin & in Germania constitutos, ad tam certam, tamq; opulentam & vicinam prædam, certatim magnis transmissis copijs accurrisse rear. Natæ videlicet res secundæ conciliare amicos, nec utique verendum vincentibus, ne societas in partem præmiorum ultrò venientium aliquando deficiat.

Verum enimverò res hortari videtur, quoniam de regione recens occupata tempus admonuit, eius situm atque naturam paucis exponere, & qui populi, quibus institutis, domi militiaq; olim habuerint, supra repetere. Ut gens Boiohemo cessit, extraq; se syluam tenuit, fines ultra Danubium à septentrione in Germania magna, sylua ipsa Hercynia, hinc citra fluuium in meridiem effusa, ad alpes Italiæ imminentes pertigit, ab ortu solis Anesius aut Anassius flumen, vernaculo sermone Ensum dicunt, Hunnos arcere, ab occidente Alemanos Lycus. Nam in ortu olim

Annal. Frac. sub
Ludouico Pio
scripti, An. 791.
Prima castrorum
pro Anesum po-

olim Boij ad Anassum usque, annatum fide, in meridien ad Italiam limen Tridentinum agrum, ubi Paulus Boicum praesidium Bauzani sub Comite sumisse, manusque cum Langobardo Tridenti Duce contulisse significat. Nunc utrimque secus est, finibus longè mutatis, retroque submotis, quo his tradendis sumus diligentiores. Regionem Paulus uniuersè Pannonia, Sueuia, Italia & Danubio circumscribit; cetera propemodum rectè, nisi quod permagnum transalueum tractum, qui inter Danubium & Hercyniam medius, Lyci fere & Oeni ostiorum tenuis porrigitur, Danubio exclusum praeterit. Neque id meo animo temerè, Boicum regnum sub Garibaldo designaturus, Boiorum ultra flumen rationem non habendam censuit, quod ij Francis, ut paullo ante dictum, contributi parerent, nec sui iuris essent. At ea antiquissima post Boiohemum sedes, iter & gradus ad citeriora fuit, Nortgoia, aut contractius Nortca, & Palatinatus duplici argumento dicta, quod Aquiloni obuersa, qui Germanis Nortus est, quodque sub Palatinis Boijs principibus, postea exorta dignitatis specie, habita. Et manent nomina; non item Sudergoia vocabulum; meridianam plagam interpretè, quod à Danubio ad Italiam quondam usurpatum, nunc obsoleuit. Terra ad utramque ripam, praeterquam qua aut montibus attollitur, aut asperatur saltubus, fertilitate inter paucas nobilis, nullius rei ad hominum victum necessariae indiga,

H. H.

X 3 mul-

*Paulus. Nomen
fluminis inter Bo-
ioariorum atque
Hunnorum ter-
minos medio
currens, certum
duorum regnum
fines habebatur.
Paul. dia. l. 5. c.
36. Dum Dux ef-
fugit Tridenti-
na ciuitate, cum
comite Bauza-
norum, quem illi
Grauenem di-
cunt, qui Bauza-
num & reliqua
castella regebant,
confuxit.
Paul. lib. 3. c. 36.*

multis ad ornatum & voluptatem abundat. Frumē-
 ti primum copia, quanta cum sibi satis, tum in exte-
 rōs plerumque populos redundat, itaque & Panno-
 nicos exercitus, & ingrauescentem Italiæ annoniam,
 hoc subsidio proximis supra annis sæpe leuari vidi-
 mus. Vini quoque multum, sed illis maximè locis,
 quæ ab aliquot centum retrò annis Boico exuto, Au-
 striæ & Tirolis nomina receperunt. Arbores frugi-
 feræ, præter oleam, omne genus, campi herbidi,
 magna vis pecoris, neque non sylvis sua gratia, quic-
 quid ferarum, quicquid auium, aut gustu placet aut
 specie. Montibus omnis coloris marmor extat, crui-
 tur stibium, sulphur, alumen, chalcanthum, ma-
 gnes, molochites, quæq; vetus Norici gloria, æs at-
 que ferrum, & valida supra hæc, multorum damna-
 ta conuitijs, paucorum irretortis præterita oculis,
 aurum & argentum, auri quidem quantum omni-
 um Germanicarum fodinarum mereatur inuidiam,
 Pol. ap. Strab. l. 4. in exhausta per multa sæcula fertilitate, Polybio
 quippe ante tot ætates celebrata. Soli diuitijs cer-
 tant aquarum bona. Medius fertur Danubius, ille
 fluuiorum Europæ maximus & altissimus, impor-
 tandis exportandisq; mercimonijs maris prope vice,
 amnes receptans utrimque frequentes, quibus regio
 latè irrigatur, ratium plerosque patientes, nonnul-
 los nauium, pars auri ramentis celebres, margaritis
 quidam, orientem interdum magnitudine & colore
 æmulantibus, omnes lectissimorum piscium incre-
 dibili

dibili viac varietate. Lacus numero multi, ambitu & amœnitate spectabiles, quorum navigatione & piscatu nihil aut iucundius aut usquam fructuosius. Fontium scaturigines alibi frigida, alibi calida, ad pleraque inueterata morborum genera salutare, tum naphthæ præcellens species, petrolei nomine, in hos ipsos usus medicis laudata. Salis prouentus aqua terraq; uberes, & magnum inde vectigal. Sed qui populi Boicam regionem prius habuerint, quiq; postea accesserint, & quæ rerum imperiorumq; conuersiones sequutæ sint, dicam quam quidem potero breuiter, saltem qua annalium durat memoria, gnarus quantum alij supra vetustatis ex inanum scriptorum fabulis adijciant, opera, ut prudentiores existimare video, superuacanea. Germaniæ magnæ quam diximus trans Danubium Boicam oram, Narisci tenuisse crediti, incertum an eodem cum Nortgoia vocabulo, quod Romani non intellectû peruerterint. Origo in obscuro, neque de fine liquet, qui excidium fuerit oportet, aut in Boicum nomen transitus, quod equidem opinari malim: virtutem, non vanus auctor Tacitus affirmat, sermo & mores cum reliqua haud dubiè Germania con-

Tac. de mori.
Germ.

Hæc pleraque
l. 1. & 2. rerû Au-
gust. Vind. di-
putata uberius,
laudatis aucto-
ribus.

res

res erit, ego in diuersum iuerim; Vindelicos Rætorum familiam ab initio arbitratus, priuatam nuncupationem à confluentibus reperisse. Rætorum certè gente atque nomine plerumque censos, manifestū ac compertum habeo, quod multis itidem in hoc tractu minoris rei populis scimus contigisse; quorū designatione antiquitatis ignoratione, verum enim fatendum est, abstinemus, aliorum descriptiones in medio: Ræti à Tuscis conditi, ante Gallorum in Italiam aduentum imperio & gloria florentibus, Ræto duce: in originis fidem patrij sermonis sonus mansit, per multa ætatum curricula. Postquam res eorum visæ adolefcere, domestica potentia, ut est fere hominum ingenium, in exterorum vertit iniuriam. Carpsere perpetuis incursionibus proximos Italix campos, tum Gallorum Sequanos & Helucios, & ipsos in Germania magna Boios, immani supra omnem barbaram feritatem, ceterum prouida crudelitate. Cum enim hostiles iræ, aut eorum qui arma ferunt, aut puberum, aut ut maximè progrediuntur, infantium sanguine exsatiata soleant consistere, primis Rætis in mentem venit, quo hostium non messem aut herbam, sed prorsus semen tollerent, necdum natis, priusquam in communem lucem ederentur, eius spē occidione præripere, maribus nimirum, ne temerarium crederes, quin certum destinatumq; scelus scires, quos vatum monitu atque prædictione, matrum utero conditos à feminis digno-

dignoscébant. **De Noricorum initijs** quæ vî-
 utiq; rem se se habere cultores eius terræ putant; ali-
 bi perscriptimus. **Si** quem præterea **Liuij & Po-**
lybii auctoritatem huc trahere delectat, nihil refra-
 ger, **Liuius**; præcipuè quidem **Rætis**; sed & alijs al-
 pium populis **Tuscam** esse originem indicat. **Poly-**
bius **Transalpinos** ab **Alpinis** loco differre; non ge-
 nere; quod **Danubio** tenus remur interpretandum.
 Eas sententias si coniungas, **Rati**, **Vindelici**, **Nori-**
ci, inter se populares; **Tusci** oriundi omnes sint;
 nos neque affirmandum magnopere, neque refel-
 lendum sumimus. Sub **Regibus** vixisse **Nori-**
cos ex **Suetonio & Velleio** doceri potest, extat **Voc-**
cionis **Regis** nomen, cuius soror **Atiouisto** nupta,
 ipse bello ciuili **Cæsari** trecentos circiter equites au-
 xilio misit. **Instituta** ritusq; & aduersus vicinos po-
 pulos eadem cum **Rætis** inhumanitas. **Postrema** in
Histros incursio paullo ante **Christum** natum, qua
 concitatis in se **Romanorum** animis, cum multæ
 præteriti temporis iniuriæ accederent, à **Silio** victi
 sunt. Mox **Raticum** **Vindelicumq;** bellum,
Tiberio & Druso ducibus sequutum. Vehemen-
 ter autem visum memorabile, **Romana** arma prius
 per omnem **Africam** circumlata, nisi qua immodi-
 cis solis ardoribus, & vasta solitudine illa inuia, in **A-**
sia ad extremas orientis oras penetrasse, & **Europæ**
 cum alia, tum fortissimas **Gallorum** atque **Hispano-**
 rum nationes domuisse; quin eam quæ alterius pro-

S. l. 2. p. 91. 92.

Liui. lib. 5. Pol.

l. 2.

Suet. Tib. c. 16.

Vell. l. 2.

Cæs. bel. Gall.

l. 1. bel. ciu. l. 4.

Dion. l. 54.

Hæc plenè per-
tractata in libri
terum **Augusti**.

pe orbis instar crederetur, terruisse Britanniam, quæ trans Raticas Noricasq; contiguas Italiæ alpes, Rætorum Noricorumq; populationibus toties laceffita & prouocata, conspecta sint. Magnitudinem belli multa produnt, gemini cum maximè tanti duces, qui legatorum præterea usi opera, urbibus & castellis variè oppugnandis, leuibus certaminibus, quo plus terroris hosti obijcerent, sparsim serendis, & instructa quoque acie progrediendo, omni bellorum arte, fortem manuq; promptum, ceterum rudem ad hæc populum, magna edita cæde vicerunt. Sed quantamcumque virorum virtutem, longè superauit mulierum, siue furor siue rabies, quamquam omne nomen infra facti horrorem est, quæ deficientibus telis, infantes humo afflictos, in ora Romanorum aduersa miserunt, vita illis nihil opus esse ratæ, qui liberam ultra animam ducere non possent. Extat Ouidij carmen, quo Augustum omnium propemodum gentium iam tunc victorem, in expectatione belli sollicitum, Ratica arma timuisse neutiquam dissimulat. Et incredibile dictu, quantum ille parta victoria gauisus, quantumq; ad posteritatis memoriam ex ea gloriæ sperauerit. Itaque Horatio, principi poetæ, luculentis versibus, qui hodie leguntur, illustrandam demandauit, reuocato in huius unius argumenti gratiam, ad scribendi studium, longo intervallo intermissum. Creditum etiam, quod Ræti Sextili victi, Alexandria eodem mense in potestatem venerit,

Ouid. trist. 1.
Ratica nunc præ-
bent Thraciæq;
arma melior.

Horat. lib. 3.
oda 9. & 10.

venetit, utramque causam, æquè ac primum Consulatum valuisse, cur Sextilem præ Septembri, quo mense natus erat, Augusti nomine insigniri passus sit. Validissima iuventutis pars, ne bellum retentaret, quod animo agitare poterat esse suspicio, abducta, relictæ qui colendis agris sufficerent, nec reprehendendis armis pares essent. Regio in duas primo prouincias diuisa, Rætiae Noriciq; nomine, totidem Præsides accepit, & idoneis locis, aduersus internos externosq; hostes, alarum & cohortium auxilia. Vrbes deinde diuersis temporibus complures siue veteres instauratæ, siue nouæ conditæ, inter quas Coloniarum dignitate aliquot, cum utraq; prouincia, ciuium Romanorum, militum, colonorum, negotiatorum, plena & referta esset, ex proxima quippe atque continente Italia immigrantium. Quarum hodie aut memoria clarior, aut vestigia supersunt, nomina indicabimus, quâ Boicæ quidem regio pertinet: reliqua Rætiae & Norici prosequi, neque huius instituti est, & nos de Augusta Vindelica colonia, principe Rætorum Vindelicorumq; à prima prouinciæ constitutione urbe, quæ ex antiquis monumentis obseruata eruere licuit, octo libris comprehensa olim explicauimus. Reginoburgum ergo primum, Boicæ per multas ætates caput, Tiberij monumentum, Augustæ nomen tulisse creditur. Cuius rei fides quamquam nobis nunquā constitit, opinio omnium mentes peruasit. Iuuauia,

Y

2

nunc

Tabulæ itinerariae autographū in Peutingerorum mufæo Auguftæ vifitur.

nunc Salisburgum, Hadriani; Ouilabis aut Ouilix, ut in tabula itineraria per antiqua legitur, M. Aurelij Antonini Imp. opus, Lambachum interpretantur; huius Laureacum item, quæ proximè Ensum Lorchæ est, magnæ quondam urbis tenue nunc vestigium, nisi verius Aureliano tribuimus. Atque ea liquidò coloniæ, extant enim inscriptiones, Colonia Hadrianæ Iuuauix, Colonia Aureliæ Antoninianæ Ouil. & Colonia Aureliana Laureacensis. Quibus alias alij, leuitate animi vereor, nullo certo testimonio nixi, addidere. Iuuauiam à iuuando dictam, assentior, & omen agnosco. Secundæ etymon non vidi qui explicaret, sed aliæ alibi quoque urbes ab animalibus nomina traxere. In postrema, qui Laureacum aut Lauriacum, quemadmodum in Theodosij codice per scriptum reperimus, à laurea-
 ris litteris deducunt, quid nisi ludibrium grammaticorum pueris debent? Nemo neget, nesciri modestius pleraque in hoc genere. A Romanis præterea
 Castra Regina, Augusta aut Augustana, Quintana, Bataua, quibus Danubij ripa prætentæ. Regina Reginoburgo nomen fecere haud dubiè, nam Reginobirga Theodonis, nullus vetustior paullò scriptor meminit. Regen fluius id loci manet, in castrorum nomen adoptatus, cuiusmodi ad Quintana Quintanica etiam amnis fuit. Et ut Castra Regina aliquot passuum millium intervallo Reginoburgo aliquando abfuerint, loco pro re nata moueri, vocabulūq;

Theod. lib. 8.
tit. 2. LL.

Notæ utriusque
imp Itinerar.
Ant. Ptol.

omni

2 Y

potu-

potuere trahere : exemplo in libello cui utriusque Imperij notitia nomen fecit, Præfectus qui ex castris etiam istis Reginis, Vallatum migravit. Batava in notæ celebritatis urbem, prisce fere nominis retinentem, abiire. Augustanorum & Quintanorum obscurior memoria, sed nec ea ex omni parte exolevit. Introrsus, Oeni pontes, Oetinga, supra memorati. Terioli in alpibus, cuius præsidij appellatio, magnum paullatim terrarum tractum occupavit. Boiodurum, Artobriga, Abudiacum, Cambodunum, Inutrium, Parthanium, & plura ad eum modum, patriam originem præ se ferunt, Romanâ prima fronte eiurant. Verum utriusque generis urbium nomina, qua ex doctorum hominum scriptis, qualapidum monumentis, accuratè colligere, & suæ vetustati asserere, atque cum nostræ ætatis rationibus aptè componere, notha & spuria, ex scriptoribus item, & lapidibus perperam lectis intellectisq;, inconsulta quorundam temeritate inuecta, secernere & reijcere, alterius erit operæ, nunc nobis ab instituto cursu usque eo non descedendū. Vtraque postea provincia rursus bifariam secta, credo quod suspectæ Imperatoribus, in uno aliquo Præsidente tam validæ ex propinquo vires : Rætia primæ & secundæ, Noricum mediterranei & riparij cognomina accepit, Hadriani Augusti auctoritate, nisi meæ me coniecturæ fallunt. Primæ Rætia Curiam caput extitisse, secundæ Augustam Vindelicorum,

Notitia Imp.

Rer. August. l. 6.

Causæ, magni-
tudo urbis, quâ
ruinæ ostendūt,
sedes Episcopi,
Classis, Fabrica
scutaria. Notit.
Imp.
Eugip. c. 21.

Sigon. de pro-
vinc. iure l. 2 c. 5.

Diolib. 33.

Mund. metrop.
catal. episcop.
Laureac. m. f. &
mixtimalij.

ostensum alibi. In ripario Norico principem digni-
tatem Laureaco tribuimus, multis de causis, in me-
diterraneo, Eugippium sequuti, Tigurinae aut Ti-
burnia, quæ an Teurnia antiquorum, ambigimus.
Quo verò tempore prouinciæ in hunc modum bi-
pertita, eodem potestas & imperium, quæ ad Præsi-
des olim utraque pertinebant, pari cautione inui-
cem disparata & seiuncta sunt. Vt apud Præsides po-
testas maneret, hoc est cognitio & curatio rerum
prouincialium, nam his vocabulis homines eruditi,
potestatem definiunt, Imperium, quod procurati-
one rei militaris continebatur, alteri cuiuspiam, Co-
mitis primo, deinde Ducis titulo, demandaretur.
Et cum alarum cohortiumq; præsidio prouinciæ pa-
rum tutæ viderentur, primus M. Aurelius Antoni-
nus, quo imperante Marcomanicum immane bel-
lum exarsit, Legiones induxit, secundam in Nori-
cum, tertiam in Rætiam, ambas Italicas à se institu-
tas. Hæ ad extrema Romanorum tempora ijs locis
perstiteræ, sed immixtis barbararum gentium auxi-
lijs, quæ in Notitia ordine annotata videre est.
Christianæ pietatis splendorem, haud multò post
Christi seruatoris mortem illuxisse, fama obtinet,
et si alia aliorum sunt narrationes, ut in tanta vetu-
state, perturbata multorum casuum iniquitate an-
nualium memoria, accidere necesse. Aut Petri prin-
cipis Apostoli, aut Marci Euangelistæ, aut Herma-
goræ missu (Hermagoras autem Aquileiæ Episco-
pus,

pus, Marci discipulus fuit) Laurentium quendam, cuius præter nomen, reliqua obscura habentur & incerta, Laureacum venisse, primaq; vera religionis fundamenta apud Noricos iecisse. Docuisse post hæc in prouincia Lucium ex Britannicis Regibus, Aruiragi nepote natum, qui Curia in Alpibus occisus est. Laureaci successisse plures Episcopos, deperditis fere nominibus, per magna enim annorum spatia, solos Ierardum & Eutherium memorari. Caro Imperatore Numeriano & Carino Cæsaribus, Maximilianum præfuisse, qui cognoscente Eiulasio Præside, iugulum pro Christo in patria Celeia præbuit. Quirinus inde excepit, etsi alijs contra visum, successisse Quirino Maximilianum, sed nos temporum rationem ex Imperatorum nominibus iniuiamus. Hunc magno consensu Philippo Imp. natum ferunt, cetera ita narrant, ut historiam duorum hominum, vitæ sanctitate mortisq; constantia iuxta illustrium, manifestò confundant, errore ex rerum nominumq; similitudine videlicet orto, qua summi itidem interdum scriptores decepti offenderunt. Nam quo nostris venia paratior, & ut exemplo uniuersum genus absoluiam, Gregorius Nazianzenus ad eum modum, Cyprianum Carthaginis Episcopum, & Cyprianum ex mago Christianum Nicomedia à Iustina virgine redditum, pro uno accepit. Quirini autem inter diuos relati plures, tum ex martyrum ordine duo fuere, quorum prior Claudij Gothici

Martyrol. Rom.
i. v. Id. Octobr.
Cuspin. in Austria.

Vtrumque Quirinum martyre
martyrol. Rom.
habet.

Greg. orat. in
laudē Cypriani.

Errat Molanus,
qui in notis ad
martyrol. hæc
ad Quirinū Si-
scianum refert,
Metellum enim
monachum in
Quirinalibus, &
acta translatio-
nis, planè osten-
dunt Romanum
ad Tegerenses
translatum esse.

Quirinū Si-
scianum

Quirinū Si-
scianum

rud. peristeph.

Quirinū Si-
scianum

Quirinū Si-
scianum

Morigia de re-
bus Mediolan.

Quirinū Si-
scianum

thici Imp. iussu, Romæ VIII. K. Aprilis festo inter-
fectus, à Mario & Martha Persis in Pontiani cœme-
terio sepultus, sacra corporis reliquiæ, post annos à
perpetuo supplicio propemodum quingentos, Bo-
iorum Principum pietate ad Tegerenses deportatæ,
condito monasterio, insigni venerationis cultu ha-
ctenus habentur. Ante annos totidem & eo am-
plius, Metellus monachus, vitæ necisq; historiam, &
multa quæ deinde rerum miracula consequuta sunt,
operosissimo carmine, in quo sibi, sæculi vitio, mo-
lestas difficilesq; parodiarum, & similiter cadentium
versuum leges præscripsit, complexus est. Alter
Diocletiano imperante, pro Christi fide in Illyrico
molari saxo alligatus, Prid. Non. Iunias in flumen
præcipitatus, egregia Prudentij, poetæ haud paullò
melioris, oda celebratur, corpus, cum barbari pro-
vinciam postea vastarent, ne prophanis manibus
violaretur, primùm Romam deuectum, via Appia,
loco quem catatumbas vetera martyrum acta ap-
pellant, inde Mediolanum, Angilberti Episcopi o-
pera translatum, inq; S. Vincentij Ecclesia condi-
tum, præcipua hodieq; religione colitur. Quan-
tum undique inter duos discrimen, nimirum appa-
ret, quos tamen miscuere vulgò, eoq; rei antiquita-
tis caligine iam antea perobscuræ, densiores multò
tenebras induxerunt. Nunc quoniam Laureaco al-
teruter transcribendus est, de posteriore non ambi-
gam, quem Sabariæ in proxima Pannonia occisum,
quemq;

quemq; Episcopum fuisse, prisca monumenta consentiunt, cuiusmodi de priore nihil cuiquam unquā proditum. Vnum obstat in sp̄ciem, Siscianum illum, haudquaquam Laureacensem Episcopum dicunt. At Siscia: natum, alibi Episcopi munere functum esse, neque nolum videri debet, neque alienum ab hac loquutionis formula; deinde, si quæ de Laureacensis diœcesis olim magnitudine in litteras relata sunt, admittimus, Siscia Sabariaq; ad eam ambæ pertinuerint oportet: excusari tertio loco poterat, aut sedem mutasse; aut duas simul tenuisse, ut utrobique fuerit Episcopus, verum id præter ætatis consuetudinem & disciplinam positum, fidem non mereatur.

His iisdem Imperatoribus in Christianorum sanguinem sævientibus, cum Aquilinus riparij Norici Præses Laureaci acerrimas quæstiones exerceret, & ad quadraginta victos eo nomine in carcerem cōieciisset, Florianus, quem Tribunum militum Ceciliæ Norici oppido præfuisse ferunt, diuinitus incensus cupiditate quicquid pœnarum & cruciatuum pro pietate exhauriendi, ut erant feracia huiuscemodi exemplorum illa tunc tempora, in medium progressus, ultrò se eius religionis cultorem profiteri institit, quam tanto irarum æstu persequerentur, palam quidem vociferans, Quem alium quæritis? Ecce ego Christianus sum, ite, nuntiate Præsidi, hîc me adesse. Ductus itaque, quod interrogatus in cō-

-1779

Z

fessione

quæstio-
nem
Siscia
Sabaria
ad eam
ambæ
pertine-
re

quæstio-
nem
Siscia
Sabaria
ad eam
ambæ
pertine-
re

Martyrol. Rom.
v. Non. Maij.
et auctores quos
citât Baron, in
notat.

fessione perſiſteret, ſuſtibus ſemel iterumq; acceptus, & ſcapulas ferro contractus, Anaſſo fluuio ſubmerſus eſt. Poſt illa, quamquam alta à Conſtantino eccleſia pax & tranquillitas reddita, rerum Laureacenſium per multos iterum annos memoria excidit, adeò plerumque plus claritudinis aduerſa, quam ſecundæ res conferunt. Iuliani imperio Sabiona, quæ inter Brixentas in alpiſus, citra Bauzanum ſita, ad Boicam, olim pertinuit, Caſſianum Episcopum docuiſſe proditum eſt, quem Foro Cornelij poſtea puerorum ſtylis conſoſſum, Prudentius verſibus memorię commendauit.

Ab Attilæ morte, cum in magna rerum conuerſione & perturbatione, barbarorum gliſceret ferocitas & audacia, Romani contra ignauia & inertia torpereur, omnia plena luctus & terroris eſſent, Seuerinus multorum monachorum pater, vir vitę ſanctimonia excellens, quam miranda opera, ſupra hominis conditionem ab eo edita, & multa priuſquam euenerent præcognita atque prædicta, comprobauerunt, ex ijs regionibus quę ad orientem ſolem vergunt profectus, Pannonię, Norico, Retię, tamquā propitium & ſalutare aliquod ſidus aſſulſit, ſed præcipuè Norico, adeò ut Noricorum Apoſtoli nomen tulerit, quo elogio Romana Eccleſia illum adhuc proſequitur. Vitę hiſtoria ab Eugippio grauiter coſcripta extat, ex qua multa quę ad Eccleſiarum tunc temporis in his oris conſtitutionem pernoscendam

perti-

Casal. episcop.
Brixin. Baron. in
notat. ad mar-
tyrol. Id. Aug.
Prud. peristeph.

Seuerini vita ab
Eugippio scri-
pta.

pertineant, possint desumi. Episcopi munus, quantumuis rogatus, constanter detrectauit, sibi verò sufficere dictitans, quod abdicata semel solitudine, cuius longè maximo desiderio teneretur, diuino consilio in hominum lucem protractus, tot præsens infeliciū populorum ærumnas cogeretur intueri. Monachorum interim collegijs instituendis, moribusq; informandis, & vulgò omnium ordinum hominibus, qua consilio qua auxilio subleuandis, instruendis, solandis, operam impendens. Laureaci Constantinus agebat Episcopum, Tiburniæ an Tigurinæ Paulinus. Valentinus ex Abbate Rætiarū Episcopus, paullò ante mortem oppetierat, quem Batauis officio aliquamdiu functum, at Arianorum factione eiectum, reliquum vitæ in alpibus coluisse, antiquorum monumentorum auctoritate testatum habeo. Ceteris per prouinciam locis fere presbyteros præfectos apparet, qua quoque conditione Bataua pulso Valentino fuisse crediderim, quamquam non nescius, presbyteros & Episcopos à plerisque in hac historia imperitè confundi. Meminit Eugippius presbyteri id loci, qui Seuerinum vaticinantem, & quæ deinde euentura essent comminantem, scurrili irrisu cauillatus, mox irruentibus barbaris, ad sacrū baptisterium, quo confugerat, trucidatus, leuitatis pœnas sanguine luerit. Quintanis Siluinus memoratur, post mortem semel obitam pluribus inspectantibus in vitam reuocatus. Iopix siue Iuu-

Sur. tomo 4.

Z a uia,

uia, Maximus, vir notæ sanctitatis, quem Scuerini vaticinio, & capessendæ fugæ hortatibus segnius parentem, Heruli urbe noctu capta patibulo suspensum necauerint, sodalibus supra quinquaginta, ut est ciuium narratio, præcipitibus de rupe missis, locus memoriam retinet, & cadauera religiose condita, in æde quæ prius S. Amandi, nunc S. Margaritæ nomine dicta, asseruantur. Sed longior est Eugippij scriptio, quam quæ huc rotæ transferri debeat. Scenerinus Odoacre rerum in Italia potente mortuus est. Constantio Theodorus in Laureacensi sede suffectus, ad quem Symmachi Pontificis Maximi litteræ habentur, quarum exemplum infra scriptum proponimus.

Hund. in metrop. alij.

Symmachus sanctæ Apostolicæ sedis Dei gratia Episcopus, Reuerendissimo & sanctissimo fratri Theodoro, sanctæ Laureacensis Ecclesiæ Archiepiscopo. Diebus vitæ tuæ pallij usum, quem ad sacerdotalis officij decorem, & ad ostendendam unitatem, quam cum Beato Petro Apostolo uniuersus grex dominicarum ouium, quæ ei commissæ sunt, habere non dubium est, ab Apostolica sede sicut decuit poposcisti. Quod, utpote ab eisdem Apostolis fundatæ Ecclesiæ, maiorum more libenter indulgimus, ad ostendendum te magistrum & Archiepiscopum, tuamq; sanctam Laureacensem Ecclesiam provinciarum Pannoniarum sedem fore metropolitanam. Idcirco pallium, quod ex Apostolica cha-

cha-

charitate tibi destinavimus, quo uti debeas secundum morem Ecclesiae tuae, solerter admoneamus pariterque volumus ut intelligas, quia ipse vestitus, quo ad missarum solennia ornaris, signum praetendit crucis, per quod scito te & fratribus debere compati, ac mundialibus illecebris in affectu crucifigi. Vnde rogo, ut cum de foris huiusmodi insigni indueris, intus in animo considera, quod hoc sit magis oneris quam honoris, atque cor tuum, Deo regente, ab appetitu istius saeculi sic tempera, ut & commissam exequi gubernationem sic studeas, ut adeptae dignitati, cuius sublimaris officio, & probitate morum & vivacitate sollicitudinis, ac custodia integerrimae fidei congruas. Quatenus tu ipse à remuneratore omnium bonorum Deo, & benedictionis gratiam, vitamque aeternam consequi merearis.

Hinc Laureacensis sedis, ab Apostolorum aetate, antiquitas asseritur. Et cum Symmachus Theodorum pallio secundum Ecclesiae suae morem uti commonefaciat, ostendit, contra quam quibusdam visum, Laureacenses eius decoris ornamento, quod mysticis significationibus undiquaque venerabile, maxima semper existimatione habitum, non tunc primum fuisse affectos. Speciem atque figuram Symmachus nimirum explicat, materiam, quae lana & lino constat, Isidorus Pelusiota, gravis in primis & prudens auctor, pellem referre ovis, quam Domi-

Isid. lib. 1. ep. 136.

non obstantem quaſiuerit, inuentamq; humeris
 quo Epilcopi eo honore inſigniti admo-
 niunt, ſe boni & magni paſtoris imitatores eſſe de-
 bere, qui gregis infirmitatem ſibi ultrò ſubleuan-
 t, & ſerendam propoſuit. Incidit Theodorus
 in Theodonis aut Theodontum tempora, anno poſt
 Chriſtum natum quingenteſimo vigefimo quarto
 fato functus. Qui a Boijs necatum tradidere, quam
 manibus coniecturis indulſerint, inde aſtumes,
 quod Vigilium Tridentinum adijcere non ſunt ve-
 recundati, quem una cum Remedio aut Rhome-
 dio, quo Vigilius amico uſus eſt, annis totis centum
 priuſquam Theodo de traiciendo Danubio cogi-
 taret, vixiſſe comperio. De prouincia, & eius incol-
 lis, atque inſtitutis, anteaquam Boij immigrarunt,
 ad neceſſitudinem rei ſatis dictum.

Belifarius igitur & Narſes, ut eo tandem redeun-
 tes, narrationem dudum intermiſſam repetamus,
 ſem aduerſus Gothos geſſerunt, ſic ut belli conſecti
 gloria penes Narſem manſerit. Inſigne decus,
 Gothos Italiae dominatu deiectos, plerique noſtro-
 rum in Theodibaldum Theodoualdamue Boium
 (perpetua eſt hoc genus nominum inſtantia)
 leuiter tranſtulere. Vnus ceteris audacior, cuius no-
 mini parcimus, quin peccata ſubinde pæne coacti
 proponamus, facere non poſſumus, Theodoualdam
 Theodone Magnò natum, ſcripſit, haudquaquam
 aduerſus Gothos, ſed verò in Romanos Narſis hor-
 tatur

Vigilius æqualis
 S. Ambroſij fuit,
 ſcripſit enim ad
 eum Ambroſ. e-
 piſt. 24. l. 3. Vi-
 arduſ in marty-
 rol. Stilicone
 Coſ occiſum
 narrat. Rhome-
 dium à Thaurò
 Vigilij amicum
 nominat Pyr-
 rhus Pinc. de vi-
 tis epiſc. Trid.

Areopæc. alij.

Auguſt. de Lib.

et X

tatu concitatum, occupatis multis eis Padum urbibus, Italiae Regem appellatum esse, addito etiam alibi, quod nulla vel temeritatis confessione excusari queat, visas à se litteras bene multas, quibus Theodoualda nomen cum ea honoris adiectione præscripserit. Vanitatem hominis? Sed quam idoneus auctor Agathias, illorum temporum æqualis, opportunè refellat.

Agath. lib. 2.

Caso enim Teia, postremo ex Italicis Gothorum Regibus, anno, quod annalium fide constat, post Christum natum quingentesimo quinquagesimo secundo, cum gentis reliquæ, Francorum Alemanorumq; fiducia, arma reprehenderent, Agathias aliquem Vacarum fuisse narrat, Burnum genere, virum grauem & bellicosum, inter Gothica auxilia ut apparet merentem, cuius tum mortui filius THEODIBALDVS, cum popularibus ad Romanos flexerit, & Ariminum istoc consilio venerit, concessisse eo Narsem quoque, quo nouum foederatum coram exciperet, & auxiliarem manum liberali donatio ad reliqua belli confirmaret. Atque eius unum istud, antiquum, certum, explicatum testimonium extat.

In quo, ne quid callide dissimulem, Græci nonnulli codices Varnos habent, quo nos loco Burnos, utrumque interpretem sequuti legere maluimus. Est enim Varnorum, siue Varinorum, longè diuersa natio, cum Burni vernaculum Boiorum nomen proxime referant, & vero Theodibaldum Boico sanguini domestica memo-

ria,

Interpretes
Christoph. Per-
sona & Bonau.
Vulcanius.

ANN. POST
CHR. NAT.
DLII.

THEODIBAL-
DVS.

ria, per manus olim propagata, sine controuersia asserat, vetustior quam ut ex istis libris manasse suspicemur, quo tempore neque ij latinè legebantur, neque Græci, à nostris certe hominibus, intelligebantur. Itaque in patris etiam appellatione differunt, quem Vacarum Agathias, nostri Theodonem dixeret, quo minus dubitabile, eis de Græco scriptore nihil unquam suboluisse. Discrimen in eam sententiam accipio, Theodoni sanè nomen fuisse, Vacarum militari cognomento, aut quæ Germanici sermonis ratio, prænomine dictum esse, id enim verbum ad alacritatem pertinet.

Qua Theodibaldus popularesq; Boij, virtutis exultatione fuerint, Narses ostendit, cum eorum amicitiam maximo bello aduersus numerosissimas ferocissimasq; nationes, profusa liberalitate, & omni officiorum genere ambiuit. Et sufficere tantæ gloriæ cumulus, animis quantumuis excelsis poterat, Romanum, Boicis decimum subnixum auxilijs, debellasse, certam Gothis seruitutis confessionem expressisse, Francos Alemanosq; aut occidione cecidisse, aut Italia eiecisse, nam hæc consequuta sunt, si gloriam cum modo quidam habere scirent, quod cum minus sit, immoderata eius auiditate, illa quæ iam parta erat corrumpitur. Sed feras priores utcunque, mediocris leuitatis homines, laudem cuius pars Theodibaldo debebatur, uniuersam tribuunt. Alteri quid facias? siue causam, siue rem cum Agathia conferas, nihil omnium congruit:

congruit documento, quid de Theodibaldi fratribus, prouinciæ inter eos diuisione, Saxonis & Auaris expeditionibus, atque alijs, quæ satietatem veriti, excutere super sedimus, hic alibi, scriptori prænimis confidenti sit fidei. Me sententiæ, quam in effusam eius coniectandi an ariolandi licentiam, supra tulisse memini, nunquam pœnitebit. Aegrè interim est, quædam inter hæc, neutiquam etiam vana reor, tot undique nugis obsepta, cum neque certis præterea testibus constare, nec ullo sat plano iudicio possint dignosci, inuito prætereunda elabi, veri æstimatione, quæ prima in hoc scribendi genere. Vacarus an Theodo, quo consilio in Italiam venerit, ipsum se aperit, Gothis nimirum domine genti opitulatû venit, & mirum quam quæ de Theoderico & Boijs disputauimus, omnia consentiunt. Filius iurisiurandi religione Regum interitu solutus, Teiæ enim nemo suspectus est, cursum prudenter mutare, quam uno cum Gothis naufragio inuolui maluit, aliorum in eadem causâ auersatus perfidiam, qui pacis condiciones à Narse semel acceptas, sub primâ Francorum auxiliorum occasionem, iterum exerce non dubitarunt. Aberratum est autem ab annalium nostrorum scriptoribus, in temporis etiâ ratione non nihil, qui Gothos à Theodibaldo, anno quarto aut quintodecimo post Teiæ obitum, Italia exactos litteris mandauerint, cum tertius à Teiæ morte, annus post Christum natû quingentesimus.

ANN. POST
CHR. NAT.
DLV.

Aa

quja-

quingagesimus quintus, Gothici belli fuerit ultimus.

ANN. POST
CHR. NAT.
DLIV.

Decimus exin, maximorum virorum Iustiniani Imp. Belisarii patricij, & Clotarij Francorum Regis morte funestus, Vtonem siue Vtilonem Theodonis filium Boijs abstulit, vigesimo septimo postquam regnare cœperat. Nominis monumentum Octinga, quod Vtinum dicunt, fertur, parum mea sententia consideratè, siquidem eam appellationem tulisse cum Theodo pater Danubium transmisit, ex historia verum est.

Clarus per ea tempora Fortunatus Episcopus, cuius multa ingenij monumenta, carminum in primis libri celebrantur, cum voti damnatus, ex Italia in Galliam ad S. Martini tumulum religionis ergo proficisceretur, iter per Noricum & Boicam tenuit. Rei memoria tum apud ipsum extat, editis fluuiorum quæ traiecit nominibus, tum apud Paulum. Ex quod supra significauimus, Boios eis Danubium, neque tunc Francis, neque ijs, qui Italia potiebantur paruisse, Fortunatus quoque subobscurè innuit, quo loco sub finem eorum versuum quos de S. Martino scripsit, libellum in patriam remissurus alloquens, per mensi itineris mansiones retrorsus designat, posito quippe Augusta ad Lycum nomine, ita pergendum monet, si Boius non obstiterit. Quacautione nihilo magis opus erat in Boica, quam in ceteris Galliarum & Italiarum omnibus provincijs, nisi Boij

suo

Fort. epist. ad
Gregor. Padm.
Athesim. Brin-
sam, Plauem,
Liquentia, Teli-
amentum, tra-
nanti, per alpem
Juliam pendulam
montanum anfra-
ctibus, Drauum
Norico, Oenum
Bregium, Licam
Bainaria, Da-
nubium Alama-
nia, Rhenum Ger-
maniam transiens
&c.

Paul. diac. l. 1.
c. 13.

Fort. versus ex
vita S. Mart. su-
pra citatus est.
pag. 159.

fuo figillatim iure & arbitrato vixissent.

ANN. POST
CHR. NAT.
DLXVIII.

Anno quingentesimo sexagesimo octauo, Langobardi relicta Pannonia, quam vi & armis habuerant per annos duos & quadraginta, Italiani Alboino duce ingressi, Romanos pepulere; & regnum longè florentissimum in Cisalpina Gallia constituerunt. Inter auxilia, præter complura gentium nomina, Sueui numerantur & Norici, Boij nimirum, quibus quod Alboinus parto regno vicos habitandos contribuit, ij appellationes traxere quæ Pauli adhuc ætate, cum effluxissent anni circiter ducenti, perdurabant, neque nunc vestigia exoluisse, in Aquileiensium annalibus reperio. Itaque haud de nihilo est, quod à Paulo etiam proditum, Boios patrijs carminibus præter bellicas Alboini laudes, liberalitatem celebrare solitos. Et ab hoc principio, mutuis fere deinceps officijs inter utramque gentem certatum, si quæ, ut inter vicinos offensiones, nec eæ atroces fuere, neque diuturnæ. Pannoniæ possessio Hunnis cecidit, lege dicta, quicumque Langobardos casus pedem referre cogeret, ut omnia bellorum dubia & incerta sunt, eo unde digrediebantur iterum receptus esset, Hunni moniti regionem statim traderent. Verum id quidem usu nunquam venit. Hunni siue Auares, nam duo sunt unius gentis vocabula, Anasso deinde tenus coluere; & quod fluminis tantum alueus distineret, occasionem sequuti, Boiæ multis sæculis, quæ iusto bel-

Paul. diac. l. 2. c. 7.

Paul. l. 2. c. 16.

Ioan. Candidus
rer. Aquil. l. 1.
Paul. l. 1. c. ult.

-111.

Aa 2 lo,

lo, qua perpetuis excursionibus & latrocinijs, per omnia barbaræ & immanis crudelitatis exempla infestam habuere, sed vice crebrò relata, cum nullo accolarum manus sæpius confertæ, nec plura inuicem damna aut data aut accepta sunt. Prima hostilem impetum situ proxima Laureacum excepit, & urbes circa, fines ex improvisò inuasi, multi mortales necati, multi cum pecore atque alia præda cæpti, agri vastati, ædificia incensa, nulla denique res incolumis relicta cui ferro aut igni noceri potuit. Auctores sunt, Episcopum tantæ calamitate admonitum, sedem ad Bataua transtulisse: quod siue tum statim, siue aliquot post annis contigit, uti magis credo, Hunnorum vicinia Laureacensem Ecclesiam disturbatam esse, dubitationem non habet.

Theodopertum Theodone tertio prognatum posthac, & Thessalonum Theodibaldi filium genti pariter imperasse, Theodoperto, Garibaldum aut Garionaldam ortum esse, illis annalibus proditum video, quorum mihi fides perpetuo suspecta est, eo placitum rem hæcenus in medio destituere. Na dubiare liquorum isto loco, unius GARIBALDI illustre nomen, publicis auctorum monumentis posteritatis memoriæ asseritur, ignorato tamen genere. Ego propior existimanti sum, superiores cum principes nullo propinquioris cognationis vinculo attigisse. Itaque domestici scriptores, eo ferè modo quo de homine nouo & ignoto, qui in alienam posses-

GARIBAL-
DVS.

Magni presbyt.
chron ms & lo-
an. Steindel. qui
tamen hæc o-
mnia ad an. 572.
refert.

sessionem pervim & iniuriam inuolauerit, sermo lo-
let institui, Garibaldum quendam, hac enim appo-
sitione usi, Boicam occupasse narrant, parum omni-
nò aptè, si pater, auus, maiores reliqui, eodem loco.
Animus inclinatur, Gariwaldum Ducem credere, cui
Clotarium Francorum Regem, annum circiter
quingentesimum quinquagesimum quartum, uxo-
re Vuldotrada cessisse, Gregorius Turonensis me-
morat, cum Episcopi eâ Regi interdixissent, quod
fratris prius nepoti nuptam, cum defuncti mariti
magno patruo coniugij ius per sacras leges habere
negarent. Paulus Valderadam, Vachone Langobar-
dorum Rege editam, maritum Garipaldum nomi-
nat. Nam quod nuperus quidam, Garibaldo Boio
Alsuindam Martiam uxorem tribuit, Ilduino Mar-
tio Mediolani Duce, & Anicia Siluia Proba Tertulli
Consulis filia ortam, neque auctor placet, & ut ma-
ximè placeat, diuersa matrimonia esse potuere,
Verum instituti memores, coniecturam non urge-
mus, posuisse satis sit. Garibaldus ergo, qui-
cumque & undecumque fuerit, siue excitatus Rege
• socero, siue virium fiducia, siue qua alia causâ im-
pulsus, quod inter omnes conuenit, assumptis prin-
cipalis fortunæ insignibus, Boiorum se Regem di-
xit. De anno non una sententia; Arenpekium se-
quuti, ad eum qui post Christum natum quingen-
tesimus septuagesimus septimus numeratur, referi-
mus; neque ut ea ratio multum aberret fieri potest.

Arenpek. etiam
Garibaldū Boi-
cam occupasse
scribit, non tam
quenquam
adiecit.

Greg. l. 4. c. 9.

Paul. l. 1. c. 21.

Thom. Porca-
chius lib. 3. de
san. Malaspina.

ANN. POST
CHR. NAT.
DLXXVII.

201011

Aa 3 Libe-

Paul. l. 3. c. 10.
Iac ad tempora
moris Sigoberti
Regis relext, que
incidit in an.
hunc 578.

Libris auctus, quibus Valdotradam matrem fuisse, temporis rationi congruat, regnum affinitatibus firmare aggreditur. Sequenti anno, quod Longobardi, occiso paullo ante Clephone Rege, imperium Italicum in triginta Duces tribuissent, proximum ex ijs Euinum, qui Tridento præfectus, Boicam ditione contingebat, generum legit.

ANN. POST
CHR. NAT.
DLXXVIII.

Vita extat ap.
Sur.

Francis interea Reges fratres quatuor per tetrarchias dominabantur. Sigeberto natu minimo Mediomatrices, quod Austrasiæ regnum dicunt, sorte obuenerant. Is cum Fredegundis scelere, à sicarijs confossus occubuisse, Childebertum filium successorem habuit. Anno Childeberti secundo, Rupertus, homo summam generis nobilitatem, quam ad Reges referebat, virtute & sanctitate supergrediens, Vangionum egit Episcopum. Omnibus eius muneris partibus ita functus, ut magni plerique nominis viri, ex longinquis regionibus, famæ celebritatem sequuti venerint, siue de præcipuis Catholicæ religionis capitibus magno cum fructu disputantē audituri, siue rebus dubijs & afflictis, consilium solamenq; relaturi. Ea re cum Catholici insignes progressus facerent, ardebat inuidia Arianorum factio, sectatorum frequentia, & Beringerij Regij apud Vangiones Comitis indulgentia, tum præpotens: hæc multa molita, perfecit, ut vir planè diuinus, indignis modis habitus, virgisq; per summam contumeliam cæsus, urbe pelleretur. Multis post annis

DLXXX.

Boios,

Boios, quod sequenti libro narraturi sumus, Christianam pietatem docuit, sacroq; lauacro tinxit. Constat ex vitæ historia, sub Childeberto Vangionum urbi præfuisse; sed cum Reges duo eodem Childeberti nomine extiterint, quorum prior Clodoueo Magno natus, superioribus annis Francis imperauit, fuere qui, ut omnem historiam peruerterent, Rupertum eo retulere; absurdè, cum Vangiones ad Mediomatricum regnum pertinuerint, Childebertus maior regiam habuerit Parisijs.

Langobardorum regnum, abdicato Ducum concilio, anno quingentesimo octogesimo aut quinto aut sexto, ad Flauium Autharim, Clephonis filium redijt: quem Garibaldo asciscendi huiusmodi obuenit occasio. Childebertus Chlodofindam sororem, Authari prius pactam, commutata de repente voluntate, Richaredo Gothorum in Hispania Regi, anno quingentesimo octogesimo nono, nuptum tradidit, leuitatis excusatione in religionem versa, qui Gothos pietate Catholica recens imbutos, Langobardis ab hac alienis, præferret. Langobardum, post tantam illatam contumeliam, quod Reges solent, omni conatu sumpsit euertendum: accedebat Mauritiij Imperatoris perpetuæ adhortationes, qui de vindicanda Italiæ possessione seriò cogitans, magnum putabat Francum in Autharim impellere. Autharis externa auxilia aduersus tantum hostem circumspicienda intelligens, alteram Garibaldi fili-

Herman. & Sigeb. an. 586. præfuit. Ratio tempor. sic habet. Langobardi Italiam duce Alboino ingressi an. 568. Alboinus regnauit, si ab ingressu cū Greg. l. 4. c. 35. nuncres, an. VII. si à regno cōstituto cum Paulo l. 2. c. 28. & Aim. l. 3. c. 17, ann. III. cum dimidio, obiit an. 574. Clepho regnauit sesquiannum, ob. 575. ut Herman. prodidit, 576. ut Sigebertus. Hunc x. annorū interregnum sub Ducu concilio, quod an. siue 585. siue 586. Authari Rege creato desijt. Paul l. 3. c. 16. & seq.

ANN. POST-
CHR. NAT.
DLXXXV.
DLXXXVI.

DLXXXII.

Quidā anony-
mum, alij Frede-
gariū, alij Tho-
romachum vo-
luat, c. 34.

Paul. l. 3. c. 31.

am, THEODELINDAM nomine, per legatos petit. Le-
gati benigne accepti auditiq; quod in rem commu-
nem videbatur, non difficulter conficiunt. Apud
eum qui Gregorij narrationem produxit, lego, The-
odelindam Childeberto antea desponsam, matris
Brunechildę consilijs itidem coniugio fuisse frustra-
tum. Vt par extiterit Childeberti utrimque fidei ne-
glectus, & similes propemodum duorum Regum
aduersus se odij causas conciuerit. Autharis vi-
sendarę sponsę desiderio, iuuenile capit consilium,
per legationis simulationem in Boicam proficisci-
tur, paucis expeditis ex popularium numero assum-
ptis comitibus, fido in primis amico, qui se legatio-
nis principem gereret. Hic cum salutato Garibaldo,
verba fecisset, accedens Autharis propius, omnibus
quippe de facie ignotus, se verò ab Authari missum
esse ait, spectatam futuram dominam, quo comper-
ta de forma referret. Annuit Garibaldus, & filia in
conspectu fuit. Ille tacitus aliquamdiu contempla-
tus, subintulit, parem videri Regiæ fortunæ fastigio,
nunc se, nisi aliud patri videatur, unum præterea cu-
pere, quod in posterum, pro more gentis, frequens
futurum sit, vini poculum ex illius manu capere.
Neque se Garibaldus difficilem præbuit, Theode-
lindam principi primum legato, deinde Authari
miscere iussit. Autharis, postquam bibit, pateram
redhibens, puellæ manum digito dissimulanter at-
tigit, mox tamquam aliud agens, dextera uniuersam
faciem

faciem à suūo permulsiſit. Erubuit ea re virgo & nutrici de hospite queſta eſt; anus ætate callidior, alumnā monet, factū ſilentio premeret, Autharim illum haud dubiè ſponſum eſſe, nullius alterius eò proceſſuram, fuiſſe audaciam, bene habere, quod dignus proſectò qui unus regno & regia virgine potiretur, erat enim celſus corpore, coma nitens, ætatis flore iuxta & forma conſpicuus. Accepto com-
meatu legati domum redeunt, ubi ad utriuſque regni fines ventum, cum Boij honoris ergo deductores additi, ab itum pararent, Autharis in equum erectus, ſecuriculā quam manu geſtabat, quanto potuit conſiſu proximæ arbori inſlictam fixā reliquit, adiiciens inſuper, Sic ferire ſolet Autharis, quæ eum primum vox Boijs prodidit. Langobardicā affinitatem maximi Francorum motus, & Boici

imperij conuerſio ſequuta; Childebertus Garibaldum proximo anno bello aggreſſus eſt. Et promptū erat prætexere, pelli regno incubatorem, veros veteresq; ex Agilolfinga familia dominos reduci. Theodelinda huius calamitatis pericula declinata, ad maritum in Italiā, una cum fratre Gvndo-
ALDO proficiſcitur. Autharis maxima frequentia obuiam properans, nuptias in campis Veronenſibus, quibus Sardis nomen, apparatiſſima pompa, inſigni omnium ordinum lætitia, Idibus Maijs celebravit. Oborta inter earum ſolemnia validā ventorum & tonitruorum tempeſtate, cum fulmen regij

Paul. obſcure,
cum propter Frā-
corum aduectū
perturbatio Ch-
ribaldo Regi ad-
ueniſſet. Diſerte
annales domē-
ſtici.

An. ſue 590 ſue
591. variæ enim
Sigeb. & Her-
man.

Bb taber-

-aſſiſi.

ANN. POST
CHR. NAT.
OXC.

GVNDOAL-
DVS.

tabernaculi tignum disiecisset, ariolus ex Agilulfi Taurinorum Ducis familia, veritas artes doctus, dominum clam monuit, id latum illi ostentum, portendere mulierem quæ nunc Regi nuberet, breui in ipsius matrimonio futuram. Agilulfus inuidiam veritus, hominem grauitè increpans, mortem minatur, si ea de verbum præterea faciat. Vaticinator nihil territus, ego quidem occidi inquit possum, fata mutari non possunt. Prædictionis fides euentu comprobata, ex admiratione memoriam meruit. In Gregorij appendice, GRIMOALDVS & Gundodus Theodelindæ fratres nominantur, domestici scriptores Gundodaldi meminere, quem pater regno collegam ascuerit, Grimoaldi nomen non habent. Belli hunc fuisse exitum, in mira annalium nuditate, res loquitur, ut Childebertus Garibaldo pulso, regnum THASSILONI asseruerit. Thassilo Theodibaldo natus esse, eo quem Narfi in Italia militasse diximus, creditur.

Boijs principum ambitio atque contentio magno constitit: insinuauit se Francus, haud multò secus quam Stesichori ad Himerenses de equite sermo habet, ius & æquum tuiturus, per beneficii speciem, quæ maximè regia ad fallendum via est, rerum interrim suarum, & imperij proferendi primam rationem ducens. Et pactione inita, provincia posthac proprios Duces ex Agilolfinga familia tenuit equidem, quin Thassiloni Regij nominis decus mansisse ali-

quan-

App. c. 34.

Paul. diac. l. 4.
c. 7. Sigeb. &
Herman. ali.
quot annis scri-
us hæc contigit
se insinuare vi-
dentur, initia e-
nim Thassilonis
cum expeditione
ne Slaui per-
peram coniungunt.

GRIMOALDVS.

THASSILO.

quantisper, ut sunt mollia rerum initia, ex Paulo comperimus, sed iidem Francisci Regibus vixere obnoxij, acceptisq; ab his legibus, populum beneficiario fere iure moderati sunt. Cum superioribus temporibus Francisci imperij ditio, quantum omnibus disquisitis vestigijs licuit adhuc pernoscere, Danubium Lycumq; nunquam transcendit. Garibaldum Christiana sacra coluisse, nostri retulere, & fidem Theodelindæ filiae præclara pietas comprobatur, neque opinari displicet, magnam fuisse novitatis invidiam, ab alienatis ea re, aduersarij commodo, procerum populariumq; animis, priscæ Deorum superstitioni vulgò adhuc obstrictis. Nam ne nunc quidem factum gratia sequitur, primæ Christianitatis gloria in Theodonem, qui secundo deinde loco regnavit, translata. Siue eius quod intra Garibaldi domum sterit, gentem nulla ex parte attingit, ratio non est habita, siue alienum ab Agilolfingorum familia, posterij principis honore non dignati sunt. Quæ victo & cieccto fortuna, incertum: sunt qui regno iterum potitum asseuerant, postquã in Italia aliquamdiu exulauerit; falsò. nominis enim similitudine errant. Quod eius nulla porrò testatæ fidei extet memoria, rebus perditis diutius non superfuisset crediderim. Gundoaldus filius, affinitatis suffragatione Astensem apud Ligures Ducatum nactus, ex nobili fœmina liberos in spem alterius regni sustulit, & Langobardis Boica stirps per mul-

tas Regum successiones dominata est. Sed hæc quidem posterius.

Paul. l. 3. c. 32.

Franci Boico bello defuncti, Langobardicum animo dudum conceptum aggressi, regione latè populata, pleraque in alpibus oppida, facta deditione nihil iam hostile timentia, contra interpositam fidem excidère, mortalibus omnibus in seruitutem abductis, nisi qui Agnello Tridentino, & Ingenuino Sabionense Episcopis deprecatoribus, sexcentis in virorum capita solidis redempti sunt. Ceterum Italici cœli impatientia per æstiuos menses morbis tentati, multis suorum amissis, cum Langobardi munitionum mœnibus conclusi pugnae copiam nō facerent, neque sine pugna victoriæ spes esset, nulla memorabili re gesta, domum redierunt.

ANN. POST
CHR. NAT.
DCCII

Paul. l. 3. c. 36.
Herman. Sigeb.
Quod ex epist.
17. l. 1. Gregorij
Magni contra
asserri potest,
vim haberet, ni-
si constaret ple-
rasque epistolas
tractatas esse, &
mense Decem-
bris, ut gelata,
non scriptam,
verba quæ se-
quuntur osten-
dunt, *In hac qua
super expleta est
paschali solennis-
tate.*

Autharis sexto anno à regno adito, nonis Septembris, florente ætate, immatura morte, incertum cuius fraude, veneno extinguitur. Theodelinda interim, præcellens adeò prudentiæ & moderationis specimen ediderat, ut re ad interregnum delapsa, imperium nouo exemplo, & scæminæ, & peregrinæ, omnium voluntate fuerit demandatum, facta simul optandi potestate, maritum quem vellet, quemq; tanto fastigio parem crederet, ex uniuerso Langobardorum numero. Illa exquisitis primorum sententijs, Agilulfum Taurinorum Ducem, Authari cognatione propinquum, bello fortem, & omnibus corporis animiq; virtutibus eo loco dignum, sibi

sibi coniugem, genti Regem legit. Vocato, craterem vini modice libatum propinavit, quem ille accipiens, cum honore latus, se ad dextræ osculum venerabundus demitteret, Regina verecundè subridens, Tu verò ori, non manui, osculum admoue Agilulfe inquit, & leuatum complexa exosculataq; consilium de Regno & nuptijs aperuit, quarum dies initio mensis Nouembris omnium approbatione constituta, Agilulfus sequenti anno, mense Maio, publico gentis consensu, Mediolani Rex appellatus est.

At fœdam illustri coniugio notam Io-

Boccac. Decamer. lib. 2.

annes Boccacius in amatorijs narrationibus iuit inustum, ut ut flagitij dedecore erroris excusatione in speciem obducto. Verum qui uniuerso operi fabularum nomen præscripsit, quam sibi in singulis eius partibus credi non cuperet, nimirum ipse ostendit, neque nos fidem quam petenti negaremus, respicienti adhibebimus. Maximum unum omnium sine controuersia beneficium, Theodelinda apud Langobardos, atque uniuersam Italiam collocavit, cuius gratiam nulla annorum unquam diuturnitas obliteratura est. Cum Langobardi cœque, aut in-

Paul. l. 4, c. 6.

ani Deorum superstitione occupati, aut nomine tenus Christiani, peruersis Arianorum opinionibus implicati, neque salutem ipsi suam curarent, & ecclesiarum bona publicam prædam rati, res sacras promiscuè ubique popularentur, illa diuinitus incensa, maritum magno animo aggressa, monendo,

B b 3 sua-

suadendo, orando peruenit, ut Catholicam pietatem pectore admitteret. Quod consilium quam multa & magna bona, publicè, priuàtimq; statim consecuta sunt. Rex ecclesijs quâ posset satisfactorius, plerasque possessiones ultrò largitus, Episcoporum existimationem, quæ contempta atque abiecta iacebat, ad aliquem dignitatis splendorem erexit, populares exemplo incitati, pristinam impietatem vulgò eiurare, ad ecclesiæ matris gremium, pœnitentia eucti, conuolare, aduersus res ministeriaq; diuina pariter affici. In qua causâ grauitè & prudenter, à consideratissimo scriptore, viro intantum laudando, in quantum virtus & doctrina possunt intelligi, Cæsare Baronio, Romanæ ecclesiæ Cardinali, obseruatum animaduerto, sic solere Deum, eligere infirma mundi, ut confundat fortia, tres fortissimas nationes, odio in nomen, siue Christianum, siue certè Catholicum, insignes, Francos, Gothos, Langobardos, à totidem regijs feminis, Chrotilde, Ingunde, & Theodelinda, Burgunda & Franca illis; hac Boia, eodem propemodum modo, persuasus maritis Regibus, ad veræ religionis cultum esse retractos.

Card. Baron.
an. 591.

Paul. l. 4. c. 5.

Dialogos anno
594. à Gregorio
scriptos esse, o-
bicit Baronius.

Gregorius Pontifex, virtutis & pietatis magnitudine cognomen nactus, libros de Italicorum patrû vita & miraculis, dialogorum forma conscriptos, eodem anno ad Theodelindam misit, sic æstimans, quæ fide & morum sanctimonia præstaret, eius animo

mo futurum id munus longè acceptissimum. Sed
 extitere qui religiosissimę scēminę, per pietatis quo-
 que speciem obrepentes, voluntatem à Gregorio &
 Catholica simul ecclesia tantum non abalienarent.
 Agitabatur à Iustiniani usque temporibus, nobilis
 inter Episcopos controuersia, magnis utrimque a-
 nimis, de tribus quibusdam capitibus à quinta syn-
 odo Constantinopoli reprobatis, quę Gregorius &
 superiores aliquot Pontifices palam item damnaue-
 rant: Id aduersarij contra Chalcedonensis concilij
 decreta fieri, quamquam falsò criminati, Reginam
 induxerunt, ut Constantium Mediolanensem Epi-
 scopum, trium capitum damnationi assentientem,
 eo nomine auersaretur. Gregorius exemplum veri-
 tatis, legatos misit qui officij admonerent, & in hæc
 ad eam, adq; Constantium, verba scripsit. Ad Con-
 stantium quidem, *potius piam nobis boni morum*
 Quod autem dicitur filiam nostram Theodelin- Greg. lib. 3. ep. 2
 dam Reginam, se se à communione tua hoc audito
 nuntio suspendisse: constat per omnia, quia etsi pra-
 uorum hominum verbis ad paullulum seducta est,
 venientibus tamen Hippolyto Notario & Ioanne
 Abbate, erit modis omnibus vestrę fraternitatis cō-
 munionem quęsitura. Cui etiā meas epistolas dire-
 xi, quas fraternitas vestra sine dilatione transmittat.
 Ad Theodelindam verò, *amabilem modicę*
 Quorundam ad nos relatione peruenit, ab ali- Greg. l. 3. ep. 4
 quibus Episcopis gloriant vestram usque ad hoc
 -colui
 scan-

scandalum contra sanctam Ecclesiam fuisse perdu-
ctam, ut se à Catholicæ unanimi-
tatis communio-
ne suspenderet. Quod quantum vos purè dili-
gimus, tantum de vobis fortius dolemus, quia vos
imperitis stultisq; hominibus creditis, qui non so-
lum ea quæ loquuntur nesciunt, sed vix ea percipere
quæ audierint possunt. Dicunt enim piæ memoriæ
Iustiniani temporibus aliqua contra Chalcedonen-
sem synodum fuisse constituta, qui dum neque le-
gunt neque legentibus credunt, in ipso errore ma-
nent quem sibi de nobis ipsi finxerunt. Nos enim
teste conscientia fatemur, de fide eiusdem sancti
Chalcedonensis concilij nihil motum nihil esse vi-
olatum, sed quidquid prædicti Iustiniani tempori-
bus actum est, ita actum est ut fides Chalcedonensis
concilij in nullo vexaretur. Si quis autem contra e-
iusdem synodi fidem aliquid loqui præsumit vel sa-
pere, nos eius sensum sub anathematis interpositio-
ne detestamur. Cum ergo integritatem nostram, ex
conscientiæ vestræ attestazione cognoscitis, super-
est ut vos nunquam à Catholicæ ecclesiæ commu-
nionem separetis; ne tot vestræ lachrymæ, tantæq; bo-
na opera pereant, si à fide vera inueniantur aliena.
Decet ergo gloriam vestram ad reuerendissimum
fratrem & coepiscopum meum Constantium, cuius
& fides & vita bene olim mihi approbata est, sub o-
mni celeritate transmittere, eiq; directis vestris epi-
stolis indicare, ordinationem eius quam benignè
sulce-

suscepistis, & quia ab eius ecclesiæ communione in nullo separamini. Quamvis in hac re me vobis superflue dicere arbitror, quia etsi quid in vestro animo dubietatis fuit, veniente filio meo Ioanne Abbate atque Hippolyto Notario, ex corde vestro arbitror fuisse sublatum.

Verum altissimè in Theodelindæ pectus descenderat, abrogari abolitione trium capitum, Chalcedonensi concilio, quod pro præclara animi pietate, piacularè facinus arbitrata, quintæ synodi mentionem vix æ quis auribus admittebat, uti ex epistola quam Gregorius sequenti anno ad Constantium dedit, intelligimus, delectat enim sanctissimi Pontificis complura verba illustrandæ historiæ identidem inferere.

Quod autem scripsistis quia epistolam meam Greg. l. 1. ep. 17. Reginæ Theodelindæ transmittere minime voluistis, pro eo quod in ea quinta synodus nominabatur, si eam exinde scandalizari posse credidistis, rectè factum est ut minime transmitteretis. Vnde nunc ita facimus sicut vobis placuit, ut quatuor synodos solummodo laudaremus. De illa tamen synodo quæ in Constantinopoli postmodum facta est, quæ à multis quinta nominatur, scire vos volo, quia nihil contra quatuor sanctissimas synodos constituerit vel senserit, quippe quia in ea de personis tantummodo, non autem de fide aliquid gestum est, & de his personis de quibus in Chalcedonensi concilio

Cc

nihil

nihil continetur, sed post expressos canones facta contentio, & extrema actio de personis ventilata est. Nos tamen sicut voluistis ita fecimus, ut eiusdem synodi nullam memoriam faceremus. Sed & de Episcopis quæ scripsistis, prædictæ filiæ nostræ Reginæ scripsimus.

ANN. POST
CHR. NAT.
D XCV.

Paul. l. 4. c. 7.
Herman. Sigeb.
qui quod Thaf-
silonē tunc de-
mum Regem
constitutum fu-
isse innunt, ex
temporum rati-
one & domesti-
cis annalibus
refelluntur.

Anno quingentesimo nonagesimo quinto Thaf-
silo Slauos, graues perpetuo & infestos vicinos, bel-
lo aggreditur: quorum præter Zechorum nationē,
quæ Sarmatiâ effusa, Boiohemum tenuit, Qua-
rantanorum aut Garantanorum alia, Dalmaticis o-
ris progressa, Norici partem ad Hadriaticum sinum
vergentem insidens, Boicam premebat. Parta victo-
ria, maximā omnis generis prædam domum retulit.

Paul. l. 4. c. 8.

Quadienniō post pax inter Romanos & Lango-
bardos, allaborante maximè Gregorij hortatu The-
odelinda, coijt, & gratiæ Reginæ à Pontifice, appa-
ratissimis verbis in hunc modum actæ.

DIC.

Greg. l. 7. ep. 42.

Quia excellentia vestra ad faciendam se pacem
studiosius & benignè sicut solet impenderit, renun-
ciante filio nostro Probo Abbate cognouimus, ne-
que enim aliter de Christianitate vestra fuerat confi-
dendum, nisi quia in causa pacis laborem & bonita-
tem vestram modis omnibus monstraretis, unde o-
mnipotenti Deo gratias agimus, quia ita cor vestrū
sua pietate regit, ut sicut rectam fidem tribuit, ita
quoque placita sibi vos semper operari concedat.
Non enim excellentissima filia de sanguine qui ab
utroque

utraq; parte fundendus fuerat, parvam te credas acquisisse mercedem. Ex qua te voluntati vestra gratiam referentes, Dei nostri misericordiam deprecamur, ut bonorum vobis vicem in corpore & in anima, hic & in futuro compenſet. Salutantes præterea paterna dilectione hortamur, ut apud excellentissimum coniugem vestrum illa agatis, quatenus Christianæ reipublicæ societatem non renuat. Nam sicut & vos scire credimus, multis modis est utile si se ad eius amicitias conferre voluerit. Vos ergo more vestro, quæ ad gratiam partium pertinent semper studete, atque ubi causa mercedis se dederit, laborate, ut bona vestra amplius ante omnipotentis Dei oculos commendeteris.

ANN. POST
CHR. NAT.

DC.

Proximo, bis mille Boiorum in expeditionem aduersus Slaus ducti, Cacani Regis superuentu occisione cæsi, cladem superioribus annis illatam receperunt. Paul. l. 4. c. 11.

DCL

Sexcentesimo primo, Theodelinda Modiciæ, quæ duodecim passuum millibus Mediolano abest, situ sub alpibus in primis amœno, & salubribus auris per æstiuos calores temperato, regiam & templum condidit, Theoderici Gothi iudicium sequuta, qui prætorium ibi olim struxerat. Regia, præter ædificij splendorem, picturâ veteres Langobardorum historias referente nobilitata, templum diuo Ioanni Baptistæ sacrum, amplis vectigalibus locupletatum, atque omni aureorum & argenteorum ornamentorum supellectile cultum est, quo- Paul. l. 4. c. 21.

Cc 2 rum

rum adhuc partem superesse ferunt. Voto gentem Baptistæ uniuerſam obligauit, hac forma, ad veterem pietatis ſenſum, à Rege & regni primoribus nuncupato. Vt ipſe ſanctus Ioannes pro nobis interpellator ſit, ad dominum Deum noſtrum Ieſum Chriſtum, nos omnes unanimitè pollicemur, illi omni anno in die natiuitatis ſuæ, hoc eſt viii. K. Iulij, de noſtris facultatibus tranſmiſſuros honoriſicè, ad oraculum eius, ut per illius interpellationem habeamus iuuamen domini noſtri Ieſu Chriſti, tam in bello quam in alijs locis omnibus, quocumque ituri ſumus. Ratæ ſue preces, quamdiu cultus religio perſtitit. Memoriam proditum, Conſtantem Imperatorem poſt hos annos ſexaginta, Langobardis bellum illaturum, cum Tarentum traieciſſet, deq; euentu ſolicitus, hominem ſolitariam vitam agentem, vaticinij laude clarum conſuleret, unius noctis petita mora, numine ſalutato, reſponſum tulſiſſe, Nunc quidem vinci neutiquam poſſe, Regine exteræ factum obſtare, collocaſſe eam in Langobardorum finibus Baptistæ baſilicam; qui Deum perpetuis precibus appelleret, ſed futurum aliquando, ut templi neglectum, gentis exitium conſequeretur; cuius prædictionis fidem res temporum ſucceſſu firmavit. Theodelinda donationis tabulis horribilem ſanctionem adiecit, quæ filij nomen habet, Regis mariti non habet, itaque marito demum mortuo perſcripta ſit oportet. Offert gloriſiſſi-

ma

Hæc formula
deſumpta eſt ex
editione Aſcen-
ſiana.

Paul. l. 5. c. 6.

Hæc etiam ex A-
ſcenſiana editi-
one.

ma Theodelinda Regina, una cum filio suo Adalualdo Rege, sancto Ioanni patrono suo, de dono Dei, & de dotibus, chartulam suæ donationis, quam in suorum præsentia scribere fecit. Si quis quolibet tempore, hanc testem voluntatis suæ corruperit, in iudicij extremi die cum Iuda traditore damnetur.

ANN. POST
CHR. NAT.

DCIII.

DCIV.

Anno sexcentesimo tertio, Theodelindæ Adalualdus filius Modiciæ natus: quem illi Gregorius insequenti, pace eius haud obscurè opera iterum constitutâ, hac epistola gratulatus est.

Scripta quæ ad nos dudum à Ianuensis parti- Greg. 12.
bus transmissistis, gaudij vestri nos fecere participes, propter quod, omnipotentis Dei gratia, & filium vobis donatum, & quod valde excellentiæ vestræ est laudabile, Catholicæ cum fideli nouimus sociatum. Nec enim de Christianitate vestra aliud credendum, nisi id studere vos, ut quem diuino munere suscepistis, Catholicæ rectitudinis auxilio muniretis, ut & redemptor noster familiarem te suam famulam cognosceret, & Langobardorum genti nouum Regem in timore suo feliciter enutrit. Vnde oramus omnipotentem Deum, ut & vos in mandatorum suorum via custodiat, & eundem excellentissimum filium nostrum Adalualdum in suo faciat amore proficere: quatenus sicut hîc inter homines iam magnus est, sic quoque ex bonis actibus ante Deum sit gloriosus. Illud autem quod excellentia vestra scripsit, ut dilectissimo filio nostro Secundino Ab-

Cc 3 bati,

bati, ad ea quæ scripsit subtiliter respondere debemus: quis vel petitionem illius, vel vestra desideria, quæ multis esse pro futura cognoscit, si ægritudo non obsisteret, duceret postponenda? Sed tanta nos podagræ nunc infirmitas tenet, ut non solum non dictare, sed nec ad loquendum possimus assurgere, sicut & præsentium portitores legati vestri cognoverunt, qui nos & venientes infirmos inuenerunt, & discedentes in summo vitæ periculo atque discrimine reliquerunt. Sed si omnipotente Deo disponente conualuero, ad cuncta quæ mihi scripsit subtiliter respondebo. Eam tamen synodum quæ piæ memoriæ Iustiniani tempore facta est, per latores præsentium transmissi, ut prædictus filius meus dilectissimus ipsam relegens, agnoscat quod falsa sunt omnia quæ contra sedem Apostolicam vel Catholicam ecclesiam audierat. Absit enim nos cuiuslibet sensum hæretici recipere, vel à tomo sanctæ memoriæ Leonis prædecessoris nostri in aliquo deuiare. Sed quæcumque à sanctis quatuor synodis sunt definita recipimus, & quæcumque reprobata sunt cōdemnamus. Excellentissimo autem filio nostro Adulaualdo Regi transmittere phylacteria curauimus, id est crucem cum ligno sanctæ crucis domini, & lectionem sancti euangelij theca Persica inclusam. Filiæ quoque meæ sorori eius, tres annulos transmissi, duos cum hyacinthis, & unum cum albula; quæ eis per vos peto dari, ut apud eos nostra charitas

ritas ex vestra excellentia conditur. Paterna præterea charitate persoluentes salutationis officium, petimus ut excellentissimo filio nostro coniugi vestro, pro nobis de facta pace gratias referatis, atque eius animum sicut consuevistis, ad pacem de futuro per omnia prouocetis, quatenus mercedem populi innocentis, qui in scandalo perire poterat, ante conspectum Dei, inter multa bona quæ agitis inuenire possitis.

Hæc Theodelindæ laudibus ex omni parte referata, testimonium sanctimonix antea relatis consentiens perhibent; tum ostendunt, eam, ut ad tria capita hæsitantem, Pontificiæ auctoritati præcipuam reuerentiam detulisse, neque se à Catholicæ ecclesiæ communione, huius offendiculi causa, unquam abiunxisse. Gregorius paullò post, mense Martio rebus humanis eximitur: Adalualdus Iulio, patris voluntate Langobardorû Rex appellatur.

ANN. POST
CHR. NAT.
DCX.

Anno sexcentesimo decimo, Gisulfus Foroiuli- Paul. I. 4. c. 32.
ensium Dux, ab Auaribus oppressus, ex Romilda vesanæ salacitatis scæmina, filias pudicitix laude insignes reliquit. Quæ cæso patre, euersâ patria, captiuæ ductæ, calamitosissimo suo tempore inuenerunt, quo virginal decus, quod seruis corporibus vi minus poterant, fortunæ ingratis ingenio tuerentur. Conditis enim sub mammillari strophio crudis pullorum carnibus, ut calore corruptæ immane fœterent, militum non effugere vim tantum & contumeli-

meliam, quod morte tamen plerasque redemisse, celebrata veterum exempla sunt, sed cogitationem omninò voluntatemq; libidinis auerterunt. Spreta itaque venundata, pares & patre, & animo isto, nuptias reperere. Quatuor sororum duo nomina prodita, Appa & GAILA, totidem perierunt, cum matris, tenebris tanto dignius, adhuc extet: Vna Alemanorum Regi, altera Boiorum principi collocata, Ghiomaris & Cammis meritò annumeretur. An Garibaldo, qui rerum apud Boios paullò post potitus, quod quidam scripsere, nisi de opinione certum nihil est.

GAILA

Paul. l. 4. c. 7. &
l. c. c. 44.

Vno aut altero anno interiecto, Thassilo fato cecidit. Cui Paulus, cum primùm ad Boicæ gubernacula admotus, Regis nomen tribuit, sub finem Ducem appellat: nos sub eo Boiorum Principum maiestatem statu motam, & Francicis Regibus submissam esse, hoc quoque argumento persuademur.

ANN. POST
CHR. NAT.
DCXL
DCXII

Arenpck. l. 2. c. 3.

Mortuo Thassilone, GARIBALDVS filius successit. Quem qui, nomine ducti, eundem Theodelindæ patrem existimauere, rediisse in imperium, tamquàm postliminio, neque vera scripsere, neque verisimilia, itaque magnis difficultatibus, nulla necessaria ratione implicati, ut se se aliquà expedirent, multiplicem historiæ caliginem, quod certos errores incertis coniecturis tuendo, fere sit, offuderunt, nam idem de Thassilone prius commenti, quo fabulam tuerentur, centesimum ætatis annum attigisse, scriptum

GARIBALDVS
SECUNDVS.

ptum reliquere, cum res in eum modum quo à nobis narrata est, Pauli auctoritate potuerit constitui, qui Paul. l. 4. c. 42. Garibaldum disertè Thassilonis filium nominat, quod si quis superiori Garibaldo convenire posse existimat, nimium ineptus est.

Novus princeps paternum decus æmulatus, Sclauos, Carantanos nimirum, bello sollicitans, ad Aguntum Norici oppidum primo congressu infeliciter pugnat: hostes successu læti & feroces, facta in Boicam impressione prædas egere, dum ille, collectis breui iterum viribus, inopinantes adortus, omni præda exutos, finibus victor pepulit. Quod unum Garibaldi operum posteritatis memoriam meruit.

In Italia Gundoadus, Astensium Princeps, Theodelindæ frater, sagittâ veneno illita ex insidijs incerto auctore missâ, moritur. Sceleris suspicio regiam attigit, iacta- Paul. l. 4. c. 42. tum, cumulasse Agilulfi & Theodelindæ odium, quo Appendix Greg. c. 34.

favorem maximè debuerat, alliciendis Langobardorum vel ingenio, vel arte, vel fortuna voluntatibus, nimiam visam in homine peregrino tam prolixam popularitatem, cui si rerum novandarum aliquando voluntas accideret, dominantes contra nitenti, pares futuri vix essent. Sed nobis quidem, de sorore præsertim, Gregorio toties laudata, tamq; magnificè, & illa haud minus extera, quæ se domestico tanto præsidio cur orbaret? animus fraterni paricidij facinus refugit credere.

GVNDOBERTVM. Gundoaldo filios fuisse reperio, GUNDOBERTVM, de Appendix Greg.

D d quo

quo præter ipsum nomen, nihil extat proditum: & Charibertum siue Aripertum, variè enim appellatur, qui regnum apud Langobardos post multos annos primus Boiorum tenuit, ut sequenti libro narrabitur.

MARCI

211

M A R C I V E L S E R I R E R V M B O I C A R V M L I B E R Q V A R T V S.



THEODO
ESAYSA.

REGINO-
DRUDVS.

Sanctius deinde sæculum aggredimur. Garibaldo cis paucos annos sublato, THEODO prudentia & animi magnitudine inclytus, quem Garibaldi filium fuisse, suspicari quam affirmare magis possumus, Boiorum principatum adeptus, ingens Euangelio ostium aperuit. REGINODRUDVM uxorem annales Childeberto Franco natam ferunt: quod nomen Francicarum rerum auctores inter Childeberti Theodeberti; Regum liberos, Theodebertum enim alij patrem maluerunt, omninò non habent, sed illa stirpe explicanda & aliàs indiligentes, quo minus fides nostris hominibus demenda est. Reginodrudem ergo familia dudum Christianâ ortam, tot illustrium Reginarum exemplo, marito amplectendæ veritatis auctore fuisse credimus: & supererant rei iuandæ, Christianæ religionis igniculi à Romanorum imperio, per omnem prouinciam. Accessit fama sanctimonix Ruperti Episcopi, & magnorum mirabiliumq; operum quæ illo administro diuina virtute

Garibaldum mō diuimperasse, ex collatione temporis quo Thasilo Garibaldi pater obiit, quæque Theodo Boicâ potius est, sit cōsequē.

Ioan Steind. an. 623. Regentatit appellat, filiam Hildeberti Regis: recentior quidam, Theodeberti.

Vita S. Ruperti ap. Sur. tomo 2. breuius ant lect. tomo item 2.

D d 2 con-

constabat patrari. Motus Theodo, summo viri coram videndi desiderio incensus est. Primos suorum mittit, qui honestissima legatione obnixè deprecantes inuitarent, Veniret, Boicam conspectu dignaretur, genti rectum fidei viuendiq; iter ingredi cupienti, docendò præiret. Rupertus expensa tum oratorum amplitudine, tum orationis æquitate, gnarus hoc genus consilia non nisi diuinitus immitri, Deum ante omnia laudibus ac gratijs veneratus, qui in tenebris sedentes æternæ lucis radijs institueret illustrare, preces nihil auersatus, redeuntibus legatis statim presbyteros adiunxit, ipse paullò post subsequutus, Reginoburgi à Theodone, cū insigni procerum comitatu obuiam progresso, incredibili lætitia maximo applausu excipitur: primus in ea urbe à Boijs conspectus Episcopus, nam ante Boica tempora quosdam sedisse non ambigam, etsi memoria fere excidit, unius Lupi superat, sanctitatis famâ posteritati commendata. Quem qui Zenone imperante à Theodone primo, pietatis causâ cæsum narrant, temporum rationem nullam habent. Neque ego exemplum quo Boij in Christianorum sanguinem unquam læuierint, ullum proditum reperio. Absurdus errant, qui Lupum hunc cum eo confundunt, qui Chetmarum Carantanorum principem Pipini ætate in fide instituit. Rupertus indicto ieiunio, Theodonem Christianæ fidei mysterijs erudit, eruditum & satis iam confirmatum, abdicato

Catal. Episcop.
Reginob. præter
Lupum, Pauli-
num & Rhatari-
um habet. Sed
Paulinû Tibur-
næ an Tigurinæ
fuisse Episcopu.
supra ostensum
pag 179. Ratha-
riu post Ruper-
tum vixisse, in-
fra narrabitur.

dicato impio pessimorum dæmonum cultu, salutaris baptismate abluit. Nullus dies Boijs lætior, certè æquè salutaris illuxit. Principis exemplum plerique optimates sequuti, & populi magna vis, nobilium ignobiliumq; promiscuè, una omnes voce, teste quibus animi gaudijs intus perfruerentur, Dei benignitatem effusè celebrantes, quæ ex tetra caligine in eam claritatem, nihil tale promeritos euocasset. Annum quo res tam magna constituta, simulachrorum cultus publico Ducis præiudicio damnatus est, dubium reddit annalium inconstantia, nobis singulorum momentis æstimatis, propior vero visa ratio, sexcentesium decimum sextum post Christum natum ascribentium, aberrantibus facile longissimè, qui in Regum nominibus lapsi, historiam ad superiores Theodones retraxere, ante annos octoginta circiter vita iam functos. Episcopus inde Principis hortatu secundo Danubio deuectus, multam præterea pietatis sementem fecit, Euangelio omnibus qui secus ripam colerent libero sermone annuntiato, ad inferiorem usque Pannoniam, ibi exscendens iter retrò pedibus tenuit. Laureaci plerique à vana Deorum superstitione ad nos traducti, multi varijs morborum generibus Christi nomine inuocato leuati. Hinc in interiorem Boicam digressus, ijs in primis locis potiùs cura insistens, quibus impietatem hæctenus maximè grassatam, animaduverteret, statuis inanum Deorum ubique disijcien-

D d 3 do,

ANN. POST
CHR. NAT.
DCXVI.

Hunc annum
Arenækius ha-
bet, præter alios.

do, & veræ religionis capitibus diligenter exponendo, rudes populorum animos ad unius Dei intelligentiam erexit. At Theodo circumspiciens quæ essent ornandis atque prouehendis initijs bene positis, veritus ne non rectè stabilita breui dilaberentur, institit Ruperto, sedem sacrorum legeret firmaretq̃, ex qua ipse & successores Episcopi, subiectam prouinciam salubribus præceptis informatam regerent. Placuit Iuuauia, splendida olim Romani nominis colonia, tum afflicta superiorum temporum barbaricis motibus & vastitate, in ruinis & solitudine cubans, urbis verius cadauer. Magno studio & alacritate instauratam, mutato veteri vocabulo Salisburgum dixeret, à præfluente Salsa. Templum Deo & apostolorum principi Petro cum cœnobio positum, Rupertus dicauit, sacerdotibus sacerdotumq̃ ministris, & omnibus subinde rebus quæ ad diuinum cultum Christiano ritu peragendum opportuna, Ducis liberalitate fretus, ampliter instruens. Neque defuit Theodo conceptæ spei, largis subministratis vectigalibus, pro illius præsertim temporis sacrorum hominum parsimonia & moderatione. Aemulati factum posteriores principes, multas certatim regiæ munificentia donationes adiecerunt, ut Salisburgenses paullatim ad tantum splendoris fastigium excreuerint, quantum rari alij ubiuis terrarum Episcopi supergressi. Extat donationum breuiarium, anno quo Carolus Magnus Boica potitus, ab Arnone Episcopo

Annot. Arnonis
episcopi, anno
1. ant. lect.

scopo conscriptum, quod nos præclarum vetustatis monumentum rati, sæpe deinceps laudaturi sumus. Tunc contributa præter urbem atque agrum circa, sylvarum & pascuorum abundè, tum villæ coloni- æq; rusticæ varijs locis complures, Mansos appella- bant: Romani quidem cum mansis tributarijs octo- ginta quinque, formula veteres Italici sanguinis prouinciales significante, quos paullò incommodi- us habitos par est credere: Vineę ad Danubium pro- pe Reginoburgum aliquot: Salinis, fornaces exco- quendo sali viginti, & decuma omninò vectigalium quæ fiscus id loci cogeret. Salinas tum primum in- uentas, quod vulgo fertur, ex hoc scripto intelligi non potest.

Non illud item, quod magnos ali-
 oquin auctores, nec tamen vetustos habet, **Vtonem** P. Canis. de M. virg. l. 5. c. 23. 29. Mart. Eifengr. de facel. Oeting. c. 4. 5. & alij nom pauci.
 & Theodibaldum fratres Theodoni fuisse, baptis- mate à Ruperto Oetingæ & Bauzani tinctos, Boicâ

scilicet inter fratres veluti in trientes secta. Cuius rei neque in Arnonis tabulis, nec in Ruperti vitæ histo- ria, ubi sanè debebat, extat vestigium, quin Salis- burgum ad Theodonis ditionem pertinuisse, utro- bique palam est, quæ ex ista erectione Vtoni paruisset oportebat. Verum enimvero homines non mali, & quod probitatem fere consequitur, minime suspica- ces, fidem habendo ei quem nos toties notanimus, in errorem perducti sunt.

Cum Tonazano & Vrso auctoribus nuntiaretur, certo extra urbem lo- **co nocturna lumina apparere, suauissimosq; odores diffun-**

diffundi, & multa ad hæc diuinitus fieri prodigia, Domingus præcipuæ venerationis sacerdos, rei explorandæ missus, veritate compertâ; visa enim per tres continentes noctes quæ narrata erant, ligneam crucem solemnî ritu consecratam solo defixit, & turguriolo pro præsentî copia textit. Rupertus Theodonis consilio atque ope usus, exciso latè nemore, Maximiliano martyri templum sacrat, peramplo monachorum collegio addito. An Maximiliani martyris reliquiæ id loci conditæ, an alia ostento causa, scribentium breuitas non expressit. Neque hîc se Principis beneficentia desiderari passa, magnû terræ tractum, patentem quaquaversus tria passuum millia, attribuit: id vitæ scriptor ad Theodibertum filium retulit, credo qui patris factum ratum habuerit. Tonazanus & Vrlus religione tacti, omne patrimonium transcribere, addictis monasterio Vurmario & Cislîmo nepotibus, litteris operam daturis, quibus Rupertus usum fructum ex semisse donati patrimonij, beneficiario iure postea reddidit. Ruperti etiam opus Veltenburgum monasterium creditur: ego quod asseuerem non habeo.

Paul. l. 4. c. 14.
Hermâ. Agilul-
sum an. 616. Si-
gebertus 617.
obijisse. tribunt.

Cum Agilulfus interea temporis in Italia viuendi finem fecisset, Langobardici regni nomen ad Adalualdum puerum, procuratio ad Theodelindam matrem redijt, quæ magno ecclesiarum & religionis bono, eam per annos integros decem tenuit, quibus exactis, Adalualdus mente alienatus, regno pulsus, priua-

priuatus triennio circiter superfuit, uti quidem unus nobis Sigebertus indicio. De Theodelinda nihil præterea, neque quousque vitam produxerit comperio, sed eorum coniecturis accesserim, qui ante filij insaniam obijisse existimant.

Sigeb. Agilulfum an. 617. mortuum, filium annos 10. regnas-
se, 630. obijisse
significat, itaque
triennio priuatū
vixisse cōsequi-
tur.

Neque quo anno Theodo naturæ satisfecerit exploratum, Episcopo superstite decessisse liquet. Moriturus THEODIBERTVM filium vocat, & principatu de manu tradito, suprema mandata adiicit, Obsequatur Ruperto, rem Christianam propaganti omnibus auxilijs adsit, Salisburgensem ecclesiam suo exemplo charam habeat, quā possit dignitate augeat, ita felix fortunatumq; futurum imperium. Paritum est optimis monitis, filius statim a patris funere, primis suorum assumptis, diuinum hominem venerabundus adit, & in vasta solitudine ad diui Maximiliani conuentum, amplis muneribus colit. Rupertus sub hæc, rationem secum putans, messem multam operarios paucos esse, quod quamquam Boij Christiana sacra vulgo admitterent, supererant plerique in veteris superstitionis cæno occæcatis animis obstinatè hærentes, domum in patriam abiit, & euocata subsidaria duodecim sociorum cohorte, Cunibaldo & Gisilario presbyteris, sanctissimis viris præcipuè ducibus, qui instruendis populis auxiliarem præberent operam, Salisburgum reuertitur. Ibi Erendrudem neptem, nam perperam quibusdam

P. Cratopol. de sanctus Germ.
Theodonē sanctum cognominat, coniecturā ut apparet, sine ullius scriptoris testimonio sequutus.

Arno disertè neptiam appellat.

Ec gio

Ioan. Steindcl,

Nonnarum no-
mine ufus S. Hi-
er6. ad Euftoch.
de custodia virg.

gio præficit, ædificato à Reginodrude ad urbem
monasterio, anno poſt Chriſtum natum ſexcentefi-
mo vigefimo tercio, Nonnarum montem etiam
nunc appellant, vocabulo ex ultima Chriſtianorum
antiquitate repetito, in quo liberaliter ornando
Theodibertus patris pietatem adæquauit. Inde no-
uo ſociorum comitatu fretus, omnem denuo Boi-
cam circumiens, multos adhuc ſpicarum manipu-
los eccleſiæ horreo intulit, conſtitutis plerique lo-
cis præbyteris, qui inſolentes mutatæ religionis a-
nimos ad Chriſtiana myſteria paullatim aſſueface-
rent. Neque fieri poteſt, quin per eam occaſionem
ædes ædiculæq; ſacræ multæ paſſim dedicatæ fue-
rint, ſed memoria duarum præcipuè, Reginoburgi
& Oetingæ manet, Mariæ virginis appellatione u-
traque. Quod in eam partem accipio, præ ceteris
inſignes habitas, tum tutelari Mariæ nomine, tum
quod Deorum prius ſana, (hoc enim conſentiens
vetuſtatis fama habet) Chriſtiano ritu expiara & cõ-
ſecrata, veluti trophæa ex ſuperſtitione deuicta vi-
derentur. Secundum ea ſe Salisburgum iterum
recipit, & ſupernè monitus mortalium laborum fi-
nem, æternitatis præmium prope eſſe, diſcipulis vo-
catis multumq; ſlentibus, qui ſe inter tot Chriſtianæ
fidei tirones, tanto præſidio deſtitui vehementer
dolerent, futuræ mortis diem prædicit, erectoq;
Chriſti fiducia animo, Salisburgenſem ſedem & u-
niuerſam Boicam Deo precibus commendat, ſimul
oſten-

ANN. POST
CHR. NAT.
DCXIII

ostendit, quem ex sacerdotum numero sibi successorem subltitui cupiat, Vitaleni videlicet, notæ sanctitatis, & apud omnes ordines gratiosum hominē. Ingrauescente per quadraginta ieiuniorum dies morbo, festa Christi resurgentis luce, quæ in vi. Kal. April. incidit, sese ut potuit colligens, obita re diuina, sacrorumq; mysteriorum percepto viatico, multum de virtute hortatus discipulos, lenissimo sermone paterno prorsus affectu, inter complorantium manus exspirauit. Audita canentium voces, angelorum creditæ, & visi obuersari inter iusta funebria candidati hominum specie, quos, quod eo officio functi disparuere, angelos fuisse nemo dubitauit. Rupertus cœlo receptus, Boicæ Apostolus & tutela habitus. De anno immodicus est tradentium dissensus, ut nulli fere duo conueniant. Nos deprehenso festum paschæ diem, ab anno omninò quingentesimo quadragésimo quinto, ad annum septingentesimum sextum, bis, neque eo sæpitis, ad vi. Kal. Apriles rediisse, sexcentesimo nimirum vigésimo tertio & vigésimo octauo, certum characterem sequuti, de alterutro sic pronuntiamus, ut æstimata rerum gestarum magnitudine in posteriorem simus proniores.

Aequales illorum temporum, Philo Româ ortus, Laureacensis Ecclesiæ Archiepiscopus, & Erchenfridus ex Laureacensi clerico Batauensis Episcopus, cui Othocarus Honorij Pontificis iussu successit.

E c 2 Abbas

ANN. POST
CHR. NAT.
DCXXVIII.

Catal. episco.
por Laureacens.
& Batau.

Eust. vita à Iona
scripta, et si qui-
dam Bedę tribu-
unt, ap. Sur. t. 2.

Abbas etiam Eustasius, qui Luxouiensis nobili in pri-
mis monasterio post Columbanum præfuit, Christi
amore incensus in Boicam per hos annos excurrit,
multisq; idolorum cultoribus meliore religione im-
butis, & relictis qui bene cœpta porrò urgerent, se
ad Luxouensem sexcentorum monachorum pro-
curationem retulit. Sequutus monachus Agrestius
nomine, ut inuito & dehortante magistro, ita læ-
uo successu, homo tanto muneri per omnia impar,
aliquamdiu apud Boios sine fructu versatus, ad A-
quileienses abiit, & se cum illis coniunxit, qui ab ec-
clesia Romana iam dudum apertè descuerant, uti
Ionas Eustasij discipulus prodidit. Cuius præterea
luculentum extat testimonium, Boioarios etiam
tunc temporis, eosdem Boios esse habitos, ne cui su-
spicari in mentem veniat, maiores ea de re unquam
dubitasse. Ionam enim, vetustum supra nongentos
ipso annos scriptorem, eius loci & ordinis, adde pe-
grinum hominem, aut indulsisse ambitiosæ gentis
vanitati, si qua fuit, sed agresti propemodum sæculo
quænam esse potuit? aut dubia & incomperta testa-
tò voluisse ad posteros transmittere, nec dici proba-
biliter, nec credi potest.

Aimoia. & app.
Greg. iniuit au-
tē Arnoaldus, ut
est ap. Herman.
an. 626. Paul. I.
49 Gonde-
12 Rodol-
post Ro-

Apud Langobardos eiecto Adalualdo, Arioaldus
Taurinorum dux, regiæ affinitatis prærogatiua re-
gnabat, Gundebergæ quippe Adalualdi sorori ma-
trimonio iunctus. Hæc Theodelindę matris laudes,
pietatem in primis æmulata, quod mater Modiciæ
fecerat,

fecerat, ipsa basilicam Ioanni Baptistæ Ticini, auro
 argento & omnis generis sacra veste magnificè in-
 structam, ædificat. Neque de cetero virtutem im-
 munem colens, grauissimarum ærumnarum casibus
 variè exercetur. Pudicitia & pulchritudine iuxta in-
 signem, Adalulfus inter principes Langobardos, de
 stupro appellare ausus est, illa execrata flagitiosi ho-
 minis impudentiam, in loquentis os expuit. Tum
 Adalulfus ignominiâ, néque proderetur metu in-
 census, odio amorem mutat, Reginam marito ultrò
 deferre occupat, venenum parare, quo incautum
 tollat, dotale regnum ad Tasonem Erruriæ Ducem,
 res novas molientem, transferat, cum quo secretæ
 coitiones factæ sint. Leues plerumque Regum su-
 spiciones, cum timor acuit, imperium præceps.
 Creditâ calumnia, carceri Gundeberga mancipatur.
 Clotarium Francum mouit calamitatis indignitas,
 legationem ex postulatam mittit, quid ita visum fœ-
 minam Reginam, Reges Francos propinquitatē at-
 tingentem indicta causâ contumelia afficere. Lan-
 gobardus iure factum tueri, & verò se leniter intraq;
 facinoris magnitudinem vindicasse: cum legatus
 subintulit, facilem huius causæ proponi exitum, si,
 qui mos gentis vulgo erat, placeat secretorum in-
 certa armorum iudicio definienda permittere. Ac-
 cepta à Rege conditio, neque Adalulfus reperire qui
 abnueret, quamquam nulla spe, in causâ plena sce-
 leris. Certamen Ariperto Reginæ amitino, propin-

tharim regna-
 uit, nupisse ait,
 similitudine no-
 minis Arioaldi
 falsus, superio-
 res enim veriora
 scripsisse, tem-
 porum ratio e-
 uincit.

127 A. J.
 127 A. J.

Propriè amiti-
 nus, natus enim
 Aripertus Gun-
 doaldo Theode-
 lindæ fratre. Ai-
 moïn, l. 4. c. 10.
 confobriaum

Ec 3 quitatis dixit.

quitatis iure obueniebat, is vicarium, quod & ipsi fieri assolebat, producit, qui cum accusatore congregatus, perfidiam in populi conspectu victor ultus est, Gundeberga pristinum dignitatis gradum tenuit. Aimoinus regio Francico genere ortam scripsit, ego rationem non reperio, nisi si Garibaldus auus illam cognationem attingit, cuius rei nulla de cetero indicia. Fredegario an Thoromacho, Francorum parentem appellanti, magis credam, parentum enim nomine cognati & affines uniuersè vulgò iam tum veniebant, ut cum Vuldotrada primis secundisq; nuptijs Francicis Regibus fuerit collocata, nepti parentis Francorum appellatio, hoc saltem sensu, congruerit.

Arioaldo anno post Christum natum sexcentesimo trigesimo octauo extincto, Gundeberga Rothari Harodo nupsit, matrimonio viâ ad regnum rursus munitâ. Sed ut malo docta, cum prius sacramento adigit, maximi inter homines beneficij memoriam, perpetuo amore & cultu conseruandam, nunquam positurum. Improbum animum verborum religione tenere frustra conêris, breui res vertit. Rotharis cæsis plerisque Langobardorum primoribus, cum & uxoris pertæsum esset, custodia conditam ad priuatæ vitæ modum cogit. Vbi illa magno & Christiano animo, à tanta fortuna in eam humilitatem iterum deuoluta, per annos propemodum quinque, sacris ieiunijs & orationibus tempus fere terens, magna constantiæ exempla edere perueravit.

Etia multo ante
parètes sic usur-
pri, Vopiscus
Probo, *Adole-
sceniam nobilem
parentem Fale-
tiani.*

Paul. Arioaldû
12. an. regnasse
ait, eo est conse-
quens an. 638. ob-
ijsc. Herman. 7.
tantum an. falso
tribuit De Ro-
tharis matrimo-
nio append. c.
69. 70.

ANN. POST
CHR. NAT.
DCXXXVIII

nerauit. Francus rursus auxilio fuit. Aubedo alijs de caussis missus, tactus miseratione Reginae, quam superioribus aliquot legationibus florentem vidisset, Rotharim officij admonet, Francos iniuriam, quæ & ipsos tangeret, non neglecturos, suum in Gundeburga beneficium asserturos ostendit. Rotharis aut famæ reuerentia, aut metu flexus, uxorem publico reddit, & insigni comitatu ante omnium ora per duorum templa circumductam, maritali posthac affectu, regali honore habuit.

Aubedonē Clo-
tarij legatū ap-
pend. nominat,
quod ratio tem-
porum verū esse
nō patitur. Clo-
tarius enim ante
Rotharum Regē
obiit.

HVGIBERTVS.

In Boica Theodiberto HVGIBERTVS filius successit, omnibus annalibus præteritus, siue ob imperij breuitatem, siue quia nulla res gesta insignem reddidit, siue quæ aliæ causæ. Nos uno, sed certo & locuplete teste Arnone nitimur, qui quæ Salisburgensibus patris & aui exemplo contulerit, distinctè perscripsit.

Arno in annot.
de Theodiberto
loquutus subiū-
git, *Successor
namque filius e-
rat Huchbertus
dux, tradidit in
pago Rotaga etc.*

Thassilonem & Grimoaldum quidam hoc ipsum æuum referunt, obscura nihilominus, & aliquanto incertiore memoriâ. Vt frater Theodiberti Thassilo, Theodonem Theodibertūq; Boiorum post principes, & Grimoaldum procreauerit, Grimoaldi filia PLECTRVDIS fuerit, quæ Pipino Heristallo nupta, Drogonem & alterum Grimoaldum peperit, nobilissima & sapientissima fœmina ab Aimoino appellata, sancta gloriosa & illustis à Marcellino. Imago cū inscriptione Batauis in summa Stephani martyris æde, quam Brunonis Barauensiū Episcopi ætate Plectrudis condidisse fertur, superi-
oribus

Arnold. Vion. l.
4. c. 6. Thassilo-
nem sanctū ap-
pellat, & cū Tu-
tilone monacho
S. Galli, qui cir-
ca an. 880. vixit,
confundit.
Catal. episcop.
Reginō in S.
Eineraſio, Stei-
delan. 641. Schri-
tou. & Hund. in
catal. Barau. Ple-
ctrudem filiā su-
isse dicunt Gri-
moaldi, Bauarię
& Campaniæ, si-
ue Ducis siue Re-
gis, cuius rei cu-
perem testes ve-
tustiores.

PLECTRVDIS.

maginis memi-
nere Schritou. &
Händ. inscriptio
hæc fuit, *Plectru-
m regina à dex-
tristum, in Vestli-
tu deaurato, cir-
cumdata Garie-
tate.*

Diplom. mēmi-
nit Bruch. in
monast S. Wil-
librordi.

Marcellinus pre-
bbyter in vita S.
Sulberti ap. Sur-
t. 2.

ribus annis viscēbatur, neque certo neque nullo Boicæ originis indicio, nunc vetustate temporis exoleuit. Sed utcumque easē coniectura habet, pater sanē Hugibertus aliquis, non Grimoaldus fuit, id enim ex Pipini diplomate constat. Quod Marcellinus, qui illum per ætatem videre potuit, Lotharingiæ siue Austrasiorum Ducissam nominat, Boiam fuisse nihil impedit, ut alterius tituli dignitas à marito fluxerit.

Apud Francos Austrasianæ Regiæ Dagobertus patris voluntate præerat: in qua clarus **RODOALDVS** Boius, principum Agilolfingorum sanguis, summis honoribus, annitente Arnulpho episcopo & Pipino Landisio, auctus, perpetuum aularum vitium æmulorum inuidiam effugere non potuit. Superbè auarè & impotenter agere delatum, Regis indignationi obijciunt. Tum ille vitæ metuens, ad Clotarium profugit, ibi patre deprecatore filium placasse visus, responsum tulit, bene de cetero sperare posse, si quæ peccasse diceretur corrigeret. Fidem habuisse exitio fuit: statim à reditu, Treueris pro ipsis regij cubiculi foribus obtruncatur. Aimoinus maioribus clarum, auctor Gregorianæ appendicis, nobili Agilolfingorum gente natum scripsere, ut Aemilio, diligenti alioqui & cauto, ex tenui loco fortunaq; creuisse, fides utique nulla sit. Verum hoc facinus unius capite, illud plurium stetit. Dagobertus à patris morte nouem annis regnauerat, cum orto inter

RODOALDVS.

Aimoin. l. 4. c.
11 App. Greg. c.
32.

ANN. POST
CHR. NAT.
DCXLL

Auares

Auares & Bulgaros forte tumultu, quod per interregnum utrique Regem ex suo corpore ambirent sublegi, Bulgari victi patria regione pulsi, virorum admodum nouem millia, extremæ necessitatis vi adacti, cum uxoribus & liberis sedes à Francis ipsis hostibus petunt. Rex se deliberaturum ostendit, interim in proxima Boica hyemarent. Ibi sparsim per varios hospitio exceptos, una omnes nocte incautos iubet opprimi, neque ex tanto supplicum numero præter Alticeum quisquam superfuit, qui coacta septingentorum circiter manu, ad Valduccum Slauum Venedorum Ducem fugiens, insidiantis perfidiam

Append. Greg. c. 71. Aimoia. l. 4. c. 24.

Vulgati Regionis codices perperam habent, *Rex ad Heimanum & Boiariam recipere præcepit.* Corrig. ex mss. ad *hyemandum ad Bai.* ne quis noui hinc Boiorum principem concinet, ut est interdum ingeniosa inficitia,

ANN. POST

CHR. NAT.

DCXLVIII.

Septimo exin Dagobertus è vita abiit, Rex famâ, quamquam inter manifesta flagitia, ambiguâ, & ut benefacta crederentur plura. Omnium eius operum maximum ad posteritatis commendationem fuit, veteres subditarum gentium leges, à Theoderico Clodouei filio conditas, à Childeberto & Clotario variè pro temporum ratione interpolatas, emendasse, quas illustrium virorum Chladij, Chadoindi, Magni, Agilolfi usus opera, in melius nouatas, scriptoq; comprehensas edidit, singulis nimirum populis singulas & proprias. Boicæ diu tenere, quarum

Varij codices Boicarum legum, variè habent hæc nomina. Chadoindus Brunechildis legatus ad Regem Clotarium nominatur append. Greg. c. 40. & referatur Dagoberti. c. 78. Boijs leges à Dagoberto datas, Otto etiam scribit l. 5. c. 2.

AGILOLFVS.

AGILOLFVM potissimum auctorem, eumq; ad Agilolfingos pertinuisse suspicamur; quomodo Lothariensium olim & Lotharingorum una natio, & eadem Carolingorum atque Carolorum stirps, etiam si

F f

diuerso

Tac. de mor.
German.

diuerso appellationis exitu, sic unus idem Agilolfus Agilolfingusq; videtur. Multa porro in his legibus de publico priuatoq; iure, ad omnem æquitatis rationem egregia extant, sed ut alicubi priscæ quodammodo ruditatis situs, ab antiquissimo æuo, manifestis vestigijs hæserit. Quod Tacitus de Germanis absolute scripsit, & minora delicta & homicidia pecuaria multa lui, hinc pecuniâ mutatum, nulla præterquam Ducis capitali cæde. Si quis Ducem suum occiderit, anima eius pro anima illius, mortem quâ intulit recipiat, & res eius infiscantur in publico, in sempiternum. Cetero quæ alias æstimationes, & leuiiores quidem reliquorum, cæso Episcopo, tunica ex plumbæ ad modum corporis concinnata, auro expensa. Boius non bonis non vita excidete, nisi coniurationis proditiõisue, aduersus aut Ducem aut patriam conuictus, quicquid præterea peccasset, pecunia anquirebantur omnia, qui iudicatum non fecisset, seruitutem temporariam ita adibat, ut opera fungeretur quadamtenus mercenaria, cuius æstimatio multam paullatim induceret. Duces ipsi ex nobilitate, quod apud Tacitum de Regibus est, neque ijs item infinita aut libera potestas. Lecti ex una Agilolfingorû familia, quod superiori etiam libro monuimus, siue Francicorum Regum auctoritate, siue populi comitijs, nam utriusque instituti ratio habitata in legibus, & quod mirere, regni ducatusq; nomen mansit promiscuum. Lege cautum, ne regnum

a pa-

Supra p. 149.

Ducatus passim
occurrit, regni
nomen edit. Pa-
ris. c. 2. tit. 10.
Basil. post. tit. 17.

à patre transferatur in filium, Dum adhuc pater eius potest iudicio contendere, in exercitu ambulare, populum iudicare, equum viriliter ascendere, arma sua viuaciter baiulare, non est surdus, nec cæcus, in omnibus iussionem Regis potest implere. Vt verò Regum vicem Duces subire, ita deinde ordine Ducum loco Comites, Centenos Centurionum nomen excepit. Liberti utrobique non multum supra seruos. Et statis diebus coitiones, placita appellabant. Controuersię quæ aliter definiri vix possent, armis dijudicatæ, quod sacrosanctum habitum, Deiq; iudicium dictum reperio. Neque non plura utrimque contendat licet cui id negotium. Adiecta ex Christiana religione præclara pietatis erga Deum testimonia. Omnibus inprimis ecclesijs asylius tributum, cum elogio: Nulla sit culpa tam grauis, ut vita non concedatur propter timorem Dei, & reuerentiam sanctorum, quia dominus dixit, Qui dimiserit dimittetur ei, qui non dimiserit nec dimittetur ei. Et pleraque ad eum sensum, de locis rebusq; sacris, de diaconis, presbyteris atque episcopis, de virginibus Deo dicatis, de matrimonijs, de diebus festis, de mortuorum sepultura, reuerentissimè cauta sunt. Iam quod crebræ per prouinciam processiones religionis nomine instituerentur, ut calebant pietatis studia, peregrinantium quoque securitati prospectum: Nemo ausus sit inquietare vel nocere peregrinum, quia alij propter Deum, alij propter

necessitatem discurrunt, tamen una pax omnibus necessaria est. Verum Dagoberti leges sunt in manibus, neque eas huc transferre necesse.

Aimoia. l. 4. c.
9. & 14. append.
Greg. & vita S.
Virgilij, antiq.
lect. to. 1.

Samo per hæc tempora Carantanis imperat. Senonum ciuitate ortus, mercaturam apud Slauios faciens, cum Hunni gentem superbo dominatu premerent, homo hospes, animum supra fortunam gerens, fœdissimi iugi excutiendi indigenis auctor fit. Et re ipsius potissimum qua consilio qua virtute bene gesta, pulsis tyrannis, tanti beneficij præmium regnum tulit, quod per annos triginta sex, magna fortitudinis laude tenuit, numerosa ex multiplici coniugio relicta sobole.

Tum præclarum & excellens sanctitatis lumen se se, Hunnorum etiam occasione, Boijs ex longinquo intulit. Fama percubuerat, de Hunnica quâ feritate in homines, qua impietate aduersus Deum.

Emmeramni, siue
Heimeramni
vita extat ap.
Sur. t. 5. scripta à
Cyrino, siue He-
rede, siue Aribone,
fuit enim tri-
nomius, Frising.
Episcopus, et si Sur.
Reginob. falso
nominat. Copi-
osè item de S.
Emmeram. Me-
ginfredus & Ar-
nolfus ant. lect.
l. 2.

Ea excitus Emmerammus Episcopus, sanctiori charitate incensus, sibi ex ultima Aquitania Pictonum urbe, quæ Augustoritum antiquis fuit, longam in Pannoniam profectionem indixit, si immanes animos ad miriorem cultum & salutarem Christi religionem posset reuocare. Pluribus assumptis comitibus, passim per Germaniam, ut ferebat itineris ratio, de pietate verba faciebat, Vitalis interpretis usus opera, linguæ ipse imperitus. Vbi Reginoburgum ventum, ad THEODONEM rerum iam potentem, nam quo anno inierit, nihilo magis quam quo patre natus

THEODO
QUARTUS

natus sit comperio, consilium aperit, constituisse Hunnos Christo lucrifacere, vel certè vitam in egregio conatu ponere. Bellum hîs cum Boijs tunc maxime erat, & latè ad Anassum vastati agri, excisæ urbes, intuta itinera. Quod caussatus Theodo, hominis alias moribus & sanctimonia captus, clementer reluctantem retinet, siue Episcopi siue Abbatis dignitate fungi mallet, Boijs eam potissimum operam impenderet, se hospiti nulla in re defuturum. Emmerammum præ Ducis verbis res ipsa mouit, recentes in Christiana fide Boij, à simulachrorum cultu vix temperabant, maiores præsertim natu, ut est magna vis inueteratæ consuetudinis, lucem tenebris miscebant, liberis Christi dæmonumq; calicem promiscuè hauriendum propinantes : quod ergo hîc se propositi finem, mutato tantum gentis nomine, assequi posse crederet, manere inducit animum, & impietatis reliquas fibras altè actas, radicitus euellere. Iamq; illi uni rei intentus, triennium magno cum fructu in prouincia egerat, cum diuino spiritu afflatus, iter Romam religionis nomine adornat. VTA Theodonis filia, ex Sigibaldo primariæ nobilitatis iuvene, ventrem ferebat, neque res ciuitius celari poterat, cum Emmerammum, de discessu cogitantem, supplices adeunt, & ad pedes abiecti, opem miserandum in modum implorant, extrema promeritis nullam præterea effugij spem esse, nisi quam à Deo ipso interprete expectarent. Episcopi animum ado-

Ff 3 Iescen-

lescentum misratio subiit, grauiter increpitis, criminis in se transferendi potestatem facit, & verò accepto commeatu, viam ingreditur. Constat omnia quæ exin sequuta sunt, diuinitus ab illo præcepta fuisse, atque adeò præsignificata priusquam fierent. Vocato quippe Volffeto presbytero, & imperata se viuo silentij fide, subiungit, Si ob alienum aliquando scelus per durissimos cruciatus necatum audiret, ne insimulatæ culpæ affinem crederet, quin insonnem ea passum iam nunc sciret, & testari pergeret, apud sacri præsertim ordinis viros, ne quis mentito doctoris exemplo consternatus, rectum virtutis tramitem deserat. Trium dierum iter progressus, nulla manifesta de causâ expectabundus substitit, miratibus comitibus. Vt interim stuprum falsa, absenti imputauerat. Pater ira intantum excanduit, ut vix ab amicis contineretur, quo minus eam stricto ferro in vestigio occideret. Vt mentis potens fuit, bonis exutam in Italiam exulatū mittit. LANTBERTVS frater, iuuenta feruidus, & sororis contumelia accensus, Emmerammum citato cursu insequitur, & ut Helfendorfi substiterat, loco nomen inter Ilaram & Oenum manet, breui assequutus, statis tertiæ horæ precibus, ante sacras reliquias lucernis ardētibus, una cum clericis vacantem reperit. Mox productum acerbè irridens, Salue inquit Episcopo, salue affinis. Hæc nobis pro tot beneficijs debebatur gratia? sic principalem domum, & hospitij ius reuereri didicisti?

LANTBER-
TVS.

ſſi: Exculandæ innocentix præ Lambertii furore locus nullus fuit. Scipione quem manu forte geſtabat, in aſtantis pectus ferociter impacto, ſatellitibus excarnificandum tradit. Per omnia membra ſæuitum, oculi eruti, lingua, aures, nares, manus pedesq; & quæ honeſtè nominari non poſſunt amputata, nullo interim lethali vulnere, quo mortem inter ſummos dolores in longum traherent. Neque eo minus Emmerammus non vocem modo, ſed & vultum & gemitus in poteſtate ſemper habuit, Deum laudibus & precibus continenter venerans, multis viciffim ſignis diuinitus editis, numinis in eum propenſione comprobata. Et apparere improuiſo viâ publicâ equites ignoti duo, eximia ſpecie, quide præciſis artubus multum ſciſcitati, repertos aſportauere, neque poſtea conſpecti ſunt. Viſum ſacro horrore aſtantes perfudit, nam & comites ſub initium metu dilapſi redierant. Lacerum ergo ſemianimumq; corpus reueriti, Aſchaimum deuchere properant, ſupremum ſpiritum in æde Petri Apoſtoli, honoris cauſſa exhalaturum. Nouem paſſuum millibus progreſſis cum tria reſtarent, Emmerammus primùm eiulaſſe auditus, de curru depoſitus exſpirauit, immenſæ ſimul lucis ſplendore perſuſus, quæ morientis ore progreſſa, & recta in cælum lata, ſpectantium oculos in fulminis morem perſtrinxit. In ſupplicij & mortis veſtigio eccleſiæ poſitæ: cadauer metu & veneratione attoniti, Aſchaimi pro tempore condidere,

Meginfred. de S.
Emmer. c. 14.

Ex catal. episc.
Reginob. nā vi-
ta scriptor. Aua-
ics nō capessit.

Arnolf l. 1. c. 11.
& 12. de S. Em-
mer. itē Megia-
fred, c. 15.
Earon. in marty-
rol. ad an. 750.
in Annal. ad an.
702. retulit. Ve-
rum monitus cō-
fultusque per e-
pistolam, epita-
phio, quod an.
752. præfert, po-
tiores fide ha-
bendam esse re-
scripsit.
Laur. Hochwar-
tus in catal. epi-
scop. Reginob. l.
1. c. 6 qui se fa-
lulę a ludæis
narratę profite-
tur testem auri-
tum.

dere, postea Reginoburgum, monitu eorum qui si-
bi per quietem imperatum dicerent, annuente prin-
cipe, maxima celebritate, ad diui Georgij transla-
tum est, hanc enim ille ecclesiam dum viueret fre-
quentare solitus. Multa rursus toto itinere miracula,
Lantbertus siue patris imperio, siue sceleris consci-
entia & furij actus, siue facti inuidiam non ferens,
ad Auares profugus interiit, & ceteroqui manus E-
piscopo intulisse, nulli impune fuit. Lantberti stir-
pem numinis vindicta per annos amplius trecentos
manifestè exercuit, neque quisquam ex eā, nisi de-
misit suppliciterq; deprecatus, per tot ætates immu-
nis. Quod ego, antiquissimo & grauissimo Arnolfi
Comitis Chamenfis & Vochburgij testimonio ni-
xus, ponere non sum veritus, cum is neptem in hanc
ipsam familiam elocatam habuerit, & verò pœnarū
exempla minutatim persequatur. Emmerammum
morte functum x. Kal. Octobr. ex martyrum fastis
constat, annus post Christum natum sexcentessimus
quingagesimus secundus epitaphio proditus.
Leue & ridiculum est quod deinde dicturi sumus,
sed & ipsum ad claritatem eximium. ludæos qui Re-
ginoburgum olim frequentes incoluere, unum, ex
omni diuorum numero, conatos esse à Christianis
abstractum, ad se impudenter transferre, quod ne-
scio an ulli præterea mortalium in isto animorum &
religionis dissensu contigerit: nam nominis indicio
de gente constare posse contendebant, id ab Amra-
mo

ANN. POST
CHR. NAT.
DCXLII

mo fluere, Hebræa origine, cum & Moyſi pater ea appellatione fuerit. Vtq; nullus genti mentiendi modus, fabellam addidere, quod occiſi corpus aduerſo Danubio incredibili facilitate præter fluminis naturam ad urbem ſubuectum diceretur, Moyſæ legis volumen, quo Emmerammus uſus dum uiuere, tum unalatum, cauſſam fuiſſe miraculo, à Chriſtianis corporis reliquias ad cultum interuerſas eſſe, codicem ab ijs neglectum, ad ſynagogam rediſſe.

In Italia mortuo Rothare, Rodoaldus filius Langobardis imperauit. Rodoaldo interfecto, Aripertus ſufficitur. **ARIPERTVS** Gundibaldo Aſtenſium Duce, Garibaldi Boiorum Regis filio prognatus, Regnum uiris opibusq; inclytum, quod ſuperioribus annis cognatæ mulieres feliciter affectaſſe viſæ, primus Boiorum meliori ſexui vindicauit, firmum adeò & ſtabile, tamq; propenſis ſubditorum ſtudijs, tam nulla peregrinitatis inuidia, quamquam varijs de cetero in omnem partem exemplis, ut & ad poſteros tranſmiſerit, & ij caſuum varietate ſemel iterumq; creptum, facile receperint, neque omninò alia extet familia, cuius plura in Langobardica regia ſtemmata numerentur. Religionis ſtudium proprium Garibaldi ſtirpis bonum, ad maiorum diſciplinam coluit, æde Saluatoris nomine Ticini condita, quam ornamentis & redditibus honeſtauit. Nono regni anno, poſt Chriſtum natum ſexcentefimo ſexageſimo è vita diſcedens, filios adoleſcentes

Paul. l. 4. c. 49.
Herm. an. 647.
obiſſe ſcribit,
Sigebertus 646.
Rodoaldum ad
an 651. perueniſſe, quem Paulus
etiam quinque
annis regnaſſe
auctoreſt, lib. 4.
c. 50.

Ex Garibaldi Boiorum Regis maſculatſtirpe, ſeptè apud Langobardos Reges fuere, Aripertus, Godebertus, Bertarius, Cunibertus, Liutbertus, Regimbertus, Aripertus; duo ex ſcæminina, Adalſus, Garbaldus: quatuor afſinitate coniuncti, Autharicus, Agilulſus, Rodoaldus, Grimoaldus.

Gg

PAR-

Paul l. 4. c. 53. &
sequens.

PARTHARITVM & GVNDEBERTVM heredes reliquit. PARTHARITVS.
GVNDEBERTVS.
Qui statim initio proditis male consentientium animorum indicijs, diuersas Mediolani & Ticini regias instituere. Et obsecundans dominorum affectibus aulicorum utrimque factio, dubias offensiones turbidis consilijs breui ad apertas inimicitias deduxere, ut iam res arma & aciem spectaret; cum Gundebertus Taurinorum Ducem ad Grimoaldum Beneuentanum, magna tum fortitudinis apud Longobardos existimatione principem, auxilia aduersus fratrem peritum legat, sororis in id pacto matrimonio. Taurinus fraterno sceleris priuatam multiplicem perfidiam adijcit; munerum quæ deferre iussus parte interuersâ, Grimoaldo propriam potissimum causam agere auctor fit, stultum esse pro alijs pugnare ait, cum pro te possis, occasionem simul ostendit, quando germanorum iuuenili vecordia res Longobardica palam pessum iret, ipse prouecta ætate, consilio inter primos & auctoritate pollens, regnum ne dubitaret inuadere. Rarò est qui se inuitus eò vocari audiat. Grimoaldus spem oblatam cupido animo sequutus, valida coacta manu, & conciliatis toto itinere popularium voluntatibus, opis ferendæ specie Ticinum properat. Ibi ut cum Rege congressurus erat, nouas fraudes Taurinus excogitat, utrumque seorsum conuentum monet, malum caueat, insidias ab altero parari, Regi etiam lorica dissimulanter sub veste ferre persuadet, idque clam apud aduersariû in inui-

in inuidiam quantum potest rapit, siue ut nutantem & facinus ex propinquo horrentem, periculi metu præcipitem impelleret, siue ut ea esset necessitatis aduersus insidiatorem in vulgus excusatio. Primo complexu Grimoaldus Regem, quod futurum prædictum erat, armatum sentiens, ferrum stringit, & doli, ut credi volebat, compertum, in vestigio obtruncat. Reginbertum filiolum suorum fide seruatum, tenerioris ætatis contemptus periculo subtra-

ANN. POST
CHR. NAT.
DCLXII.
RODELINDA.

xit. Partharitus occisi fratris nuntio consternatus, altero à patris morte anno, summa celeritate ad Cacanum Auarum Regem profugit, **RODELINDA** uxore & **Cuniberto** filio Mediolani relictis, ut in re subita. Caput malorum **Taurinus** non longum latatus, ab infimæ sortis homine ex **Gundeberti** familia, ceruice luculenta plaga præcisa, sanctissimo tempore & loco, Paschæ festo die, ad baptisterium in templo, inter stipatores iacuit. Grimoaldus utraque regia uno eodem ictu potitus, **Rodelindam** & **Cunibertum** Beneuentum exulatum mittit, ipse regio nomine assumpto, superiorum regum **SOROREM** dudum pactam, uxorem accipit. De **Partharito** anxius, ad **Cacanum** mittit, profugum apud se esse ne patèretur, aut bellum exspectaret. Supplicis respectus barbaro nullus fuit, iret quâ vellet, gentem inuidia liberaret denuntiat. Prædicabatur singularis in **Grimoaldo** lenitas & mansuetudo, eam **Partharitus** aduersissimo suo tempore, extrema spe, experiiri statuit.

Partharitus an. 1. m. 3. regnasse ait Paul. & Herman, itaque cōsequēs sit peruenisse ad an. 662, Sigebertus annū tantum habet, Curtebat autem an. 662. indictio 5 eo Grimoaldus in præfat. e. dictu 11. indicti. onem sextum regni an. appellat.

SOROR PARTHARITI & GUNDEBERTI.

G g 2 Retrò

ENTRADA

Retrò ergo in Italiam reuersus, intimum amicorum
 Vnulfum Ticinum mittit, qui incolumitatis fidem
 pacisceretur. Ipse subsequutus, ut in Regis conspe-
 ctu fuit, cum se ad pedes abijceret, non permissus,
 osculo benignè & humaniter exceptus est. Tum
 Grimoalde inquit, seruus aduenio, qui cum alicubi
 inter paganos latère potuerim, redire, & tuæ me fi-
 dei testatæq; clementiæ, qui Christianus & pius es-
 ses, credere malui. Rex bene sperare iussu, iusiuran-
 dum conceptis verbis dedit, & tutò, & cum dignita-
 te, apud se futurum, nunc corpus curaret, hospitium
 & victum de publico prolixè accepturus. Domum
 digressum, uniuerſa ciuitas visendi salutandiq; stu-
 dio prosequitur. Nec Regem res clam esse poterat,
 & incédabant animû domestici assentatores: Num
 cum aut supplicis aut hospitis, aut cuiusuis tandem
 comitatum videri, nisi regnum certè propalam re-
 petentis? Partharitum iam sine regno nec viuere, ne-
 que incolumi Grimoaldo regnare posse, aut facien-
 dum scelus, aut expectandum, & quidem statim,
 trahendis consilijs in præcipiti periculo locum non
 esse. Credibilia visi afferre, & monere salutaria, ne-
 que diutius dubitatum, recentem sacramenti fidem
 post regni curam habendam. Quod serum dici esset,
 cædes reiecta in crastinum, interim missa lauitia, ge-
 nerosa in primis vina, quibus se incautus hospes in-
 gurgitaret, somno meroq; solutus opprimendus.
 Astabat inter mensæ ministeria paternus amicus, &

mirum

mirum quam multa fidei documenta in una domo, qui se salutaturi specie ad aures demittens, infidias conscius detegit. Nihil eo mutatus Partharitus, præfenti ad omnia animo, vultum in læticiam fingens, pueri à cyathis clami mandat, ne sibi præter puram aquam ea cena misceat, & facile fuit conuiuas, in Regis etiam gratiam largius inuitantes, neque huius quidquam suspicantes, fallere, argentea quippe phiala fucum regente. Rex successu ut existimabat lætus, auditus inter suos iacere, perpotaret heluo, cras sanguinem mero mixtum refusurus. At verò res aliò cecidit, Vnufi sagacitas opportunum fugæ consilium in articulo expediuit. Is sibi lectum in Parthariti cubiculo clanculum sterni iusserat, inde omnibus à cena digressis, cum regij domum, ne certam prædā è manibus amitterent, iam armis cinxissent, solis Partharito & seruo à veste, in cuius fide plurimum ponebat, intrò vocatis, cogitata aperit, seruum manere, conclaue occludere iubet, ipse Partharitum urfina pelle in sui dissimulationem inuolutum, culcita & toralibus onerat, atque cum conuiuitio extra ianuam eiecit, fuste identidem succidentem mulctans ante se agit, mirantibusq; satellitibus quid hoc rei, Non ego furciferum ulciscar ait, qui mihi lectum ad remulenti Parthariti istius latus, crapulam toto petore proflantis, strauerit? satis superq; hominis dementiam sequutus, me mihi & meis vindicabo posthac, neque domo ultra abduci patiar, iuramento per

G g 3 regis

regis salutem addito. Fides habita, via ipsi & Partharito caput in seruillem speciem sarcina præligato, data est. Atque Partharitus quidem, demisso ex mœnibus fune, ascitisq; quos fors dederat comitibus, & consensu equis ex pastu raptis, maturè elabitur. Asta illum ea nocte, referta veteribus amicis ciuitas, tum Taurinum excepit. Sed nulli in Italia loco satis confusus, alpibus traiectis ad Francos abiit. Seruus se thalamo in multam lucem tenet, foresq; pulsantibus, & Partharitum Regis nomine inclamantibus, ut edoctus erat responderet, solum ex itinere alto adhuc somno pressum iacere, quietem ne inuiderent. Extractum per eam altercationem aliquantum temporis, donec non ferente moram Grimoaldo, fores effractæ fallaciam aperuere; tum demum de heri fuga confessus est. Præcipitem igitur ad regiam raptum, summo certatim omnes cruciatu perire dignum cōclamant. Rex contra, ut narrantem audiuit, se pro domini capite nihil veritum suam salutem vilem habere, collaudatum inter familiares scribit, multa pollicitus, si pari se fide prosequeretur. Vnuso, qui ad Archangeli Michaëlis basilicam fugiens, perniciem vitare satis habebat, præter incolumitatem, bona quorum extaret ratio, cum egregio etiam virtutis atque prudentiæ testimonio restituit. Adeò luculenta facinora hostium plerumque ipsos animos præstringunt. Quin familiari postea sermone diuersos compellatos, ecquid esset cur exules in Parthariti

comi-

comitatu palantes circumagi, quam regiam Ticini mallent colere, cum præsentem humanitatem nihil adulati, uterque respondisset, se verò, si ea sibi detur optio, mortem in domini conspectu suauiore habitu- ros, quam vitam alibi omni voluptatum genere circumfluentem, libero sermone nequaquam offensus, fidei atque constantiæ admiratione ultrò cap- tus, ad Partharitum ire, secumq; quæ vellet ferre permisit.

ANN. POST
CHR. NAT.
DCLXX.

Nouem potestatis annis exactis, Grimoaldus moriens regnum ad puerum ex Ariperti filia suscep- tum, proauitum Garibaldi nomen referentem trans- misit, præterito maternæ claritatis discrimine Romualdo, ante regnum aditum ex Itta nobili pu- ella captiuo genito. Paullò ante excessum Franci- cum fœdus nouauerat, quæ res Partharito suspicio- nem iniecit, ne amicitia authoramentum ipse fie- ret. Itaque ultra etiam Galliam, ad Saxones rerum in Britannia potientes, fugiturus, vix vela in altum de- derat, cum vox à littore audita, veleretur ne ea naui Partharitus? & aientibus nautis, responsum, cursum ergo inhi- beret, extincto ante triduum Grimoaldo quem fugeret. In portum reuectus, auctorem nun- tij non reperit, eo certius creditum missum fuisse di- uinitus, & visum spem blandientem sequi, quam e- uentus breui impleuit. In Italiam enim regrediens, ad fauces alpium primos Langobardorum, cum re- giæ domus familia & magna de cetero multitudine, ipsum

Paul. l. 5. c. 33.
Herman, & Si-
geb. an. 670. no-
tant, quod & re-
liq; historiæ
congruit.

Paul. l. 4. c. 47.
Regem Franci-
Paul. l. 5. c. 32.
Dagobertum no-
minat, sed Chil-
dericum fuisse,
necesse est.

Paul. l. 5. c. 37. &
c. 33.

Paul. l. 5. c. 34.

Paul. l. 5. c. 35. &
36. Herman.
Rosierus in hist.
stemmarum Lo-
caring. diploma-
ta Martini Du-
cisan. 873. &
879. scripta pro-
fert, quibus Ber-
tha Bauarig Du-
cissa eius uxor
nominetur. Sed
dubie fidei scri-
ptori credere
multa prohibet,
qui præsertim
hist. capit. 50. res
Boicas ineptissi-
mè crastauerit.
Et Bauarig sanè
nomen nondū
illo sæculo audi-
tum: ne quis à
Martino in di-
plomata relatū,
sibi persuaderi
patiatur.

ipsum præstolantes reperit: quibus comitantibus
Ticinum ingressus, puero facile exturbato, regnum
inter omnium gratulationes, tertio mense à Grimo-
aldi obitu recepit. Vir ut corporis dignitate conspi-
cuis, ita pietate & fide magnus, æqui & boni ante
omnes retinens, quo nemo egenitium magis miser-
tus tenuitatem largius subleuauit, ut in summis eius
laudibus unum fraternum dissidium, multorum an-
norum ærumnis expiatum, meritò excipias. Rode-
lindam coniugem cum filio mox ab exilio reuocat,
neque quidquam prius habens quam Deo liberato-
ri & iudici, maximas quas posset gratias referre, e-
gregium sacrarum virginum monasterium sanctæ
Agathæ nomine eo loco condit, ubi Vnulfi olim
consilio euaserat, uxor basilicam Mariæ virgini sa-
cræ extra urbis mœnia.

Octauo post hæc anno, superiorum motuum re-
liquijs dudum tranquillitatis, festa pace florentem
posteritatis cura subiit, regnum cum CVNIBERTO fi-
lio communicat: & longum res quieturæ videban-
tur, nisi barbarum iterum ab Alachi Tridentino Du-
ce extirpisset initium. Bauzano & proximis circum-
castellis Boicus Comes præerat, quocum Tridenti-
nis, ut inter vicinos sit, forte aliquid controuersia,
& cum res conditionibus disceptari nequireret, ubi ad
manus ventum, Langobardus prælio vicit. Cognatam
gentem bello laceffitam, Reges ægrè laturos su-
spicari poterat, tum autem recenti victoria, quæ &
mode-

ANN. POST
CHR. NAT.
DCLXXVII

CVNIBERTO

moderatos de cetero animos plerumque in insolentiam corrumpit, ad superbiam elatus, ab eorum imperio apertè desciscit; inde vindictæ metuens, Tridentum omni ope communit. Partharitus, quo subitum incendium inter initia opprimeret, celeriter accurrens, urbem obsidione cingit. Neque Alachis vicissim sibi deesse, ut regiones omnium securos negligentius agere exploratum habet, portis repente effusus, castrorum munitione primo impetu proruta, cum tumultum terroremq; undique inijcit, ut præterquam fugæ, obsessoris spem nullam relinqueret. Rex salutem eâdem via expedire coactus. Verus Cuniberto cum Alachi amicitiaæ usus intercedebat, cuius fructum eo potissimum tempore à se desiderari sentiens, hominem post tam atrocem inustam regio nomini contumeliam, cum patre in gratiam tamen reducit. Postquam pace conciliata in potestate fuit, Partharitum compluries cœpit impetus, perfidiam morte vindicandi, cogitata ad rem statim collaturus, nisi filius identidem deprecator intercessisset. Qui ferum animum beneficijs mitigari posse nequicquam confidens, Brixia præterea, ciuitatis inter Langobardos opulentæ, Ducatum illi contribuendum à patre, inuito atque reclamante, & multum monente, impetrat. Prospiciebat quod res erat Partharitus, neque id quidem clam habens, expertæ calliditatis hostem, à filio in sui ipsius capitis perniciem opibus augeri, quarum fiducia regnum proxi-

Hh

ma

Paul. l. 5. c. 17.
Herman. & Si-
geb. in an. 687.
consentiunt.

ma quaque occasione esset tentaturus, neque eo mi-
nus precum assiduitate fatigatus, cessit. Patris
morte post decem annos inlequuta; Cunibertus im-
perium continuat. HERMELINDA ex Anglorum Sa-
xonum gente uxor erat, quæ Theodotis puella Ro-
manæ in primis nobilis formam, inter lauandum
nudato corpore obseruatam, marito incautius præ-
dicans, dissimulantis animum mala libidine incen-
dit, ille moræ impatiens, captata protinus occasione,
virgini stuprum per insidias infert. Visum diuinū
numen quas à patre domestici odij pœnas expetie-
rat, à filio ob externum amorem repetere. Alachis
adolefcentem mutæ beneuolentiæ confidentia ex-
armatum nactus, scelus quod mente dudum conce-
perat, maturum ratus in apertum profert, duplicem
in dominum inq; seruatorem molitus perfidiam.
Primos sc Aldo, & Grauso fratres, Brixiæ orti, præ-
buere duces, affluentibus deinde multis undique re-
rum nouarum studio. Et aberat commodum Cuni-
bertus, instantis periculi iuxta ignarus & securus, cū
Ticinum urbem & regiam improuisè adorti, vacuas
occupant. Cunibertum quo res inexpectatio, &
auctor is qui unus omnium minimè debebat, eo
gravius perculit. regno in præsentia desperato, vitæ
consulturus, in insulam lacus Larij, natura & arte
communitam, refugit. Tyrannus dominatum fla-
gitiosè partum, superbe & crudeliter habens, quos-
cunque Cuniberto amicos sciret afflixit, sacerdotes

ANN. POST
CHR. NAT.
DCLXXXVII
HERMELIN-
DA.

Paul. l. 5. c. 18.

præfertim, aduersus quos singulari & eximio odio
 ferebatur, neque Damianum Ticinensem ipsum e-
 piscopum reueritus, virum vitæ sanctimonia & li-
 teris elatum, cuius diaconum Thomam sacræ bene-
 dictionis causa adfessum, ludibrio & contume-
 liis excepit. Magnam sibi eo facto concituit inuidiā,
 ecclesiastici ordinis hominibus metu ingenti incus-
 so, quid porro sperandum exemplo videlicet admo-
 nitis. Accessit res dicta parua, momento non itē,
 Pecuniam forte annueranti, nummus manibus e-
 lapsus in terram deciderat, cum Aldonis filius pue-
 rulus ludens fustulit, cum Alachis, quæ pusionem
 nec animaduersurum nec curaturum crederet, in
 patrem iacit, abundare eum pecunia, qua se breui
 positurum esse consideret. Infans domum vespere
 regressus, à patre per blanditiam de Rege interroga-
 tus, audita refert. Cohorruit Aldo, quo verba spe-
 ctarent satis intelligens, fratri quanto in periculo
 versentur significat, & vocatis amicorum certissi-
 mis, quid facto opus consultant. Vt conuenit, Ala-
 chim compositis dolis adeunt, quid ita domi totos
 dies otiosus desideat, certè quod de ciuitatis & po-
 puli fide dubitet non esse, neque quod à Cuniberto
 timeat, nihil illo lurcone desertius & contemptius,
 quin egrederetur, venatui eum nobili iuuentute in-
 dulgeret, sibi custodiam ciuitatis curæ fore, & verò
 polliceri, se eis paucos dies Cuniberti caput ad eum
 delaturos. Vt credula res est spes inimicū vindi-

Paul. l. j. c. 19.

O. 2. 1. 1.

O

candi tam prope admota, persuasus exijt: coniurati ad Cunibertum in insula latentem properant, ibi genibus aduoluti, anteaactorum veniam, quæ tum fortuna, celeriter impetrant, quo tyrannus in eos sic animo, quæq; ipsi aduersus illum consilia agitent docent. Fides data & accepta, manantibus utrimque lachrymis, die dicta Cunibertus Ticinum veniens, regnum haud maiori molimine quam amiserat, incredibili omnis ætatis & ordinis gratulatione recepit. Nuntius ad Alachim confestim excurrrens, per ludibrium narrat, præstitisse Aldonem & Graulonem quæ sponponderint, adesse Cuniberti caput, sed & corpus. Ille animo primò consternatus, ut se collegit, in conuitia & minas effusus, regiam armis repetere constituit, reliquarum undique ciuitatum studia, qua vi qua blanditijs colligens. Cunibertus valido item comparato exercitu, obuam progreditur: castris utrimque metatis, in campis quibus Coronatæ nomen, aduersarium ad singulare certamen prouocat, bellum alterutrius morte dirimi posse monet, parcerent tot mortalium sanguini, ibi regnum fore ubi victoria fuisset. Aderat Alachi Tulsus, inter amicos habitus, qui ad idem cohortaretur, verum ille tergiuersari, hominem esse dicere Cunibertum, ut ingenio stupidum, & uni ventri per otium deditum, sicubi res poscat, inter primos audacem, & incredibili corporis robore, meminisse cum in Ariperti aula adolescētes ambo versarentur,

ibid. a d d cum

Paul. l. 5. c. 40.

o

cum

eum prægrandes oues extenso brachio villo apprehensas, terra solitum sustollere, se idem expertum nequiuisset. Tuscus confessionem ignauiaæ aspernatus, ad Cunibertum transijt. Iamq; aciebus eo promotis, unde pedem sine prælio referre neutra posset, Zeno diaconus basilicæ Ioannis Baptistæ à Gundeberga conditæ, Regem adit, & pro proximio, quo eum prosequeretur affectu, supplex rogat, quandoquidem in unius capite omnium salus verteretur, neque dubium quin illo occiso, Alachis in ceteros extremæ crudelitatis exempla editurus esset, pateretur se potius regijs armis ornatum id discriminis subire, utili in utrumque casum consilio, siue cæsi, facilem fore iacturam, siue victoris, gloriam in dominum redundaturam. Abnuentem Cunibertum, amici circumflentes, insuetæ charitatis officio pæne inuitum uti coegere. Zeno non suæ fortunæ cultu instructus, è regio tabernaculo prodiens, ut statuta corporisq; habitu comparerat, omnibus Regis speciem præbuit. Commisso prælio acerrimè pugnatum, Alachis insignibus falsus, in unum latus, longè fide quam ulla militari arte paratiorem obtuncat, caputq; conto suffigi & victoriam lætus acclamari iubet. Sed ut laxatis cassidis vinculis errorem conspectus aperuit, ira & pudore incensus, se verò fœdas de omni clericorum ordine pœnas aliquando victorem repetiturum vouet. Cunibertus contra in speratò prodiens, turbatas suorum mentes, impera-

to ut putabant caeso fugam circumspectantium, e-
rexit. Et cum pugnam iterandam appareret, ad Ala-
chim rursus misit, solus tandem congregaretur, neu-
tri satis decorum, tot popularium millium sibi ca-
dem imputari, quingenti incolumi & florenti im-
peraret, cui Deus victoriam annuisset. Probantibus
consilium familiaribus, Alachis, Quî possum ait,
qui inter inimica tela Archangelum Michael em ob-
uerfantem conspiciam, in cuius ego templo me Cu-
niberti sacramento obligavi? Apparebat conscien-
tiam sceleris iam ferre non posse, itaque confidenti-
or ex amicis unus, tu quidem inquit pauore oculis
præstrictis, cernis quod nusquam est, nam hæc olim
meditata oportuit. Nouum atque atrox prælium
exarsit, quale irritatis in diuersum unius gentis stu-
dijs, inter fidentes sibi ambos exercitus, Rege hinc
vivo, quem mortuum luxerant, inde victoria iam
propemodum parta feroces. Res diu neutro incli-
nata sterit, donec Alachis pugnans confoditur. Sen-
sit utraque acies, neque Cuniberti deinde vis susti-
neri potuit, hostes passim fusi, magna strages facta
est, multos nandi imperitos, aut fessos & armorum
pondere grauatos, Abdua propinquum flumen hau-
sit. Tyranni corpus fœde laceratum, capite cruri-
busq; truncatum, feris & aliis ludibrium iacuit,
Zenonis diaconi, qui vicariam mortem oppetisset,
Ticini honestissimo funere, in vestibulo basilicæ
cui præfuerat conditum, quo pugnatum loco, mo-

ANN. POST
CHR. NAT.
DCXCII.

numentum victoriæ, monasterium Georgij marty-
ris nomine, excitatum est. Annales annum sexcente-
simum nonagesimum secundum ascribunt. (Re-
bus pacatis, Cunibertus ingenij humani more, vete-
ris iniuriæ memoriæ præ recenti beneficio reti-
nens, Aldoni & Graufoni insidias comparat. Ferunt
rem monstri similem, quam ego ut à Paulo proditâ
inuenio referam, magis ne præterijssè videar, quam
quod in eum modum gestam narranti fidem accom-
modandam existimem. Regem dum familiarium u-
ni cogitata aperit, muscam in fenestra forte visam
cultro petijssè, quæ ictu corpore vitato, pede præci-
so auolauerit. Aldonem sub idem tempus ad regiam
cum fratre tendentem, obuium habuisse hominem
pede altero mutilum, enixè monentem ne perge-
rent, certæ à Cuniberto neci destinati. Tum illos
formidine attonitos, sese in proximam Romani
martyris ædem coniecisse. Regem re intellectâ, fi-
dem accusasse eius cum quo consilium contu-
lisset, Regis illum rursus appellasse conscientiam,
quod post eum sermonem habitum nusquam digres-
sus, neminem profectò mortalium alloquutus fue-
rit, neque id Rex infitiri poterat, nec omninò quis
indicium supplicibus fecisset suspicari, donec spe
impunitatis facta, ipsi professi, se ab homine igno-
to, utente genu tenus crure altero ligneo, de præsen-
tis exitij periculo admonitos, salutem consuluisse, re-
ditum in memoriæ muscæ, & intellectum damo-
nicum

Herman. Sigeb.

Paul. L. c. 6.

sup. p. 10. c. 1.

c. 10. p. 10. c. 1.

c. 10. p. 10. c. 1.

gicum utrumque spectrum fuisse, fratribus ignotum esse.

Dum hæc in Italia geruntur, Emmerammi apud Boios fama magis indies magisq; clarescente, Theodo Princeps cædis noxiam, cuius pœnitentia dudum caperetur, aliquâ expensurus, Georgij martyris adiculam adiecto monasterio, quo loco lucum olim Deorum religione sacrum fuisse memorant, ampliat. Petri Apostoli & ipsius Emmerammi nomine indito, primus Apollonius Abbas, anno post Christum natum sexcentesimo nonagesimo septimo præfectus est.

Tum Marinus atque Anianus pietatis etiam professione inclyti, ad radices alpium propter Oenum flumen mortem oppetiere. Qui quo tempore Martinus Pontifex Constantis Imperatoris scelere in Chersoneso occubuit, ecclesiæ statu magnopere perturbato, peregrè ad Boios venientes, ibi se, discretis uterque sedibus, in solitudinem abdiderant, sicut neque tamè de rebus diuinis quærentes aditu arcerent, & ultrò sæpe progressi, religionis causa ad populum multo cum fructu verba facerent, Marinus Episcopi, Anianus Archidiaconi munere functus. Episcopatus nomen siue intercidit, siue quod magis opiner, nullum certum fuit, gentibus docendis quorundam olim exemplo generatim destinato. Omni virtutum laude eximij, cibi præsertim potusq; abstinentia, veterem Aegyptiorum patrum morem reuocabant, ieiunio bis admodum

Hund. in metrop. & ms. de monasterijs Boicis.

Ex actis horum sanctorum, quæ extant in monast. Rot.

Id olim feri solitum annotavit Molan. in natal. sanct. Belgij die 25 Martij.

ANNO. POST
CHR. NAT.
DCCXVII

modum singulis hebdomadis, præter Dominicam diem, aquæ haustu, & olerum cum pane ac sale esu, soluto, quantum vitæ trahendæ nimirum sufficeret, solennior aliqua & sanctior lux, pauxillum casei & lenticulæ nonnihil adiiciebat. Teruere institutum ad Leontij imperium, per quadraginta circiter annos, cum barbaros tota prouincia populabundos vagantes, spes prædæ ad istas latebras adduxit. Vandalos fuisse memorant, qui Slaui, hoc est Venedi de proximo fuerint oportet, nam eosdem Vandalos appellare, vetus & vulgatus error est. Marinum ad aram sacrificantem, numen semel iterumq; apertè monuerat, pergeret alacriter, palmam prope esse, quâ ipse & Anianus, ut parilem vitam vixerant, eadem die munerandi. Latrones ergo cum in expectatione mortis pronis genubus orantem nacti, ad vultus orisq; grauitatem primo territi, aliquantum resistere, breui reditum ad ingenium, & cum reculæ obuiæ cupiditati nulla ex parte sufficerent, verisimile autem videretur, hominem senem percipue existimationis, argentû alicubi occulere, multa minati promere iubent, Marinus, si diuitias inquit quæritis, æternum mansuras quærite. Illi sermonem ad pietatis studium vocantem nihil morati, instare, Christi nomen eiuraret, & quoniam habitatorum latè tota regione fuga facta erat, quæ quis quibus locis defodisset indicaret, se ad scrutanda abdita alpium ducem præberet, nihil eius vicinæ vi-

Crantius etiam historiam quam de Slauiis & Venedis scripsit, appellauit Vandalicam.

Ii rum

rum id ætatis latere posse, renuenti mortem per extremos cruciatus paratam sciret. Intentatum periculum, animum diuinitus incensum amplius inflammavit, neque se Christum negare, neque viuum ex ea mouendum sede responder, quam sibi perpetuam legerit. Tum nudatum verberatumq; & seruilem in morem tortum, igne necant. Auditus inter medios flammarum globos, multa Deum expansis manibus precans, pro his etiam quorum scelere occidebat. Anianus morbo tenebatur ne magistro adesse posset, de cuius obitu ut cognouit, iam lætus & exultans, eucharistia percepta, ea ipsa luce quæ fuit xvii. Kal. Decembr. inter orationes & gratiarum actiones animam, futuri securus, nulla externa vi adhibita exhalauit. Aliquot post annos Pipino & Carolomano rerum potentibus, specie per visum Priamo presbytero oblata, corporum reliquiæ detectæ, & conditæ ecclesiâ, curante Tollusio Episcopo, in pagum quem Aurisium appellant, multis miraculis insignes translatae sunt. Posterorum pietas monasterium adiunxit, quod à præfluente amne Rota nomen reperit. Nos cum inde historiam testatis litterarum monumentis, quæ adhuc extant, eo quo narrauimus modo descriptam, hauriremus, animaduertimus scriptorem, qui Marianum & Arrianum ante annos paullò minus ducentos à Boijs cæsos prodidit, quod superiori libro memorauimus, neque rerum, neque temporum rationem quam debebat

ma-

ANN. POST maximè, ullam habuisse.

CHR. NAT.
DCIC.

LIUTBERTVS.

Anno undeseptingentesimo Cunibertus naturæ satisfecit, eo maius sui desiderium Langobardis relinquens, quod LIUTBERTI filij ætatem, ne ea imperio nondum matura, rebus nouandis locum præberet, verebantur. Pater Ansprandum testamento tutorem dederat, virum genere & virtute præstantem, regno, quantum humanis consilijs prouideri poterat, firmanientum, ceterum euentu dispari. REGIN-

BERGIVS.

BERTVS enim Taurinorum Dux, quem Gundiberto Rege natum, patre occiso ante annos quadraginta, vitam miseratione infantix emeruisse supra dictum, occasionem repetendæ paternæ hereditatis, cui cogitatione semper imminebat, demum obuennisse ratus, regno vi inuaso, octauo mense à Cuniberti

DCC.

morte, Ansprandum in Nouariensi agro acie congressum fudit. Et rebus humanis anno à victoriâ ad-

DCCI.

ARIPERTVS.

huc vertente ereptus, eius fructum ad ARIPERTVM filium transmisit. Qui superstiti Liutberto, omnia incerta & infida sentiens, bello redintegrato, sequenti Ansprandum atque auxiliares copias, magna iterum pugna ad Ticinum superat, Liutbertum, quod

DCCIL.

inguine saucius viuis in potestatem venisset, cognitionem nihil reueritus, balneo inclusum necat. Ansprandus se ex fuga Larij lacus insula tuebatur, ubi obsidionem parati intellexit, inde elapsus per Ræticas alpes in Boicam abiit. Victor hac præda frustratus, in necessitudines versus, Sigibrando filio oculos

Paul. l. 6. c. 17. Siegb. hunc an. ascribit, Hermannii postrema editio sequentē.

Pag. 235.

Paul. l. 6. c. 18. & sequent. Siegb. octauum mensem in an. 700. incidisse confirmat.

Hæc Herman. ad an. 701. Siegb. ad 701. rect.

Vita S. Boniti Aruernensis Surtij to. 1.

Li 2 eruit,

cruit, Theuderadæ uxori & Auronæ filiæ, nulum au-
resq; fædo vulnere præcidit, obiecta matri spes re-
gni, & voces in eam sententiam muliebri leuitate in-
solentius fusæ, ipsum insulæ oppidum, quod rece-
ptum hosti præbuiſſet, solo æquatum. Vni Liutpræ-
do parsum liberorum minimo, permissio paterni exi-
lij errores, ingens ut in aduersis leuamen, comitari.
In memoriam credo regrediebatur Aripertus', corū
quæ sibi eadem ætate & propemodum caussa, à Gri-
moaldo contigerant: diuino interim haud dubiè
nutu, regno successor destinatus, seruatus est. Ex
Liutberti propinquitate PETRVS supererat, quem
priusquam sacris initiaretur, gentile aliud nomen
habuisse, sit verisimile: huic Spoletum relegato, &
ædem Sabini martyris religiose frequentanti, re-
sponsum aliquando redditum, consideret, futurum
ut rediret in patriam, & Ticinensem ecclesiam rege-
ret. Oraculi fidem cum res longo post tempore cõ-
probasset, Sabino posito templo honorem habuit,
& Episcopi munere sanctissimè functus est, insigni
animi corporisq; castimonia & integritate, tum
nullo non virtutis genere, atque miraculis diuinitus
editis inclytus. Nec prætereundum erat hoc Boicæ
originis cælo receptum sydus, peregrè splendens,
domi adhuc opinor ignotum.

Boijs post Theodonem THEODIBERTVS præfuit,
an frater, quæ quorundam sententia, parum liquet:

THEODIBER-
TVS SECVL-
DVS.

Arnolf. l. 1. c. 1.
de S. Emmer.

Theodonis posteritatem non regnasse, id constat;

lege

lege autem ex Agilolfingis suffici necesse erat, non qui defunctum proxima consanguinitate contingeret, sed fide & prudentia præstantem. Theodibertus Ansprandum humaniter receptum, benignè aliquamdiu habuit. Decimo demum fugæ anno, siue continentibus supplicis precibus victus, siue hominis innocentis sortem ultrò miseratus, siue pium ratus indignam Liutberti necem armis ulcisci, siue sibi amplum, reges regno per scelus parto deicere, meliores imponere, nec præ eo quod ius & fas posceret, Boicam in Ariperto originè respectās, infestis copiis in Italiā venit. Langobardo cū exercitu obuio, incitatis utrimq; animis, statim acie cōgredi, & rem fortunæ semel inclinandā dare placuit. Acriter pugnantibus nox superuenit, & apparebat Boios de victoria concedere, nisi Aripertus signo receptui dato, castra ipse sua pernicioso errore præteruectus, Ticinū refugiens, suorum animos fregisset. Mirum quam eo factō versa derepente in contrarium omnia, Langobardi seducis exemplo pro victis gerere, Boijs audacia crescere. Accessit vecors aliud iuxta ac calamitosum, nec pro pristina Ariperti industriæ fama consilium, quod voluntates popularium turpi fuga offensas, hostes de proximo instare animaduerneret, turbatus præcipiti metu, melioris euentus spem omnē præcīdit, seq; ad Francos prorepturus, auro ex regia gaza quantum potest onerat, grauem eo, gurgis fluminis, quod nando traijciendum erat, haurit. Fra-

Theodonē hūc signare videtur, *Dioth scilicet vir illuster, cui filii in regnum non successerant.* Et si ordine perturbato, Theodonem ad quem S. Rupertus venit, posthunc nominet, atque eum ipsum cum illo ad quem S. Corbinianus, confundat. De Theodiberto & Italica expeditione Paul. l. 6. c. 55.

ANN. POST
CHR. NAT.
DCCXII.

ter GVNDEBERTVS fugæ comes, in Franciam peruenit, reliquum ætatis in exilio cum tribus filiis acturus. Natus maximus REGINBERTVS, Aurelianensis ciuitatis præfecturam regum benignitate gessit; ultimus ex Garibaldi Boiorum Regis stirpe surculus, cuius saltem auctorum monumentis extet prodita

GVNDEBERTVS.

REGINBERTVS
CVM DVOBVS
FRATRIBVS.

Hermā. Ariperti mortem in hunc an. 712. confert, quod reliquæ temporum rationi consentaneum est, siquidem an. 701. iniit, & per decennium regnavit, quot ann. Ansprandū exulasse Paul. auctor est. Siegb. Aripertum an. 701. iniisse, novem ann. regnasse, 710. obiisse scripsit. Regino hæcenus confert, Ansprandū novem tantum annis exulasse.

memoria. Ariperti cadaver postero die repertum, certam victoriæ fidem asseruit. Et verò observatum, Boici sanguinis apud Langobardos imperium, quo ceperat nomine, eodem desisse, nec virtute quidem impari. Nihil quippe ambigas, Aripertum, quâ religionis, liberalitatis, iustitiæ, prudentiæ opinione vixit, si regnum omninò ipsum, non aditum item exitumq; spectes, in præstantissimis regibus numerare. Grandi iustitiæ documento, ciuitates dissimulato habitu per noctem circuire solitus, omnium de se deq; ijs quos iuri dicundo præfecerat rumores aucupabatur: Prudentiæ prope altiore, externos legatos nullo apparatu, non vino, non epulis lautioribus, viles ipse pelles indutus, contra quam Reges solent, excipiebat, ne domum ij reuerfi, famâ Italicæ opulentæ populares ad eius soli cupiditatem exstimularent, quam Gallis alpes traijciendi aliquando causam extitisse scire poterat. Ansprandus regno sine controuersia potitus, tres non amplius menses superfuit. Morituro Luitprandus filius, assiduus utriusque fortunæ socius, multum ea re lætanti, sublegitur. Hic gratiam relaturus familiæ, cuius benefi-

cio

GVNTRVDA.

cio regnaret, GVNTRVDA Theodiberti filiam, ma-
trimonio sibi adiunctam, in regij fastigij communi-
onem vocat. Neque tot tamen vinculis pax diutius
contineri potuit. Paulus Luitprandum fere initio
regni narrat, pleraque Boiorum castella intercepisse:
offensionis causas quas non explicat, ad finium cō-
trouersias, mortuo iam Theodiberto, pertinuisse
crediderim.

Paul. l. 6. c. 58.

THEODO.
QVINTVS.

Theodibertum Theodo rursus excepit, quintus
nostra quidem sententia; sextum numerent oportet,
qui à Danubij traicctu tres ordine Theodones
posuere. Grimoaldo Theodiberti fratre natum, Gli-
sonotham uxorem habuisse, ijdem magis suo arbi-
tratu, ne quid unquam ignorent scilicet, quam an-
tiquis testimonijs confirmant, nobis in incerto re-
linquitur, quod & verum esse, & aptè ad continuan-
dam stirpem fictum potest. Eo palam errant, cum
Theodibertum ante septingentesimum annum ob-
ijisse produnt, nam Paulus Ansprandum à Theodi-
berto reductum scripsit, quod decimo aut duodeci-
mo eius sæculi anno contigisse, vetusti annalium au-
ctores consentiunt. Magna apud finitimos prin-
cipes potentia fama fuit Theodo, armis virisq; vali-
dus, tum egregia trium adolescentum filiorum in-
dole felix. Moribus ipse ad omnem virtutis laudem
compositis, pietate in Deum nulli maiorum secun-
dus, primus Boiorum religiosam peregrinationem
ad Apostolorum limina instituit. Romam venisse

Vita S. Corbini-
ani ap. Sur. to. 5.

Paul. l. 4. c. 46.

Grego-

Anast. in Greg. 2.
Bedae in epit. an.
688. Ceadualia
& an. 709 Con-
radum Romam
venisse narrat.
Idem habet hist.
eccles. l. 5. c. 7. &
c. 20. Vbi Huu-
prætera & Of-
sam adiungit.

Aribo, Heres i-
dem & Cyrinus
dictus, vitam S.
Corbin. scripsit,
tertius post ipsū
Episcopus.

Vita S. Corb.

Cæs. l. 7. de bel.
Gall.

Falsus est Otho
Enl. l. 3. c. 24.
Corbinianū ad
tempora Pipini
Regis referens.

Gregorio secundo Pontifice indictione decima quarta, ab Anastasio annotatum est. Quo paullo ante Anglici reges eadem de causa venerant, & exemplum valuisse putandum, ne in Italia propemodum vestibulo positus, ab extremis Britannis isto officij genere vinceretur. Domi provinciam in quatuor partes tribuit, uni ipse præerat, ceteras filijs procurandas cessit, THEODIBALDO, aut Theodoaldo nimirum; GRIMOALDO & HVGIBERTO singulas: nam qui quartum siue Theodebertum, siue Theodonem adijciunt, neque quem sequantur habent, & ab Aribone abeunt, quo nullus qui hodie extet, hæc certius scire potuit, Aribo enim patrem provinciam, se inter & liberos, in quatuor partes diuisisse scripsit, quæ ad istorum rationem quinquefariam fuerat partienda.

ANN. POST.
CHR. NAT.
DCCXV

THEODIBAL-
DVS.
GRIMOALDVS
HVGIBERTVS
SECYNDVS.

Corbinianus ea ætate pietatis studijs apud Gallos floruit. In Melitonensi agro natus, quem nomen à Meloduno Senonum urbe, ut est apud Cæsarem, corruptè traxisse suspicor, monasterium ad sancti Germani ecclesiam condiderat, ubi cum annos quatuordecim vixisset, crebrescente sanctimonie fama, quotidianis omnium ordinum adibat concurrentibus, quæ consilium & orationes poscentium, quæ munera inter egenos partienda afferentium, nam & Pipinus Heristallus Equitum magister, cuius maxima secundum Reges apud Francos auctoritas, miserat hominem ex suis primarium, qui Corbiniani precibus

precibus illum submisſe ſuppliciterq; commendar-
ret. Vt ex quietis tranquillitatisq; portu, quem ſe-
ceſſu petierat, in medios iam hominum negotio-
rumq; æſtus videretur reuectus. Offenſus ea re, & in-
terpellantium frequentiam impedimentum ad be-
atorem vitam interpretatus, Romam abit, ſolum
aliquem ad diui Petri baſilicam angulum à Pontifi-
ce impetraturus, quo cum ſuis latitans, vita ſanctè
inſtituta, uni Deo vacaret. Votis ad Apoſtoli ædem
factis, ſeſe ad pedes Pontificis abijcit, copioſa orati-
one rationem itineris, quidq; quas ob cauſas peti-
tum veniſſet proſequens. Gregorius, ab homine
quantumuis diſerto, in quam partem rogabatur fle-
cti non potuit, in aliam ultrò motus eſt; animaduer-
ſo enim, quam mirifica contentione omnibus pie-
tatis exemplis exercitus; pura & ſimplici mente in
Deum ferretur, cum ea exterius accederent admini-
cula, quibus omnis & ætas & ſexus caperetur, inſi-
gnis oris ſacundia, morum incredibilis candor, fa-
ciles ſuaueſq; congreſſus, intellexit cum altius eue-
ctum, & in hominum concilia quæ fugiebat remiſ-
ſum, egregios & uberes fructus eſſe laturum. Nec
mora, promotum per ſacrorum ordinum gradus, E-
piſcopum creat, addito honoris cauſſa pallio, & ſa-
cra benedictione ampliffima formula, quâ exercen-
dæ dignitatis ubicumque terrarum fieret poteſtas.
Pontificis imperium detrectare non auſus, contra
quam ſperarat, nouum in Galliam onus inuitus &

K k

coa-

coaetus retulit. Ita verò gessit, ut priorem sanctimoniam opinionem miracula diuinitus edita exaugerēt, illumq; vulgò etiam, sed apud pios præcipuè, in magna admiratione & laude ponerent, supplices & munera indies copiosius circumfluerent. Quo homo ab omni ambitionis & avaritiæ specie longè abhorrens, ad repetendum Melodunenſe latibulum compulſus eſt. Ibi ſeptennio circiter actò, res eodem redijt, tanta virtus nullis parietibus cohiberi poterat, famà quo ſtudioſius preſſa, magis magisq; erumpente, & adeuntium coitiones fiebant iam prope turmatim. Romam ergo quo prius animo, ſed clam deuio & inſueto alio itinere, regredi cogitat, ne ſi re-cto, conſilium emanaret. Hæc in Germaniam deſcendi cauſa. Ut ad Boios venit, quos Noricorum nomine Aribo appellat, plerorumque ruditatem miſerans, officiij delati memor, verba de rebus diuinis sæpe utiliter in publico fecit. Rumor breuĩ Theodonem attigit, qui quoſcumque ſacerdotes comiter excipere ſolitus, peregrini Episcopi deſiderio magnopere incenſus, cum ad ſe vocat, & coram omnia ſupra quam ſermonibus celebraretur expertus, quibus poteſt precibus contendit, Boicam de cetero ſedem legat, ſibi, ne obtemperaffe aliquando pœniteat, curæ fore. Aſſenſus exprimi non potuit, muneribus itaque onuſtum dimittit. Nec de Theodone quidquam poſt illam diem, quod extet, proditum. Ab eo ad Grimoaldum filium ventum,

tum,

tum, cui pars prouinciæ in Italiam vergens obtigerat, regiâ Frisingæ constituta. Non minori ibi siue principis siue popularium gratulatione acceptus, ad primum virtutis doctrinæq; gustum, maiorietiam contentione ut subsisteret rogatus est. Grimoldus omnibus modis blandiendo, supplicando, hereditate quin inter liberos pollicitâ, insistere, ne se abiens desereret. Cum nihil exoraretur, nec inuitum retinere placeret, amplis item donato muneribus, comites additi, qui ad Italiæ fines honorificè deducerent, simul Venusticæ vallis reliquisq; circa populis, ipso inscio imperarent, Româ reuertentem obseruare, ad regiam reducendum. Nox euntes inter aspera alpium in campis ad syluam, Breonum regione oppresserat, cum equum clitellarium incustoditum ab urso raptum dilaniari contigit; tum Corbinianum sarcinam quæ prius iumentum fuerat, urso imponi iussisse ferunt, paruisse belluam, syluestri ingenio deposito, vicaria opera toto reliquo itinere functam. Illustre visum miraculum, dignum inter multa, quod posteritatis memoriæ imaginibus additum repræsentaretur. Inde Tridentum Ticinumq; progressus, traiecto Pado iter per Hetruriâ Romam tenuit. Vbique signa, quæ quam Deo charus esset ostenderent, edita. Liutprandus Rex cuncti redeuntiq; quantum maximum potuit honorem habuit, ut neque ad genua accidere, neque se eius orationibus perquam demissè committere,

infra Regium fastigium putauerit. Romæ Gregorius appellatus, de concilij sententia perstitit respondere, non placere Episcopum priuatam & residem in monasterio vitam ducere, neque munus, quod omnibus precibus orabat, abdicare, quin feliciter cœptum, pari cura prosequeretur, & eo rediret ubi plurima bonæ frugis spes esset. Adiecta insuper certa & dilucida sacrarum litterarum testimonia, quibus hæc ipsa confirmabantur. Auctoritate & argumentis victus, cum aliquot dies Pontificis beneuolentiæ dedisset, accepto comœtu quâ ierat reuer-

Atenpelt. l. 2. c. 17. Maias Meraniam, quæ ad Athesim est, interpretatur.

Supra pag. 179.

titur. Vt Tridento Maias, Boicæ tum ditionis primum ab Italia castellum, venit, castellanos non fessellit, iussus subsistere dum Grimoaldum consularent. Ille interim occasionem sequutus, sancti Valentini Episcopi corporis reliquias veneratur. Valentinus enim Batauis olim pulsus, lætiori successu in Alpes delatus, ecclesiam Maijs condidit, in qua mortuum humauere, ibi tunc Corbinianus supplicauit. Et montanam proximam regionem per otium lustrans, solo syluis frugibusq; læto capiebatur, auio inprimis loco delectatus, cui incolæ Camina nomē fecerant, Timone & Finaliamnibus utrimque irriguo, de quo iam tunc mercando, & exstructo tuguriolo rebus diuinis destinando, cogitabat. A Grimoaldo reuersi nuntiant, principem in summa eius exspectatione esse, sibi adducendi negotium delegatum, quod ut ipso volente propitio exequ-

ren-

rentur, venerabundos rogare. Doluit latere non potuisse, cum verò dissimulandi locus nullus restaret, inuitus assensus est. Theodibaldus Corbiniano Romam profecto, fato concesserat, **PILIDRVDE** uxore relicta, Franca origine, forma & nobilitate præstante; quam Grimoaldus adamatam, sprete fama, & calcata fraterni thori reuerentia, iustæ coniugis loco domi habebat. Vt rescivit Episcopus, auersatus scelus, præmittit qui semel diceret, se in principis conspectum neutiquam venturum, quamdiu probum illud ei hæreat, graui addita inter cetera Pauli 1. Cor. 6. Apostoli verbis comminatione, neque adulteros neque fornicatores regnum Dei possessuros. Prope fuit ut procax fœmina veterem Herodiadis tragœdiam repeteret, & recentia Alpeidis in Lambertum, Geilę in Chilianum exempla erant ante oculos, nam S. Lambertus passus an. 609 S. Chilianus an. 698. constitit agitata esse id genus consilia, non ignaro periculi Corbiniano, apertè professo, se Ioannis factum imitantem, nisi quod Herodes uxorem fratri viuenti tulisse creditur, eiusdem exitium non perhorrescere. Pergebat nihilo minus ablegatis amicis monere obtestari, tantum piaculum quamprimum à se amolirentur, variè ostentata spe veniæ ad meliorem mentem redeuntibus, & quæ pœnarum supplicia peruicaces breui manerent. Quadraginta dies contentio tenuit. Mollitis tandem animis, affuere ad pedes Episcopi ambo coniuges, humi passis brachijs strati, peccatum confessi detestatiq;, & didu-

K k 3 cturos

Eturos incestum matrimonium, & quæ præterea iuberet omnia facturos polliciti. Cruce signatos expiatisq; subleuat, multa monens quam in posterum viuendi rationem orando, ieiunando, pauperibus largiendo, insisterent. Cibum inde una capientibus, Caminæ mentio iniecta, Grimoaldus facile in rem præsentem venire perluadetur, & amœnissimū terrarum tractum pretio à dominis redemptum, ecclesie S. Mariæ virginis Frisingæ, quæ Episcopo sedes destinata, contribuit. Arenpekius Christianorum basilicam à Maximiliani martyris ætate id loci sterisse prodidit, Maximilianum autem Cari & filiorum imperio vixisse, supra dictum. In Camina Corbinianus templum sanctorum Valentini & Zenonis memoria celebre ædificat, vitem circa & frugiferas arbores ferit, opimum etiam de proximo agrum, Chorries nomine, coemit, erogata pecunia quam à Pipino Heristallo dudum dono acceperat. Illud præscæ interim seueritatis exemplum edit, quod quam à nostrorum morum remissione abit, tam vereor ne parum fidem inueniat; Vt mensæ assederat, sollempni formula bene epulis precatus, principem cani panis frustum animaduertit proijcere, tum sella indignatus exsiliens, quæq; parata erant propellens, argento humi voluto se se foras proripit, indignos sacra benedictione clamitans, qui canes ea dignos crederent, sibi constitutum & cibo & cura illius domus de cetero abstinere. Pilidrudi diuortium ægrè ferenti,

Otho Fris. Ecclesiam S. Benedicto dedicatâ fuisse scripsit, sc. quod monachi benedictini incolerent.

Arenpek. l. 1. c. 18.

S. pag. 175.

ti, cum ira & libidine succensa omnem nocendi aditum quæreret, plana & prompta visa occasio, & Grimoaldum iritatum erat verisimile, tum illa urgere, nihil iam reliquum, tentatam à præfule principis patientiam atroci & insignita iniuria, quam quo animo ferat, multum multumq; referre, si segni & remisso, omnibus apparituum alibi nomen imperij, alibi vim & potestatem esse, secus, si maiestati pares iras gerat, & principalem dignitatem unius exteri hominis sanguine sanciat. Nihil motus Grimoaldus fœminæ vocibus, misit qui abeuntem clementer sustinerent, ipse cum proceribus statim insequutus, nullo non officij genere satisfaciens, vix placatum in palatium reduxit. In colle ad urbem ecclesia Stephano martyri sacra iam tum stabat, quam Corbinianus orationis causa visere solitus: eo cum aliquando, siue valetudine ipse occupatus siue negotijs, reliquum clerum matutinas Deo laudes dicturum ablegasset, montem subeuntibus, canentium chori clarius clariusq; ab ecclesia auditi, & mirifici splendores recto fenestrisq; emicantes visi, introgressis, lumen quidem evanuit, suauissimus verò latè odor diffusus, tertio demum die remisit. Episcopus certior de ostento factus, clerici enim, qui sacro horrore perculsi pars ante vestibulum, pars illo vix superato exanimis conciderant, ut sibi quisque redditus ad eum recurrere, animum ad locum adiecit, & modicas quas incoleret ædes ecclesiæ coniunxit. Aegrè
ferre

ferre vilum famulitium, ob aquæ præsertim inopiam, nam difficiles in tantam tumuli altitudinem quotidianas subuectiones querebatur. Miseratus ergo vir sanctus, solus circumiens, se qua mons in meridiem vergit, humi abijcit, suppliciterq; aliquamdiu orans, terram scipione quo nitebatur effodit, ibi tanta aquarum vis erupit, ut & colentium usibus largè sufficeret, & toto abundè cliuo deflueret, quamdiu ille quidem vixit, mortuo, per annos amplius quinquaginta, ut temporis ratio rescribere postulat, nam in Aribone quadraginta sunt, aruit, donec relato Frisingam corpore, quo miraculum esset testatus, se iterum ostendit, adhuc perennis. Nec eo minus Mariæ virginis templum dignitate præstabat. Quo ad vespertinas forte preces tendenti, rusticana mulier, veneficij iam antea delata, fit obuiam, comitabantur viri aliquot onere graues. Interrogata nihil dissimulat, munera ferri Principis liberalitate in se collata, quod filiolum dæmonum præstigijs prope perditum, excantatione saluum & incolumem reddidisset. Rarò alias Corbinianus sic visus excandescere, equo se præcipitans, fœminæ in os inuolat, & fœdè mulctatæ dona adimit, inter egenos ad urbis portam partienda, Grimoaldo, fidem Deo toties mutatam exprobat. Pilidrudes, ut eam venefica cruentata facie flens atque lamentans adiit, furienti ipsa propior, humile & abiectum Grimoaldi ingenium aspernari, hanc dicere unam esse Corbiniani

niani

-niam confidentiam, se certiori via manifestarium
 inimicum ulturum. Nimum ministrorum fidissimū
 vocat, rem ferro expedire imperat. Et patratum fu-
 -isset facilius, nisi Episcopus clam monitus, tectum
 ea nocte intrasset. Adest summo mane sicarius, do-
 -mum armatis eiegit, Episcopum in eadem depo-
 -scit, nec multum tamen quæsitum reperit. Aedibus
 vastatis, dedecore & ignominia oppletus, ad domi-
 -nam reuertitur. Corbinianus ad Christi præscriptū
 -persequentes fugiens, prouincia excedit, Maias una
 cum clero profectus, huius enim castelli imperium
 ad Langobardos reciderat, inter ea quæ Liutpran-
 -dum Boijs abstulisse supra dictum, Principi simul
 -perceptorum hominem donuntiat, pœnas morte per-
 -foliendas expectaret, & Pilidrudem earuina colla-
 -psaram sciret, quam ultrò innocentibus strueret. At
 Grimoaldus muliebris flagitij agebat ignarus, neque
 de Episcopi abitu adhuc cognouerat. Nuntio exci-
 -tatus, propere ablegat qui orent, deprecantur, obte-
 -stentur, omnia faciant, ut quibus possint precibus,
 quacumque conditione, reditum euincant. Ne-
 -quit quam. Responsum, Iezabelis cauendas insidias.
 Designata Pilidrudeluzabelis nomine, quæ itidem
 -prophetas olim feralibus odijs persequuta. Nec mo-
 -rata vindicis iuminis ira se exserere. Carolus Mar-
 -tellus Francorum Princeps, anno post Christum na-
 -tum septingentesimo vicefimo secundo, traiecto
 Danabio in Boros mouit. Scriptores, ut nuda fere-
 -mid

Match. cap. 10.

Annal. Fuld.
 Herman. Aim. l.
 + c. 52.

est omnis eo sæculo historia, nec causam expeditionis, nec euenta tradunt: nisi quod duro & difficili bello Francum victorem defunctum esse convenit. Pace constituta, sequenti statim anno rebellatum, & rebelles iterum victi. Tum gaza ingens de Boijs parata, Pilidrudes cum Sonichilde nepte, inter victoriae præmia abducta. Ita Gregoriana appendicis scriptor auctor est: nam in Aimoino Plectrudis nomen, assuto etiam glossemate, perperam pro Pilidruce legitur, quod utique Aemilium, diligentem scriptorem, neque eum tamen solum, fecellit. Aribio Pilidrudem Carolum in Galliam sequutam scripsit, post fastiditam, eo miseriarum recidisse, ut quo diuturniore supplicio seclerum poenas expenderet, dignitate & bonis exuta, vitam per extrema quæque ducens, veluti piaculare ostentum a fello circumuactaretur, in Italiam tandem incertis erroribus delatam, infelicem ibi animam exhalasse. Et liberos paternæ hereditate excidisse, matris fortuna per varias ærummas ætatem pressos. Infans qui magico carmine lustratus visus reualescere, exspiravit. Grimoaldus coniuratorum factione percussus, Nivus fœda & infami morte, dum alium leuat lancea traiectus, perire. Et vindicta hæcenus constituta. Domestici annales Grimoaldi mortem in annum septingentesimum siue octauum siue nonum referunt. Ex Theodonis filijs Hugibertus supererat, solus iam Boicæ potens. Cui benignè & humaniter reuocanti, Corbini-

ANN. POST
CHR. NAT.
DCCXXIII.

Aimoin. ad Damianum usque accessit, illoq; transmeato, sibi Baugarense occupauit. Subacta regione illa cum thesaurum multum, & cum matrona Plectrude (quondam uxore patris sui Pipini) et nepte sua Sonichilde, regredatur. glossa videtur verba quæ paræthesicos nota inclusa, absunt enim ab appendice Gregor. c. 108.

DCCXXVIII.
DCCXXIX.

IXXIII

spiritum proxima nocte præbuit, terra condidere.
 Maijs Langobardicum præsidium, insidias à Boijs
 veritum, funus non nisi ostenso duntaxat diplo-
 mate admisit, tum quoque loculo scrutato, stragula
 sudariumq; capitis, ut cū olucre, icadavit spirantis
 habitu conspectū, & integer iterum sanguis naribus
 manavit. Accesserē alia tum in itinere tum Maijs mi-
 racula. Vt ad S. Valentini humatus, triduo post in
 tempesta nocte in ea ipsa ecclesia visa candidissima
 funalia tanto splendore exardescere, ut diem vince-
 re crederentur, & iucundissimus odor fusus est. An-
 num septingentesimum tricesimum annales numo-
 rant. Ratharium aduentitium Episcopum, hæc
 ætate Reginoburgi egisse, quam ante Emmerammi
 tempora, quod quidam prodidere, verius est, cū
 Arnolfus Hugibertum Grimoaldi successorem, mo-
 nasterio S. Emmerammi fundum, Pinchinvyanch
 nomine, sub Rathario dono dedisse scripserit, id ve-
 rò nisi ad hanc rationem, profecto fieri non potuit.

Arnolf. de S.
 Emmer. l. i. c. i.

ANN. POST
 CHR. NAT.
 DCCXX.

MAR.

MARCI VELSERI
RERVM
BOICARVM
LIBER QVINTVS.

AT vero Bonifacius, supra eos qui rem
Christianam in Germaniâ unquam
tractauere, siue fama nominis, siue pi-
etatis profectu, longè omnes emicuit,
gentem quippe ingenti animi conatu, vniuersam
aggressus, quod gereris abundè magnū per partes
facere. Anglis parentibus apud Britannos, orto
puero Vinifrido nomen fuit. Qui cum se Deo totū
dedisset, ex monacho, sacerdos, in Frisiā traiecit.
Inde Romam ad Gregorium secundum Pontificem
veniens, potestate donatus sacram doctrinam ubi-
uis gentium explicandi, in reditu Boios attigit: sed
rum quidem progressus, præcipuam Toringis, Hasi-
sis, Frisijs operam impendit: credo Corbinianum
Boice suscepturum existimans. Interiecto haud mul-
to tempore, Romam reuocatus, nominis asperitate
honoris causa in Bonifacium versa, Episcopus re-
nuntiatur. Populos quorum nomina posuimus, &
cōfines circa, incredibili successu docuit, ut iam nec
ipse, neque quos secum habebat prophetaeque tante

Vita extat apud
Surium tomo 3.

Christianorum multitudini patescissent. Suppetias ergo domo petit, quod Britannia religiosorum hominum illa ætate scaturigo haberetur & seminariū: nam hæc quoque temporis diuturnitas immutat. Inde tum viros tum feminas, virtutis arque doctrinæ laude præstantes, euocat. Ex quibus Vilibaldus & Vinibaldus, Valturgis & Cuniburgis, apud Boios claruere. Gregorio secundo Pontifice mortuo, anno post Christum natum septingentesimo trigésimo primo, tertius eadem appellatione successor, Bonifacium Archiepiscopi dignitate, misso sacro pallio, honestauit. Tum ille se primum, anno suo proximo, siue proximum sequenti, ad Hugibertum, graui de causa contulit. Vix obierat Corbinianus, cum infaustum nomen Erenuolfus, homo hæreticus, primus cuius memoria inter Boios extet, si his quoque pestibus annotandis opera protium facimus, flagitiosa impiorum dogmatum labe screnda grassari cepit. Bonifacius, ut erat acri in diuinum cultum studio, propere accurrens, ne virus latius serperet, auctorem sceleris, maturè ex sacrorum canonum præscripto damnatum, ab ecclesiæ communionereijcit, simul populum salutaribus concionibus admonitum, in viam reuocat. Quinquennio post Romam tertio repetit, Francis, Britannis, & iam Boijs magno numero comitantibus. Pontifex illum benigne & humaniter, ceteri admiratione virtutis, rerumq; gestarum magnitudine perculsi, venere.

ANN. POST
CHR. NAT.
DCCXXXI

DCCXXXII.
DCCXXXIII.

DCCXXXVIII.

venerabundi excepero. Honores qui maximi haberi potuerunt, habitus, sacra reliquia petenti prolixè concessa, addita discedenti munera alia, & Pontificis nomine litteræ, quibus auctoritas & reuerentia apud Germanicos populos amplissimis verbis augeretur. Epistola ad Boios & Alemanos in hæc verba concepta. In qua quæ nomina quibus sedibus conueniant, difficulter coniectes, nisi quod Viuilum an Viuilonem, Laureacensibus & Batayensibus præfuisse constat, cetera Alemanicas spectare inde scias, quod Bonifacius Boicas vacantes reperit.

Dilectissimis nobis Episcopis, in prouincia Boiaria & Alemaniarum constitutis, VVigoni, Luidoni, Rudolto & Viuilo seu Addæ, Gregorius Papa.

Catholica sanctorum patrum auctoritas iubet, ut his in anno pro salute populi Christiani, seu exhortatione adoptionis filiorum, synodalia debeant celebrari, ut causarum canonicarum exhortatio provenire possit, atque ut necessitas uniuscuiusque populi, pia educatio agatur. Vnde secundum Apostoli doctrinam, admonco & hortor vos charissimi per misericordiam Dei, ut dignè ambuletis vocatione qua vocati estis, ut ministerium vestrum perfectum sit coram domino. Opportunum est namque vos nosse, fratrem ac coepiscopum nostrum præsentem Bonifacium, nostram agentem vicem, cum digno ac debito honore pro Christi nomine suscipere, & ministerium ecclesiasticum cum fide Catholica

Hæc nomina variè leguntur. Quæ verò Viuili & Addæ synonymia sūt, acutiores coniiciant.

Ephes. 4.

2. 21

2. 4. 10. 12.

2. 4. 10. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

tholica, secundum morem & normam sancta Catholica & Apostolica Dei ecclesia; cui, misericordia Dei praesente, praesse videmur, sicut Apostolica auctoritate a nobis destinatus est, ab eo suscipientes, dignanter teneatis, & gentilitatis ritum, & doctrinam vel ventientium Britonum, vel falsorum sacerdotum & haeticorum, undecumque sint, remouentes ac prohibentes abscisiatis, & ut populum vobis a Deo commissum pijs admonitionibus edoceatis, & a sacrificijs mortuorum omnino abstinere, & iuxta quod fueritis a praedicto nostro conuenerdote edocti, ita Catholicam & Apostolicam doctrinam tenentes, domino Deo saluatori nostro placeatis, & in quo vobis loco ad celebranda consilia conuenire mandauerit, siue iuxta Danubium, siue in ciuitate Augusta, vel ubicumque indicauerit, pro nomine Christi parati esse inueniamini: quatenus cognoscamus per eius mandatum de vestro conuertu, ut in die aduentus Christi Iesu, cum fructu boni operis ante eius tribunal assistere mereamini, dicentes: Ecce nos & pueri, quos dedisti nobis domine, non perdidimus ex eis quenquam. Vt & vos dominicam vocem audire mereamini, Venite benedicti patris mei, percipite regnum, quod vobis paratum est ab origine mundi.

II, 8.

Matth. 25.

Arenpek. l. 2. c.
23. & manuscr.
plerique. Stein-
delan. 740 qui-
dam 735. habet.

Hugibertus sequenti anno vita functus, Vriodonem, siue Orilonem aut Odilonem, incompertum an ex se natum, ceterum ingentis spiritus principem, succes-

ANN. POST
CHR. NAT.
DCCXXXII
VTILO
SECUNDVS

successorem habuit. Erenuolfo quamvis represso, multæ adhuc eius generis pestes tota prouincia volitabant: pars se Episcopos mentiri, pars presbyteros, alij alia, ut cuique commodum fingere, ecclesias peruertere, populum, vulgus enim nouando inprimis capitur, seducere. Sedes sacræ per Boicam habebantur quatuor, Laureacum siue Bataua, Salisburgum, Frisinga, Reginoburgum. Sabionæ ratio non habita, quod Langobardicum imperium respiceret. Nuenburgum Reginoburgo credo accensa. Verum ex nec continentibus Episcoporum successionibus, nec certa finium descriptione satis constitutæ. Soliti præterea Pontifices Romani legare homines per sæpe externos, magna & excellenti virtute, Corbinianos & Bonifacios puta, qui Episcoporum munere ubique liberè sine exceptione fungerentur. Fraudatoribus dolo obtegendero utraque causa seruiebat, posterior maxime, quo peregrini & ignoti facilius irrepere, Pontificiam missionem credulis persuadebant, si qui præsertim Britanni, fuci eiusdem cum apibus patriæ consortes essent, quod ipsum superior Gregorij epistola innuit. Vtilo tantam & tam latè patentem, tamq; perniciosam improbitatem coercendam ratus, Bonifacij opem implorat. Is Roma reuersus, commodum apud Luitprandum Ticini hærens, statim vocatus affuit, & omni Boica perlustrata, impuros nebulones profligauit, populum prauis opinionibus corruptum, Chri-

-ostendi

M m

stianis

stianis mysterijs ab ipsis iterum rudimentis instituit. Multum ei rei operæ multumq; temporis impensum. Ut fructus responderet, & ne res ad hanc aliquando perturbationem relaberetur, placuit sedibus quorum nomina posuimus, quod vacarent pleræque, Episcopos, Vulone & optimatibus volentibus, præficere, tum iurisdictionem, descriptis diocesium limitibus distinguere. Salisburgenſibus post Rupertum & Vitalem, deinceps Anſologus, Sauolus, Ezius, Flobargisus præfuerant, Abbates omnes monasterij Petri Apostoli, quod Rupertus in ea urbe instituit: tunc quoque Ioannes inde datus est. Frisingenſibus Erimbertus, Corbiniani nuper defuncti frater. Reginoburgo, Boiorum regiæ, Gualdus siue Garibaldus. Laureacensis & Batauenſis Episcopatus coaluerant paulatim, Philoni & Brunoni unus Theodorus successerat, Theodoro Viuilum siue Viuilonem Gregorius non ita dudum surrogarat, quem excisa ab Hunnis Laureaco, sub Hugiberti demum mortem, sacra sacerdotesq; in Bataua tranſtulisse auctores habeo. Bonifacius de Viuilo, qui unus legitimus in Boica esset Episcopus, nihil mutauit, diocesium perinde ac reliquas descriptis. Visum Pontifici actorum rationem per epistolam reddere, quæ cum exciderit, capitum argumenta ex rescripto intelligimus.

Reuerendissimo & sanctissimo fratri Bonifacio
coepiscopo, Gregorius seruus seruorum Dei.

Docto-

Catal. episcop.
Salisburg Hun-
dij & aliorum.

Catal. Batau.
Scritouini &
Hundij, qui ta-
men, quod Viu-
ilonem à Gre-
gorio 2. an. 712.
Episcopum con-
stitutū scribunt,
errant.

Doct̃oris gentium egregij & beati Pauli Apostoli
 vox est, dicentis: Diligentibus Deum, omnia coo- Rom. 8.
 perantur in bonum. Agnoscentes itaque in syllabis
 fraternitatis tuæ, quia de Germaniæ gentibus, quas
 sua pietate Deus noster de potestate paganorum li-
 beravit, & ad centum millia animas in sinu sanctæ
 matris ecclesiæ, tuo conamine & Caroli Principis
 Francorum, aggregare dignatus est, sed & in Boio-
 ariorum prouincia quæ à te acta sunt agnoscentes,
 datori omnium bonorum domino Deo nostro, ex-
 tensis ad cælum manibus gratias retulimus: quia ia-
 nuam misericordiæ & pietatis in illis partibus He-
 sperijs, ad cognoscendam viam salutis aperuit, & mi-
 sit angelum suum, qui præparauit viam ante te. Igi-
 tur quia indicasti perrexisse te ad gentem Boioario-
 rum, & inuenisse eos extra ordinem ecclesiasticum
 viuentes, dum Episcopos non habebant in prouin-
 cia, nisi unum nomine Viuilum, quem nos paullo
 ante ordinauimus, & quia cum assensu Vtilonis Du-
 cis eorundem Boioariorum, seu optimatum prou-
 inciæ illius, tres alios ordinasses Episcopos, & in
 quatuor partes illam diuifisti, id est in quatuor paro-
 chias, ut unusquisque Episcopus suam habeat paro-
 chiam: bene & satis prudenter peregisti frater, quo-
 niam Apostolicam præceptionem ex nostra vice
 implesti, & sicut tibi præcepimus, ita egisti. Itaque
 non desinas frater reuerendissime, docere eos san-
 ctam Catholicam & Apostolicam Romanæ sedis

Hinc palam est,
 Viuilum non à
 Gregorio 1, sed
 à tertio ordina-
 tum esse, quod
 paullo post iterū
 disertè dicit.

traditionem, ut illuminentur rudes, & viam salutis teneant, per quam possint ad æterna præmia peruenire. Presbyteros autem quos ibidem reperisti, si incogniti fuerint viri illi à quibus fuerint ordinati, & dubium est eos Episcopos fuisse qui eos ordinauerunt, si bonæ actionis & Catholici viri sunt ipsi presbyteri, & in ministerio Christi omniq; lege sancta educati, ab Episcopo suo benedictionem presbyteratus suscipiant, & consecrentur, & sic ministerio sacro fungantur. Illi verò qui baptizati sunt per diuersitatem & declinationem linguarum gentilitatis, si tamen in nomine sanctæ trinitatis baptizati sunt, oportet eos per manus impositionem & sacri chrismatis confirmari. Nam Viuilus Episcopus à nobis est ordinatus. Hic si aliquid excedit extra canonicam regulam, doce & corrige eum, iuxta Romanæ ecclesiæ traditionem, quam à nobis accepisti. De concilio verò, ut iuxta ripam Danubij debeas celebrare, nostra vice, præcipimus fraternitati tuæ Apostolica auctoritate, te ibidem præsentari. Et in quantum tibi dominus vires dederit, prædicare verbum salutis non cesses, ut religio Christiana in nomine domini crescat & multiplicetur. Nec enim habebis licentiam, frater, pro incepti laboris utilitate in uno morari loco, sed confirmatis cordibus fratrum & omnium fidelium, qui rarescunt in illis Hesperij partibus, ubi tibi dominus aperuerit viam salutis, prædicare non desistas. Et ubi locum inuenieris,

ris,

ris, secundum canonicam regulam Episcopos ordina ex nostra vice, & Apostolicam atque canonicam traditionem eos tenere edoce. Ex hoc enim magnū mercedis prēmium tibi preparabis, quoniam omnipotenti Deo facies plebem perfectā. Non pigeat dilectissime frater, itinera carpere aspera & diuersa, ut Christiana fides longē lateq; tuo conamine extendatur, scriptū namque est, Arcta & angusta via est *quæ* Marth. 7. ducit ad vitam. Operare itaque frater opus bonum quod cœpisti, ut in die Christi Iesu merearis dicere, Ecce ego & pueri quos dedisti mihi, non perdiidi ex eis quenquam. Et iterum, Domine, quinque talenta dedisti mihi, ecce alia quinque superlucratus sum. Marth. 25. Ut subsequenter merearis audire vocem domini dicentis, Euge serue bone & fidelis, quia super pauca fuisti fidelis, supra multa te constituam, intra in gaudium domini tui. Data iv. Kalend. Nouembris, imperante domino pijsimo Augusto Leone, Imperij eius anno xxiii, sed & Constantini Imperatoris eius filij anno xx, indictione viii.

ANN. POST
CHR. NAT.
DCCXLI.

Anno septingentesimo quadragesimo primo, Annal. Fuld. alij. Martellus Francorum Princeps obijt: bello longē quam pacis artibus clarior, Saracenicæ in primis geminæ victoriæ aliorum operum fastigia supergressē, una in Aquitania, altera Narbonensi prouincia parata. Aemilius Narbonensi Luitprandum Langobardum, Lantfredum Alemanum, simul & Otilonem Boium, quem Odillonem ille nominat, cum popu-

M m 3 la-

larium quemque copijs affuisse narrat, & egregiam aduersus barbaros nauasse operam, diuisis inter se partibus, pulso hoste, amplissimis verbis collaudatos, cum muneribus domum remissos esse. Quę domesticis annalibus præterita.

Aemilius Aegidius Rotomagus, inter Martelli liberos numerat. Sed tabulæ Rotomagus ecclesię id nomen non habent.
In Aim. l. 4. c. 58.
Gripho fratribus maior legitur, libratij vitio, fuit enim omnium minimus.

Iusta uxore nati Martello Carolomanus, Pipinus, Hiltrudis : Sonichilde Gripho, ut Aimoinus quidem auctor. Qui quod Sonichildem siue Suanahildem, Vtilonis neptem dixit, an rectum & genuinum eius vocis sensum sequutus assequutusq; sit, ignorata stirpe parum comperio, & fere ambigo. Hereditatem creuere Carolomanus & Pipinus, illi Austria an Austrasia & Turingia, huic Burgundia, Neustria, Prouincia celsit: Vt Boica Carolomanum respexerit. Gripho excludi pro indignissimo habuit, mater præterea, saucium adolescentis animum magis incendens, patris testamenti iniuriam vi & armis vindicare extimulat. Lauduno ergo præcipiti consilio occupata, fratribus pari temeritate bellum indicit. Nihilo illi segnius excipiunt, & urbe obsidione statim cincta, breui potiuntur. Partem fraternę necessitudini & ætatis lubrico, ratione enim ducta ab expeditione qua mater capta fuit, Gripho duodeuigesimum vitę annum nondum attigerat, Nouocastrum ad Arduennę saltum asseruandus mittitur. Sonichildes hac spe deiecta, priuignorum odio aliam molitur machinam, Hiltrudi, ostentatis Vtilonis nuptijs, traiccto clam fratribus Rheno, fugere persuadet. Neque

Thoromach.
6. Chiltrudis
quęq; filia eius;

HILTRUDIS

ANN. POST
CHR. NAT.
DCCXLII.
THASSILO
SECVNDVS.

Neque Boius nobilissimam virginem, benignè ex-
ceptam, sibi despondere cunctatur. Altero anno
stirps virilis ex nouo matrimonio fuit, cui THASSI-
LONEM parentes dixere nomen. Apparebat Carolo-
manum & Pipinum iniuriam inultos non laturos:
sed Aquitanicum & Alemanicum bellum, Gripho-
nis calamitatem consequuta, vindictam distulere.
Vtroque victores defuncti, anno septingentesimo
quadagesimo tertio, coactis quam maximis potue-
re copijs, in Boios mouent. Vtilo, quo fidem face-
ret, se Francis nulla ex parte obnoxium agere, existi-
mationem simul aucturus, Ducis nomen ponit, Re-
gis assumit, & ad fines armatus occurrit. Confe-
rant exercitus in Lyci utrimque ripa, ut sermones
conspēctusq; mutui ex propinquo essent, ne manus
mox conferrent, fluminis alueus distineret. Prior
Francus, post segnem aliquot dierum moram, Bo-
iorum conuiijs iritatus, noctu pluribus agminibus,
locis inobseruatis raptim trajicit, eâdem celeritate
castra inuadit, omnia clamore, tumultu, trepidati-
one complet, nec pugna in tenebris constare, nec
fuga sine magna cæde explicari potuit, Francis vi-
ctoria, multo tamen sanguine venit. Vtilo amisso
exercitu, paucis comitantibus, agrè se ultra Oenum
eripuit.

Carolus, cui Magno postea cognomen fuit, in
Boica per hæc tempora Pipino, ex Berta siue Bertra-
da coniuge, natum esse, auctores sunt, humiles illi
quidem

Martelli, facien-
te consilio, nefa-
rio nouerca sua,
fraudulenter per
manus sodalium
suorum Rhenum
transiit, & ad
Odilonem Ducē
Bagunaria per-
uenit. Ille vero
eam ad coniugiū
copulauit, contra
voluntatem vel
consilium fratris
suorum, Thassi-
lonem an. 742.
natum scribit A-
renpek. l. 2. c. 23.
& alij. Steind-
el habet an. 743.
Annales pleri-
que domestici
de Regio Vtilo-
nis nomine cō-
sentiant.

Annal. Fuld.
Franc. anon.
Reg. Aimoin.
Mar. Sigeb. &
omnium copio-
sissimè Thoro-
mach. qui Oe-
num fluium I-
guenominat.

quidem & obscuro, qui tamen sectatores reppererint. Longa par somnio narratio, quam inter Gallicas & Italicas vernaculas etiam fabulas legere memini, sed mutatis locorum appellationibus, ut id decus aliter atque aliter ad se quisque trahit. Ego de Carolo plurimum Eginhardo credam, qui natalium ignoratorem ultrò fassus, eum anno decimoquarto noni sæculi, ætatis septuagesimo secundo obiisse scripsit. Vnde fit, ut cum omnis de originis loco asseueratio dubia atque incerta maneat, tum eum genitum oporteat, priusquam pater Vtilonem vicerit, anno qui Thassiloni natalis fuit. Neque si Boica alicubi locorum nomina, ad Pipinos & Carolos utcumque alludunt, Carolum ibi editum conficitur. Sed magnorum virorum ortus vel falsò vendicare, si minus virtutis, claritatis amor est.

Zacharias Pontifex eodem anno, Bonifacio potestatem quam à decessore acceperat, firmavit, novisq; accessionibus ampliavit. Partem epistolæ à Zacharia Non. Nouembr. datæ infra scripsimus.

Epist. Decret.
tomo 1, sed confusus in dict. numerus, Baron.
x. l. habet

Suggestisti etiam nobis, per alia tua scripta, quod in Boioaria unum repperisses falsum sacerdotem, qui & affirmabat, quod à nobis fuisset Episcopus ordinatus: & tua fraternitas hoc optimè egit, dum ei non credidit, quia falsus homo omnia falsa suggestit, & falsum reperiens, sacerdotio suspende. Sic enim auctoritate beati Petri Apostolorum principis tibi precipimus, ut quemcumque reppereris à sacris canonibus

bus deuiare, nulla ratione patiaris sacrum ministe-
rium attrectare. Et quia si deberes in Boioaria pro-
uincia ius habere prædicationis sciscitasti, an non,
quam à decessore nostro habuisti concessam: Nos
denique, auxiliante Deo, ea quæ tibi largitus est de-
cessor & prædecessor noster, non minui-
mus, sed augemus; & non solum Boioariam, sed & omnem Gal-
liarum prouinci-
am, donec te diuina iusserit superes-
se maiestas, nostra vice per prædicationem tibi in-
iunctam, quæ repereris contra Christianam religio-
nem vel canonum instituta, spiritualiter stude ad
normam rectitudinis reformare.

ANW. POST
CHR. NAT.
DCCXLIV.

Proximo anno pax iterum conuenit, Hiltrudis ut
videtur opera, hinc fratres hinc maritum exorantis,
ne parricidalibus propemodum odijs, affinitatis vin-
culum diducere pergerent, si qua sit eius connubij
culpa, suam esse, se belli causam, aut in sororem fra-
tres iram yerterent, aut eidem condonarent, puero
saltem deprecatore. Vt illo, se Francis minorem fas-
sus, ad Ducis nomen ex prisco fœdere redijt.

Annal. Fuld.
Herman. ult. ed.

DCCXLVI.

Anno septingentesimo quadragesimo sexto Car-
olomanus, pro egregia in rem Christianam pro-
pensione, cuius multa iam documenta dederat, lu-
culenta præsertim duo, coactò statim à patris morte
sacerdotum concilio, & edificatò ad Fuldam am-
incredibili magnificentia Saluatoris nomine cœno-
bio, auctoritatem interposuit, quo Viceburgensis
& Eistadiensis Episcopatus, instante Zacharia iussu

Annal. domc. si.
mf.

Herman. Lamb.
Marian. alij.

N n . Boni-

Catal. Episcop.
Eistad. Hund
parte 1. general.
Boic.

Catal. Episcop.
Eistad. Hund

Ms. codex de vi-
ta Vinibaldi sic
habet, *Ostilonem
Ducem inquisi-
sit, protinusq;
ab illo magnus in-
scriptus fuerat
honore, magni-
q; ab illo donatus
erat donorum ...
dignitate, in re-
gione, in posses-
sionibus, atque in
alij pecuniarum
opulentia.*

Meminit huius
controversiæ,
præter vicem S.
Bonifacij, Gra-
tian. de conse-
cr. dist. 4 c. 86.
item Burcard. &
Ius.

Bonifacio, constituerentur. Huic Vilibaldus, illi
Burcardus, Britannici ambo generis, præfecti. Ei-
stadienſi Suigerum Hirſbergensem Comitem, vo-
lente & consentiente Vtilone, quod Boica usque co-
pertingeret, multa liberaliter ad eò còtulisse ferunt;
ut eius usque adhuc auctor habeatur & conditor.
Frater Vilibaldi Vunibaldus, Heidenheimi virorum
monasterium, Valturgis soror sceminarum excita-
vit: summa omnes virtute & vitæ sanctimonia. Vu-
nibaldum Vtilonis gratia floruisse, & opibus suble-
uatum esse, ex vetusto vitæ scriptore didicimus. At
verò Carolomanus rerum humanarum indies magis
pertæsus, abdicatâ, inq; Pipinum omni principali
potestate tanslatâ, se monasticæ tandem vitæ addi-
xit. Soractes illum mons primum, post Cassinum
habuit.

In Boica iam tunc Virgilius & Sidonius pietatis
docendæ causâ versabantur, quorum sequentibus
temporibus virtus & dignitas magnopere inclaruit.
Virgilio Hibernia patria, quæ Sidonio fuerit, non
est proditum. Is grauis cum Bonifacio disceptatio
inciderat, de sacerdote qui latinitatis ignorance,
in sacra baptismatis formula peccare solitus: re ad
Pontificem delata, aduersus Bonifacij sententiam,
in hæc verba rescriptum est.

Reuerendissimo ac sanctissimo fratri Bonifacio
coepiscopo, Zacharias seruus seruorum Dei. Vir-
gilius & Sidonius viri religiosi, apud Boioatorum

pro-

prouinciam degentes, suis apud nos litteras usi sunt, per quas intimauerunt, quod tua reuerenda fraternitas eis iniungeret, Christianos denuo baptizare. Quod audientes, nimis fuimus conturbati, & in admirationem quandam incidimus, si habetur ut dictum est. Retulerunt quippe, quod fuerit in eadem prouincia sacerdos, qui Latinam linguam penitus ignorabat, & dum baptizaret nesciens Latini eloquij, infringens linguam diceret, Baptizo te in nomine patris & filii & spiritus sancti. Et per hoc tua reuerenda paternitas considerauit rebaptizare. Sed sanctissime frater, si ille qui baptizauit, non errorem introducens ac hæresim, sed pro sola ignoratione Romanæ locutionis infringendo linguam, ut supra fati sumus baptizans dixisset, non possumus consentire ut denuo baptizentur: quia (quod bene tua cōpertum habet sancta fraternitas) quicumque baptizatus fuerit ab hæreticis, in nomine patris & filij & spiritus sancti, nullo modo rebaptizari debeat, sed per solam manus impositionem purgari debeat. Nam sanctissime frater, si ita est ut nobis relatum est, non amplius à te illis prædicentur huiusmodi, sed ut patres sancti docent ac prædicant, tua sanctitas studeat conseruare. Deus te incolumem custodiat reuerendissime frater. Data Kalendis Iulij, Imperante domino pijssimo Augusto Constantino à Deo coronato, magno Imperatore, anno vicesimo sexto, imperij eius año quarto, Indictione decima quarta.

N n 2 Gripho

Sic esto 5. Cōcil. & co. 2. epist. Decret. sed Imperij an. vii. pro reponendus videtur, ut an. 26. Constant. & Indict. 14. conueniat.

Aimoin. l. 4 c.
58. Griphonem
in custodia per-
mansisse scribit,
usquequo Caro-
lomanus Romā
profectus est.
Fluuiorum no-
mina Fabric o-
rig. Saxon. l. 1.
Ocrum & Mus-
saham habet.

Annal. Franc. a-
non. & Fuld. A-
im. l. 4 c. 61. Su-
nithgerum ha-
bet.

Epist. integra in
vita S. Bonifac.
scripta extat.

Gripho custodias elapsus, indignatus se ne ceden-
te quidem Carolomano, in imperij partem vocari,
ingenio iuxta atque ætate ferox, anno quadrage-
simo septimo Saxones concitaturus profugit. Coacto
exercitu castra ad Ouacræ alueum locat. Pipinus in-
sequutus, Saxonum legatos ad Missaham flumen
obuios habet, quorum interuentu pugna abstine-
tur. Suspiciosum vitum Griphoni, nec hospitum di-
utius fidei credere, nec se fratri ausus, & omnia post
regnandi ambitionem habens, anno sequenti, subi-
tario ex popularibus collecto milite, valebat enim
gratia apud plerosque Francorum, Lantfredo & Sui-
gero auxiliantibus, sese magna vi improuisus in Bo-
ios intulit. Facile fuit incautos imparatosq; oppri-
mere. Hiltrudem omnia alia à fratre expectantem,
in deditiōem accipit. Vtilo, siue prouincia absuit,
captante mulieris solitudinem Griphone, siue se fu-
gatutatus est.

Discordia inter Bonifacium & Virgilium interim
gliscebatur, improbis pessimorum hominum rumori-
bus excitata auctaq; : tanto nimirum facilius, quod
Moguntiaci unus Episcopus, alter apud Boios, pro-
cul agerent, suffundit enim vires calumniæ longin-
quitas. Bonifacius Zachariæ questus, responsum si-
bi honorificum, in aduersarium asperum abstulit.
Ceterum Pontifex se Virgilium euocaturum, coram
de causâ cogniturum ostendit. Caput epistolæ, quæ
Kalendis Maij hoc año ad Bonifaciū data, sequitur.

Inti-

ANN. POST
CHR. NAT.
DCCXLVII

DCCXLVIII

Intimatum est etiam à sanctitate tua, quod Virgilius ille (nescimus si dicatur presbyter) malignatus aduersum te, eo quod arguebatur à te, erroneus esse à Catholica doctrina, seminare odium inter te & Vtilonem Ducem Boioariorum, dicens quod à nobis accepisset licentiam, ut unius defuncti ex quatuor illis Episcopis, quos tua illic ordinauit fraternitas, diocesim obtineret. Quod nequaquam verum est, quia mentita est iniquitas sibi. De peruersa autem doctrina, quam contra dominum & animam suam locutus est, quod scilicet alius mundus, & alij homines sub terra sint, aliusq; sol & luna, si conuictus fuerit ita confiteri, hunc accito concilio ab ecclesia pelle, sacerdotij honore priuatum. Sed & nos scribentes prædicto Duci, euocatorias de prænomino Virgilio mittimus litteras, ut nobis præsentatus, & subtili indagatione requisitus, si erroneus fuerit inuentus, canonicis decretis condemnetur. Qui enim seminant dolores, metunt eos. Pro Sidonio & Virgilio supradicto presbyteris, quod scripsit sanctitas tua agnouimus: & illis quidem ut decebat comminando scripsimus, tuæ autem fraternitati credulitas plus quam ipsis admittetur. Si autem Deo placuerit, vita comitante ad sedem Apostolicam eos, missis litteris ut prælatum est, euocabimus. Docuisti enim eos & non susceperunt, & factum est illis sicut scriptum est in libro Sapientiæ, Qui docet

Psal. 146.

Ille litteras interceperunt, licet as tame Zachar. ut in animo habebat, scripsit, dubium enim sit ex sequentibus.

Eccli. c. 32.

N n 3 ergo

ergo ad iracundiam prouocetur cor tuum frater, sed in sapientia ubi tales repereris admonere, obsecra, increpa, ut conuertantur ab errore ad viam veritatis. Et si conuersi fuerint, saluasti animas eorum: si verò in malitia perseuerauerint, mercedem laboris tui non perdes.

Disceptionis exitum non comperio. Fit verisimile, aut purgasse se Virgilium Pontifici, siue coram siue per litteras: aut cognitis inuidorum utrimque fraudibus, nam quâ Virgilius animi probitate & vitæ sanctimonia fuit, quæ Bonifacio renunciata, neque dixisse neque fecisse potuit, ultrò, quod inter bonos solet, in gratiam esse reditum. Sanè Bonifacius toto deinde septennio superfuit, neque istius tamen dissensionis præterea vestigium apparet. Quod quidam coniecere, non abnuerim, Virgilium de terræ specie acutius quam pro vulgi captu disputasse, globosam esse, & viuere è contraria parte, qui aduersis vestigijs stent contra nostra vestigia, quos antipodas vocemus, hos perinde ac nos sole & luna lustrari: ea ignoratione audientium perperam accepta detortaq; longè alio sensu ad Bonifacium perlata, offensionum præbuisse sementem.

Anno undequingagesimo, Pipinus se bona & integra fide cum Vitilone in gratiam rediisse approbavit. Iniuriam sorori illatam ulturus, cum Gripho sibi iam prouincialium voluntates adiunxisset, & repugnaturum appareret, maximas florentissimasq; in
Boi-

Ne quis mireretur
sufurronibus tantum
inter Bonif. & Virg.
licuisse, ijdem propemodum
Bonif. à Zacharia Pötif.
alienarunt. Cui rei fidem facit
epist. 2. to. 2. epistolarum decret.

An. Fuld. Hist. man. Aimo in alij.

ANN. POST
CHR. NAT.
DCCIL.

Boicam copias duxit. Vt primum fines intrati, versa rerum facies, potior belli pars nominis fama, & solo terrore confecta est, hostes imbecillitate sua circumspecta, animis mox concidentibus, ne pedem quidem conferre ausi, omni cis Oenum prouincia decedunt, fluminis obiectu se & coniugia liberosq; tuentur. Substitere Franci, contractis nauigijs traiecturi. Boij semel perculsi, oratores de pace cum muneribus mittunt, ipsi imperatis obsidibus sacramentum nouant. Prouincia tanta celeritate recepta, documento fuit, inanem & caducam esse, non sua vi nixam, occasionibus imminentem potentiam. Pipinus sororem cum Vitilone restituit, Tassilonem simul puerulum Ducem appellat. Nec aduersus Griphonem quidem fratrem exuens, duodecim in Neustria committatibus donatum, & ipsum Ducum loco habet. Nequam animus nullis beneficijs flectitur. Ad Vaisarium Aquitanum, qui Francis bellum indixerat, recta abit. Vt tibi nihil profectum, ne ullam alieno a Pipino gentem intentatam relinqueret, profectiorem ad Langobardos parans, in alpibus valle Mauriena interceptus, occisus est.

Thiorom. l. 6.
copiosè, ubi Oenum igni vocat, propius ad venaculum sonum

Arenpek. l. 3. 4.
23. an. 748. perperam habet, 2.
ij 749. cōsensu.
Thassilo hinc principatur annos numerare solitus. De Griphone scriptores Francici passim, cuius mors in an. 751. incidit.

ANN. POST
CHR. NAT.
DCCLII.

Anno quinquagesimo secundo, Merouea in Gallia stirps regnare desijt, deiecto, inq; monachum ronso Childeberto, Meroueorum omnibus nominibus postremo & ignauissimo, qui tantam contumeliam tacitus ferre potuerit, se tam luculenta hereditate, sine maiori ullo motu, sit passus exui. Pipi-

De anno dissensus est, quidam 751. malūt, quod res eo anno compta, sequenti perfecta est.

num

num suffectum, & Pontificis auctoritate Regem appellatum, Bonifacius unxit. Quod Vtilonem quidam eius consilij auctorem scripsit, id verò hariolari est: neque quiquam ad regnum, qua plana & directā via, monitorem eger, multi petiere per præcipitia. Childericum, siue in Medardi monasterium Sueffionum urbe compactum, siue Emmerammi Reginoburgi, siue Nouientum in Triboccis, siue Germani aut Dionysij ad Parisiorum Lutetiam, variè proditum. Vxorem fœminarum cœnobio ad Cochelum Boicæ lacum conclusam. Ego in tanto discernens, nihil mea fide affirmatum volo.

Irenicus 12.
Arnold Vion 1.
4. c. 12. 15. & multiscripti.

Catal. episcop.
Treuir & Albatum monast. S. Maximini.

Quinquagesimo tertio, Hidulphus Treuironum Episcopus, monasticæ vitæ desiderio tactus; magistratu ultrò abiit. Fratres Erhardum & Albertum habuit: quos Neruios alij, alij Noricos hoc est Boios; quidam, quibus si verum amamus rectius credimus; Scotos dixere: sanctitate præstitisse satis conuenit. Hidulpho sufficiens Erhardus, Reginoburgum aufugit, ibi editis miraculis & vitæ innocentia clarus, monasterio quod viuo latibulum præbuit, inferius appellant, mortuus humatur. Albertus Romanam religionis causa profectus, & redux defunctus, eodem cum fratre sepulchro conditur. Episcopos fuisse, uti non pernego, sic profectò Reginoburgensibus nemo rectè annumeret. Ante enim Garibaldum, quod isti ponunt, temporis ratio referre non patitur, posteriores autem Arnolfus ordine recenset,

ANN. POST.
CHR. NAT.
DCCCLII

Catal. Reginob.
Cratopol perpetuam pio Erhardo Eberhardum habet.

Garibald. inijt an. 739. Hidulphus abdicauit an. 755. quæ res Erhardo Reginoburgum venendi occasio fuit.
Arnolf. de vita S. Emmet. l. 4.

cenſet,

ANN. POST
CHR. NAT.
DCCLV.

cenſet, nec inter eos iſta tamen nomina. De Velipholaꝝ ſive VVolſtaico, quem Erhardo & Alberto ſubijciunt, in neutram partem liquet. Se-

quenti anno commentariolus perſcriptus eſt, quem in S. Emmerammi monaſterio autographum extare aiunt, cum epilogo,

Scripſi ego ipſe Vhicterbus, quamquam peccator, Epiſcopus, iam ſenex, puo nonagenarius, aut ſupra, dolentibus membris & caliginantibus oculis, hoc non quaſi potens, ſed pro ſtudio charitatis quam circa te habeo. Quia volebam, dum ſæculi dignitatem regis, vitam æternā nunquam perdas. Pax tibi & vita à Domino augeatur. Amen. Et fiat fiat. Tertio anno regnante Pipino filio Carli Rege Francorum, in menſe Iunio, in diebus decem ſcripſi hunc libellum, hoc eſt anno

DCCLIII. à natiuitate Chriſti, ſeptima indiſtione.

Vhicterbū verò ubiuis terrarum potius quam Reginoburgi extiſſe Epiſcopum, eadē rationes euincunt. Neque illos mirari deſinam, qui non expenſa tam diſtincta notatione temporum, Garibaldum Vhicterbo ſucceſſiſſe, nugari adhuc pergunt.

Anno ſeptingenteſimo quinquageſimo quinto,

Bonifacius impiorum latronum ſcelere in Friſia trucidatus, ſpiritum Deo iam olim deuotum, ſanctè reddidit. Quem cum vita multis & præclaris exemplis acta, bonis omnibus commēdaſſet, tum multò magis morſ, pro religione conſtanter adita, & quæ mortem diuinitus prodigia cōſequuta ſunt, in æter-

Extat Wieberti nomen, cum Wera, Burgardo, Abelo & Wibaldo coepiſcopis, in epiſt. quā S. Bonifacius ad Athelbaldū Regem Merciorū ſcripſit an. 745. quam Baro. analibus inferuit.

DCCLV.

na

Vita S. Bonif.

O o

na laude posuerunt. Quod si qui nunc demum, virtutem quam venerari debebant, ieiunis & ineptis calumnijs incessere pulchrum existimant, unum assequuntur, ut importunum irreligiosæ mentis morbum aperiant, Bonifacij memoria, supra omnem iudiciorum aleam, Boicæ semper sancta erit. Neque non fructus eius doctrinæ constitit, nunquam pietas culta impensius. Quod ipsum pleraque monasteria per id tempus posita indicant, post tot sæculorum etiam ætates, & structuræ dignitate, & vectigalium magnitudine adhuc miranda. Princeps Vitilo Altachium utrumque condidit: superius & inferius ad nominis distinctionem appellant. Fama manet, nec à nominis ratione, nec à vero abhorrens, stetit ijs locis ad Danubij ripam prægrandes & annosæ quercus, Deorum superstitioni dicatas, quas victimarum sanguis sæpe resperferit, Boios, postquam gentilem errorem excussere, excidisse, ecclesijs Christiano ritu substitutis. Nam Maximus Tyrius, ex Platonis schola philosophus, altissimam olim quercum pro Ioue Celtico cultam scriptum reliquit. Vitilonis item opus Manseum ad lacum, Niderburgum, Pfaffenminster, & quæ quorundam sententia, Osterhoua. Quibus ædificandis Pyrminij sanctissimi hominis consilium sequutum, Pyrminium siue Meldensem siue Metensem Episcopum ferunt. At fidem tabulæ ecclesiasticæ neutrobi firmant: eo Meldis aut Mediomatricum urbe, siue natum, siue

pro-

Fere ex priuatis
monasteriorum
annalibus, mss.
alijs, & Hundij
metrop.

Alt-aich, annosa
quercus.

Max. sermone
utrum Dijs di-
canda sint signa.

profectū, siue utrumque nomen corruptū esse, quā
 in earum alterutrā Episcopum extitisse, magis cre-
 dam. Is peregrinis monachis comitatus, Martelli
 temporibus in Germaniam veniens, monasteria cō-
 plura priusquam Boicam attingeret constituit: am-
 pla & opulenta imprimis duo, Murbaci ad montem
 Vogasum unum, cui Viuarium peregrinorum no-
 men ex reinditum, alterum in Acronij lacus insula,
 qua olim Tiberium pro arce bello Vindelico usum
 esse, Rhenanus ex Strabone conijcit, Augia diues ab
 opum magnitudine dictum est. Quod verò Martel-
 lo patrono uteretur, Theobaldi Sueuorum Ducis
 factione inde pulsus, multis post annis primum a-
 pud Vtilonem gratiæ locum tenuit. Vtilonis eti-
 am ope monasterium ad Hseniscū amnem Iosephus
 Episcopus, Erimberti in Frisingensi ecclesia succes-
 sor, condidit. Pipinum auctorem Altenminster
 laudat. Altoni Scoto, cui cœlitum honorem posteri
 habent, Pipinus terrarum tractum, syluis vastum &
 horridum contribuit, Alto succisis extirpatisq; ar-
 boribus, ad hominum cultum purgauit. Sed
 Lanfridi, Valdrami, Elilandi, illustrium fratrum, in
 hoc genere monumenta, non tam laudem & admi-
 rationem habent, quam fere est ut fidem vincant,
 quippe quibus maximorum hodie Regum compa-
 rata munificentia, tenuis sæpe & modica videatur.
 Sunt qui Valterio Bliantij Comite natos, Valterium
 cum Martello ex Gallia venisse tradant: alij Antorfa

Privilegiū The-
 oderici Regis,
 qui in iust. an. 710.
 Datū mense Iu-
 lio die 12. an. re-
 gni 3. sic habet.
Venerabilis vir
Perminius, gra-
tia Dei Episco-
pui, nostri tem-
poribus, cum mo-
nachu suo, Deo
inspirante, pro
Euangelio Chri-
sti peregrinatio-
ne suscepit, mo-
nasterium viro-
rum in eremo qua-
sta, qua Vogasus
appellatur, in pa-
go Alsacensi, in
loco qui vocatur
Vinarum peregrs
norum, (qui an-
te appellatus est
Murbach) in al-
odio fidelis no-
stri Ebrohardi
Comitis, cū spūso
adiutorio, Deo
donante conatus
est construere.
 Hinc, quod qui-
 dam negant, cer-
 tō confirmatur,
 Pyriminium siue
 Perminiū Mar-
 telli arate venisse
 in Germaniā.

O o 2 & Loy-

& Loyſæ Comites aliquanto probabilius exiſtimâr, nam peregrinitatis fidem, potentiæ æſtimatio de- trahit. Octo per omnem Boicam ſparſere monaſteria, quorum genuina, ut adhuc fecimus, ponemus nomina, dura quantumuis & aſpera, ne ijs inflectendis molliendisq; ſpeciem ita commutemus, ut rebus ſua natura perſpicuis, non neceſſariæ tenebræ per elegantiae colorem obducantur. Origines diſtinctè excutere, aliam hiftoriam poſtulet. Beuren, Schlechdorf, Veſſesprun, Polling, ſuperſunt poſt annos paullò minus octingentos, ſive à primo ortu incolumia, ſive reſtituta: Siuerſtat, Sandau, & Stafelſe, Cochelense, ad cognomines utrūque lacus, perierunt. Bonifacius templa dedicauit, cœnobîa legibus ad Benedîctinam normam inſtituit. Prioribus monachi, poſtremis tribus virgines transcriptæ, Cochelensi Gailluindis, trium fratrum ſoror præfecta. Monasterium ad lacum Tegerenſem per eadem tempora conditum, quod cetera quam latè Boica patet, ſplendore & dignitate multis modis ſuperat, foſſa & propugnaculis in regiæ ſpeciem cinctum, nam & Abbas miniſtris ex equeſtri nobilitate, Principum more utitur, & verò Principis aliquando nomen ab Imperatoribus tulit. Condidere Adalbertus & Otkarius Tegerenſes Comites, ſive Grimoaldo Duce, ſive patre Hartvvico Burgundo, matre Boia nati, duplex enim hîc quoque fama eſt. Vetuſtorum
diplo-

Arenpek. l. 1. c.
23.

Tegerenſis monaſterij annales
privati copioſè,
quos qua ratione
e corrigendus
cenſeam, expli-
co.

diplomatum fide hactenus liquet, illustri genere ortos, quod Reges propinquitate attingeret, cetera fere obscura sunt. Romam religionis causa profecti, cum omnia hostium incursionibus vasta, urbem luctu & pauore oppletam reperissent, commoti homines militares, qui primam pietatem interpretarentur, sacrorum sedem inultam indefensamque non relinquere, sese Romanis duces eisdem vindictæ, & socios periculi præbuere. Nec mora, hostes aggressi, secundis aliquot prælijs, egregia virtute, ingentem gloriam pepererunt. At hæc narratio quorundam temeritate in vanitatis suspensionem traducta est, qui, quod sæpe queri necesse habeo, ornandi studio colorem fucō mentiti, nec rerum nec temporum rationi consentanea assuerunt. Zachariam nominant, quo ego Pontifice Romam nec captam, nec omnino obsessam legere memini: operam de qua quærimus, ecclesiæ sub Gregorio tertio præstitam sentio. Antequam iniret Zacharias, Trasemundus Spoletanorum Dux, Langobardicum imperium detrectans, ad Gregorium profugerat, neque repetitus dedebatur. Indignatus Luitprandus, Romanum agrum cū infesto exercitu inuasit, oppidis aliquot captis, urbem obsedit, augustam S. Petri basilicam, quod mœnibus non contineretur iniuriæ expositam, spoliavit. Pepercerant superioribus sæculis victores Gothi, religione quantumvis Ariani tacti, quo indignius in Catholicis visum facinus. Obsidione so-

Ortonis 2. priuilegium, Germani fratres, & illius comites. Henrici 6. priuilegium. Comites Ottonis & Alberti regali profectione.

Anastasi. in vita
Greg. 3. & Zach.
as pleraque sub
exitu Greg. ge-
sta, principio
Zach. refert, &
quod parum at-
tentos lectores
fecellit. Episto-
las Greg. habet
Baron. an. 739.
& 740.

Metell. Quiri-
nalib. oda 20.
de Zach. Reci-
tantur super hac
sua scripta, Data
quondam tibi pra-
sui Bonifacii pie
martyr, Euno-
stam quoque
firmatione.
Zachariam rem
sub Gregorio ge-
stam descripsisse
suspicio, & Me-
rellum ad lapi-
dē, ad quem ple-
rique alij, impe-
gisse.

luta, & Rege digresso, Trasemundus, Romanorum
qua auxilio qua consilio subnixus, id enim Anastasi-
us indicat, sese diuersis itineribus in Spoletanorum
fines inferens, uniuersum Ducatum breui recepit.
Redit Luitprandus, pluribus exercitibus Romanos
aggreditur: ut priori quidem bello Gregorius ad
Martellum scripserit, persecutionem & oppressio-
nem gentis Langobardicæ, iam sufferri non posse,
posteriori epistolam ita orsus sit, Nimia fluctuamus
tribulatione, & lachrymæ diu noctuq; ab oculis no-
stris non deficiunt. Horum igitur alterutro, & su-
periori maximè, Comites Boios Romanis opitula-
tos existimo. Nam Zacharias à Langobardis itidem
laceffitus, rem precibus & legationibus, inermis cō-
fecit. Quod si extarent litteræ à Zacharia ad Bonifa-
cium scriptæ, quas Metellus poeta ante annos am-
plius quingentos legit, & in quibus omnem ordine
historiam, dissimulatis tantum nominibus, descri-
ptam fuisse significat, haberetur temporis coniectu-
ra procliuior, & omnino confirmator. Nunc quod-
cumque id tandem, magna factum sequuta gratia,
Pontifex egregij muneris loco, S. Quirini corpus
petentibus concessit, quod in Tegerensi ecclesia san-
ctè adhuc colitur. Reuersos, ardens adeo religionis
studium subiit, ut posthabitis quæ apud mortales
ceteroqui prima sunt, monachorum instituta, in
monasterio quod ipsi condiderant profiterentur.
Nam id antiquitus à viris cum dignitate & potentia
princi-

principibus, tum omni antea cta ætate militari fortitudinis laude florentibus, scimus factitatum, sæpius quam nunc aut soleat, aut pro ista temporum remissione & segnitie prope sit credibile. Maior fratrum Adalbertus, Abbas dictus, centum quinquaginta monachis præfuit. Sorore Adalberti Vtonem quidã Alberti & Otkar-rij fratrem, quidam sororiũ dicunt, quos Mettelli. sequitur. Sed in vetusto Tegerensiũ codice Albert. & Otkar. Vtonis auunculi diserte nominantur. Vto ipse Metello oda 23. Audon. est.

natus, auunculorum pietatem tam religioso sæculo pro viribus æmulatus, Ilmunster ad Ilmum an Ilmonem amnem instituit: quod collegium dudum antequam hæc scriberemus, Monachium ad virginis Mariæ translatum est. Tot ergo tantarum molitionum & impensarum sacra ædificia, viginti fere annorum curriculo, intra unius prouinciæ fines excitata, & annuis immensis redditibus instructa, fidem pietati quam laudauimus astruunt: nec enim eorum ullum aut annum septingentesimum undequadragessimũ præuertit, vel sexagesimum eius sæculi subsequutum est.

ANN. POST
CHR. NAT.
DCCLV

Septingentesimo quinquagesimo sexto, Pipinus Astulfum Ticini obsidione cinxit, pœnas Longobardicæ perfidiæ ab eo exacturus. Ibi Thassilonem prope puerum in castris & procinctu habuit. Sigebertus gratiam tum inter eos reconciliatam scripsit: verum ut credamus non impetrat, cum nec inimicitia prius fuerint, nec per alterius ætatem etiam esse quiuerint. Sequenti, Thassilo primoribus Boiorum comitatus, Francorum conuentum Compendij adiit, se suaq; Pipino in clientelam, quam V-

DCCLVII

saticum

Ticinesi obsidi
oni quidam an.
755 assignat, nos
annales Francie,
& Fuld. sequi-
mur. Thorom.
1.6. Rex Pipinus
cum nepote suo
Thassilone Boio-
riorum Duce,
partes Italia us-
que ad Ticinum
iterum accessit.
Etc.
Aimoin. 14. c. 64
Annal. Frac. Ado
Fragmentum
chron. ms. Thas-
silo Dux Genu

contulit, odiosè exprobrant, quod unum maxime
par erat, offensionis causas non aperiunt: altum &
acerbum equidem vulnus fuerit oportet, quod ci-
catricem aliquando visum ducere, plenæ curationis
fidem nunquam implere potuit. Vt Pipinum ea
cura incessit, Francorum concilium postero anno
Vormatiæ cogit. Ibi fixum omnibus & destinatum,
desertorem ferro ulcisci: sed dubij erat discriminis,
grauibus duobus bellis, tanto præsertim locorum
intervallo, uno eodem tempore implicari, Boijs er-
go dilatis, cum Aquitano debellari placuit. Proxi-
mo, Vtilo fatis concessit. Sunt qui Osterhouæ fe-
rant cum uxore conditum, & monumenta mon-
strantur. Alij Gengenbachi extra Boicam obijisse
produnt. Ego illis credo, qui in monachum tonsum,
Altachium inferius incoluisse, & ibi sepultum scri-
bunt. Quo tempore filius Pipino sacramentum di-
xit, patrem religiosam vitam professum, ditionem
abdicasse, verisimile sit, neque exin quidquam prin-
cipis iure egisse comperio. Thassilonem ab Vtilo-
nis morte, Pipini iussu & voluntate imperasse, anna-
les habent, ut in gratiam redijisse necesse sit: quam
quibus officijs, post apertas & professas inimicitias,
emeruerit, veteres scriptores, qui quidem extant, ni-
hilo magis quam quæ fuerint prima offensionum
initia, explicant. Siue Vtilo, contentionum caput,
odia morte expleuit, siue Vaifarij arma, ut prius pro-
ferendo bello, ita tunc lanciando foederi causam

ANN. POST

CHR. NAT.

CCCLXIV.

CCCLXV.

3.1

Annal. Franc. &
Aimoin. Regino
superiorem an-
num habet.

Arenpck. l. 3. c.
30.

Ioan. Steind.

Vitus Ebersper-
genf.

P p præ-

præbuere; reliquum enim ætatis Pipini Vaisarius armis omne exercuit, hoc, anno post Christum natum septingentesimo sexagesimo octauo occiso, ille paullo post vita etiam functus est.

ANN. POST
CHR. NAT.
DCCCLXVIII.

Pag. 228.

De Samone superiori libro dictum, humili loco natum, Carantanis Dagoberto Rege imperasse, strenuè & fortiter. Impar successorum virtus, ne tam splendido quidem exemplo excitari potuit. Pipini tuo principatus Boruto obrigit, qui Hunnicis iterum armis pressus, imbecillitatis conscientia Boios implorat. Cum aduersus perniciosissimum hostem, omnia in celeritate essent posita, auxilijs propere submissis, Hunni facile pulsi sunt. Sed grande virores operæ statuere pretium, petito Francicorum Regum nomine imperio gentis, quæ se suis viribus tueri non posse fateretur. Procliue fuit armatos à petculsis impetrare quæ vellent. Ictum sædus, obsides imperati, inter quos Karastus Boruto genitus, & Chetimarus fratris filius. Borutus utrumque institui, & Christiano ritu tingi voluit. Dubium an religione serio tactus, an quo victoris populi animos obsequio demereretur. Mortuo Boruto Karastus successit, Francorum voluntate Carantanis petentibus redditus. Quo intra tertium etiam annum extincto, Chetimarus Pipino auctore Dux appellatus est. Eum Lupus sacerdos, insulam quæ in Chimolacu incolens, ex sacro fonte susceptum erudierat: cum sanctis monitis abeuntem prosequutus, in pri-

mis

Mss. & vita S. Virgilij to. 2. ant. l. c.

Al. Cacatius.

Al. Chetumarus & Chetumarus.

mis hortatur, Salisburgensem ecclesiam venerari pergeret, inde sacrorum doctrinam & ritus peteret, Maioranum presbyterum adiungit, Salisburgensis monasterij alumnum, sibi sanguine proximum, eadem coram usque instillaturum. Religiosè paritum, Chetimarum annuis deinde obsequijs animum saceræ sedis obnoxium testatus est. Nam insigni sanctitatis laude Salisburgenses ferebantur, quæ nedum vicinos, sed magnis etiam terrarum spatijs diffitos, in amorem atque admirationem raperet. Extat Alcuiniani Albini in eam sententiâ epistola, quam exscripsimus, exhibentius, quo luculentius & grauius est huius viri testimonium, qui omnis tum doctrine princeps citra controuersiam habitus.

Sanctissimis in Christo fratribus Iuuauenſis ecclesie, humiliſ leuita Albinus, in Christi charitate salutem: Audiens laudabilem in Christo unitatis vestræ conuersationem, multa animus meus lætitia gauisus, multoq; anhelabat desiderio præſentialiter ordinem videre vestrum, & me ipsum humilideuotione vestris sacrosanctis commendare orationibus: Sed quia hoc usque prohibuit variarum euentus rerum, & proluxa terrarum longinquitas, meæ paruitatis litterulas in hoc officium dirigere curauim, ut desiderium cordis mei in apicibus cognoscatis, quod & olim pio patri Aquila Pontifici, Germano meo, pastori vestro iniungere studui, cupiens spiritali præſentia unus esse ex vobis, & unum esse

Alc. ep. 10. to. 1.
ant. l. c. 1.

et. in

P p 2 vobis.

vobiscum, ut vestra me sanctitas à terrenis leuaret cupiditatibus, & in cœlesti vobiscum collocaret desiderio. O quam felix est vita monachorum, Deo placabilis, angelis amabilis, hominibus honorabilis. Qui hac feliciter viuit inter homines, haud dubium feliciter regnat inter angelos. Hanc primitiua per Apostolos in Iudæa initiauit ecclesia, quibus omnia communia fuisse leguntur, & nemo aliquid suum esse dicebat. Hoc non solum in seculari substantia seruandum esse arbitror, sed etiam in desiderijs spiritualibus, ut omnes unum concupiscant, & obedientie bonum magis exsequantur, quam propriæ voluntatis affectum. Si Christus suam non venit facere voluntatem, sicut ipse in euangelio testatur, sed patris, quanto magis monachus suam non debet facere voluntatem, sed Christi, nec segnis in opere Dei, sed studiosus, nec tantum considerare quid iubeatur, sed quomodo perspicitur quod iubetur. Nec ullatenus murmurationis malum crescat in aliquibus. Si aliqui ex populo Dei in eremo propter murmurationis perierunt peccatum, quanto magis monachus monasterij, spiritali plectatur vindicta, si murmurationis malo mentem inolescere non metuit. Quapropter, cum gratiarum actione accipiat, quod ei pastoris cura præviderit sufficere. Site enim sanctæ pacis concordia inter sanctos, vitæ castitas in adolescentibus, morum gratia in senibus, feruor operis in iuuenibus, nec quisquam se cano-

nics

Act. 1. & 4.

Ioh. 5. & 6.

Num. 16.

nicis horis vel regularibus psalmodijs subtrahat. Melius est cum angelorum cœtibus Christum laudare, quam torpentem segnitia somno delectari, vel vigilando inania exequi desideria. Et non solum verba sanctæ lectionis resonent in ore, sed intima cordis compunctio sequatur verba legentis vel cantantis. Et nullatenus horis competentibus sacræ scripturæ lectio recedat de manibus, quia diuersæ nunc hæreses, sicut audistis, catholicæ fidei puritatem maculare nituntur. Quapropter armate vosmet ipsos scientia veritatis, sententijs euangelicæ auctoritatis, ut resistere valeatis contradicentibus veritati. Quomodo pugnat inermis? vel quomodo docere potest qui discere noluit? Spirituales sunt diuitie, sapientia in corde ut Salomon ait, thesaurus desiderabilis requiescit in ore prudentis. Sanctæ fidei veritatem diligenter discite, & agnitam cordis recondite thesauro, & spe firmissima vos retinete ad dominum, & charitate feruentissima illum amate, honorate & laudate, quia hæc est pars optima, quam Maria elegit, sedens secus pedes domini, quæ non auferetur ab homine in æternum. Sed tanto ardentius post hanc vitam amatur Christus, quanto perspicacius eius intelligitur bonitas. Sed non est opus meæ paruitatis vos admonere de singulis, dum habetis sacrę institutionis libros notissimos, & pium patrem pastorem vestrum præsentem, qui vos viua voce melius admonere poterit, quam mea series litterarum.

Prouerb. 21.

Luc. 6. 19.

Tamen, ut debitam vobis ostenderem charitatem, paucis vos apicibus appellare studui, ad cognoscendam in vos meæ dilectionis fiduciam. Præfato itaque patri cum omni humilitate obedite. Ille habet rationem reddere sollicitudinis suæ pro vobis, & vos obedientiæ vestræ in illum æqualiter rationem reddere habetis. Ille pro vobis in magno positus est periculo: vos pro illo magna charitate intercedere studete, ut mercedem pro vobis habeat apud Deum, & vos requiem cum illo habeatis in regno Dei. Filiorum eruditio laus est magistrorum, profectus gregis merces est pastorum. Diuina auxiliante gratia custodite vos fratres, in omni castitate, humilitate, concordia & charitate, onera vestra inuicem portant. Omnis sermo malus & impudicus & impatiens & inutilis ex ore vestro non procedat, sed quæ sunt sancta, pia & iusta, & vestræ condigna sanctitati, ad exhortationem audientium loquimini. Et semper Deus honorificetur in ore vestro, & quæ ad pacem pertinent veram, tota sectamini intentione, & Deus pacis erit vobiscum.

Aquila Pontifex, quem Albinus germani nomine dignatum, Iuuauiensium pastorem appellat, Ioannes est Episcopus, Salisburgensi sedi à Bonifacio, cum Boicas diœceses distingueret, præfectus. Amat quippe Albinus hos ingenij lusus sectari, Carolum fere Dauidis, & alios item sæpe alijs effictis nominibus compellans. In Aquila plana & manifesta ratio,

cum

cum Euangelicæ historiæ scriptorem Ioannem illa volueris designet. Eâdem figurâ sequens epistola ab Albino ad Ioannem ipsum scripta est.

Charissimo germano Aquilæ antistiti, Albinus ^{Epist. 33} salutem. Si mihi gerulus gratus occurrisset, sæpius tuæ scripsissem dilectioni, ut litteris implerem quod verbis non potui, & charitatis dulcedinem, lingua tacente, apices monstrarent. Hoc dedit Deus absentibus in solatium, ut per chartas loqui potuissent, & necessaria proferre in cor alterius, dum animus graui carcere corporis circumseptus, suæ naturæ velocitatem explicare valet, indices litteras fraternus amor sibi inuicem dirigeret. Quid de gloria sanctorum dicendum putas? Vbi nulla tarditas sarcinæ corporalis piæ voluntati obsistit, quin quod placeat impleat. Quid est hoc sæculum nisi miseria, & velut umbra fugax, & seducens delectatio? Festinemus tota mentis intentione ad illam requiem, quam nullus dolor perturbat. Ascendamus per gradus charitatis ad illam ciuitatem, in qua Deus solus Rex regnat in æternum, in qua tota beatitudo sine ulla miseria viget & valet. Vt ad illam peruenire mereamur, eodem auxiliante Rege, nos inuicem exhortemur, & velocior charitatis cursu, tardiores admonitionis sedulitate trahat. Tum etiam fraterna diligentia socordiam castiga, vel tuæ sanctitatis precibus iacentem releua, ut fraternæ dextræ ducatu, non lassescat in via veritatis, qui hucusque se voluebat

bat in sæculi cæno. Veniens veniebam ad sancti A-
 mandi protectoris nostri dulcissimas mansiones;
 quærens amatorem meum, ut eius dulcissimo elo-
 quio refrigerarem animam meam: sed quia necdum
 de nido Iuliauensi auis optata euolauit, misi hanc
 inuitatoriam obuiam illi chartulam, ut nostram a-
 gnosceret prosperitatem, vel suam nobis præsentiam
 designaret. Fidelis amicus diu quæritur, vix in-
 uenitur, difficile conseruatur, cuius dulcedo omnes
 sæculi superat iucunditates. Quid diuitiæ sine ami-
 cis? Auarus aurum quærit, & quid in auro nisi speci-
 es vana? Nonne unus panis esuriēti melior est, quam
 mons aureus? Aurum prodesse potest danti, non
 possidenti. Ideo demus diuitias in præsentem, ut in fu-
 turo possideamus illas, num pauperis manus gazo-
 phylacium est Christi. Nullus melior custos diuiti-
 arum est quam Christus. Proficientem te, charissi-
 me frater, diuina auxilietur gratia in æternum.

Vt visum hæc tantę vetustatis monumenta Salis-
 burgensi ecclesiæ asserere, haud ab re duxi, verbis
 quoque ipsis, ut ab Albinotradita perscriptaq; sunt,
 referre. Neque vereor ne quis plus iusto à rerum or-
 dine declinatum existimet. Celebris Salisburgi
 S. Amandi ædes, dulcissimæ appellationis nomine
 ab Albino designatur, in qua S. Maximi & sociorum
 cadauera condita fuisse, libro tertio narrauimus.
 Ioannes verò Episcopus, Pipino adhuc viuentē de-
 functus, Virgilium successorem habuit. Comes Si-
 donius,

donius, Batauenſi cathedra poſt Viſilonem poſitus eſt. Virgilius, etſi omnem paſtoris & curam & laborem gnaviter obiens, qua tamen erat animi demiffione, ut Epifcopi nomen dignitatemq; reciperet, toto biennio reluctatus, vix tandem, continuis provincialium Epifcoporum precibus perſuaderi potuit. Interim vicaria Dobdæ cuiuſdam opera uſus, in ijs quæ honori & ornamento Epifcopis magis, quam oneri cenſentur, nam in hunc eum finem ſecum adduxerat. Epifcopus appellatus, Dobdæ Chimenſis inſulæ procurationem contulit. Neque de cetero quidquam antiquius habuit, quam ſacra, ſacrorumq; ſplendorem aſſerere. Ingentis, & poſteris quoque admirabilis molis baſilicam, plurium annorum opere exædificat, Pontificiam cathedram, quæ ad D. Petri monaſterium adhuc fuerat, ibi collocat, Ruperti ſimul & Cunibaldi & Giſilarij corporum reliquias religioſè transfert, ut loco nimirum reuerentiæ accederet, tum ſibi ſucceſſoribusq; Epifcopiſtanquam ſpeculum, quod ante oculos ſitum ſemper inſpicerent, proponeretur. Sæpe à Chetimarō euocatus, recurrentibus identidem armorum motibus impeditus, venire diſtulit, ſed præſtanti virtute legatos in Carantanos miſit, Modèſtum Epifcopum, Varonem, Reginbertum, Gozarium, Latinum præſbýteros, Richardum diaconum, & clericos præterea aliquam multos, qui Chriſtianam religionem per omnem prouinciam ita procurarent;

Vita S. Virg.

Cum an. 1181. S. Virgilij ſepulchrum detegeretur, imago depicta cum carmine reperta eſt, Virgilium templū conſtruxit ſchola pulchra.
Vita S. Virg. c. 5.

Varie hæc nomina in antiquis codic. ſcripta extant.

Qq

ut

ut ne quâ à sanctorum patrum decretis, præceptorumq; traditionibus discederent. Ecclesiæ Mariæ virgini in Soluensis oppidi ruinis & Liburnia, tum aliâ alibi positâ. Latinus, qui Salisburgum redierat, post Modesti obitum iterum ac tertium remissus est, tum Madalous & Varmanus etiam presbyteri. Recrudescente verò à Chetimari morte bello, sacerdotibus cinctis, prouincia Christianis sacris per aliquot annos caruit, donec postulante qui prouinciam deinde tenuit Valtunco, Virgilius denuo Heimonem, Reginbaldum, Maioranum, Gozarium, Erchenbertum, Reginardum, Augustinum & Guntarium, nec enim piget tot nominum asperitatem ascribere, pluribus comitatibus submisit. Barbaricæ tandem superstitioni radicitus extirpandæ, & confirmandæ pietati, cuius fundamēta isti iecissent, se ipsum itineri accingit. Mira omnium ordinum gratulatione exceptus, agris, vicis, oppidis tota prouincia lustratis, concionibus ad populum passim habitis, ecclesijs dedicatis, & clericis ad sacros ordines lectis atque initiatis, ad Hunnorum usque fines, ubi Draus Danubium illabitur peruasit, tam crebra tamq; splendida ubique virtutis & sanctitatis impressa relinquens vestigia, ut cum omnis Carantanorum posteritas Christianæ fidei doctorem & Apostolum celebret. Atque hæc certis annorum spatijs digere, suscepti operis ratio admonēbat, sed negligentia commentariorum unde haurienda fuerē pre-

mimur. Hactenus liquet, in Pipini & Caroli tem-
pora, quæ siue exequuti, siue mox exequuturi su-
mus, incidisse.

— Pipinus Carolum & Carolomanum filios reli-
querat, uterque Rex appellatus est. Berta mater,
Langobardicas nuptias maiori conciliatura, anno
septingentesimo septuagesimo in Italiam profici-
scens, iter per Boicam tenuit. Minore sub finem se-
quentis in ipso ætatis & fortunæ flore rebus huma-
nis erepto, imperij summa ad unum Carolum de-
uoluitur.

Thassiloni LVITPVGA uxorerat, De-
siderio Langobardo Rege nata, ea GVNTHERVM
prius, THEODONEM anno septuagesimo secundo pe-
perit. Theodonem Hadrianus Pontifex salutari la-
uacro abluit, cum parentes Romam religionis opi-
nor causa adijissent. Nam qui Thassilonem in Caro-
li comitatu eo venisse pertendunt, præterquã quod
duos annos interijciant oportet, mihi haud temere
persuadent, siue Boium, quo erat in Francos animò,
sui ipsis tam prolixam potestatem fecisse, siue Caro-
lum eius opera Langobardico bello usum, qui Desi-
derij filiam in matrimonio haberet, quod tamen u-
trumque sit consequens, ex Ticinensi enim obsidi-
one Carolus Romam profectus est.

Domestici annales, Carantanos eodem anno à
Thassilone victos atque subactos memorant. Rem-
tantam, nam ea ingens fuit Boicæ potentix accessio,
verbo strictim significasse satis habentes. Valtuncū,

Qq 2 quem

ANN. POST
CHR. NAT.
DCCLXX.

DCCLXXI.

LVITPVGA.

GVNTHERVS.
THEODO
QVINTVS.
DCCLXXII.

Ado, Reg. Aimi
l. 4 c. 68.

MC S. Emmet.
Steind. alij.

Ioan. Steind.
ms S. Emmet.
& alij.

quem Boijs volentibus regnasse, Virgilij amicitia ostendit, prius obijisse, in dubium, apud me quidem non venit.

Boiorum inde concilium Prid. Id. Octobr. Dingoluingam indictum. Alium prius conuentum Aschaimi actum, sunt qui scripserint, cuius ego nulla adhuc satis certa detego vestigia. Affuere Dingoluingæ Episcopi, primo loco Manno Nuenpurgensis ecclesiæ, quæ postea Episcopos habere desijt, diocesis magna pars Augustanæ Vindelicæ coniuncta & inserta est. Alimus Sabionensis post hunc. Quo fit, ut Sabionam in Thassilonis potestatem cum bona loceri gratia concessisse, & Boicæ rursus contributam fuisse existimem. Habuit illa à Cassiano, quæ

§ pag. 178.

Catal. Episcoporum Sabionensium sic habet. S. Cassianus, S. Ingenuinus, S. Constantius, Vrsus, Pigencius, Proiectus, Marulinus, Marcellus, Valerianus, Agnellus, Anrihanus, Antonius, Laurentius, Ioânes, Alimus.

puerorum styli confossum narrauimus, complures Episcopos, inter quos Ingenuinus & Constantius sanctitatis fama claruere, reliquorum nuda tantum nomina, atque ea sæpe incerta, supersunt. Alimum Virgilius Salisburgensis: hunc Vifericus Batauensis sequitur, qui Sidonium & Antelmum decessores habuit. Regimoburgo Simpertus, Garibaldi successor venit. Vltimus Heres, Frisingensis post Erimberrû & Iosephum Episcopus, idem Aribô & Cyrinus, unus tribus nominibus appellatus: nisi verius unum idem nomen, trium linguarum interpretatio est. Nam hoc quoque non præter institutum enucleabitur. Erbon & arbon, maioribus heredes dictos, qui nobis erben sint, eo Otfridum, Germanicorum scri-

fcri-

scriptorum antiquissimum, Vvarbon voci erbon, tanquam similiter cadenti, in carmine opposuisse, accreuisse mediam i, ex prisca seculi consuetudine, quod crebrum vocalium interiectum, contra quam hodie fit, nostri olim aucuparentur. Aribonem itaque, Latine nil nisi heredem esse. Quod is ipsum scilicet respexit, utroque vocabulo in Corbiniani vitâ coniuncto. Quin longius progressus, cum in syllabo Hebraicorum nominum, qui siue Hieronymo, siue Bedæ auctoribus tribuitur, Cyrinum cum heredis interpretamento reperisset, quam verè, sacræ linguæ gnari sciunt, hac quoque elegantia, ut tum sentiebant, delectatus, se sub finem vitæ S. Emmerami Cyrinum dixit. Vnde nemini adhuc suspicari in mentem venit, eam ab Aribone scriptam: nec nobis quidem fortasse suboluisse, nisi lectione Arnolphi admonitis, à quo cum Cyrinum eundem Heredem esse didicissemus, facile fuit & Aribonem componere, & tot diuersorum nominum causas inuestigare atque eruere, ipsius præsertim Cyrini indicio, qui Iosephum siue Ioseppum, decessorem suum discrete nominat, at Iosephum Frisingæ ante Aribonem sedisse, ex illius ecclesiæ tabulis comperimus. Ab bates præterea tredecim Dingoluingæ præsto fuerunt, qui quibus transcribendi monasterijs, parum ex antiquis monumentis liquet, neque sine his bene recentiorum fidei creditur. Reliquorum procerum nomina non sunt prodita. Acta, siue actorum fra-

Offid. l. 4. 6
 Joh then adaler-
 bon, Sed tho the-
 sam VVarben.

ad. 17. 21.

Cap. 19. Ego A-
 riko Heres, licet
 indignus, ipsius
 Frisingensis sedis
 Episcopus.

Hebrais inest
 heres est. Sed Cy-
 rini etymologie
 color ex Greco
 sermone peti po-
 test, siquidè Is-
 rificonfulti heres
 dem tanquàm he-
 ram dictum cō-
 tendunt. Instit.
 de her. qual. &
 differ.

Arnolf. Comes
 episc. ad Burgar-
 duni Abbate 50,
 2. ap. 10. 1. 1. 1. 1.
 An videlicet do-
 mestici clarissi-
 mi patrum nostri
 Emmerami
 martyris, dandi
 à quo tam, qui se
 Cyrinum & He-
 redem nominat,
 Frisingensis Ec-
 clesiæ Episcopo, ut
 puto rectè scri-
 ptum.

gmenta verius, magna navis laceras tabulas, ex
 terrimis membranis, priscam pietatem venerati, huc
 transferemus, mutato nonnihil ordine; hinc enim
 initium ducendum esse, res opinor loquitur.

DE CONCILIO, quod Dux Thassilo apud Din-
 goluingam celebrauit.

Regnante in perpetuum domino nostro Iesu
 Christo, in anno vero xxiiii. regni religiosissimi Du-
 cis Thassilonis gentis Baiouariorum, sub die consu-
 letm, quod erat i. Id. Octobr. atque anno ab incar-
 natione dominica dcc lxxii. Indiēt. x. Diuina præ-
 flatus inspiratione, ut omne regni sui prænotatus
 Princeps collegium procerum coadunaret, in vil-
 lam publicam Dingoluingam nuncupatam, ut ibi-
 dem tam regulare moderaret in sancto habitu cœ-
 nobium virorum & puellarum, quam Episcopales
 moderaretur obsequias, insuper gentis suę instituti-
 ones legum per primatos imperitos, uniuersa con-
 sentiente multitudine, quæ reperit diuturna vitiata,
 & quæ videbantur abstrahendo euellere, & quæ de-
 cretis placerent componenda, instituerentur. In-
 ter tot verò collegia sacerdotum, deuolutis Episco-
 porum & Abbatum in præsentia paginis, regularis
 ordines vitæ, atque canonum normas, vel decreta
 patrum, nullis comprobare quiuertant testimonijs;
 ut monachis parochi commendari deberent, vel
 publica baptismatis obsequia, nisi forte pro pericu-
 lo mortis, & nihil eorum implerent commorandi

ncgo-

Quida xxii. ha-
 bent, scriptorū
 errore. Membr.

xxiiii. Rectè. Cū
 Thassilo an. 749

Dux appellatus
 fuerit. Pro sub
 dicesiulem fort.

leg. sub die Cal-
 left. quæ Prid.

Id. Oct. incidit.
 Est barbaro æ-
 uo, interdū di-

em & consulem
 indefinitè sci-
 mus posita.

primates & peri-
 tos.
 diuturnitate,

parochiæ.

negotio. Excepto vicissitudinis villarum propria-
 rum singulis annis obediēcialibus curis commissio,
 ab Abbate proprio fuerint determinata. Vnde ab u-
 niuersis Abbatibus facta professio, ut minimè titulis
 popularibus se ingerere depellerētur, & hæc omnia,
 cui commissæ sunt plebes, sub potestate Episcopo-
 rum permanerent, sicut in sanctis synodis, vel de-
 cretis priscorum patrum, perarata comprobatur cō-
 scriptio. Ab Episcopis verò simili modo, & nihilo-
 minus prælatis ponderauerunt sententijs, ut erga e-
 os charitatis gererentur cura, ita ut canonica aucto-
 ritas confirmat, & spiritualis concordia declarat.
 Hoc peracto concilio, & ab uniuersis uno ore con-
 summato, it si quis de eadem institutione deuiare præ-
 sumperit, à collegio eorum alienetur, usque iterato
 examine, id est publico synodo.

HAEC SVNT DECRETA quæ constituit sancta syn-
 odus, in loco qui dicitur Dingoluingen, Domino
 Thassilo mediante.

De die dominico ita constitutum est, ut tali ho-
 nore habeatur, sicut in lege scriptum est, & in decre-
 tis canonum, & si quid præsumperit frangere con-
 tra legem, aut decreta canonum, tali pœna subiace-
 at, sicut ibi scriptum est. De hereditate quæ tra-
 dita est ad ecclesiam, ita constituit, ut quisquis here-
 ditatem suam ad ecclesiam ante donauerat, aut po-
 stea donauerit, si quid mutare voluerit, chartam su-
 am habeat ita scriptam, ut locum & tempus & per-
 sonam

sonam habeat, aut tribus testibus fidelibus & nobilibus testificetur. Si sacerdos non habeat chartam nec testem, ut prædiximus, tunc sicut in lege Baiu-
 rorum, & iudex iudicat, sic defendat. De eo
 quod Episcopi iuxta canones, & Abbates monaste-
 riorum iuxta regulam viuentes, ita constituit. De
 eo quod sanctæ moniales, quæ in seruitio Dei sunt,
 ita constituit; Vt nullus ausus sit in coniugium & in
 matrimonium ducere. Aut si quis ausus fuerit, con-
 tra decreta canonum, ita componat, sicut canones
 decreuerunt. De eo quod ius ad legem quam
 habuerunt in diebus patris sui, nobiles & liberi &
 serui eius, ita donauerunt, ut firma fieret. De
 eo, quod ut si qui de nobili genere de hereditate sua
 dare ad sanctuarium Dei, in sua potestate esset, nec
 mutaret, in perpetuum. De eo quod ut serui
 Principis qui dicuntur Adelschalhe, ut suam habeant
 VVeregeldam, iuxta morem quem habuerunt sub
 parentibus, & ceteri minores VVeregeldi iuxta le-
 gem suam, ita constituit. De eo quod parentes
 principis, quodcumque præstatum fuisset nobili-
 bus intra Baiuorios, hoc constituit: Vt permaneret
 & esset sub potestate uniuscuiusque relinquendum
 posteris, quam diu stabiles fœdere seruassent apud
 Principem, ad seruiendum sibi, & hæc firma perma-
 neret, ita constituit. De eo ut nullus hereditate
 sua priuaretur, nisi per tres causas, quas in pacto scri-
 bentur: propter homicidium, hoc est ut quisquis
 hominem

viuentes sint, ita
 constituit. Con-
 stitutio autē ex-
 cidit.
 sanctimoniales,
 Hic quoque ali-
 quid excidit.

Hæc manca &
 corrupta sunt, ut
 etiam sequentia
 pleraque.

dare vellent.

Adelschalk, no-
 bilis minister:
 Were-gelda &
 Were-geldus, ex-
 stimationis præ-
 tium, Fornit.
 Rom. tit. 4. c. 17.
 pretium tuum,
 ad est VVeregeld-
 dum tuum: Vbi
 perperam Wirel-
 cū legitur. C. 1.
 siue Pal. 17. q. 4.
 c. 26. ex conc.
 Tribetiam VV-
 regeldam habet,
 ubi vetust. edit.
 pro voce nō in-
 tellecta, Renal-
 dum præferunt,
 quæ in pacto
 scribentur.

(1120C)

hominem Principis sibi dilectum occiderit, ob iniuriam Principis, & ad calumniam, hominem componet secundum legem; tunc priuetur hereditate sua. De eo, quisquis mulierem nobilem acciperit in coniugium, & non præsciuit, ita constituitur, ut iterum libera esset, dimittat seruum, & postea non redigatur in seruitium, sed esset libera. De eo, quod etsi quis de quocumque reatu accusatus ab aliquo, potestatem accipiat cum accusatore suo pacificare, si vbluerit, antequam pugnam quæ VVehadine vocatur, permittat. De eo, quisquis de nobili genere deprehensus fuerit de illis IIII. causis, de quibus supra diximus, si ille hereditate sua portionem pro illius criminis reatu perdat, uxor autem illius, suo iure non priuetur, ita constituitur.

Secunda & tertia causa cūr quis hereditate priuandus, videtur excidisse, quisquis seruus mulierem.

fort. VVehdine, pro VVehding, *Waldung* &

illis IIII. causis, de quibus supra diximus, ille hereditatis suæ.

DE COLLAUDATIONE quam Episcopi & Abbates in Baioaria inter se fecerunt, pro defunctis fratribus. In Christi nomine. Notitia, qualem conuenientiam gentis Baioariorum Episcopi & Abbates inter se fecerunt: quorum nomina infra peratate stylo decreuimus. Id est, Manino Nuiuenpurgensis ciuit. Episcopi. Alim, Virgilius, Vviserich, Sintpreht, Heres, Episcopi. Opportunus, Vvolfspreht, Adalpreht, Ato, Vto, Lantfrit, Albupe, Ruothart, Ernest, Ringinpreht, Volchanhart, Perhkoz, Sigido, Abbates. Ut eorum quis de hac luce migraret, unusquisque superstitum Episcoporum vel Abbatum, pro defuncto, in domo sua Episcopali vel cœnobio, missas

-16001

R r speci-

pſalteria.

ſpeciales, & eodem numero pſalterio cantate faciat: ipſe verò de propria perſona ſua xxx. ſpeciales miſſas compleat, vel à religioſis ſibi ſubiectis, implere omnino prænotatum faciat numerum, præſbyteris ſiue monachis, cum de hoc ſæculo migrauerint, Epiſcopus ſeu Abbas, uno præſbytero vel uno monacho, xxx. miſſas ſpeciales, totidem pſalteria faciant celebrari.

DE POPVLARIBVS LEGIBVS.

ſic conſtituit.

Prænotatus Princeps, uniuerſo concordante collegio, hic conſtituit. Vt nullus à prouincia ſuæ mancipium limine venundare, vel proprium vel fugitiuum, præſumpſerit. Et ſi quis hoc decretum non obſeruauerit, Verregeldo ſuo culpabilis remaneret: Vt nullus furtiuam rem, tam in equis & alijs quadrupedibus, quam in reliqua ſupellectilia extra finem Baioariorum venundare, vel machinis diabolicis extra minandi, inſidijs tegi, ut ſi quis hoc præſumpſerit, xl. ſol. componat in publicum. Vt quis domum, tam liber quam ſeruus, altius effoderit, & ibi occiſus fuerit, ſine compositione in ſua damnatione permaneat. Si autem ſupellectilia abſtulerit de eadem domo, & eo fugiente in curtem vel extra curtem, hic cui damnum intulit conſequitur, & interfecerit, pari ſubiaceat ſententia. Similiter qui liberum vel mancipium ſuum furauerit, & cum comprehendere minime quierit, & ibidem interfecerit reum, ſuperior permaneat ſententia. Sed tamen ea genera triū homi-

Deſt aliquid.

homicidiorum, debita signa vicinis suis, & his qui
 assistunt, insignet. De pugna duorum, quod Insegnare Ital.
 docere.
 An VVehrdino,
 Vvehadinc vocatur, ut prius insortiantur quam pa-
 rati sunt, ne forte carminibus, vel machinis diaboli-
 cis, vel magicis artibus insidiantur. Qui supra
 prædictæ pugnae, quod chamfvvic diximus, pera- dicimus.
 cto iudicio, se simili vindicta erigere contra queren-
 tem præsumperit, sacramentum quod ante id dici-
 tur, iuret in ecclesia, cum tribus nominatis sacramen- Formula iurae
 menti sacramēt.
 extat leg. Alē-
 man, tit. 6.
 talibus. De eo quod Baioarij Stapsaken dicunt,
 in verbis quibus ex vetusta consuetudine pagano-
 rum idolatriam reperimus, ut deinceps non aliter,
 nisi indicat qui querit debitum, Hæc mihi iniuste ita dicat.
 abstulisti, quæ reddere debet. Reus verò contra di- debes.
 cat, Nec hoc abstulisti, nec componere debeo. Itē abstuli.
 rata voce requisito debito, dicat, Extendamus de- vica.
 xteras nostras ad iustum iudicium Dei, & tunc ma-
 nus dexteræ uterque ad cælum extendat. Vt
 nullus furtiuam rem suscipere, vel intra terminum
 abscondere præsumat, qui hoc fecerit, xl. sol. com-
 ponat. Vt hi qui Ducali manu liberi dimissi
 sunt, ad eadem cogantur iudicia quæ Baioarij Vrtel- Vrtheil, senten-
 tia.
 la dicunt. Vt hi qui in ecclesia libertatem conqui-
 rebant, deinceps, tam ipsi quam eorum posteritas,
 in secura libertate permaneant, nisi forte sibi ipsimet
 insolubile, damnum inferant, quod componere mi-
 nimè quiuerunt. Qui ex eis occidentur, preti-
 um eorum his soluatur ecclesijs, ubi liberi dimissi

R r 2 sunt.

sunt. Liberi qui ad ecclesiam dimissi sunt liberi, vel per chartam acceperunt libertatem à Rege, si occidantur, lxxx. sol. componantur ecclesiæ, vel filijs eorum, in dominico xl. sol. compon. Si ancilla libera dimissa fuerit per chartam aut in ecclesia, & post hæc seruo nupserit, ecclesiæ ancilla permanet. Si autem libera Baiuario seruo ecclesiæ nupserit, & seruale opus ancilla contradixerit, abscedat, si autem ibi filios vel filias generauerit, ipsi serui & ancillæ permaneant, potestatem exinde non habeant. Illa autem mater eorum, quando exire voluerit ante annos III. liberam habeat potestatem; si autem III. annos induxerit opus ancillæ, & parentes eius non exadomauerint eam uel libera fuisset, nec ante Comitem, nec ante Ducem, nec ante Regem, nec in publico malo, transactis tribus Kalendis Martis, post hæc ancilla permaneat in perpetuum, & quicumque ex ea nati fuerint, serui & ancillæ sunt.

Qui furtiuam, quod zougenuht dicitur, super furem comprobare nequiuerit, furtiuo compon. more. Qui resistit domum suam, quod selisuchen dicunt, qualem rem querenti resistebat, talem compon. In publico xl. sol. Qui manum immissionem resistit, quod hantelod dicitur, xl. sol. soluat in publico, & ipsam rem querenti reddat. De his qui supradictis homicijs debita morte in furto repertis, Vt si quis huius interfecti parentelæ, cum qui suo scelere captus est, vindicare tentauerit, à propria alode

Baiouaria.

ancillæ.

exundi.

Exadomauerint, hoc est, liberali causa vindicauerint, & ex domo educerint.

Mallum & Placitum conuētus est.

K. Martijs, quæ solennes apud Francos, agendis conuentibus. zeugenzucht. selisuchen.

homicidijs. reperti.

alode alienus efficiatur. Et si quis signum, quod est sigillum, in honora-<sup>Alode, prædium iure mancipi, op-
ponitur bonis
beneficiarijs, si-
ue feudalibus.</sup>uerit, vel huiusmodi iniun-
cta minimè impleuerit, prima vice arguetur, secun-
da xl. sol. compon. iij. suum V Vergeidum. iij. i.

extraminetur ab actio officio. Vt si quis iudici-<sup>Extraminetur
ab actio officio.
Depellatur ma-
gistratu quem
gererat.
& reum
ditaretur, tot
scelerum quos
reus efficiatur,
cui fraudem.</sup>um furti in bina vel terna reprehensione nõ damna-
uerit, & cum diabolico lucro dimiserit, ut per illum
quasi comparticeps, pauperum spolijs ditarentur, tot
sceleris quod commiserint ante oculos Dei & ange-
lorum efficiatur, & nihilominus cuius fraudem fe-
cerit, quasi proprium componat debitum. Vt si

quis in virtute coniunctus, a coniuge propria adul-^{dimissione quis}terina separatus fuerit, eiusq; ex cognatione coniu-
gis, propter eandem dimissione quæ cum persequi
tentauerit, a proprio alienetur patrimonio. Vt
nullus post tonsuram, capillos usu populari nutrire
præsumat: nec velata, relicto velo, sæcularem habi-
tum sumat. Vt si quis vel qua in hoc vitio reperti fu-
erint, aut corripiantur, aut excommunicentur.

Concilij acta & decreta hæcenus. Quæ quan-
tumuis rudia, & plerisque locis obscura, nec nobis
fatis intellecta, tamen mutari religio prohibuit, ne
antiquitate consecratis manus attulisse censeremur:
qui enim hoc genus monumenta, suauis & Latino
sermone interpretari maluerit, eos multo labore
quæ sitam eruditorum lectorum gratiam, non tenu-
isse animaduertimus, quod sibi quisque ipsi credere,
quam alienam fidem sequi malit. Porro multa

in ijs sunt, quæ Thassilonem, ut est insatiabilis humanus animus, quamquam opum & potentia magnitudine, atque regia cognatione; Francicorum Ducum facile primum, altiora iam tum spirasse ostendant, viam ad eos conatus munientem qui postmodum erupere. Neo regni vocabulum de nihilo interiectum, nam concilia conuentusq; cogere, & leges condere; Regum nimirum apud Francos munus, à quorum etiam initijs annorum numerus iniri solitus; quod sibi Thassilo propalam utrumque sumpsit. Principis idem & Ducis nomen promiscue ferēs, Principis tamē libentius & crebrius usurpauit, quod Ducis magis obnoxia appellatio haberetur. Itaque Leo Ostiensis, Herchempertum in Langobardica historia auctorem sequutus, Archisum memorat, cui Adalperga altera Desiderij filia matrimonio iuncta fuit, eadem de causa abdicato Ducis titulo, qui superioribus omnibus suffecerat, primum se Beneuenti Principem nominasse, & ab Episcopis unctum, corona usum esse, diplomatis sacratissimo palatio, quod reges solent, ascripto.

Leo chron. Ca.
fin. l. l. c. 10.

Omnium script.
consensus.

Carolus anno septingentesimo septuagesimo tertio, ab Hadriano aduersus Langobardos euocatus, in Italiam venit, Desiderium, quod sui copiam extra munitiones non faceret, Ticini obsedit. Sequenti, deditiois necessitatem expressit, & regnum Langobardicum, quod supra ducentos annos in Italia steterat, ad Francos transtulit. Rex cum coniuge capti-

ANN. POST
CHR. NAT.
DCCLXXIII.

DCCLXXIV.

captius ductus, Adalgisus filius fuga Constantino-
polim euasit. Boio & Beneuentano soceri calamita-
tem miserari licuit, Carolum virtute & fortuna flo-
rentem, palam laceffere, neuter tum ausus est, etsi
ingentes de cetero spiritus alerent. Sed angebatur
inprimis Luitpurga, ferox & vindictæ cupiens fœ-
mina, quæ sororis prius iniuriam, cui Carolus anno
postquam uxorem duxit repudium renuntiauerat,
nunc patrem de regio culmine ad tantam humilita-
tem deiectum, indignissimè passa, virum nec nocte
nec interdiu conquiescere sinebat, donec paulatim
animum, à Francis antea etiam alienum, in consilia
traxit, quorum temeritas, Desiderio nulla ex parte
opitulata, Boiorum fortunam ad Langobardicæ
modum depressit. Quod quidam, fidem & au-
thoritatem veterum nihil reueriti, Thalsilonem Lan-
gobardis à Carolò præfectum, atque adeò Regem
appellatum prodidere, eos perspicuè ineptire, ne-
que tam vana, quam absurda & stulta scribere com-
pertum, qui dictis refutentur dignos non habeo.
Virgilius basilicam Salisburgi absolutam, viii. K.
Octobr. dedicauit, & corpus S. Ruperti, de priori
sepulchro exemptum, una cum sociorum presbyte-
rorum corporibus, honoris causa in eam intulit.
Arenpekius Thalsilonem eodem anno, quem regni
cuius vigesimum septimum perperam habet, concili-
um Prid. Id. Octobr. coegisse narrat: nobis id unum
videtur, quod ante biennium, veteris exemplaris fi-

Sangall. de vita
Carolil. 2. c. 26.
hoc repudium
inter causas bel-
li Langobardici
numerat.

Ioan. Steind.
Magnus presb:
& vita S. Virg.
Hund, funda-
menta an. 767.
iacta, templum
intra an. 12. ab-
solutum, 13. de-
dicatum scribit.
Nos vetustiori-
bus credimus.
Aren. l. 2. c. 35.

de

Steind. Catal.
Barau.

deretulumus. **Septuagesimo quinto, Valericus**
Batauenſis Episcopus morte functus, Valericum
ſucceſſorem habuit.

ANN. POST
CHR. NAT.
DCCLXXV.

Ado. Reg. Ann.
Fuldenſ. & Frâc.
Vita Caroli M.
mon. Egoſim.
Eginh. Sigeb.
Ann. M. C. 2a.

Carolus triennio poſt, Ibanalarabi Saraceni acci-
tu, florentiſſimum exercitum duobus itineribus in
Hiſpaniam duxit: pars cui ipſe præerat Pompelo-
nem, munitam ſub Pyrenæis montibus urbem cœ-
pit; muros, ne qua unquam obſequium exuendi o-
rireretur fiducia, ſolo tenus deiecit, victricia arma per
omnem provinciam circumtulit. Ibero deinde va-
do traiecto, auxilia Boiorum, Langobardorum, ce-
terarumq; ſcæderatarum gentium, quorum longe
maximus erat numerus, alia via progreſſa, ad Caſar-
auguſtam recepit. Ibi explicato agmine, & oſtentat-
â obſidione, ciuitatem opulentiſſimam & potentiſ-
ſimam ſic terruit, ut datis obſidibus, & pacto grâ-
di auri pondere, ultrò ſe imperata facturam pollice-
retur. Ingens expeditionem ſequebatur gloria, niſi
eam vulnus in reditu acceptum, hebetatam immi-
nuiffet. Longo agmine exercitus inter arcâ Pyrenæi
ducebatur, ubi ad ſummum euafum, Vaſcones, te-
cti opaco nemorum, verticem inſidebant, ij primos
taciti transmittunt, ad ſarcinas & impedimenta ex
inſidijs confurgunt, poſtremos ſumma vi inuadunt;
loco & armorum leuitate ſuperiores, Francos in ſub-
iectam vallem agunt præcipites, ut magna cædes
adita, eorum qui reſtitere nullus ſuperfuerit, impe-
dimenta direpta ſint. Neque Carolus anguſto præ-
ruptoq;

DCCLXXVIII.

Epiphani.

ruptoq; saltu, aciem vestigio temporis in pugnam obuertere, nec, ingruente nocte dilapsis cum præda latronibus, cladem postea ulcisci potuit. Cecidere, præter promiscuum vulgus, Eghartus regiæ mensæ præpositus, Anselmus Palatij Comes, & Britannici litteris præfectus Rutlandus, bellandi virtute inter primos illius æui, sed veras laudes monstrosæ fabu-

NAAMAN.

lositatis scriptores deterunt. Iidem NAAMANVM Boiorum Ducem desideratum tradunt: princeps Turpinus, Naamani cadauer in Galliam reuectum, in campis Aylis ad urbem Arelatem, à se conditum asseuerat, cœmeterio, quod multa præterea millia cœperit, eorum qui tunc cæsi sint. Campi lapidei ad Rhodani ostia, quorum crebra est apud veteres geographos, nec ea fabularum immunis mentio, leuibus ingenijs fingendi materiam præbuere. Sed si tamen Naamani Boij nomen his auctoribus recipimus, quo propendeo, quando inaniter excogitando causa non fuit, in eo saltem offensum, quod genti imperasse creditus, eo ipso tempore quo Thassilo præerat, consortis si quis unquam impatiens: cuius auspicijs auxiliares copias in Hispaniam duxisse, & se, fortiter agendo, in Caroli amicitiam insinuasse, posterorumq; memoriam emeruisse, magis ex vero sit. Nam etymon quoque, si quis huius argumenti tenuitate capitur, vernaculo sermone submissionis notam continet. Atque hæc quidem foris. Domi alius interim luctus Principalem domum func-

Turp. c. 30. & ex eo Vincent. l. 12. c. 13. & 22.

Plin. l. 3. c. 4. Solin. c. 8. Mela l. 2. Strabol. 4. citatis Aeschylæ versibus.

Nah-man, ad verbum, post-virum veritas,

S f stauit.

Mf. de monast.
Boior. Annales
Chremsmunst

stavit. Maior filiorum Thassilonis Guntherus, Laureaco sub brumam venatum egressus, in raræ magnitudinis aprum forte incidit, propter fontem & piscinam, quam hinc nomen traxisse aiunt: comitibus per syluam dilapsis, animum solitudine nō despondens, venabulo obiecto, feram strenuè excipit, & luculento vulnere conficit: ipse vicissim à dolore & furore percita consauciatur, ambo in eodem vestigio corruunt. Ibi canis latrantis indicio repertus, magnæ indolis adolescens, miserandum suis in tam tristi exitu præbuit spectaculum. Pater quantum maximum potuit sepulturæ honorem habuit, templo cum monasterio magnificentissimè excitato, & amplissimis redditibus instructo, quod à præfluente Chremsa nomen traxit. Valdericus, Virgilius & Simpertus Episcopi dedicarunt, Hadrianus Pontifex, Agapiti Prænestini martyris corpus, Roma honoris causa dono misit: Veteres tabulæ dedicationem in annum Thassilonis tricesimum, Theodonis primum, indictione prima conferunt. Quo cum plerique annales refelluntur, de superiori anno consentientes, tum apparet, Theodonem fratris mortem non dubium heredem, mox à patre collegam, in partem dominatus ascitum esse. Sunt verò in antiquitatis memoriam iniurij, qui leui suspitione nixi, quod diploma de monasterij constitutione (istis orationem appellare placuit) Guntheri nomen non habet, id ex omni narratione contendunt expun-

gen-

Extat Frisingæ
liber magnus
tradition. scri-
ptus an. 1187. in
quo etiā an. 30.
Thassil. cum 1.
Ind. cōparatur,
& ad candelati-
onem an. 15. cū
Ind. 11. Item an.
26. cum Ind. 13.
ubi intelligere li-
cet priorem par-
tem anni 26. cō-
currere cū Ind.
12. posteriorem
cum 13. Quod
verò in eodem

gendum. Propensus in religionem & sacras ceremonias Thassilo, Salisburgensi etiam sedi multa ipse contulit, multa ut subditi conferrent indulgit, quæ ab Arnone diligenter annotata sunt. Matseum præterea, Thierhauptum & Chiemseum virginum, nam duplex est, monasteria condidit: pleraque antea condita vectigalibus auxit, sic ut horum quoque vulgo auctor habeatur. Fert enim & urbium & monasteriorum sæpe ratio, ut modica initijs, auctibus æstimentur, & confusa temporis diuturnitate memoria, posthabitis conditoribus, eorum nomina celebrent, quorum maximè ope creuerint. Quidam multa extra Boicam adijciunt, de quibus nobis minus liquet: tum intra non pauca, quæ certiores commentarij, Thassilone recentiora esse evincunt. Siue qui huic tribuunt omninò errant, siue quod priusquam monasteria ædificarentur, ecclesiæ ijs locis steterint, in quas ille munificus: excusatione cum probabilitatis, tum aduersus scriptores humanitatis plena.

Anno eius tricesimo secundo, Adaluncus, Hiltipaldus, Kerpaltus & Otakirus fratres Schlierseum instituerunt. Eodem Principe, annus in incerto est, Scheftlarium V Valchericus, Garsium Boso, Au Baldunus & Robertus presbyteri condidere. Hæc Arno Garoz & Avvam nominat. Apud quem Zottinge quoque cellam (monasteriorum ea antiquitus appellatio) à Guntario Comite, in S. Stephani honorem tum constru-

libro comparatur anni Thassilonis 11. 12. 17. 32. cū Indictionib. 11. 12. 1. 12. alterutros numeros vitiatos, monasterium est.

Exat dipl. in cod. m. Prisc. quod etiā HUNDIUS retulit. Datum, Sub die Cæsol: quod fuit XII. Calend. Februarii, Indict. XIV. Regnante Domino Thassilone Anno XXXII. Sed mendosus inscripti numerus, in Indictione reponenda est.

Sl 2 Etam,

Arno in annot.

Arenpek. l. 2.
c. 34.

Ioan. Steindel,
& Magnus pre-
sbyt. Arenpeki-
us ab utroque
diuersus videtur.

Meminit huius
translationis in-
certus auctor,
quid inuent. S.
Valentini scri-
psit, Surijs to. 4.
Sed is Thassilo-
nem cum patre
Grimoaldi per-
peram confun-
dit.

Ex vita S. Corb.
ab Aribone scri-
pta c. 39. & se-
quent.

etiam, & cellulam ad Caofftain, ubi fratres mani-
bus laborare scribit, reperio: vocabulis locisq; mihi
quidem adhuc ignotis, nisi si Zotinge Oetingam ex
Arenpekio interpretamur, & Caofftain Kopffstein
est. Per hæc tempora, nam ne de anno planè
constituam, scriptorum dissensus obstat, quorum
alii ad annum septuagesimum septimum, quidam
ad octogesimum quartum reuocant, per hæc igitur
tempora, corpus S. Valentini Episcopi, quod Lan-
gobardi Maijs Tridentum transtulerant, Tridento
ad Bataua, agente Thassilone, ut quæ viuo debeba-
tur, saltem mortuo sedes redderetur, delatum, in
crypta ante fores ædis maximæ, inter duos muros
conditum est. Arenpekius reliquias Viuilonis
quoque Episcopi, quem sancti honore dignatur,
Laureaco Bataua deuectas scribit. Aribonem
de S. Corbiniano cura coquebat, cuius corpus Fri-
singa abesse eo indignius rebatur, quod satis com-
pertum haberet, cum Maijs ob unam Valentini ve-
nerationem sepeliri voluisse, nunc conditione mu-
tata, nihil esse cur longinquo & deserto loco diutius
inhonorus iaceret. Synodo coacta, post triduanum
ieiunium & continentes preces atque sacrificia, pio-
rum plerique per somnū moniti sunt, relationem à
Deo probari. Tum prouincialium Episcoporum &
Thassilonis ipsius usus consilio, honestissimos eccle-
siastici ordinis viros Maias legat. Quibus ad tumu-
lum peruigilantibus, noctu ingens fragor, in toni-
trui

trui morem, sereno cœlo auditus. Mane corpus à venerabundis exhumatum, integrum & incolume viuido colore apparuit, ut hominis magis somno, quam morte, ante tot præsertim annos depositi, speciem ferret. Feretrum subiere viri religiosi, tanta alacritate, ut pedibus euntes equitatus honori & custodiæ additus, ægrè assequeretur. Cum alia per viam signa edita, tum illud insignem admirationem habuit, ut pompa eo loco substitit, quo Corbiniani sanguinem conditum supra diximus, qui crucem præferebat, hastile terræ fixurus, vasculum forte imprudens pertudit, indeliquidissimus iterum sanguis, colore à recenti nihil differens, fluxit. Res digna existimata, cuius memoria exstructâ ecclesiâ seruaretur. Frisingam appropinquant, Thassilo cum Episcopis & apparatissimo omnium ordinum comitatu obuiam processit, ibi sacrum pignus ædi Mariæ virginis inter sacros hymnos illatum est.

Pag. 267.

Atrox interea odij Luitpurga, quæ patre inulto vitam omni exitio acerbiorẽ duceret, quod Carolus Romam religionis nomine proficiscens, Germania excessisset, vindictæ occasionem obuensis existimans, maritum ad rebellandum, nullo causæ emolumento impulit. Vix enim animum nudauit Thassilo, cum Hadrianus Pontifex, gliscens incendium veritus, interq; initia restinguendum ratus, sequenti statim anno, Formosum & Damasum, utrumque Episcopum, legatos in Boicam mittit: Ca-

Sigebert an. 780

Annal. Fuld.

Reg. Sigeb. Ann.
Fuld. Franc. &
mil.

Sf 3 rolus

rolus Richolfum Diaconum, & Eberhartum pincernarum præfectum adiungit. Hi Thalsilōnem, sacramenti quod Pipino & filijs dixisset admonitū, facile ad officium reuocant, ita ut fide & obsidibus acceptis, vim abluturam, Vormatiam ultrò veniens, se Carolo præfens sisteret, iusiurandum etiam nouaret, & sacramenti sanctitati duodecim delectorum obsidum pignus adijceret, ratā fore promissa, tum aduersus Carolum, tum eos qui in Caroli fide essent. Et obsides quidem, Simpertus Reginoburgensis Episcopus Carisiacum paullo post adduxit. Idem annus Vilibaldum Eistadiensem Episcopum Non. Iulij abstulit, Vunibaldō fratre & Valtpurgi sorore longè ante defunctis: omnibus cœlestes honores decreti. Eistadiensem sedem Gerochus tenuit. Octogesimo secundo Aribō Frisingensis Episcopus satis concessit, Arto sublectus. Chimensis virginum ecclesia K. Septembr. dedicata est. Tertio, S. Emmerammi magni operis basilica Reginoburgi à Simperto absoluta. Hildegardis Caroli uxor è vita abiit. Quam ut domi pernobilem, Sueuam origine fuisse satis constat, sic sunt qui Andecisij in Boica, matre Regarda Andecensi Comite natam esse contendunt. Fidem adhibere Theganus verat, à quo Imma, Gotofridi Alemanix Ducis proneptis, Hildegardim peperisse, planè traditur. Anno octogesimo quarto Virgilius, Episcopus inæstimabilis sanctitatis & meriti, id enim à vitæ scriptore tributum

Joan. Streind.
Catal. episcop.
Eistad. Vunibaldum
an. 760.
Valtpurgim 776
obijisse narrant.

Catal. Frising.

Joan. Streind. A.
resp.

Annal. Fuldalij.
Eginhardus

Brusch. de monast.
Hund. in genal.
Theg. de gestis
Ludou.

ANN. POST
CHR. NAT.
DCCXXXII.

DCCXXXIII.

DCCXXXIV.

butum elogium, posteritas consentiens approba-
uit, leni morbo v. K. Decembr. decessit. Multa &
mirifica, eaq; salutaria plerisque signa, ad mortui ca-
daver sunt edita, verum ego nullum uni beneficio
antetulerim, quod Carantanis Christianæ fidei my-
sterijs erudiendis viuis præstitit. Gregorius nonus
Pontifex, diuorum numero post aliquot sæcula pu-
blicè ascripsit. Salisburgensibus iuxta Rupertum,
patronus & tutela colitur. Bertricus successor,
vix toto anno superstes, sedem morte vacuam Arno-
ni tradidit; cuius primum opera & illustri apud Ca-
rolum Leonemq; Pontificem gratia, Archiepisco-
patus dignitas in eam commigravit. Tum Sim-
pertus quoque è vita discedens, triste sui Regino-
burgensibus desiderium reliquit. Et verò tot con-
tinuata præstantissimorum antistitum funera, iram
diuini numinis, haud paullò certius quam quæuis
prodigiosa monstrorum facies denuntiabant, cum
his tantis columnibus, ruina qua Thafilo non mul-
tò post præceps concidit, validè sustineri potuerit &
fulciri. Male cum Carolo facta gratia, tanquam
ruptis compagibus, subito dissiliit, Luitpurgæ rur-
sus impulsu, satis credo: etsi veterum annalium hîc
quoque mira est ieiunitas, neque nos recentium ex
ingenio copiam moramur. Thafiloni illud perin-
commode accidit, quod anno septingentesimo o-
ctogesimo quinto, Saxoniâ post diuturnum bellum
subactâ, Franci ea cura liberati, toto dein pectore in

Chron. Magni
presb. Ioan.
Steind Catal.
Salisb alij Vita
Virg corruptè
habet an. dccc
lxxx. 4. K. Dec.
reponendum an.
dccc lxxxiv. 5. K.
Dec.
Annal. Hein.
Sternonis an 1233
to 1. ant. lect.
Catal. Episc. Sa-
lisb.

Catal. Reginob.
habet Simpertu
inisse an. 751.
sedisse an. 31 sit
itaque cōsequēs
obijt an 784.

ANN. POST
CHR. NAT.
DCCLXXXV.

Annal. Fuld. Re-
gino, Sigebr. alij.

res Boicas incubuerunt. Carolus sub exitum sequentis anni in Italiam profectus, Romam octogesimo septimo peruenit. Ibi Arno Episcopus & Henricus Manseensis Abbas, Hadrianum Thassilonem nomine adeunt, ut pacem iterum communis pater conciliet rogant. Nec detrectauit operam Pontifex. Vt verò copiosa oratione Carolum persuadere aggressus est, statim sibi eo labore supersedendum intellexit, respondente quippe Rege, nihil sibi pace antiquius vel antehac fuisse, vel nunc quoque esse, cuius rei luculenta dederit testimonia, quæ nihil opus commemorare, se multa expertum, quo Thassilonem religione fœderum in officio cōtineret, quod frustra fuerit, culpam certè præstare non debere. Quin ipse Hadrianus, pacis conditiones nunc coram inter præsentibus diceret, eas se, pro veneratione qua Apostolicam sedem semper prosequutus sit, recepturum polliceri. Tum tergiuersari legati, neque se ea mandata domo afferre, neque sine mandato rem tantam, qua Principis obstringatur fides, spondere. Apparebat magis moram bello, quam id quod prætexebatur quæri. Iratus itaque Pontifex, Thassilonem, quiq; eius partes sequantur, diro anathemate percellit, nisi sanctitatem sacramenti, quo Pipino prius nexi, nunc Carolo teneantur, per omnia ratam habeant. Simul cum per hos ipsos legatos seria admonitione obtestatur, etiam atque etiam quo progrediatur cogitet, nam si porrò peruicacia & perfidia animo

ANN. POST
CHR. NAT.
DCCLXXXVI.
DCCLXXXVII.

Annal. Franc.
Regino, Aimo-
m. Steindel. A-
rcnepek. Miss. alij.

animo indulgere pergat, se Carolum & Francos, Deo & S. Petro auctore, iam nunc crimine soluere, cades, incendia, rapinas, quæq; alia mala bellum semel motum consequantur, in ipsius caput recasura, ipsum omnium scelerum supplicia luiturum. Legatis dimissis, Carolus loca sacra veneratus, benedictione à Pontifice accepta, in Germaniam reuertitur. Ibi indicto Vormatiam conuentu, proceribus cum reliqua Italici itineris acta narrat, tum de subdola Thassilonis legatione, manifestis indicijs ab Hadriano deprehensa, adijcit. Re quantumuis compertâ, placuit tamen ire qui Thassilonē adhuc percunctaretur, quid illi tamē animi, ecquid pareret postremis Pontificis monitis, iusiurandum vel nunc respiceret, & se concilio, imperium coram accepturus, sisteret. Cum nihil pro sano responderetur, officium armis & metu visum repetere. Bello ergo decreto, maximus trium exercituum apparatus fuit, quibus Boica quacumque Francis adiri posset, (cum à tergo Hunni clauderent) peteretur. Rex primum in campis Lycatibus ad urbem Augustam castra posuit; Thuringi, Saxones, quiq; Franci ad orientem colunt, Pferingam in Danubij ripa tenuere: Pipinus Caroli filius, Tridenti patris iussu substitit, copias Italicas quas ducebat, Bauzanum præmisit. Postquā se Thassilo undique tanquam indagine cinctum circumspexit, nec domi quæ sperarat præsidia reperit, Boijs Franco fidem semel datam, quod ius fasq;

Quod quidam scripsit, Boicam à Thassilone Carolo cum seipso tradidit, cui homo insculptus, vete rex ingenio est. O.

T t

inde

tho Fris. l. i c. 5.
6. de Frid. &
Gunt. l. i. Regna
per gladiū, pro-
vincias per vexil-
lum, Episcopas
per sceptrū
tradit. o. tendunt.

*Conditor hac fa-
cea, quem pio
Christo bea.
Thassilo Dux pri-
mum, post Rex,
monachus sed ad-
mum, Idibus in
ternis decesserat
qste Decembris.*

Annal. Franc. &
Fuld. Reg. Sigeb.
Eginh. Aimoin.
Et præcipuè Mf.
anonymus, quē
Theodulphum
suspiciamus. Ae-
miliius intercaus-
sas odij Luitpur-
gæ fratres Adal-
gisum cæsum
perperam recen-
set, Adalgisus e-
nim hoc quidē

inde stare, non mutantibus, neque ullis artibus in
defectionem trahendis, serò intellexit, quam non
suarum virū hæc esset concertatio. Caroli clemē-
tiam tentare unum supererat, cui, in castra veniens,
peccatum passus, nec quidquam quod imperaretur
detrectans, se suaq; permisit. Carolus, quanquam
iure irasci poterat, hominem cognatum pœnitentia
satisfacere passus, veniam dedit. Clientelæ sacramē-
tum iteratum, & tredecim obsides, inter quos The-
odo filius, præsens pignus fidei toties irritæ, traditi.
Thassilonem Regem appellatum, domestici anna-
les habent, & tumuli quoque carmen affirmat: sed
nec quo tempore, nec per quam occasionem, sat
planum proditur. Ego ambitionem diu agitatam,
demum in apertum exiisse censeam, cum Francico
imperio palam excusso, manifestè rebellatum est,
cuius rei Regium ipsum nomen quædam veluti tes-
tera, ut aptè Eginhardus in Caroli vita scriptum re-
liquerit, bello celeriter & excitando & finiendo, ho-
stis qua superbiam qua foecordia causam præbuisse.

Luctuofus rei Boicæ annus subsequitur. Effre-
rator in dies Luitpurga, acuebat enim iras petitz
obtentæq; veniæ indignitas mirum in modum, ma-
ritum usque muliebriter inculpare, mollicitem igna-
uiamq; obijcere, qui seruitutem sub umbra fœderis
pati paratus, nullo vindictæ, ne libertatis quidem
desiderio angeretur. Neque ille perpetuis coniugis
querelis, ut erat uxoriis, diutius repugnare susti-
nens,

ANN. POST
CHR. NAT.
DCCCLXXVIII

nens, iam noua consilia coquebat. A quibus populares vehementer abhorrere, proximo tumultu expertus, eo descendit, ut nec Hunnorum inimicissimæ Boijs gentis opem aduersus Francos implorare dubitaret. Quamquam minus hoc, illud altioris indignationis, & impotentissimi animi indicium, quod admonitus periculi, quo obfides & Theodonem imprimis inuolueret, auditus profiteri, se facile decem etiam Theodonum capita, si totidem dentur liberi, infirmando Francico fœderi impensurum, quo ut se teneri patiatur, ne propriæ quidem salutis aspectu adduci possit, nam ut nunc res habear, mori quam viuere utique satius ducere. Ab Hunnis auxilia prolixè promissa, nulli in tempore fuisse usui. Cum enim Carolum Thassilonis cœptum non falleret, quod dicta factaq; eius multa, quæ non nisi ab inimico & irato proficisci possent, emanassent, nihil moratus, concilium Ingelhemum indixit: Franci, Boij, Langobardi, Saxones, ceteriq; prouinciales conuenere. Thassilo accitus, nihil adhuc parati habens, se iudicio necessariò exhibet. Ibi Boiorum potissimum testimonij premitur. Obiectum, quo tempore superiori anno Regi fidem iureiurando astrinxerit, aliud ore promptum, aliud pectore habuisse conditum, nam & suos monuisse, qui conceptis tum verbis una iurarint, mentem eodem modo iniuratam gererent. Additum de pactione cum Hunnis inita, de insidijs amicis Regijs structis, de vocibus ad violationem

anno, sed Thassilone demum Principatu exuto, victus & captus est.

fœderis spectantibus, non perplexè iactis. Quorum omnium Luitpurga fons & caput sit. Aemilius Vitechindum Saxonem, acerrimum Francici nominis hostem receptum, frustra adiicit, Vitechindus quippe ad Normanos, hoc est Danos profugit, itaque Normanos absurdè Noricos interpretatus, eosdem Boios censuit. Cum nullum accusationis caput negaretur, concilium præterea in memoriam rediret, exercitus ante annos viginti quatuor Pipino Rege, ab eo deserti, quod ipsum (Herisclicz Francorum leges appellant) capitale haberetur, reus confessus, maiestatis omnibus sententijs, acclamatione damnatus est. Intercessit Carolus. Lenem animum respectus vicissitudinis sortis humanæ subijt, & miseratione Principis nuper florentis, longè supra eos qui nunc de ipsius capite iudicarent, tum propinquitatis etiam maximè ius valuisse, proditum. Accidentem ad genua, neque iam quidquam excusantem, quam rebus ipse suis conditionem dicat, quod porro vitæ genus instituere cogitet, interrogat. Ille cœnobio condi suppliciter orat, actæ ætatis delicta inter monachorum choros lachrymis piaturus. Assensum. Habitum una cum filio attonsus mutat. Laurissa utrumque accepit, monasterium in Rhenensi pago, ut tum loquebantur, à Cancore Comite, ante annos amplius viginti ædificatum: nam qui Laureacense ad Danubium malunt, quod Thassilonem struxisse aiunt, nominis similitudine decepti errant.

Nun-

Herisclicz siue
Heriscliz, scilicet
exercitus Leg.
Franc. l. 4. c. 73.
& capit. Car. l. 3.
c. 70. *Quicumque*
absque licen-
tia vel permissio-
ne Principis, de
hoste rem suam fu-
erit, quod factum
Franci herisclicz
dicunt, volumus
ut antiqua con-
stitutio id est ca-
pitalis sententia,
erga illum puni-
endum custodia-
tur.

Monach Ego-
lilin. *Monachi*
ambo facti sunt,
in Olso monaste-
rio, ubi S. Boni-
facinus quiescit.
Nimirum Lau-
rissa in insula
Alden-munster,
Sed S. Nazarij

Nunquam fidem habuisset Carolus, quantumlibet monacho, in Boica ad Hunnorum fines degenti. nomen pro Bonifacii reponendum, ex annal. Laurisheim. c. 6. stat. Egghardus disertè, euocatum, non permissum redire narrat. Et sepulchrum Laurissæ visitur. Neque illi aduersus magnorum auctorum testimonia audienti sunt, qui pugna victum, captum, obiectu ignitarum peluium cæcatum tradunt. Reliquum vitæ tam religiosè Aimoinius egisse scripsit, quam lubentissimo monasterium ingressus sit: dubia apprimè & ancipiti sententia, sed quam domestici annales opportunè in commodiorem partem interpretantur, nimirum eluisse benefactis superiores maculas, & propitiando numini assiduam ad eò operam nauasse, ut mortui etiam monumentum signis diuinitus editis illustratum claruerit. Aim. l. 4. c. 20. Quod, quoniam se religioni lubens multumq; precatus mancipauit, et si serò, atroci & difficili suo tempore, profectò ab Aimoinij oratione non abhorret; nec à cetera quidem Thassilonis pietate, nisi qua illum odium in Francicum nomen transuersum egit, discrepat. Vion. l. 4. c. 6. & 27. Thassilonè sub vestelaicita vixisse scribit, ut sanctorum catalogo post mortè ascribimuerit. Theodonè presbyterij honore fuisse decoratū. Sed fides apud eos auctores est, quos ille nō nisi recentiores nominat. Exitus Agilolfingorum imperij is fuit, anno ducentesimo octogesimo postquam Theodo primùm pedem in Boica posuit: stirps inter Germanicas sine controuersia vetustissima & nobilissima, in cognomine Theodone Thassilonis filio extincta est. Carolus paucos Boiorum qui cum Thassilone senserant, exilio multat. Luitpurgam monasterio inclusam, magis conijcere, quam vetustis testimonijs confir-

mare possumus. Aemilius prius mortuam, quam maritus monachum indueret, scriptum reliquit; unde haustum, non satis comperio. Sane nec veri speciem obtinet, & ille cetera laudatus scriptor, multa sibi in Boicis imperitè permisit, haud dubiè in nulla historiarum parte negligentius versatus. Bellum interea Hunni, pro eo ac cum Thassilone & Luitpurga conuenit, summa ope parauerant, neque arma, quæ non tam Boiorum gratia, quam prædespes & cupido induisset, illis celeritate oppressis, exuenda, quin iam Franco accola, acrius etiam exercenda rati, ingentibus simul duobus exeffitibus in Forum Iulium & Boicam impetum faciunt. Vtrobique reiecti. Boijs victoriam celsisse in campo cui Iboræ nomē, Grahamanum & Odoacrem Regios legatos, cum auxiliariis nonnullis Francis affuisse, Regino auctor est. Hunnis ea res rabiem magis quam audaciam incendit, contumeliæ enim visum propius, ab ijs victos esse, quibus se auxilio venisse dicerent. Collectis iterum copijs, irarum pleni redeunt, & vindictam popularium superbe professi, primo concursu à Boijs & Francis, haud maiore momento quàm antea pelluntur. Ibi cædes omnia obtinet, si quos fuga hosti armato eripuit, plerosque Danubius, trannare conatos merfit.

CAROLVS magno tumultu leui opera compresso, Boicam adit, Reginoburgi recentem prouinciam ordinat, descriptamq; Comitibus, hoc est ludicibus regen-

CAROLVS
MAGNVS

Multa in hac
caussa Aemilius
imperitè, multa
perturbatè, mul-
ta absurde, sed
erratum caput
est, quod Boics
eosdem Aures
eorumque con-
sanguineos Hū-
nos esse dixit.

Ado, Aimoin.

regendam tribuit, leges veteribus addendas proponit, quas ex membranis supra laudatis, subijcimus. Pag. 310.

CAPITVLA QVAE DNS KAROLVS SERENISSIMVS AD-
DERE IVSSIT.

Vt bannum ipsius quislibet irrumperet, componere debeat. Vt ecclesia, viduæ, orphani vel minus potentes, pacem rectam habeant, & ubicumque infractum fuerit lx. sol. componatur. Vt raptum, vel vim per collecta hominum & incendia, infra patriam, nemo facere præsumat, & qui hoc commiserit, lx. sol. in bannum nostrum compon. Similiter & qui iusionem regiam in hostem bannitus irrumperit. Hæc capitula in alsiduitate, reliqua autem reseruata sunt Regibus, ut ipsi potestatem habeant nominatiuè demandare, inde exire debent. De dineralibus, Vt si quis eos * Regi componantur. Similiter de his qui per chartam in ecclesia iuxta altare dimissi sunt liberi, cum xl. sol. compon. Regi. Hi verò qui per chartam ingenuitatis dimissi sunt liberi, ubi nullum patrociniū, & defensionem non elegerint, similiter Regi compon. cum xl. sol. Vt clericum nemo recipere audeat sine consensu Episcopi sui, & si cum aliquis acceptum habet, quando licentia ipsius Episcopi fuerit, aliter non faciat, nisi cum eius præsentia, perscrutandum si dignus fuerit, deducatur.

HAEC CAP. NOSTRA MISSI NOSTRI COGNITA FACI-
ANT OMNIBVS IN OMNES PARTES.

Vt

Erant in eodem ms. codice alia etiam Cap. quibus præscriptū, *In lege Salica mittenda sunt.* Quæ quod priuatim ad Boios non spectarent, ad visum exscribere. Eorum verò quæ hic proponuntur, nonnulla in collect. Capitulor. à Pithæo editor. exant l. 3. c. 22. 23. 24. append. 1. ad l. 4. c. 2. lib. 5. c. 138, 139, 140. 141.

eos occiderit.

nisi ut ad eius præsentiam.

Vt nullus ad mallum vel ad placitum infra patriam arma, id est scutum & lanceam portet. De latronibus, Quicumque post missam sancti Ioannis latroni mansionem dedit, si Francus est, cum XII. similibus Francis iuret, quod latronem, cum fuisset, non sciret, licet pater sit, fratres, aut propinquus. Si hoc iurare non potuerit, & ab aliquo conuictus fuerit, quod latronem in hospitio suscepisset, quod & ipse latro & infideliſ iudicetur: quia qui latro est, infidelis est noster & Francorum, & qui illum suscipit, similis est illi. Si autem audiuit quod latro fuisset, & tamen nescit firmiter, aut solus iuret, quod nunquam eum audisset, nec per veritatem nec per mendacium, eum latronem esse, aut sit superatus, si de illo latrocinio postea victus fuerit, aut similiter damnetur. Vt nullus comparet caballum, bouem, iumentum, vel aliud quid, nisi illum homines cognoscant à quo venditur, aut de quo pago est, vel ubi manet, aut quis eius senior. De aduentitijs, Vt cum Missi nostri ad placitum nostrum venerint, habeant obstrictè quæsitum quanti aduentitij sunt ad illorum missatico, & de quo pago sunt, & nomina eorum, & qui sunt seniores eorum. Similiter direximus Missos in Aquitaniam & Langobardiam, ut omnes fugitiuos & aduentitios ad nostrum placitum adducant. Quicumque ista capitula habet, ad alios Missos ea transmittat qui non habent, ut nulla excusatio de ignorantia fiat, & hoc missi nostri ante natiuitatem

Si Francus. Defi-
deratur alterum
membrum, Si
Baioarius.

infidelis,

ut simil,

Senior pro do-
mino.

in illorum.

hec.

uitatem Domini omnibus cognita faciant. In pri-
 mis omnium iubendum est, ut habeant Ecclesias e- Ecclesiæ earum.
 orum iustitias, tam in vita illorum qui habitant in
 ipsis Ecclesijs, quamq; in pecunijs & substantijs eo-
 rum. Ast ut omnes Episcopi potestati, vel secun- Hæc manca & corrupta.
 dum regulam canonicam doceant & regant eorum
 ministeria, tam in monasterijs virorum quamq; pu-
 ellarum, vel in forensis presbyteris, seu reliquo po- forensibus.
 pulo Dei. Vt viduæ & orphani & minus potentes,
 sub Dei defensionem & nostro mundeburdo pacem defensione.
 habeant, & eorum iustitia. Episcopi cum Comi- iustitiam.
 tibus stent, & Comites cum Episcopis, ut uterque
 pleniter suum ministerium peragere possit. Vt la-
 trones vel homicidæ seu adulteri vel incestuosi, sub
 magna distictionem & correctionem sunt corre- distictione & correctione sint.
 pti, secundum eo VVabaioariorum velle. De re- secundum Baio-
 bus proprensus, Vt ante Missos & Comites nostros ariorum leges.
 & Iudices veniant, & ibi accipiant finitiuam senten- Aur aliquid si- mile.
 tiam, & in antea nullus præsumat alterius rebus pro-
 prendere, nisi magis suam causam quærat ante Iudi-
 ces nostros, ut diximus, & ibi recipiant quod iustum
 est. Et si aliquis voluerit dicere, quod iustè ei non
 iudicetur, tunc in præsentiam nostram veniant. A- veniat.
 liter verò non præsumat in præsentiam nostram ve-
 nire, pro alterius iustitia dilatandum. Quod non
 amplius de illis iustitijs Missi nostri ad præsens modo
 faciant, nisi de temporibus Thassilonis seu Luitpir-
 gæ: exceptis illis qui aui & genitoris nostri * vel ad hius videtur.

V u nos

marcam. Huc
Reginonis verba
pertinent, *Ge-
rolm Ratibonā
Venit, ibiq; mar-
cas & fines Ba-
icariarum dispa-
suit.*

nos venerint. Et marca nostra secundum quod or-
dinatum vel scriptum habemus, custodiant, una cū
Missis nostris.

Arno Notitiam siue descriptionem prædiorum
Salisburgensium, cuius auctoritate non semel usi su-
mus, isto etiam anno, volente, ut ait, Carolo, colle-
git.

Atque hæc nos nunc quidem habuimus, quæ præ-
cis monumentis eruta, & in certos annos tributa
descripta; de rebus Boicis, à prima gentis origine
ad Agilolfingos pulsos, memoriæ mandaremus.
Quibus sicubi leuior & incertior aliqua alicui cōie-
ctura intermixta videbitur, nam coniecturis inter-
dum, tanta rerum temporumq; caligine, sanè niten-
dum fuit, is meminerit, nos neque eas præstare un-
quam induxisse animum, & æquos tamen iudices
de illis ipsis ferre posse. Hac interim fidei conscien-
tia conuiuiscere, quod nihil toto opere, pro certo
non arbitrario à nobis pronuntiatum confirmatūq;
usquam est, cuius grauis & locuples ex antiquitate
auctor non queat excitari. Id enim consilium, ma-
gno popularis auræ detrimento, redimere tam non
pignit, ut etiam fuerit studium. Te nimirum MA-
XIMILIANE Princeps, & secundum te cordatos le-
ctores alios, quibus nihil ex vano haustum placere
possit, non turbam spectauimus.

Hæc



*Hæc propriorum nominum errata, lector monitus corriget.
Cetera, facile sua sponte.*

Pag. 73. Tollisto-Boij. l. Tolliste-Boij. p. 122. Boionium gentilem. l. Gentilem.
p. 179. Constantinus. l. Constantius. p. 233. Gundibaldus, l. Gundoaldus. p.
eâdem in orâ Godebertus, Bertarius. l. Partharitus, Gundebertus. p. 296. Ni-
uermenſi. l. Niuernenſi. p. 308. in orâ Constantius, Vrfus. l. Constantius,
Præconius ſiue Procopius, Constantius, Vrfus. p. 310. in orâ THEODO QVIN-
TVS, L. SIXTVS. Aimoinus & Aimoinius, ſcriptum promiſcuè.

Verum hoc quoque indicandum. Extare locum l. 2. Rhetoricor. ad C. Herennium,
quem Turnebus cladem vetuſtatis perſenſiſſe merito ait, *Quaſi ſi quis ad O-* Turneb. *Aduer*
lympiacum venerit curſum, & ſteterit ut mittatur, impudenteſq; illos dicat eſſe, L. 20. c. 25.
qui curſere ceperint, ipſe intra carcerem ſtet, & narret alijs, quomodo Ladas
Boius cum Sicyonii curſaturus. Hunc nos, omnibus interpretibus depoſitam
conclamarumque, eſſe Boius, aut Boiſcus, uti quidam legere maluerunt, Boi-
ca reſpicere videbatur, quod nihil ſanierui poſſe conſideremus, ſcientes præ-
teriiſſe.



AVGVSTAE VIND.

ANNO MDCIL.

